




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.2.9





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.2.9



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.2.9



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.2.9

Alto. 3/2



Ex Libris Joannis Nenoini

1874

Gi. Vercini

1859

Brunet =

Édition rare et regardée comme
la plus correcte &

p. 12. Carroussel & autres faits plus

CI 3VNA3V3A IVORT 161
7030 0113 000 1000
TROGI POMPEI EXTERNAE
HISTORIAE IN COM-
PENDIVM AB IV.
STINO RE-
DACTAE.

Externorum imperatorum vite auctore
Aemyllo Probo.



FRANCISCVS ASVLANVS IO
ANNI CORNELIO, GEOR
GII FILIO, S. D.

Vdm grata, iucunda, utilis sit, & necessaria
q generi hominū uniuerso rerū præteritarū co
gnitio, ex eo facile colligi pōt: qđ nullus est
ita durior ad humanitatem: q non eā amet, expetat:
& ueneratione quadā prosequatur. Itaq; præstanti illi
mibi sensu fuisse uideri solent, atq; omni laude profe=
quēdi: q primū genus hoc scriptoris posteris tradidisse
feruntur. etenim ut ne hinc dicamus opes primum tanq;
præclarū qđ, cognitum fuisse, uitam ex cultam, leges, re=
ligiones, iura publica, atq; instituta, qbus humana uita
cōtinetur: emanasse: illud certe sine ulla dubitatioe affir
mare possumus, immortalitatem gloriæ cognitā, atq; ada
mari cœptam. Nā postea q primus illis rudi ingenio ho=
minibus inculcatum tandē, atq; exploratum fuit, non
secum sua oīa moriturus: sed ut se qsq; recte, turpeq; ges
sisset: ita scriptorū monumentis cōmendatū iri: statim sa
piētissimus qsq; posteritatis spe, fructuq; ductus ē: atq;
aliud nihil magnopere, nisi sempiternū spectare cœpit.
hinc illa in manifesto discrimine mors sæpissime susce=
pta: salus pro patria libentissime oblata: sui q; deuotio
nō pro aris, fōasq; solū, sed etiā ad paternam æmula
tionem facta. Sed ut hæc omittamus: qđ ciuitatibus re=
gendis, ac gubernandis utilius historia excogitari pōt.
nulla. n. alia re languētis populi mentes magis inatan
tur: & effrenati moderantur: q cum aut ad alicuius
præclari facti æmulationē adhortantur: aut a re mi
nus honesta, turpi aliquo sciōre ostenso deterrentur;

Age

Age uero in otio qd esse pōt aut iucundius, aut magis propriū hoīs, q̄ scripto aliquo puro, ac leni detineri? ubi cum summa animi oblectatione p̄noscat maiorum mores, exēpla, pr̄stantissimi cuiusq; naturam, uarietas temporū, regionum descriptionem, & deniq; antiquitatem oēm? Egdem, ut uere qd sentio loquar: si quē forte inuenias: q̄ nō elegantiae doctrina, uel ob hāc unam cām, ne in maiorū gestis hospes planē, et rudis appareat: magnopere ducatur: huic nō homines solū, deosq; iratos esse, sed eum etiā ex omni humanitate exterminandū arbitror. Nā nescire qd ante te actū sit: qd aliud p̄ immortalē deū interpretari pōt, q̄ ut ait Cic. puerum esse? Quā ob rem ut semper optimo qsq; ingenio fuit, et prudētia singulari: ita maxime in historiārū lectiōe uersatus ē. Et in primis nostra memoria Ioānes, uir omni laude cumulatus pater tuus Georgius. Qui cum ante ad agendum accessisset: quā de literis posset aliquid suspicari: tamen & eas semper amauit: & historiae tractatione potissimum oblectatus est: & hoc tempore, id quod qbusdā fortasse incredibile, aut admirabile qddam uidebitur: id aetatis homo, & in ea opum, honorū, liberorū, atq; amicorū cura, qua nemo in tota Italia: dies pr̄terijt nullus: qn̄ aliquantulū in legendo ponat & studiū, et temporis. eāq; p̄sepe uocem emittere solet, se itaq; si ullo pacto fieri possit: iuueniles ānos optare: ut optimis in artibus diutius esse posset. scit. n. uir ille domū, forisq; clarus q̄to emolumento sit cū oīs disciplina, tū rerū ante actarū scia homini in publicis muneribus uersanti. Quae cum ita sint: conueniēs institutis nostris uisum est, si hoc t̄pe Iustinū, atq; Aemiliū Probū diligentissime castigatos emitteremus. etenim

scriptor est uterq; & sapiens, et bonus. illustrat Probus
externos impatores eorū uita, natura, gestis diligentissi-
me, & pitissime descriptis. complectitur Iustinus histo-
rie illius summa: qua Trogius Pompeius res omnium sæcu-
lorū, regum, nationum, et populorū. II. XL. uolu-
minibus descripserat. & qdem feliciter. sed tamen uellē
aliō eū potius scribendi cupiditas rapuisset. non. n. in
mediocri est apud quosdā obrectationis, et inuidiæ su-
spicione, iacit ex Pompeio cognitione quæq; digna, &
quæ tantum ad rem intelligendā uiderentur pertinere,
collegisse: ut dignitatis illius amplitudinem, & authori-
tatis præoccuparet. quasi diuinasset, si id fecisset: ut sua
omnibus propter breuitatem placerent: Pompeius ob
operis magnitudinem à paucis primo, post à nullis le-
geretur: atq; ita nō multo post obliuione obrueretur. ego
tamen arbitror illum potius Trogi suauitate, & digni-
tate delectatum, in æmulatione uoluisse, & contentione
otium suum consumere: ut quæ ille grande, magnificæ,
diffuseq; dixisset: ipse subtiliter, presse, strictimq; per-
reret. id quod omnino mihi uidetur cōsecutus. est enim,
quod in oratiōe p̄difficile habetur: & ornatus, & bre-
uis. quod tu facillime Ioannes, quæ tua est prudētia: in-
dicabis. & ego hac de causa primum mea sponte, post
illius rogatu, quem iam pridem ob egregiam animi tui
uirtutem in tuo se ære & posuit, & locauit: duos ho-
scæ scriptores sub tuo nomine exire uolui: ut quamplu-
rimū illis et gratiæ et authoritatis apud omnes homi-
nes conaliaret. Nā, ut omittam totius Corneliorū gentis
laudē, clarissimum, et sapientissimū parentem, fratres
uiros optimos, et præstantissimos cives: nullus ex omni
nobilitate est: quē tecum conferre uelim: aut quē plus

oēs facere debeant: aut iure possint. Qui tum naturali
quodā bono, tum uberrimis studiis ornatus in quācunq;
partem te tradis: summus, et facile princeps existis. Cū
enim te in multitudinem illā, et negotiorū magnitudinē
cōijas: quæ amplissima habet, et expeditissima domus
uestra: quo es consilio, assiduitate, prudentia effas: ut
summa oīa felicitate cadant. ex quo uero & reip. ho-
nores gerere, & senator esse coepisti: eā animi magnitu-
dinem, & uirtutem oībus in rebus præ te tulisti: ut nul-
lus sit, q non te amet, amplectatur, et oīa tibi summa
debere fateatur. Si uero aliquando ex maximis occupa-
tionibus otium respicis: ita proprie & scienter literas
tractas: ut omne in his ætatis tēpus cōsumpsisti uidea-
ris: cum eas tñ cursim soleas, & succisuis temporibus
arripere. Itaq; nō mediocrē nobis dubitationem attuli-
sti: utrū prudētior, et attentior paterfamilias, an præ-
stantior senator sis. Nā illud certe nobis iā pridem pla-
num feasti: qd si te forte ad etiū arripueris: nō eiusdē
ætatis modo hoīes, sed eos etiam qui suerim, studio sis,
& celebritate superaturus. Vera Corneliorum proge-
nies, & cui tanta nominis amplitudo merito relicta sit.
Nam qd ego de reliquis uirtutibus dicam tuis? inno-
centia, comitate, benignitate? Quid de singulari in pa-
trem obseruantia? de pietate incredibili in fratres?
quibus oībus natu maioribus ea facilitate cum eo amo-
re coniūcta cedis: ut nō tam tu eos obseruare, q ab eis
coli, & honorari uidearis. Itaq; hac tot, tantarūq; uir-
tutum tuarū admirabilium fama oēs te summus laudi-
bus ferunt: tua te uirtute frui exoptant: atq; eū tibi reip.
locum præcuntur: i quo Corneliorū memoriā et cōserua-
re, & amplificare possis. Vale, et me ama.

IVSTINĪ, IN TROGI POMPEII
HISTORIARVM EPITO-
MEN, EXORDIVM.

Vm multi ex Romanis, etiā cōsularis dignita-
e tis, uiri, res Romanas, græco, pegrinoq; sermo-
ne, i historiā cōtulissent. seu æmulatione gloriæ,
seu uarietate, et nouitate opis delectatus, uir priscae elo-
quētiæ Trogius Pōpeius, græcis, et totius historias, lati-
no sermōe, cōposuit. ut cū nostra græce, græca quoq; no-
stra lingua legi possent, prorsus rē magnā et animi et
opis aggressus. Nā cū plerisq; authoribus singulorū re-
rum, uel populorū res gestas scribētibus opus suū arduū
laboris uideatur, nōne Pōpeius nobis herculeā audacia
orbē terrarū aggressus uideri debet, cuius libris oīum
seculorū, regū, nationū, populorūq; res gestæ cōtinētur?
et q̄ historia græcorū (prout cōmodū cuiq; fuit) inter se
gregatim occupauerāt, ommissis, quæ sine fructu erāt, ea
oīa Pōpeius diuisat pibus, et serie rerū cōgesta cōposuit.
Horū igitur. II. et XL. uoluminū (nā totidē edidit) p-
otū, quo i urbe uersabamur, cognitiōe quæq; digna ex-
cerpsi. et ommissis his, quæ nec cognoscēdi uoluptate incū-
da, nec exēplo erāt necessaria, breue uelut corpusculū
storū feci, ut hērent et q̄ græce didicissent, quo admone-
rentur, et q̄ nō didicissent, quo instruerentur. Quod ad
te impator Antonine nō tam cognoscēdi, q̄ emēdandi,
causa trāsmissi, simul ut otij mei, cuius Cato reddēdam
operā putat, apud te ratio constaret. Sufficit. n. mihi in
hoc tempore iudiciū tuū, apud posteros, cum obtrecta-
tionis inuidia decesserit, industriæ testimoniū habituro.

IUSTINI HISTORICI IN POM
PEI TROGI HISTORIAS
LIBER PRIMVS.

P Rincipio rerum, gentium, nationumq;
imperium penes reges erat, quos ad fa-
stigiū huius maiestatis non ambitio po-
pularis, sed spectata inter bonos mode-
ratio, prouehabat. Populus nullis legi-
bus tenebatur, arbitria principum pro
legibus erant. Fines imperij tueri ma-
gis, q̄ proferre, mos erat. Intra suā cuiq; patriā regna
finiebantur. Primus omnium Ninus rex Assyriorum uete-
rem, & quasi autum gentium morē, noua imperij cupi-
ditate, mutauit. Hic primus intulit bella finitimos, & ru-
des adhuc ad resistendum populos, ad Libyæ terminos
usq; p̄domuit. Fuere q̄dem temporibus antiquiores, Seso-
stres rex Aegypti, et Scythiæ rex Tanais. Quorum al-
ter in Pōtum, alter usq; Aegyptum exāssit. Sed longin-
qua, nō finitima, bella gerebāt, nec imperiū sibi, sed po-
pulis suis gloriā, quærebant, contentiq; uictoria impe-
rio abstinebant. Ninus magnitudinē quæsitæ dominatio-
nis, cōtinua possessione, firmavit. Domitis igitur proxi-
mis, cū accessione uirium fortior ad alios transiret, &
proxima quæq; uictoria instrumentū sequētis esset, toti-
us orientis populos subegit. Postremū illi bellū cū Zoroa-
stre rege Bactrianorū fuit, q̄ primus dicitur artes ma-
gicas inuenisse, & mundi principia, syderumq; motus
diligentissime spectasse. Hoc occaso & ipse decessit, reli-

I V S T I.

Et impubere adhuc filio Nino, et uxore Semiramide.
 Hæc nec immaturo puero ausa tradere imperiū, nec
 ipsa imperium palam tractare, tot ac tantis gentibus
 uix patiebat uni uiro nedū fœminæ parituris, simulat
 se pro uxore Nini filiū, pro fœmina puerū. Nā et sta-
 tura utriq; mediocris, et uox pariter gracilis, et linea-
 mentorū qualitas matri ac filio similis. Igitur brachia
 ac crura uelamentis, tiara caput tegit, et ne nouo habi-
 tu aliqd occultare uideretur, eodē ornatu et populum
 uestiri iubet. quē morem uestis exinde gens uniuersa te-
 net. Sic primis initijs sexum mentita puer credita est.
 Magnas deinde res gessit, quarū amplitudine ubi inui-
 diā superatam putat, quæ sit fatetur, quæue causa si-
 mulasset. Nec hoc illi dignitatē regni ademit, sed admi-
 rationem auxit, qđ mulier nō fœminas modo uirtute,
 sed etiā uiros antiret. Hæc Babylonē condidit, murūq;
 urbis cocto latere circūdedit, arenæ et calas uice, bitu-
 mine interstrato, quæ materia in illis locis passim è ter-
 ra exæstuat. Multa alia præclara huius reginæ fue-
 re. siquē non contenta acq̃sitos à uiro regni terminos
 tueri, Aethiopiā quoq; regno suo adiecit. et Indis bellū
 intulit, quo præter illā, et Alexandrum magnū, nemo
 intrauit. Ad postremum cum concubitus filij petisset,
 ab eodē interfecta est. II. et XL. annos post Ninum, q
 regnauit annis LIIII. regno potita. Filius eius Ninus
 contentus elaborato à parētibus imperio belli studia
 deposuit, et ueluti sexum cum matre mutasset, raro à
 uiris uisus, in fœminarū turba consenuit. Posterī quoq;
 eius exempla secuti responsa gentibus per internuncios
 dabant. Imperium Assyriū, q postea Syriū dictū sunt,
 annos

annos. M. CCC. tenuere. postremus apud eos regnavit
 Sardanapalus, anno ante urbem conditam LXIII.
 uir muliere corruptior. Ad hunc uidendum, quod ne-
 mini ante eum pmissum fuerat, praefectus ipsius, Me-
 dis praepositus, nomine Arbacus, cum admitti magna
 ambitione egre obtinuisset, inuenit eum inter scortorum
 greges purpuram colorentem, et muliebri habitu, cum
 mollitia corporis, et oculorum lasciuia omnes foeminas
 anteiret. pensa inter uirgines partiētem. Quibus uisis
 indignatus tali foeminae tantum uirorum subiectum, tra-
 ctantique lanā ferrū et arma portantes parere, progres-
 sus ad socios suos, quod uiderit, refert. Negat se ei parere
 posse, quod se foeminā malit esse, quam uirū. Fit igitur coniura-
 tio. bellū Sardanapalo inferitur, quo ille audito, non ut
 uir regnum defensor, sed (ut metu mortis mulieres so-
 lent) primo latebras circūspiciat. mox deinde, cum paucis
 et incompisitis in bellū progreditur. victus in regiam
 se recipit, et extructa ingenti pyra se et diuitias, et co-
 cubinas in incendium mittit, hoc solo imitatus uirum.
 Post haec statuitur rex interfecto eius Arbacus, qui prae-
 fectus Medorum fuerat. Is imperiū ab Assyrijs ad Me-
 dos transfert. Post multos deinde reges, per ordinem suc-
 cessionis, regnum ad Asiyagem descendit. Hic per somni-
 um uidit ex naturalibus filiae, quam unicā habebat,
 uitem enatam, cuius palmitē omnis Asia obumbrare-
 tur. Consulti arioli ex eadem filia nepotem ei futurū,
 cuius magnitudo praenunciatur, regniq; ei amissione,
 portendi, responderunt. Hoc responso perterritus neque
 claro uiro, neque cui nuptum dedit filiā, ne paterna ma-
 ternaq; nobilitas nepotis animum extolleret, sed de gen-

te obscura tunc temporis Persarum Cambysi mediocrē
 uiro in matrimonium tradidit. At ne sic qdem somniū
 metū deposito grauidam ad se filiam accersit, ut sub
 aui potissimum oculis foetus necaretur. Natus infans
 datur occidendus Harpago regis amicus, & arcanorū
 participi. Is ueritus, si ad filiā mortuo rege uenisset im-
 perium, eo quod nullum Astyages uirilis sexus genu-
 rat, ne illa necati infantis ultionem, quam à patre non
 potuisset, à ministro exigeret, pastori regij pecoris pue-
 rum exponendū tradidit. forte eodē tempore & ipsi
 pastori filius natus erat. eius igitur uxor, audita regij
 infantis expositione, summis precibus rogat sibi pferri
 ostendiq; puerū. cuius precibus fatigatus pastor reuer-
 sus in syluam inuenit iuxta infantem canem foemina
 paruulo ubera praebeant, et à feris alitibusq; defendē-
 tem. motus etiam ipse misericordia, qua motam ipsam
 canē uiderat, puerū defert ad stabulū, eadē canē anxie
 prosequēte. quem ut in manū mulier accepit, ueluti ad
 notam puer allusit, tantusq; in illo uigor, et dulcis qdā
 blandiētis risus apparuit, ut pastore uxor ultro roga-
 ret, quo suū partum pro illo exponeret, pmitteretq; si-
 bi, siue fortunae ipsius, siue spei suae, puerū nutrire. Atq;
 ita pmutata sorte paruulorū, hic pro filio pastoris edu-
 catur, ille pro nepote regis exponitur. Nutrici spacio po-
 stea nomē fuit, qā canem Persae sic uocāt. Puer deīde,
 cum inter pastores imperiosus esset, Cyri nomen acce-
 pit. Mox rex inter ludentes sorte delectus cum p lasci-
 uiam contumaces flagellis ceidisset à parētibus puero-
 rum querela est regi delata, indignantibus à seruo re-
 gio ingenuos homines seruilibus uerberibus affectos.

Ille accersito puero & interrogato, cū nihil mutato uultu, fecisse se ut regem, respondisset, admiratus constantiā in memoriā somnii, responsūq; reuocatur. Atq; ita cum & uultus similitudo, & expositionis tempus, & pastoris confessio conuenirent, nepotem agnouit. & quoniā defunctus sibi somnio uideretur, agitato inter pastores regno, animū minatione duntaxat in illo fregit. Ceterum Harpago amico suo infestus, in ultionem seruati nepotis, filium eius interfecit, epulandūq; patri tradidit. Sed Harpagus, ad præsens tempus dissimulato dolore, odiū regis in uindictæ occasione distulit. Interiecto demum tempore, cū adoleuisset Cyrus, dolore orbitatis admonitus scribit ei, ut ablegatus in Persas ab auo fuerit, ut occidi eum paruulum auus iusserit, ut beneficio suo seruatus sit, ut regem offenderit, ut filiū amiserit. hortatur exercitum paret, & pronā ad regnum uiam ingrediatur, Medorū transitionem pollicitus. epistola, q̃a palām ferri neq̃bat regis custodibus oēm aditum obsidentibus, exenterato lepori inseritur, lepusq; in Persas Cyro ferendus fido seruo traditur. addita sūt retia, ut sub specie uenationis dolus lateret. Lectis ille literis, eadem somnio aggredi iussus est. Sed præmonitus, ut quē primum postera die obuium haberet, socium cœptis assumeret. Igitur antelucano tempore ruri iter ingressus obuium habuit seruū de ergastulo cuiusdā Medi nomine Sybarem. huius requisita origine, ut in Persis genitum audiuit, demptis compedibus, assumptōq; comite, Persepolim urbem ingreditur. Ibi conuocato populo, iubet omnes præsto cum securibus esse, et syluam uicē circumdatam excidere. quod cum strenue effecis-

sent, eosdem postera die apparatus epulis inuitat, dein
 de cum alacriores ipso conuiuiio factos uideret, rogat,
 ut si conditio proponatur, utrius uitæ sortem legant he
 sterni'ne laboris, an præsentium epularū? præsentū,
 ut acclamauere omnes, ait hesternio similem laborio
 mnam uitam acturos, quoad Medis pareant, se secu
 tos, hodiernis epulis. Lætis omnibus, Medis bellū infert.
 Asiyages meriti in Harpagum oblitus summā belli ci
 dem committit, q̄ exercitum acceptum statim Cyro per
 prodicionem tradit, regisq; crudelitatem perfidia de
 fectionis ulciscitur. Quod ubi Asiyages audiuit, con
 tractis undiq; auxilijs, ipse in Persas proficiscitur, &
 repetito alacrius certamine, pugnantibus suis partem
 exercitus à tergo ponit, & in terguersantes ferro agi,
 ut in hostes iubet, ac nunciat suis, ni uicerint non mi
 nus fortes etiam post terga inuenturos, quàm à fronti
 bus uiros. proinde uideant fugientibus hæc, an illa pu
 gnantibus acies rumpenda sit. Ingens, post necessitatem
 pugnandi, animus exercitui eius accessit. Pulsa itaq; cū
 Persarum acies paulatim cederet, matres, & uxores
 eorum obuiam occurrunt. orant in prælium reuertan
 tur. cunctantibus sublata ueste obscæna corporis osten
 dunt, rogantes num in uteros matrum, uel uxorū ue
 line refugere. Hac repressi castigatione in prælium re
 deunt, & facta impressione, quos fugiebant, fugere
 compellunt. In eo prælio Asiyages capitur, cui Cyrus
 nihil aliud, nisi regnum abstulit, nepotemq; in illo ma
 gis, quàm uictorem se gessit. eumq; maxime genti Hyr
 canorum præposuit. nam reuerti in Medos noluit. Hic
 finis Medorū imperij fuit. Regnauerunt annis CCCL.

In initio regni Cyrus Sybarem captorum socium, quem iuxta nocturnum usum ergastulo liberauerat, commitemq; in omnibus rebus habuerat, Persis praeposuit, sororemq; suam ei in matrimonium dedit. Sed ciuitates, quae Medorum tributariae fuerant, mutato imperio etiam conditionem suam mutatam arbitrantur a Cyro defecerunt. quae res multorum bellorum Cyro causa et origo fuit. Domitis demum plerisque, cum aduersus Babylonios bellum gereret, Babylonius rex Lydorum Croesus, cuius opes et diuitiae insignes ea tempestate erant, in auxilium uenit, uictusq; iam de se sollicitus in regnum refugit. Cyrus quoque post uictoriam compositis in Babylonia rebus, bellum transfert in Lydiam. Ibi fortuna prioris praelii percussam iam Croesi exercitum nullo negotio fundit. Croesus ipse capitur. sed quanto bellum minoris periculi, tanto et mutior uictoria fuit, Croeso et uita, et patrimonij partes, et urbs Beroea concessa sunt, in qua et si non regiam uitam, tamen proximam maiestati regiae degeret. Haec clementia non minus uictori, quam uicto utilis fuit. quippe ex uniuersa Graecia, cognito quod illatum Croeso bellum esset, auxilia, uelut ad commune extinguendum incendium, confluxerant. tantus Croesi amor apud omnes urbes erat. passurusq; Cyrus. graue bellum Graeciae fuit, siquid in Croesum crudelius consulisset. Interiecto deinde tempore, occupato in alijs bellis Cyro, rebellauere Lydij, quibus iterum uictis et arma, et equi adempti, iussiq; cauponias, et ludicras artes, et lenocinia exercere. Et sic gens industria quondam potens, et manus strenua, effoeminata mollietate, luxuriaq; uirtutem pri-

suam perdidit. & quos ante Cyrū inuictos bella præ-
 stiterant, in luxuriam lapsos otium, ac desidia supera-
 uit. Fuere Lydijs multi ante Cræsum reges uarijs cas-
 bus memorabiles, nullus tamen fortuna Candauli com-
 parandus. Hic uxorem suam, quam propter pulchri-
 tudinem nimiam deperibat, omnibus prædicare sole-
 bat. non contentus uoluptatum suarum tacita conscien-
 tia, nisi etiam matrimonij reticēda publicaret, prorsus
 quasi silētium damnum pulchritudinis esset, ad postre-
 mum ut affirmationi suæ fidem faceret, eam Gygz, so-
 dali suo nudam demonstrauit. Quo facto & amicum
 in adulterium uxoris illectum hostem sibi fecit, et uxo-
 rem, uelut tradito alij amore, à se alienauit. Nam bre-
 ui post tempore cædes Candaulis nuptiarū præmium
 fuit. Vxor mariti sanguine dotata regnum uiri, & se
 pariter adultero tradidit. Cyrus subacta Asia, & uni-
 uerso oriente in potestatem redacto, Scythijs bellū intia-
 lit. Erat autem eo tempore Scythiarū regina Tomyris,
 quæ non muliebriter aduētū hostium territa, cū pro-
 hibere eos posset, uadū Araxis fluminis transire pmi-
 sit, & sibi faciliore pugnam intra regni sui terminos
 rata, & hostibus obiectu fluminis fugam difficiliore.
 Itaq; Cyrus traiectis copijs, cum aliquantisper in scy-
 thia processisset, castrametatus est. Deinde postera die,
 cum simulato metu, quasi refugiens castra deseruisset, ui-
 ni affatim, & ea, quæ erant epulis necessaria, reliquit.
 Quod cum renunciatum reginæ esset, adolescentulum
 filium ad insequendum eum, cum tertia parte copia-
 rum, mittit. Cum uentum ad Cyri castra esset ignarus
 rei militaris adolescens, uelut ad epulas, non ad præ-

lium uenisset, ommissis hostibus insuetos barbaros uind
onerare se patitur. priusq; Scythæ ebrietate, quàm bel
lo uincuntur. Nam cognitis his Cyrus reuersus per na
ctem securos opprimit, omnesq; Scythas cum reginæ fi
lio interficiat. amisso tanto exercitu, & (quod grauius
dolendum) unico filio Tomyris orbitatis dolorem non
in lachrymas effundit, sed in ultionis solatia intendita
hostesq; recenti uictoria exultantes pari insidiarum
fraude circumuenit. quippe simulata diffidentia pro
pter uulnus exceptum refugiens Cyrum ad usque an
gustias produxit. Ibi compositis in montibus insidijs,
ducenta milia Persarum cum ipso rege trucidauit. In
qua uictoria etiam illud memorabile fuit, quod ne uin
cius quidem tantæ cladis supersuit. Caput Cyri am
putatum in utrem humano sanguine repletum coniici
regina iubet, cum hac exprobatone crudelitatis. Sa
tia te sanguine (inquit) quem sitiisti, cuiusq; insatia
bilis semper fuisti. Cyrus regnauit annis. XXX. non
initio tantum regni, sed continuo totius temporis suc
cessu admirabiliter insignis. Huic successit filius Cam
byses, qui imperio patris Aegyptum adiecit, sed offen
sus superstitionibus Aegyptiorum Apis, ceterorumq;
deorum ædes dirui iubet. Ad Ammonis quoque nobi
lissimum templum expugnandum exercitum mittit.
qui tempestatibus & arenarum molibus oppressus
interijt. Post hæc per quietem uidit fratrem suum
Smerdem regnaturum. quo somnio exterritus non du
bitauit post sacrilegia etiam parricidium facere. erat
enim difficile ut parceret suis, qui contemptu religio
nis crassatus etiam contra deos fuerat. Ad hoc tam

crudele ministerium, magum quendam ex amicis de-
 legit nomine Præxaspem. Interim ipse gladio sua
 sponte euaginato in femore grauius uulneratus occu-
 buit, pœnasque luit seu imperati parricidij, seu sa-
 crilegij perpetrati. Quo nuncio accepto, magus ante
 famam amissi regis, occupat facinus, prostratoque Smer-
 de, cui regnum debebatur, fratrem suum subiecit Ho-
 ropastem. erat enim oris, & corporis lineamentis per-
 similis, ac nemine subesse dolum arbitrans, pro Smer-
 de rex Horopastes constituitur. Quæ res eo occultior fu-
 it, quod apud Persas persona regis sub specie maiesta-
 tis occultatur. igitur magi, ad fauorem populi concilian-
 dum, tributa, & militiæ uacationem in triennium re-
 mittunt. ut regnum, quod fraude quæsierant, indulgen-
 tia, & largitionibus confirmarent. quæ res suspecta
 primo Otani uiro nobili, & in coniectura sagacissi-
 mo fuit. Itaque per internuncios quærit a filia, quæ
 inter regias pellices erat, an Cyri filius rex esset. illa,
 nec se scire ipsam ait, nec ex alia posse cognoscere,
 quia singulæ separatim recludantur. Tum pertra-
 ctare dormienti caput iubet. nam mago Cambyfes
 aures utrasque præciderat. Factus deinde per filiã
 certior sine auribus esse regem, optimatibus Persa-
 rum rem indicat, & in cædem falsi regis impulsos sa-
 cramenti religione obstringit. Septem tantum conscij
 fuere huius coniurationis, qui ex continenti, ne dato in-
 pœnitentiam spatio res per quenquam narraretur, oc-
 cultato sub ueste ferro, ad regiam pergunt. Ibi obuijs
 interfectis ad magos perueniunt. quibus ne ipsis quidem
 animus in auxilium sui defuit. siquidem stricto ferro
 duos

duos de coniuratis interficiunt. Ipsi tamen corripuntur a pluribus, quorum alterum Gobryas medium amplexus cunctantibus socijs, ne ipsum pro mago transfoderent, quia res obscuro loco gerebatur, uel pro suum corpus adigi mago ferrum iussit. fortuna tamen ita regente, illo incolumi magus interficitur. Occisus magis magna quidem gloria recuperati regni principum fuit, sed multo maior in eo, quod, cum de regno ambigerent, concordare potuerunt. erant enim et uirtute, et nobilitate ita pares, ut difficilem ex his populo electionem equalitas faceret. Ipsi igitur uiam inuenerunt, qua de se iudicium religioni et fortunae committerent. Pacti inter se sunt, ut die statuta omnes equos ante regiam primo mane producerent, et cuius equus ante solis ortum hinnitum primus edidisset, is rex esset. Nam et solem unum deum Persae esse credunt, et equos eidem deo sacros ferunt. Erat inter coniuratos Darius Hystaspis filius, cui de regno sollicito equus custos ait, si ea res uictoriam moraretur, nil negotij superesse. pro noctem inde equum pridie ante constitutam diem ad eundem locum ducit, ibique equae admittit, ratus ex uoluptate ueneris futurum, quod euenit. Postera die cum ad statutam horam omnes uenissent, Darij equus cognito loco ex desiderio faeminae hinnitum statim edidit. Et segnis alijs felix auspiciu domino primus emisit. Tanta moderatio caeteris fuit, ut audito auspicio confestim equis desilierint, et Darium regem salutarint. Populus quoque uniuersus secutus iudicium principum eundem constituit regem. sic regnum Persarum septem nobilissimorum uirtute quassitum tam leui memento in unum collatum est. Incredible prorsus tanta patientia

I V S T I.

cessisse eos, quod ut eriperent a' magis, mori non recte
 sarint, q̄q̄ præter formam, uirtutemq̄; hoc imperio di-
 gnam, & cognatio Dario iuncta cum pristinis regibus
 fuit. principio igitur regni Cyri regis filiam regalibus
 nuptiis regnum firmaturus in matrimonium recepit,
 ut non tam in extraneum translatus, q̄ in familiam
 Cyri reuersum uideretur. Interiecto deinde tempore
 cum Assyrii descuissent, et Babylonē occupassent, diffici-
 lisq̄; urbis expugnatio esset, æstuante regi, unus de in-
 tersectoribus magorū Zopyrus noīe, domi se uerberi-
 bus lacerari toto corpore iubet, nasumq̄; et labia, &
 aures sibi præcidi, atq̄; ita regi inopinātū se offert. Atto-
 nitum, et quærentem Dariū causas, authoremq̄; tam fœ-
 de lacerationis, tacitus, quo proposito fecerit, edocet. for-
 matoq̄; in futurū consilio transfugæ titulo Babylonem
 proficiscitur. Ibi ostendit populo laniatū corpus. quæri-
 tur crudelitatem regis, a' quo in regni petitione nō uir-
 tute, sed auspicio, non iudicio hominum, sed hincitu eq̄
 superatus sit. Iubet illos ex amicis exemplum capere,
 qd ab hostibus cauendum sit. hortatur ne mœnibus ma-
 gis, quàm armis confidant, patianturq̄; se cōmune bel-
 lum recentiore ira gerere. Nota nobilitas uiri pariter
 & uirtus omnibus erat, nec de fide timebant, cuius ue-
 luti pignora, uulnera corporis, et iniuriæ notas habe-
 bant. Constituitur ergo dux omniū suffragio, et accepta
 parua manu semel atq̄; iterum, cædētib; ex consulto
 Persis, secunda prælia fecit. Ad postremum uniuersum
 sibi creditum exercitum regi prodidit, urbemq̄; ipsam
 in potestatem eius redegit. Post hæc Darius rex bellū
 Scythis infert, quod sequenti uolumine referetur.

LIBER SECVNDVS.

i N relatione rerum a' scythis gestarum,
 quæ satis amplæ magnificæq; fuerunt,
 principium ab origine repetendū est. non
 enim minus illustria initia, q̄ imperium
 habuere, nec uirorum imperio magis, q̄
 foeminarum uirtutibus claruere. quippe cum ipsi Par
 thos Bactrianosq; foeminae autem eorum Amazonum
 regna condiderint, prorsus res gestas uirorum mulie
 rumq; considerantibus incertum sit, uter apud eos se
 xus illustrior fuerit. Scytharum gens antiquissima sem
 per habita, quāq̄ inter Scythas & Aegyptios diu con
 tentio de generis uetustate fuerit. Aegyptijs prædicanti
 bus initio rerū, cum aliæ terræ nimio feruore solis ar
 derent, aliæ rigerent frigoris immanitate, ita ut non
 modo generare homines, sed ne aduenas quidem re
 cipere ac tueri possent, prius quā aduersus calorem,
 uel frigus uelamenta corporis inuenirentur, uel loca
 rum uitia quæsitis arte remedijs mollirentur. Aegy
 ptum ita temperatam semper fuisse, ut neq; hyberna
 frigora, nec æstui solis ardores icolas eius premerent,
 solum ita fecundum, ut alimentorum nulla terra fe
 rrior sit in usus hominum. Iure igitur ibi primum
 homines natos uideri debere, ubi educari facillime
 possent. Contra Scythæ celi temperanuntum nul
 lum esse uetustatis argumentum putabant. quippe na
 turam, cum primum incrementa caloris & frigo
 ris regionibus distinxerit, statim ad locorum pa
 cientiam animalia quæque generasse, sed & arbo
 b ii

rum atq; frugum pro regionum conditione apte genera-
 ra uariata. Et quanto Scythia sit cælū asperius, quā
 Aegyptiis, tanto et corpora, et ingenia esse duriora.
 Cæterum si quæ mundi nunc partes sunt, aliquando
 unitas fuit, siue illuvies aquarum, principio rerum,
 terras obrutas tenuit, siue ignis, qui et mundum genu-
 it, cuncta possedit, utriusq; primordij Scythas origine
 præstare. Nam si ignis prima possessio rerum fuit, qui
 paulatim extinctus sedem terris dedit, nullam prius,
 q̄ septentrionalē partem hyemis rigore ab igne secre-
 tam, adeo ut nunc quoq; nulla magis rigeat frigoribus.
 Aegyptum uero et totum orientem tardissime tempe-
 ratum, quippe qui etiam nunc torrenti calore solis exæs-
 tuent. Quod si omnes quondā terræ summersæ pro-
 fundo fuerunt, profecto editissimam quāq; partem de-
 currentibus aquis prius detectam, humillimo autem so-
 lo eandem aquam diutissime immorata. Et quanto
 prior quæq; pars terrarum siccata sit, tanto prius ani-
 malia generare cœpisse. Porro Scythiam adeo editiorē
 omnibus terris esse, ut cuncta flumina ibi nata in Maeo-
 tida, deinde in ponticum, et in aegyptum mare de-
 currant. Aegyptum autem, quæ tot regum, tot seculorū
 cura, impensaq; munita sit, et aduersus uim decur-
 rentium aquarum tantis instructa molibus, tot fossis
 confisa, ut cum his arceantur, illis recipiantur aquæ, ni-
 hilominus coli, nisi excluso nilo, non potuerit, non posse
 uideri hominum uetustate ultimam, quæ exaggeratio-
 nibus regum, siue nili trahentis limum terrarū recen-
 tissima uideatur. His igitur argumentis superatis Aegy-
 ptijs antiquiores semper Scythæ uisi. Scythia in orien-
 tem

tem porrecta includitur ab uno latere Ponto, ab altero montibus Rhiphaeis. A tergo Asia & Tanai flumine, multum in longitudinem & latitudinem patet. Hominibus inter se fines nulli, neque enim agrum exercent. nec domus illis ulla, aut tectum, aut sedes est, armenta & pecora semper pascentibus, & per incultas solitudines errare solitis. Vxoribus liberosque secum in plaustis uehunt. quibus corijs, imbrium hyemisque causa, tectis pro domibus utuntur. Iustitia gentis ingenijs culta, non legibus. Nullum scelus apud eos furto grauius, quod sine tecto munimentoque pecora & armenta inter sylvas habentibus quid saluum esset, si furari liceret? Aurum & argentum perinde aspernantur, ac reliqui mortales appetunt. Lacte & melle uescuntur. Lanæ usus, ac uestium ignotus, & quâquam continuus frigore urantur, pellibus tamen felinis, aut murinis uestiuntur. Hæc continentia illis morum quoque iustitiam dedit, nihil alienum concupiscentibus. Quippe diuitiarum cupido ibi est, ubi & usus. Atque utinam reliquis mortalibus similis moderatio et abstinentia alieni foret. profecto non bellorum tantum per omnia secula terris omnibus continuaretur, neque plus hominum ferrum et arma, quam naturalis factorum conditio raperet. Prorsus ut admirabile uideatur hoc illis naturam dare, quod Græci longa sapientium doctrina, præceptisque philosophorum consequi nequeunt, cultosque mores incultæ barbariæ collatione superari. Tanto plus in illis proficiat uirtutum ignoratio, quâ in his cognitio uirtutis. Imperium Asiæ ter quasiuere Scythæ, ipsi perpetuo ab alieno imperio aut intacti, aut inuicti mansere. Darium re-

IVSTI.

gem Persarum turpi à Scythia sum mouere fuga. Cy-
rum cum omni exeratu trucidarunt. Alexandri ma-
gni ducem Zopyrionem pari ratione cum copijs uniuersis deleuerunt. Romanorum audire, non sensere arma. mox Parthicum & Bactrianum imperium ipsi condiderunt, gens & laboribus & bellis aspera. Vi-
res corporum immensae, nihil parauere, quod amittere ti-
meant, nihil uictores praeter gloriam concupiscunt. Pri-
mus Scythias bellum idixit Sesostres rex aegyptius, mis-
sis prius legatis, qui hostibus parendi legem dicerent.
Sed Scythiae iam antea de aduentu regis à finitimis cer-
tiores facti, legatis respondent, tam opulenti populi du-
cem stolidè aduersus inopes occupasse bellum, quod ma-
gis domi fuerit illi timendum, quàm belli certamen anceps,
praemia uictoriae nulla, damna manifesta sint. Igitur
non expectaturos Scythas, ut ad se ueniatur, cum tan-
to sibi in hoste plura concupiscenda sint, ultroque praeda-
ituros obuiam. Nec dicta res moratur, quos cum tanta
celeritate uenire rex didicisset, in fugam uertitur, &
exercitu cum omni apparatu belli relicto, in regnum
trepidus se recepit. Scythas ab Aegypto paludes pro-
hibuere. Exinde reuersi Asiam perdomitam uestigalem
fecerunt, modico tributo magis in titulum imperij quàm in ui-
ctoriae praemium imposito. Quindecim annis pacandae
Asiae morati, uxorū flagitatione reuocantur, per legatos
denunciantium, ne redeant, sobolem se ex finitimis quaesita-
ras, nec passuras, ut in posteritatem Scytharum genus per
foeminas intercidat. His igitur Asia per nulle quingentos
annos uestigalis fuit. Pendendi tributum finem Ninus
rex Assyriorum imposuit. sed apud Scythas medio
tempore

tempore duo regij iuuenes Plinos & Scholopythus
 per factionem optimatum domo pulsati ingentem iuuen-
 tutem secum traxere, & in Cappadociae ora iuxta
 amnem Thermodoonta confedere, subiectosq; Them-
 scyrios campos occupauere. Ibi per multos annos spolia
 re finitimos consuevi, conspiratione populorum per insi-
 dias trucidantur. Horum uxores cum uiderent exilio
 suo additam orbitatem, arma sumpsere, finesque suos,
 summonentes primo, mox inferentes bella, defendunt.
 Nubendi quoque finitimus animum omisere, seruitutē,
 non matrimonium appellantes. singulare omnium se-
 culorum exemplū. auxere rempublicam sine uiris, eā
 etiam cum contemptu uirorum tuentur. & ne felicio-
 res aliæ alijs uiderentur, uiros, qui domi remanserant,
 interficiunt. Vltionem quoq; caesorum coniugum exci-
 dio finitimorum consequuntur. Tunc pace armis quæ
 sita, ne gens interiret, concubitus finitimorum ineunt.
 Si qui mares nascerentur, interficiebantur. Virgines in
 eundem ipsarum morem non ocio neq; lanificio, sed
 armis, equis, uenationibus exercebant, iniustus infantum
 dexterioribus mammas, ne sagittarum iactus impedi-
 retur, unde Amazones dictæ sunt. Duæ reginæ his fue-
 re Marthesia & Lampedo, quæ, in duas partes agmi-
 ne diuiso, inclytæ iā opibus uicibus gerebant bella, so-
 læ alternis terminos defendentes, & ne successibus
 deesset autoritas, generatas se Marte prædicabant.
 Itaque maiore parte Europæ subacta, Asiæ quo-
 que nonnullas ciuitates occupauere. Ibi Epheso mul-
 tisq; alijs urbibus conditis, partem exercitus cum inge-
 ni præda domum remittunt. Reliquæ, quæ ad tuendum

Asiæ imperium remanserant, concursu barbarorum
 cum Marthesia regina interficiuntur. in cuius locum
 filia eius Orithya regno succedit, cui præter singula-
 rem belli industriam eximia seruata in omne æuū
 uirginitatis admiratio fuit. Huius uirtute tantum ad-
 ditum gloriæ & famæ Amazonibus est, ut Herculi
 rex, cui. xij. stipendia debebat, quasi impossibile impe-
 rauerit, ut arma reginæ Amazonum sibi afferret. Igi-
 tur eo profectus longis nouē nauibus comitante prin-
 cipum Græciæ inuēture inopinantes aggreditur. Duæ
 ex quatuor tunc sorores Amazonum regna tracta-
 bant. Antiope & Orithya, quarum Orithya foris
 bellum gerebat. Igitur cum Hercules ad litus Amazo-
 num applicuisset, infrequens multitudo cum Antiope
 regina nihil hostile metuente erat. Quare effectum
 est, ut paucæ repentino tumultu excitatæ arma sume-
 rent, facilemque uictoriam hostibus darent. Multæ
 itaq; cæsæ captæque, in his duæ captæ sum Antiope
 sorores Melanippe ab Hercule, Hippolyte à Theseo.
 Sed Theseus obtenta in præmium captiua eandem in
 matrimonium assumit. ex ea genuit Hippolytum. Her-
 cules post uictoriam Melanippen captiuam sorori red-
 didit, & præcium arma reginæ accepit. Atque ita
 imperio functus, ad regem reuertitur. Sed Orithya
 ubi comperit bellum sororibus illatum, & raptorem
 esse Atheniensium principem, hortatur comites in ul-
 tionem, frustra q; Ponti sinum et Asiam domitam esse
 dicit, si Græcorum non tam bellis, q̄ rapinis pateant.
 Auxilium deinde à sagillo rege Scytharum petit.
 Genus se Scytharum esse, cladem uirorū, necessitatem
 armorum,

armorum, belli causas ostendit. affe cutasq; uirtute, ne se
segniores uiris foeminas habere Scythae uideantur. Mo-
tus ille domestica gloria mittit cum ingenti equitatu fi-
lium Penaxagora in auxilium. sed ante praelium dis-
fensione orta, ab auxilijs desertae bello ab Athenien-
sibus uincuntur. receptaculum tamen habuere castra
sociorum, quorum auxilijs intactae ab alijs gentibus in
regnu reuertuntur. Post Orithyia Penthesilea regno po-
tita est, cuius Troiano bello inter fortissimos uiros, cum
auxilium aduersus Graecos ferret, magnae uirtutis do-
cumenta extitere. Interfecta demum Penthesilea exer-
cituq; eius absumpto, paucae, quae in regno remanse-
rant, egre se aduersus finitimos defendetes, usq; ad te-
pora Alexandri magni durauerunt. Haru Thalesiris
regina concubitu Alexandri per dies. xij. ad sobolem
ex eo generanda obtento reuersa in regnu breui post
tempore cum omni Amazonum nomine intercidit. Scy-
thae autem tertia expeditione asiana cum annis. VII.
a coniugibus et liberis absuissent, serui bello domi
exapiuntur. Quippe coniuges eorum longa expecta-
tione uiro ru fessae, nec iam teneri bello, sed deletos ra-
tae, seruis ad custodiam pecoris relictis nubunt, qui re-
uersos cu uictoria dominos uelut aduenas armati fi-
nibus prohibent. Quibus cum uaria uictoria fuisset,
admonentur Scythae mutare genus pugnae memores
non cum hostibus, sed cu seruis praeliandum, nec ar-
moru sed dominoru iure uincendos, uerba in aciem
non tela ferenda, omissoq; ferro uirgis et flagella co-
teraq; seruilis metus parada instrumenta. Probato o-
mnes consilio instructi (sicut praeceptu erat) posteaq; ad

IVSTI.

hostes accedere inopinantibus uerba intentant, adeoque illos perculerunt, ut quos ferro non poterant, metu uerberum uincerent, fugamque non ut hostes uicti, sed ut fugitui serui capefferent. Quicunque capi potuerunt, supplicia crucibus luerunt. Mulieres quoque male sibi consciae, partim ferro, partim suspendio uitam finiunt. Post hoc apud Scythas pax fuit, usque tempora Lanthini regis. huic Darius rex Persarum (sicut dictum est) cum filiae eius nuptias non obtinisset, bellum intulit, et armatis septingentis milibus hominum Scythiam ingressus, non facientibus hostibus pugnae potestatem, metuens ne interrupto ponte Istri reditus sibi intercluderetur, amissis nonaginta milibus hominum trepide refugit. Quae iactura, abundante multitudine, inter damna numerata non est. Inde Asiam et Macedoniam domuit. Ionas quoque nauali praelio superat. Demum cognito, quod Athenienses Ionibus auxilium contra se tulissent, omnem impetum belli in eos conuertit. Nunc quoniam ad bella Atheniensium uentum est, quae non modo ultra spem gerendi, uerum etiam ultra gesti fidem peracta sunt, operaque Atheniensium effectu maiora quam uoto fuerunt, paucis uerbis origo repetenda est, quia non (ut caeterae gentes) a sordidis initijs ad summam creuere. Soli enim praeter quam incremento, etiam origine gloriantur. quippe non aduena, neque passim collecta populi colluuiem originem urbi dedit, sed in eodem nati solo, quod incolunt, et quae illis sedes, eadem origo est. Primi lanificij et olei et uini usum docuere. Arare quoque et serere frumenta glande uescentibus monstrauerunt. Li

teræ certe ac facundia et civilis ordo disciplinæ ueluti
templum Athenas habens, Ante Deucalionis tempora
regem habuere Cecropem, quem (ut omnis antiquitas
fabulata est) bisformem prodidit, quia primus marem
fœminæ matrimonio iunxit. Huic successit Cranaus,
cuius filia Atthis regioni nomen dedit. Post hunc Am
phictyon anno scilicet ante urbem conditam octingente
simo decimo regnavit, qui primus Minervæ urbem sa
cravit, & nomen civitati Athenas dedit. Huius tempo
ribus aquarum illuvies maiorem partem populorum
Græciæ absumpsit. Superfuere, quos refugia montium
receperunt, aut ad regē Thessaliæ Deucalionē ratibus
uecti sunt, à quo propterea genus hominum conditum
diatur. Per ordinem deinde successionis regnum ad E
rechtheum descendit, sub quo frumētī satio apud Eleu
sina à Triptolemo reperta est, in cuius muneris ho
norem noctes initiorum sacratæ. Tenuit & Aegæus
Thesei pater Athenis regnum. à quo per diuortium
decedens Medea, propter adultam priuigni ætatem,
Colchos cum Medo filio ex Aegeo suscepto concessit.
Post Aegæum Theseus, ac deinde Thesei filius Demo
phoon, qui auxilium Græcis aduersus Troianos tu
lit, regnum possedit. Erant inter Athenienses & Do
rienses simultatum ueteres offensæ, quas uindicaturi
bello Dorientes de euentu belli oracula consuluerunt.
Responsum superiores fore, ni regem Atheniensi
um occidissent. Cum uentum esset in bellum, militi
bus ante omnia custodia regis præcipitur. Atheniensi
bus eo tempore rex Codrus erat, qui et responso dei, et
præceptis hostium cognitis, permutato regis habitu,

I V S T I.

pannosus, sarmenta collo gerens, castra hostium ingredi-
tur. Ibi in turba obsistentium à milite, quem falce astu
vulnerauerat, interficitur. Cognito regis corpore, Do-
rienses sine praelio discedunt. Atque ita Athenienses uir-
tute ducti pro salute patriæ morti se offerentis, bello li-
berantur. Post Codrum nemo Athenis regnavit, quod
memoriæ nominis eius tributum est. administratio reipu-
blicæ annuis magistratibus permixta est, sed ciuitati
nullæ leges tunc erant, quia libido regum pro legibus ha-
beatur. eligitur itaque Solon uir iustitia insignis, qui, ue-
lut nouam ciuitatem legibus conderet, tanto temperamen-
to inter plebem senatumque egit, ut si quid pro altero or-
dine tulisset, et alteri displiceretur uideretur, tamen ab
utrisque parem gratiam traheret. Huius uiri inter mul-
ta egregia et istud memorabile fuit. Inter Athenien-
ses et Megarenses de proprietate Salamini insulæ
prope usque ad interitum ciuitatis armis dimicatum fue-
rat. Post clades multas capitale esse apud Athenienses
cepit, si quis legem de uindicta insulæ tulisset. Solici-
tus igitur Solon ne aut tacendo parum reipublicæ con-
suleret, aut censendo periculum sibi afferret, subitam
dementiam simulat, cuius uenia non dicturus modo pro-
hibita, sed facturus erat. deformis habitu more ue-
cordum in publicum euolat factoque concursu homi-
num, quo magis consilium dissimularet, insolitis sibi
uersibus suadere populo cepit, quod uetabatur. omni-
umque animos ita cepit, ut extemplo bellum aduersus
Megarenses decerneretur, insulæque deuictis hostibus
Atheniensium fieret. Interea Megarenses memores il-
lati ab Atheniensibus belli, et ueriti ne frustra arma

monisse uideretur, matronas Atheniensium in Eleu-
sinis sacris noctu oppressuri naues conscendunt. Qua
re cognita, dux Atheniensium Pisistratus inuentum in
insidijs collocat, iussis matronis solito clamore ac stre-
pitu et in accessu hostium, ne intellectos se sentiant,
sacra celebrare egressosq; nauibus Megarenses inopi-
nantes aggressus deleuit, ac protinus classe captiuas
intermixtis mulieribus, ut speciem captiuarum matro-
narum praeberent, Megara contendit. Illi cum nauium
formam et petitam praedam agnoscerent, obuij ad
portum procedunt. quibus caesis, Pisistratus paulum
a capienda urbe absuit. Ita Megarenses suis dolis hosti
uictoriam dedere. Sed Pisistratus, quasi sibi non patriae
uicisset, Tyrānidem per dolum occupat. Quippe uerbe-
ribus uoluntarijs domi affectus, laceratoq; corpore,
in publicum progreditur, et aduocata concione uulne-
ra populo ostendit de crudelitate principum, a qui-
bus hoc se passum simulabat, queritur. addunt uoca-
bus lachrymae, et inuidiosa oratione multitudo credu-
la incenditur. amore plebis inuisum se senatui affir-
mat. obtinet ad custodiam corporis sui satellitum auxi-
lium, per quos occupata Tyrānide per annos. xxxiiij.
regnavit. Post eius mortem Diocles alter ex filiis, per
uim stuprata uirgine, a fratre puellae interficitur. Al-
ter Hippias nomine, cum imperium paternum tene-
ret, interfectorem fratris comprehendi iubet. Qui cum
per tormenta confisos cedis nominare cogeretur, om-
nes amicos tyranni nominauit. Quibus interfectis, quae-
renti tyrāno, an adhuc aliqui conscii essent, nemo ait
superest, quem amplius mori gestiam, quam ipsum tyrā-

num. Qua uoce, eiusdem tyranni se uictorem post uin-
dictam pudicitiae sororis ostendit. Huius uirtute cum
admonita ciuitas libertatis esset, tandem Hippias re-
gno pulsus in exilium agitur. Qui profectus in Per-
sas ducem se Dario inferenti Atheniensibus bellum
(sicuti supra significatum est) aduersus patriam suā
offert. Igitur Athenienses audito Darij aduentu, auxi-
lium à Lacedaemonijs, socia tunc ciuitate, petierunt.
Quos ubi uiderunt quatridui teneri religione, non
expectato auxilio instructis decem milibus ciuium, et
Plataeësis auxiliarijs, mille aduersus sexcēta milia
hostiū in campos marathomios in praelium egrediun-
tur. Milciades & dux belli erat, & author non ex-
pectandi auxiliij, quem tanta fiducia ceperat, ut plus
praesidiij in celeritate, q̄ in socijs duceret. Magna igitur
currentibus in pugnam alacritas animorum fuit,
adeo, ut cum nulle passus inter duas acies essent,
citato cursu, ante iactum sagittarum ad hostem ue-
nirent. nec audaciae eius euentus defuit. pugna-
tum est enim tanta uirtute, ut hinc uiros, inde pecu-
des putares. Victi Persae in naues confugerunt. ex
quibus multae summersae, multae captae. In eo prae-
lio tanta uirtus singulorum fuit, ut cuius laus prima
esset, difficile iudicium uideretur. Inter caeteros tamen
Themistoclis adolescentis gloria emicuit, in quo iam
tunc indoles futurae imperatoriae uirtutis apparuit.
Cynogiri quoq; militis atheniensis gloria magnis scri-
ptorū laudibus celebrata est, qui post praelij innume-
ras caedes, cum fugientes hostes ad naues egissent, omni
sua nauē dextra manu tenuit, nec prius dimisit, q̄ ma-

nam amitteret. Tum quoq; amputata dextra, nauem
sinistra comprehendit, quam & ipsam cum amisset,
ad postremū morsu nauē detinuit. Tātā in eo uirtutē
fuisse, ut non tot cædibus fatigatus, non ambabus manib;
amissis uictus, ad postremum truncus, & ueluti
rabida fera dentibus dimicauerit. Ducenta milia per-
se eo prælio, sine nauigio amiserunt. Cecidit & Hip-
pias tyrānus Atheniēsis author et cōcitator eius belli,
dijs patriæ ultoribus poenas repetentibus. interea &
Darius, cum bellū restauraret, in ipso apparatu deci-
dit, relictis multis filijs, & in regno, & ante regnum
susceptis. Ex his Artabazanes maximus natus, ætatis
privilegio, regnum sibi uindicebat. quod ius & ordo
nascenti, & natura ipsa gentibus dedit. Porro Xerxes
controversiā non de ordine, sed de nascēdi felicitate re-
ferebat, nanq; Artabazanē primum quidē Dario, sed
priuato prouenisse, se regi primū natum. Fratres itaq;
suos, qui ante geniti essent priuato, priuatum patrimo-
nium, quod eo tempore Darius habuisset, non regnum
sibi uindicare posse, se esse primum, quem in regnum
rex pater sustulerit. Huc accedere, quod Artaba-
zanes non patre tantum, sed & matre priuata adhuc
fortunæ, a quo quoq; materno priuato creatus sit. se uero
& matre regina natū, et patrē non nisi regem uidisse
se. Auum quoq; maternū Cyrū regem habuisse, non hæ-
redem, sed conditorem tanti regni. Itaq; & si æquo iu-
re utrunq; fratrem pater reliquisset, materno se tamē
iure & auito uincere. Hoc certamē concordī animo ad
patrum suum Artaphernē, ueluti ad domesticum iu-
dicem, deferunt. qui domi cognita causa Xerxem præ-

I V S T I :

posuit. adeoq; fraterna cōtentio fuit, ut nec uictor exul-
tauerit, nec uictus indoluerit, ipsoq; litis tempore inui-
cem munera miserint, & iucunda quoq; inter se, nō so-
lum credula conuiuia habuerint, iudiciū quoq; ipsum
sine arbitris, sine conuitio fuerit. Tāto moderatius tum
fratres inter se regna maxima diuidebant, quanto nūc
exigua patrimonia partiuntur. Igitur Xerxes bellum
à patre acceptum aduersus Græciam per quinquenni-
um instruxit, quod ubi primum didicit Demaratus rex
Lacedæmoniorum, qui apud Xerxem exulabat, ami-
cior patriæ post fugam, q̄ regi post beneficia, ne inopi-
nato bello opprimerentur, omnia in tabellis ligneis ma-
gistratibus præscribit, eademq; cæra superinducta de-
let, ne aut scriptura sine tegmine iudiciū daret, aut
recens scripta cæra dolum proderet. fido deinde ser-
uo perferendas tradit, iussō magistratibus spartano-
rum tradere. Quibus perlatis Lacedæmonia, quæstio-
ni res diu fuit, quod neq; scriptum aliquid uiderēt, nec
frustra missas suspicarentur, tantoq; rem maiore, quan-
to sit occultior, putabant. Hærentibus in coniectura ui-
ris, soror regis Leonidæ consilium scribentis inuenit.
Erasa igitur cæra belli consilia deteguntur. Iam Xer-
xes septingenta millia de regno armauerat, & trecen-
ta millia de auxilijs, ut non immerito proditum sit, flu-
mina ab exercitu eius sicata, Græciāq; omnem uix ca-
pere exercitum eius potuisse. Naues quoq; decies centum
milliū numero habuisse dicitur. Huic tanto agmini dux
defuit. cæterum si regem spectes, diuitias nō ducem lau-
des, quarum tanta copia in regno eius fuit, ut cum flu-
mina multitudine consumerentur, opes tamen regis su-
peressent.

peressent. Ipse autem primus in fuga, postremus in prælio semper uisus est. In periculis timidus. Sibi mutus abesset, inflatus. Denique ante experimentum belli fiducia uirium, ueluti naturæ ipsius dominus, et montes in planum deducebat, et conuexa uallium æquabat, et quædam maria pontibus sternebat, quædam ad nauigationis commodum per compedium ducebat. Cuius introitus in Græciam quàm terribilis, tam turpis ac fœdus discessus fuit. Nāq; cū Leonida rex Spartanorū cum quatuor milibus militum angustias Thermopylarum occupasset, Xerxes, contemptu paucitatis, eos pugnam capeffere iubet, quorum cognati Marathonia pugna interfecti fuerunt. qui dū ulisci suos quærunt, principium cladis fuere. Succedente deinde inutili turba, maior cædes editur. Triduo ibi cum dolore, et indignatione persarum dimicatum. quarto die cum nunciatum esset Leonidæ à .XX. milibus hostium summum cacumen teneri, tunc hortatur socios recedant, et se ad meliora patriæ tempora reseruent, sibi cum Spartanis fortunam experiendam, plura se patriæ quàm uitæ debere, cæteros ad præsidia Græciæ seruandos. Audito regis imperio discessere cæteri. soli Lacedæmonij remanserunt. Initio huius belli, sciscitanti- bus Delphis oracula, responsum fuerat, aut regi Spartanorum aut urbi cadendum. Et itaque cum rex Leonidas in bellum proficisceretur, ita suos firmauerat, ut ire se parato ad moriendum animo scirent. angustiasq; propterea occupauerat, ut cum paucis aut maiore gloria uinceret, aut minore damno Reip. caderet. Dimissis igitur socijs, hortatur Spartanos, memine-

c.

I V S T I.

runt, qualiter cunq; præliarentur, cadendum esse, caue-
rent ne fortius mansisse, quàm dimicasse uideantur. nec
expectandum, ut ab hoste circumuenirentur, sed, dum
nox occasionem daret. securis & lætis superueniendū.
nusquam uictores honestius, quàm in castris hostium
perituros. Nihil erat difficile persuadere persuasis mo-
ri. statim arma capiunt, & sexcenti uiri castra quin-
gentorum milium irrumpunt. statimq; regis prætori-
um petunt, aut cum illo, aut si ipsi oppressi eēnt, in ipsi-
us potissimum sede morituri. Tumultus totis castris ori-
tur. Spartani posteaquam regem non inueniunt, per o-
mnia castra uictores uagantur, cædunt. sternuntq; oīa,
ut qui sciant se pugnare, non spe uictoriæ, sed in mor-
tis ultionem. Prælium à principio noctis, in maiorem
partem diei tractum. ad postremum non uicti, sed un-
cædo fatigati inter ingentes stratorum hostium cateruas
occiderunt. Xerxes, duobus uulneribus terrestri præ-
lio acceptis, experiri maris fortunam statuit. Sed Athe-
niensem dux Themistocles, cum animaduertisset Ion-
nas, propter quos bellum Persarum rex susceperat, in
auxilium regis classe uenisse. sollicitare eos in partes su-
as statuit. & cum colloquēdi copiam non haberet, quo
applicaturi erant, symbola proponi, & saxis proscri-
bi curat, quæ uos Iones dementia tinet? quod facinus
agitatis? bellum inferre olim conditoribus uestris, nu-
per etiam uindictibus, cogitatis? an ideo mænia ue-
stra condidimus, ut essent, qui nostra delerent?
Quid, si non hæc & Dario prius, & nunc Xer-
xi belli causa nobiscum foret, quod uos rebellantes
non destituimus? quin uos in hæc nostra castra ex ista
obsidione

obsidione transitis? aut si hoc parum tutum est, at nos
 commisso praelio ite cœssim, inhibete remos, & a' bello
 discedite. Ante navalis praelij congressionem, miserat
 Xerxes quatuor milia armatorum Delphos ad tem-
 plum Apollinis diripiendum, prorsus quasi non cum
 Græcis tantum, sed cum dijs etiam immortalibus bel-
 lum gereret. Quæ manus tota imbribus & fulmini-
 bus deleta est, ut intelligeret quanto grauior offensa
 deorum esset, tanto nullas esse hominum aduersus de-
 os vires. Post hæc Thespias, & Plataeas, & Athenas
 uacuas hominibus incendit. & quoniam ferro non po-
 terat in homines, in ædificia igne crassatur. nãq; Athe-
 nenses post pugnam Marathoniam, præmonente The-
 mistocle uictoriam illam de Persis non finem, sed cau-
 sam maioris belli fore, CC. naues fabricauerant. Aduē-
 tante igitur Xerxe consulētibz Delphis oraculum, re-
 sponsum fuerat, salutem muris ligneis tuerentur. The-
 mistocles nauium præsidium demonstratum ratus, per-
 suadet omnibus, patriam municipes esse non mœnia, ci-
 uitatemq; non in ædificijs, sed in ciuibz positam. Meli-
 us itaq; salutem nauibus, quàm urbi commissum iri,
 huius sententiæ etiam deum authorem esse. Probato cō-
 silio, coniuges liberosq; cum pretiosissimis rebus abdi-
 tis insulis, relicta urbe, demandant. Ipsi naues armati
 conscendunt. Exemplum Atheniensium & aliæ urbes
 imitatae. Itaque cum adunata omnis sociorum classis,
 & intenta in bellum nauale esset, angustiasq; salami-
 nij freti, ne circumueniri a' multitudine possint, occu-
 passent, disensio inter ciuitatum principes oritur. qui
 cum deserto bello ad sua tuenda dilabi uellent, timens

I V S T I.

Themistocles, ne discessu sociorū vires minuerētur, per
seruum fidum Xerxi nunciat, uno in loco eum con-
tractā Græciam posse capere facillime. quod si ciuita-
tes, quæ iam abire uellent, dissipentur, maiore labore ei
singulas confectandas. Hoc dolo impellit regem signum
pugnæ dare. Græci quoque aduentu hostium occupati
prælium collatis uribus capeffunt. Interea Rex uelut
spectator pugnæ cum parte nauium in littore remanet.
Artemisia autem regina Halicarnassi, quæ in auxiliū
Xerxi uenerat, inter primores duces bellum acerrime
cebat. quippe ut in uiro muliebrem timorem, ita in
muliere uirilem audaciam cerneret. Cū anceps præ-
liū esset, iones iuxta præceptum Themistoclis pugnæ se
paulatim subtrahere cœperunt. quorum defectio ani-
mos cæteris fregit. Itaq; circumspectantes fugam pel-
luntur Persæ, et mox prælio uicti, in fugam uertun-
tur. In qua trepidatione multæ summersæ naues, mul-
tæ captæ sunt. plures tamen non minus sæuitiam re-
gis q̄ hostem timentes, domum dilabuntur. Hac clade
perculsum et dubium consilij Xerxem Mardonius ag-
greditur. hortatur ut in regnum abeat, ne quid se-
ditionis moueat fama aduersi belli, in maius (sicuti mos
est) omnia extollens. sibi. ccc. milia armatorum lecta ex
omnibus copijs relinquat. qua manu, aut cū gloria eius
perdomiturum se Græciā, aut si aliter euentus ferat,
sine eiusdem infamia hostibus cessurum. Probato consi-
lio, Mardonio exercitus traditur, reliquas copias rex
ipse reducere in regnum parat. Sed Græci audita re-
gis fuga, consiliū ineunt pontis interrumpendi, quem
ille Abydo uelut uictor maris fecerat, ut intercluso re-
ditu,

ditu, aut cum exercitu deleteretur, aut desperatione rerum, pacem uictus petere cogeretur. Sed Themistocles timens, ne interclusi hostes desperationem in uirtutem uerterent, & iter, quod aliter non pateret, ferro patefacerent, satis multos hostes in Graecia remanere dictitans, nec augeri numerum retinendo oportere, cum uincere consilio ceteros non posset, eundem seruum ad Xerxem mittit, certioreque consilii facit, & occupare transitum matura fuga iubet. Ille perculsus nuncio, tradit ducibus milites perducendos, ipse cum paucis Abydon contendit. ubi cum solutum pontem hybernis tempestatibus offendisset, piscatoria scapha traiecit trepidus. Erat res spectaculo digna, & ad aestimationem rerum humane sortis uarietate miranda, in exiguo latentem uidere nauigio, quem paulo ante uix æquor omne capiebat, carentem etiam omni seruorum ministerio, cuius exercitus propter multitudinem terræ grauis erat. nec pedestribus copiis, quas ducibus assignauerat, felicius iter fuit. siquidem cotidiano labori (neque enim ulla est metuentibus quies,) etiam fames accesserat. Multorum deinde dierum inopia contraxerat & pestem, tantaque foeditas morientium fuit, ut uix cadaueribus implerentur, alitesque & bestiae escæ illecebris sollicitæ exercitum sequeretur. Interim Mardonius Olynthum in Graecia expugnat. Athenienses quoque in spe pacis amicitiamque regis sollicitat, spero dens incensæ eorum urbis etiam in maius restitutionem. Posteaque nullo precio libertatem uidit his uenalem, incensis, quæ edificare coeperat, copias in Boeotiam transfert. Eo & Græcorum exercitus, qui centum milium fuit, secutus est. Ibiq;

IVSTI:

prælium commissum, sed fortuna regis cum duce mutata non est. nam uictus Mardonius, uelut ex naufragio cum paucis profugit, castra referta regali opulentia capta. unde primum Græcos, diuiso inter se auro persico, diuitiarum luxuria cepit. Eodem forte die, quo Mardonij copiae deletæ sunt, etiam nauali prælio in Asia sub monte Mycale aduersus Persas dimicatum est. Ibi ante congressionem, cum classes ex aduerso starent, fama ad utrumque exercitum uenit uicisse Græcos, et Mardonij copias occisione occidisse. Tantam famæ uelocitatem fuisse, ut cum matutino tempore prælium in Boeotia commissum sit, meridianis horis in Asia, per tot maria, et tantum spatij, tam breui horarum momento de uictoria nunciatum sit. Confecto bello, cum de præmijs ciuitatum ageretur omnium iudicio Atheniensem uirtus cæteris prælata. Inter duces quoque Themistocles princeps cunctorum testimonio iudicatus, gloriâ patriæ suæ auxit. Igitur Athenienses aucti, et præmijs belli et gloriâ urbem ex integro condere moluntur. Cum mœnia maiora sibi complexi fuissent, suspecti esse Lacedæmonijs cœpere, recte reputantibus, quibus ruina urbis tantum incrementi dedisset, quantum sit datura munita ciuitas. mittunt ergo legatos, qui monerent, ne munimenta hostibus et receptacula futuri rursus belli causam extruunt. Themistocles, ut uidit spei urbis inuideri, non existimans abrupte agendum, respondit legatis, ituros Lacedæmona, qui de ea re pariter cum illis consulant. Sic dimissis Spartanis, hortatur suos, ut opus maturent. Deinde ipse, interiecto tempore, in legationem proficiscitur. Et nunc in itinere infirmitate simulata,

simulata, nunc tarditatem collegarū accusans, sine quibus agi iure nihil possit, diem de die proferendo spaciū consumando operi querebat, cum interim nunciatur Spartanis opus Atheniensium maturari. Propter quod denuo legatos mittunt ad inspicendam rē. Tum Themistocles per seruum magistratibus scribit Atheniensium, legatos uinciant, pignusque teneant, ne in se grauius consulatur. Adit deinde concionem Lacedæmoniorum, indicat permunitas Athenas esse, et posse illatum non armis tantum, sed etiam uiris bellum sustinere. Si quid ob eam rem de se crudelius statuerent, legatos eorum Athenis in hoc pignus retentos. Grauius deinde castigat eos, quod non sua uirtute, sed imbecillitate sociorum potentiam quærerent. Sic dimissus, ueluti triumphatis Spartanis, a quibus excipitur. Post hæc Spartani ne uires ocio corrumpere, et ut bis illatum a Persis Græciæ bellum ulciscerentur, ultro fines eorum depopulantur. Ducem suo sociorumque exercitui deligunt Pausaniam, qui pro ducatu regnum Græciæ affectans, proditoris præmium cum Xerxe nuptias filiae eius paciscitur redditus captiuis, ut fides regis aliquo beneficio obstringeretur. Scribit præterea Xerxi, quoscumque ad se nuncios misisset, interficeret, ne res loquacitate hominum proderetur. Sed dux Atheniensium Aristides belli socius electus collegæ conatibus obuiam eundo, simul et in rem sapienter consulendo, proditoris cōsilia discussit. nec multo post accusatus Pausanias damnatur. Igitur Xerxes cum proditoris dolum publicatum uideret, ex integro bellum instituit. Græci quoque ducem constituunt Cimona Atheniensem filium

I V S T I.

Miltiadis (quo duce apud Marathonem pugnatum est) iuuenem, cuius magnitudinem futuram pietatis documenta prodiderunt. quippe patrem ob crimen peculatus in carcerem coniectum, ibiq; defunctum, translatis in se uinculis, ad sepulturam redemit. Nec in bello iudicium deligentium sefellit. siquidem non inferior uirtutibus patris Xerxem terrestri naualiq; bello superatum trepidum se recipere in regnum cœgit.

L I B E R T E R T I V S.

x Erxes Rex Persarū terror antea gentium bello in Græcia infelicitè gesto, etiā suis contemptui esse cœpit. Quippe Artabanus præfectus eius, deficiente cotidie regis maiestate, in spem regni adductus cū septem robustissimis filiis regiā uespere ingreditur, nā amatiæ iure semper illi patebat, trucidatoq; rege, uoto suo obsistentes filios eius dolo aggreditur. Securius de Artaxerxe puero admodū, fingit regem à Dario, q̄ erat adolescens, quo maturius regno potiretur, occisum. & impellit Artaxerxem paricidium paricidio uindicare. Cū uentum esset ad domum Darij, dormiens inuentus, quasi somnum fingeret, interficitur. Deinde cum unū ex regis filiis sceleri suo superesse Artabanus uideret, metueretq; de regno certamina principum, assumit in societatem consilij Baazabassum, qui præsentī statu contentus rem prodit Artaxerxi, ut pater eius occisus sit, ut frater falsa paricidij suspitione oppressus, ut deniq; ipsi pararentur insidiæ. His cognitis

Artaxerxes

Artaxerxes uerens Artabani, numerum filiorum in posterum diem paratum esse exercitum armatumq; iubet, recogniturus & numerum militum, & in armis industriam singulorum. Itaq; cum inter ceteros & ipse Artabanus armatus assisteret, rex simulat se breuiore loricā habere, iubet Artabanū se cum cōmutare. exuentem se ac nudatum gladio traicit. tum & filios eius corripit iubet, atq; ita egregius adolescens, & cadē patris, & necem fratris, et se ab insidijs Artabani uindicauit. dum hæc in Persis geruntur, interea Græcia omnis duabus Lacedæmonijs & Atheniensibus in duas diuisa partes, ab externis bellis, uelut i uiscera, sua arma conuertit. Fiunt igitur de uno populo duo corpora, & eorundem castrorum homines in duos hostiles exercitus diuiduntur. Hinc Lacedæmonij cōmunia quondam ciuitatum auxilia ad uires suas trahebant. Inde Athenienses, & uetustate generis, & gestis rebus illustres, proprijs uiribus confidebant. Atq; ita duo potentissimæ Græciæ populi instituti, Solonis & Lycurgi legibus pares, ex æmulatione uirium in bellum ruebant. Naq; Lycurgus, cum fratri suo Polydectæ Spartanorum regi successisset, regnumq; sibi uindicare potuisset, Charilao filio eius, qui natus posthumus fuerat, cum ad ætatem adultā uenisset, regnū summa fide restituit, ut intelligerent oēs, q̄to plus apud bonos pietatis iura, q̄ opes ualerent. Medio igitur tpe dum infans coalescit, tutelāq; eius administrat, nō habētibus spartanis leges instituit, nō inuentione earū magisq; exēplo clarior. Sigdem nihil lege uillā in alio sanxit, cuius nō ipse primus in se documenta daret. Populum in obsequia

I V S T I.

principum, principes ad iustitiam inferiorū formauit.
 Parsimonia omnibus suavit, existimans laborē militiæ
 assidue frugalitatis cōsuetudine faciliore fore. Em̄ sin-
 gula non pecunia, sed cōpensatione mercū iussit. Aurī
 argentīq; usum, uelut omnīū scelerum materiam sustu-
 lit. Administrationem Reip. p̄ ordines diuisit. Regibus
 potestatem bellorū, magistratibus iudicia et annuas suc-
 cessiones, senatui custodiā legum, populo legendi sena-
 tum, uel creādi, quos uellet magistratus, potestatem p̄mis-
 sit. Fundos omnīū equaliter inter oēs diuisit, ut æquata
 patrimonialia neminem potentiorē altero redderent. Cō-
 uinari oēs publice iussit, ne cui diuitiæ, uel luxuria in-
 oculo essent. Iuuenibus nō amplius una ueste uti toto
 anno p̄missum, nec quēq; cultus, q̄ alterū progredi, nec
 epulari opulētius, ne imitatio i luxuriā uerteretur. Pue-
 ros puberes nō in forū, sed in agrū deduci præcepit,
 ut primos annos nō in luxuria, sed in ope & in labo-
 ribus agerent. Nihil eos somni cā substernere, et uitam
 sine pulmento degere, neq; prius in urbē redire, q̄ uirī
 facti essent, statuit. Virgines sine dote nubere iussit, ut
 uxores eligerentur, non pecunia, seueriusq; matri-
 monia sua uiri cōcēcerent, cum nullis dotis frenis te-
 nerentur. Maximum honorem non diuitum & po-
 tentium, sed pro gradu ætatis senum esse uoluit. Nec
 sanē usq; terrarum locum honoratiorem senectus ha-
 bet. Hæc quoniam primo solutis antea moribus dura
 uidebantur esse, authorem eorū Apollinem delphicū
 fingit, & inde se ea ex præcepto numinis detulisse, ut
 consuecandi tedium metus religionis euincat. Deinde
 ut æternitatem legibus suis daret, iureiurando obligat

ciuitatem, nihil eos de eius legibus mutatu-
ros, priusq̃ reuerteretur, & simulat se ad oraculum delphicum
proficisci, consulturum quid addendum mutandumq̃
legibus uideretur. Proficiscitur autem Cretam. Ibiq̃
perpetuum exilium egit, abijciq̃ in mare ossa sua
moriens iussit, ne relatis Lacedæmona solutos se spar-
tani religione iurandi in dissoluendis legibus ar-
bitrarentur. His igitur moribus ita breui ciuitas con-
ualuit, ut cum Messenijs, propter stupratas uirgines
suas in solempni Messeniorum sacrificio, bellum intu-
lissent, grauissima se execratione obstrinxerint, non
prius q̃ Messenen expugnassent reuersuros, tantum si-
bi uel de uiribus suis, uel de fortuna spondentes. Quo-
res initium dissensionis Græciæ & intestini belli causa
et origo fuit. Itaq̃, cum contra præsumptionem suam,
annis. X. in obsidione urbis tenerentur, & querelis
uorum post tam longam uiduitatem reuocarentur,
ueriti ne hac perseuerantia belli grauius sibi, q̃ Mes-
senijs nocerent, quippe illis quantum inuentutis bello
intercidat, mulierum fœcunditate suppleri, sibi &
belli damna assidua, & fœcunditatem uorum ab-
sentibus uiris nullam esse. legunt iuuenes ex eo gene-
re militem, qui post iurandum in supplementum
uenerant, qbus spartam remissis promiscuos omnium
fœminarū concubitus pmisere, maturiorē futurā conce-
ptionē rati, si eā singulæ p̃ plures uiros ex p̃irentur. Ex
his nati ob notā materni pudoris Parthenij sunt uoca-
ti. qui cū ad annos XXX. puenissent, metu inopiæ (nul-
li. n. pater existerat, cuius in patrimoniū successio spera-
retur) ducem Phalantum assumunt filiū Arati, qui au-

I V S T I.

thor Spartani fuerat iuuentutis ad generandam ser-
uandamq; sobolē domum remittendā. ut sicuti dudum
patrem eius nascendi habuissent auctorem, sic ipsum
spei ac dignitatis suæ haberent. Itaq; nec salutatis ma-
tribus, quarū adulterio infamiam collegisse uidebātur,
ad sedes regrendas proficiuntur, diuq; & per uarios
casus iactati, tandem in Italiā deferuntur, & occupa-
ta arce Tarentinorū, expugnatis ueteribus incolis, se-
des sibi constituunt. Sed post annos plurimos dux eorū
Phalantus per seditionem in exiliū perturbatus, Brun-
dysium se contulit, quo expulsi sedibus suis ueteres ta-
rentini concesserant. Is moriens persuadet, ut ossa sua
postremasq; reliquias conterant, & tacite spargi in fo-
ro tarentinorum curent. hoc enim modo recuperare il-
los patriam suam posse Apollinem Delphis cecinisse. Il-
li arbitantes eum in ultionem sui fata ciuium prodi-
disse, præceptis paruere. Sed oraculi diuersa sententia
fuerat. perpetuitatem enim urbis, non amissionem hoc
facto promiserat. Ita ducis exulis consilio, & hostium
munisterio possessio tarentina Partheniūs in æternum
fundata. ob cuius beneficiū memoriam Phalanto diui-
nos honores decreuere. Interea Messenij cum uirtute
nō possent, per insidias expugnantur, Deinde cum per
annos. LXXX. grauiā seruitutis uerbera plerūq; uin-
cula cæteraq; captiuitatis, mala perpeffi essent, post lō-
gam pœnarum patientiam bellum instaurant. Lace-
dæmoniū quoq; eo conspirantius ad arma concurrūt,
quod aduersus seruos dimicaturi uidebātur. Itaq; cum
hinc iniuria, inde indignitas animos acueret, Lacedæ-
moniū, de belli euentu oraculo Delphis consulto, iuben-

tur ducem belli ab Atheniensibus petere. Porro Athenienses cum responsum cognouissent, in contemptum Spartanorum Tyrtaeum poetam claudum pede misere, qui tribus praeliis fusus, eo usque desperationis Spartae nos adduxit, ut ad supplementum exercitus seruos suos manumitterent. Hisque interfectorum matrimonia pollicerentur, ut non numero tantum amissorum ciuium, sed etiam dignati succederent. Sed reges Lacedaemoniorum, ne contra fortunam pugnando maiora detrimenta ciuitati infligerent, reducere exercitum uoluerunt, nisi interuenisset Tyrtaeus, qui composita carmina exercitui pro concione recitauit. In quibus hortamenta uirtutis, damnorum solatia, belli consilia conscripserat. Itaque tantum ardorem militibus iniecit, ut non de salute, sed de sepultura solliciti tesseras, in sculptis suis et patrum nominibus dextero brachio deligarent. ut si omnes aduersum praelium consumpsisset, et temporis spatio confusa corporum lineamenta essent, ex indicio titulorum tradi sepulturae possent. Cum sic animatum reges exercitum iuderent, curant rem hostibus nunciari. Messenijs autem non timorem res, sed emulationem mutuam dedit. Itaque tantis animis concursus est, ut raro unquam cruentius praelium fuerit. Ad postremum tamen uictoria Lacedaemoniorum fuit. Interiecto tempore, tertium quoque bellum Messenij reparauere. In cuius auxiliu Lacedaemonij, inter reliquos socios etiam Athenienses adhibuere. quorum fidem cum suspectam haberent, superuacaneos eos simulantes a bello dimiserunt. Hanc rem Athenienses grauiter ferentes, pecuniam, quae erat in stipendium perfici belli ab uniuersa Grae-

cia collata, à Delo Athenas transferunt, ne deficienti-
 bus à fide societatis Lacedæmonijs prædæ ac rapinæ
 esset. Sed nec Lacedæmoniū quievere, cum Messeniorum
 bello occupati essent, Peloponnenses immisere, qui bel-
 lum Atheniēsis facerent. Paruæ tunc temporis, clas-
 se in Aegyptum missa, vires Atheniensibus erant. Itaq;
 navali prælio dimicantes, facile superantur. Interiecto
 deinde tempore, post reditum suorum aucti, et classis &
 militum robore, prælium reparant. Iam & Lacedæ-
 monij, omissis Messenijs, aduersus Athenienses arma
 uerterant. diu uaria uictoria fuit. ad postremū æquo
 Marte utrinque discessum. Inde reuocati Lacedæmoniū
 ad Messeniorum bellum, ne medium tempus ociosum
 Atheniensibus relinquerent, cum Thebanis paciscun-
 tur, ut Bæotiorum imperium his restituerent, quod tē-
 poribus Persici belli amiserant, ut illi Atheniensium
 bella susciperent, tantus furor Spartanorum erat, ut
 duobus bellis implicati, suscipere tertium non recusa-
 rent, dummodo inimicis suis hostes acquirerent. Igitur
 Athenienses aduersus tantam tempestatem belli duos
 duces deligunt, Periclem spectatæ uirtutis uirum, &
 Sophoclem scriptorem tragædiarum. qui diuerso ex-
 ercitu & Spartanorum agros vastauerunt, & multas
 Achaïæ ciuitates Atheniensium imperio adiecerunt.
 His malis fracti Lacedæmoniū in annos. XXX. pepige-
 runt pacem. Sed tam longum ocium ininuatæ non tu-
 lerunt. Itaq; intra. XV. annos rupto fœdere cū contem-
 ptu deorum hominumq; fines atticos populantur. Et
 ne prædam potius q̃ pugnam expetisse uiderentur, ho-
 stes ad prælium uocant. Sed Athenienses consilio Peri-

elis ducis populationis iniuriam differunt in tempus ultionis, se perennem pugnam existimantes, cum ultisci hostem sine periculo possent. Deinde interiectis diebus naues cōscendūt, et nihil sentietibus Lacedaemonijs, totam spartam deprædantur. multoq; plura auferunt, q̄ amiserant. Prorsus ut in comparatione damnorum longe pluris fuerit ultio q̄ iniuria. Clara quidem hæc periculis expedito habita, sed multo clavior priuati patrimonij contempus fuit. Huius agros in populatione cæterorum intactos hostes reliquerant, sperantes acquirere se illi posse, aut periculum ex inuidia, aut ex suspitione proditoris infamiam, quod ante prospiciens pericles et futurum populo prædixerat, et ad inuidiæ impetum declinādum agros ipsos dono rei publicæ dederat. Atq; ita unde periculum quæsitus fuerat, ibi maximam gloriam inuenit. Post hæc interiectis diebus, navali prælio dimicatum est. Victi Lacedaemonij fugerunt. Nec cessatum deinceps est, quin aut terra aut mari uaria præliorum fortuna inuicem se trucidarent. Denique fessi tot malis, pacem in annos quinquaginta fecere, quam non nisi sex annis seruauerunt. nam inducias, quas proprio nomine condixerant, ex sociorum persona rumpebant. Quippe quasi minus periurij contraherent, si ferentes socijs auxilia, potius, q̄ si aperto prælio dimicassent. Hinc bellum in Siciliam translatum, quod prius q̄ exponam, de Siciliae situ pauca dicenda sunt.

I V S T I .
L I B E R Q V A R T V S .

s
Iuliam ferunt angustus quondam fau-
cibus Italiae adhæsisse, direptamq; ue-
lut a corpore maiore impetu superi
maris, quod toto undarum onere illuc
uehitur. Est autem ipsa terra tenuis ac
fragilis, & cauernis quibusdam, fistu-
lisq; ita penetrabilis, ut uentorum tota ferme flatibus
pateat, necnon & ignibus generandis nutriendisq; so-
li ipsius naturalis materia. quippe intrinsecus stratum
sulphure, & bitumine traditur. Quæ res facit, ut spiri-
tu cum igne intra interiora luctante, frequenter ex cõ-
pluribus locis, nunc ignes, nunc flammæ, nunc uapo-
rem, nunc fumum eructet. Inde denique Aetnæ montis
per tot secula durat incendium. et ubi acrior per spi-
ramenta cauernarum uentus incubuit, harenarum mo-
les egeruntur, proximum Italiae promontorium Rhe-
gium dicitur. Ideo quod græce abrupta hoc nomine
pronunciantur. Nec mirum si fabulosa est loci huius
antiquitas, in quæ res tot cõiere miræ. primum qd nusq;
alias tam torrens fretum, nec solum citato impetu, ue-
rum etiam sæuo, neq; experientibus modo terribile,
uerum etiam procul uisentibus. Undarum porro in-
ter se concurrentium tanta pugna est, ut alias ueluti ter-
ga dantes uorticibus mergi ac in inum desidere, alias
quasi uictrices in sublime ferri uideas. Nunc hinc fre-
mitum feruentis æstus, nunc illinc gemitum in uoragi-
nem desidentis exaudias. Accedunt uicini, & perpetui
Aetnæ montis ignes, & insularum Acolidum uelut
ipsis

ipsis undis alatur incendium . neque enim in tam angustis terris aliter durare tot seculis tantus ignis potuisset, nisi ex humoris nutrimentis aleretur. Hinc igitur fabulæ scyllam et charybdim peperere, hinc latratus auditos, hinc monstri credita simulachra, dū nauigantes magnis uorticibus pelagi desidentis exterriti latrare putant undas, quas sorbentis æstus uorago collidit . Eadem causa etiam Aetnæ montis perpetuos ignes facit . Nā aquarum ille concursus, raptum secum spiritum in imum fundum trahit, atque ibi suffocatum tam diu tenet, donec per spiramenta terræ diffusus nutrimenta ignis incendat. Iam ipsa Italiæ Siciliaeq; uicinitas, iā promontiorum altitudo ipsa ita sublimis est, ut quantum nūc admirationis, tantum antiquis terroris dederit, credentibus, cœuntibus in se promontorijs, ac rursum discedentibus solida intercipi absunq; nauigia. Neq; hoc ab antiquis in dulcedinem fabulæ cōpositum, sed metu et admiratione transeuntium. Ea est enim procul inspicentibus natura loci, ut sinum maris nō transitum putes, quo cum accesseris, discedere ac seūgi promontoria, quæ antea iuncta fuerant, arbitrere. Siciæ primo Trinacriæ nomen fuit. Postea Sicania de nominata est. Hæc à principio patria Cyclopum fuit. Quibus extinctis Coælus regnum insulæ occupauit. Post quem singulæ ciuitates in tyrannorum imperium concesserūt, quorum nulla terra feracior fuit . Horum ex numero Anaxilaus iustitia cum cæterorum crudelitæte certabat, cuius moderationis haud mediocrem fructum tulit. Quippe decedens cum filios paruulos reliquisset, tutelamq; eorum Micyntho spectatæ fidei seruo

d

I V S T I.

commisisset, tantus amor memoriae eius apud omnes fuit, ut parere seruo, quàm deferere regis filios mallent. Principesq; ciuitatis obliti dignitatis suae regni maiestatem administrari per seruum paterentur. Imperium Sicialiae etiam Carthaginienses tentauere, diuq; uaria uictoria cum tyrannis dimicatum, ad postremum amisso Hamilchare imperatore cum exercitu aliquantisper quiescere uicti. Medio tempore cum Rhegini discordia laborarent, ciuitasq; per dissensionem diuisa in duas partes esset, ueterani ab altera parte ab Himera urbe in auxilium uocati, pulsae ciuitate, contra quos implorati fuerant, et exinde, caesis, quibus tulerant auxilium, urbem cum coniugibus et liberis sociorum occupauere, ausi facinus nulli tyrannico comparandum. quippe ut Rhegnis magis fuerit optandum uinci q̃ uiassennae siue uictoribus captiuitatis iure seruissent, siue amisae patria exulare necesse habuissent, non tamen inter aras et patrios lares trucidati crudelissimis tyrannis patriam cum coniugibus ac liberis praedam reliquissent. Catanenses quoq; cum Syracusanos graues paterentur, diffisi uiribus suis auxilium ab Atheniensibus petiere. qui seu studio maioris imperij, quod Asia Graeciamq; penitus occupant, seu metu factae pridem a Syracusanis classis, ne Lacedaemonijs illae uires accederent, Lamponium ducem cum classe in Sicialiam misere, ut sub specie ferendi Catanensibus auxilij tentarent Sicialiae imperium. Et quoniam prima initia frequenter caesis hostibus prospera fuerant, maiore denum classe et robustiore exercitu Lachete et Chariade ducebus Sicialiam petiere. Sed Catanenses, siue metu Atheniensium,

nienſium, ſive tædio belli, pacem cum Syracuſanis, remiſſis Athenienſium auxilijs fecerunt. Interiecto dein de tempore, cum fides pacis à Syracuſanis non ſervaretur, denuo legatos Athenas mittunt, qui ſordida veſte, capillo barbâque prolis, & omni ſqualoris habitu ad miſericordiam commuendâ acquiſito, concionem deformis adeunt, adduntur precibus lachrymæ, & ita miſericordem populum ſupplices mouent, ut damnarentur duces, qui ab his auxilia deduxerāt. Igitur classiſ ingens decernitur, creantur duces Nicias & Alabiades & Lamachus, tantis que uiribus Sicilia repetitur, ut ipsis terrori eſſent, in quorum auxilia mittebantur. Breui poſt tempore, reuocato ad reatum Alabiade, duo prælia pedestria ſecunda Nicias & Lamachus faciunt. munitionibus deinde circumdatis, hoſtes etiam marinis comœatibus in urbe clauſos intercludunt. Quibus rebus fracti Syracuſani auxilium à Lacedæmonijs petterunt. Ab his mittitur Gylippus ſolus, ſed in quo inſtar omnium auxiliorum erat. Is audito genere belli iam inclinato ſtatu, auxilijs partim in Græcia partim in Sicilia miſere contractis, opportuna bello loca occupat. Duobus inde prælijs uictus, congreſſus tertio occiſo Lamacho & hoſtis in fugam compulſit, et ſocios obſidione liberauit, ſed cū Athenienſes à bello terreſtri in nauale ſe tranſtulſiſſent, Gylippus claſſem à Lacedæmone cum auxilijs accerſit. quo cognito & ipſi Athenienſes in locum amiſſi ducis Demotheſtencem & Eurymedontæ cum ſupplemento copiarum mittunt. Peloponneſij quoque, communi ciuitatum decreto, ingentia Syracuſanis auxilia

d ii

misere, & quasi Græciæ bellum in Siciliam transla-
 tum esset, ita ex utraq; parte summis uiribus dimica-
 batur. Prima igitur congressione navalis certaminis
 Athenienses uincuntur. castra quoque cum omni pu-
 blica ac privata pecunia amittunt. Super hæc mala,
 cum etiam terrestri prælio uicti essent, tunc Demosthe-
 nes censere coepit, ut abirent Sicilia, dum res quæ as-
 flictae non dum tamen perditæ forent, neque in bello
 male auspiciato amplius perseuerandum esse, domi gra-
 uiora & forsitan infeliciora bella esse, in quæ refer-
 uare hos urbis apparatus oporteat. Nicias, seu pudo-
 re male actæ rei, seu metu destitutæ spei ciuium, seu im-
 pellente fato manere contendit. Reparatur igitur na-
 uale prælium, & animi à prioris fortunæ procella ad
 spem certaminis reuocantur. Sed inscitia ducum, q̃ inter
 angustias maris tuentes se Syracusanos aggressi sunt,
 facile uincuntur. Eurimedon dux in prima acie for-
 tissime dimicans primus cadit. triginta naues, quibus
 præfuerat, incenduntur. Demosthenes & Nicias etiam
 ipsi uicti exercitum in terram deponunt, tutiorem fu-
 gam rati itinere terrestri. Ab his relictas C. XXX.
 naues Gylippus inuasit, ipsos deinde insequitur fugi-
 entes, partim capit, cædit partim. Demosthenes am-
 isso exercitu, à captiuitate gladio & uoluntaria morte
 se uindicat. Nicias autem ne Demosthenis quidem exē-
 plo, ut sibi consuleret, admonitus cladem suorum au-
 xit dedecore captiuitatis.

LIBER

LIBER QUINTVS.

d

Vm Athenienses in Sicilia bellum per
 biennium cupidius, q̄ feliciter gerunt, in
 terim conatator & dux eius Alabias
 des absens Athenis insimulatur, myste-
 ria Cereris sacro initiorū nullo ma-
 gis, q̄ silentio solemniter enunciauisse. reuocatusq; bel-
 lo ad iudiciū, siue conscientiam siue indignitatē rei nō
 ferens, tacitus in exiliū Elidem profectus est. Inde ubi
 non damnatum se tantum, uerum etiā diris per om-
 niū sacerdotum religiones deuotum cognouit, Lacedæ-
 mona se contulit. Ibiq; regem Lacedæmoniorū impel-
 lit, turbatis Atheniensibus aduerso Siciliae praelio ul-
 tro bellū inferre. Quo facto omnia Græciæ regna, ue-
 lut ad extinguendum cōmune incendiū concurrunt, tā-
 tum odij Athenienses immoderati imperij crudelita-
 te contraxerant. Darius quoq; rex Persarum memor
 paterni auitiq; in hanc urbem odij, facta cum Lacedæ-
 monijs p̄ Tissaphernem præfectum Lydiæ societate,
 omnem sumptum belli pollicetur. & erat quidem hic
 titulus cum græcis cœdendi, re autem uera timebat, ne
 uictis Atheniensibus ad se Lacedæmonij arma trāsfer-
 rent. Quis igitur miretur tā florētes Atheniensium opes
 ruisse, cū ad opprimendam unam urbem totius orien-
 tis uires concurrerent. Non tamen inertes neq; incruento
 cecidere bello, sed præliati ad ultimū, uictores etiā iter-
 dum, cōsumpti magis fortunæ uarietate, q̄ ui uicti sunt.
 Principio belli omnes ab his etiam socij descuerant,
 ut fit, quo se fortuna, eodem etiā fauor hominū incli-

d iii

nat. Alcibiades quoque motum aduersus patriam bellū
 non gregarij militis opera sed imperatoris uirtutibus
 adiunat. Quippe acceptis quinque nauibus in Asiam cō
 tendit, et tributarias Atheniensium ciuitates authori
 tate nominis sui ad defectionem cōpellit. Sciebāt enim
 domi clarū, nec exilio uidebant factum minorem, nec
 tam ablatum Atheniensibus ducem, q̄ Lacedæmonijs
 traditum, partaq; cum amissis imperia pensantem.
 Sed apud Lacedæmonios uirtus Alcibiadis plus inui
 diæ q̄ gratiæ contraxit. Itaque cum principes uelut
 æmulum gloriæ suæ interficiendum insidijs mandas
 sent, cognita re Alcibiades per uxorem Agidis regis,
 quam adulterio cognouerat, ad Tissaphernem præfe
 ctum Darij regis profugit. cui se celeriter officiū co
 mitate et obsequendi gratia insinuauit. Erat enim
 et ætatis flore et formæ ueneratione, nec minus elo
 quentia etiam inter Athenienses insignis, sed in con
 ciliandis amicitiarum studijs, q̄ in retinendis uir me
 lior, quia morum uitia sub umbra eloquentiæ primo
 latebant. Igitur persuadet Tissapherni, ne tanta stipen
 dia classi Lacedæmoniorum præberet. uocandos enim
 in portionem muneris Ionas, quorum pro libertate,
 cum tributa Atheniensibus penderet, bellum susceptū
 sit. Sed nec auxilijs nimis enixe Lacedæmonios iuan
 dos. Quippe memorem esse debere, alienam se uicto
 riam, non suam instruere, et eatenus bellum sistinen
 dum, ne inopia deferatur. nam regem Persarum dissen
 tiētibz Græcis arbitriū pacis ac belli fore, et quos suis
 non possit, ipsorum armis uicturum. perfecto autem
 bello statim ei cum uictoribus dimittendum. Demosthenis
 itaque

itaque bellis Græciam obtinendam, ne externis uacet,
 ex æquandisq; uires partium, & inferiores auxilio
 leuandos. Non enim quieturos post hanc uictoriã Spar-
 tanos, q uindices se libertatis Græciæ professi sunt. Gra-
 tia oratio Tissapherni fuit. Itaque commeatus mali-
 gne præbere, classẽ regiam non totam mittere, ne aut
 uictoriam daret, aut necessitatem deponendi belli im-
 poneret. Interea Alabiades hanc operam ciuibus indi-
 cat, ad quem cum legati Atheniensium uenissent, polli-
 cetur his amicitiam regis, si respu. à populo translata
 ad senatum foret, sperans, ut aut concordante ciuitate
 dux belli ab omnibus legeretur, aut discordia in-
 ter ordines facta ab altera parte in auxilium uocare-
 tur. Sed Atheniẽsibus imminente piculo belli maior sa-
 luti, q dignitatis cura fuit. Ita permittente populo
 imperium ad senatum transfertur. Qui cum in-
 sita genti superbia crudeliter in plebem consuleret, sin-
 gulis Tyrannidis sibi potentiam uindictantibus, ab
 exercitu Alabiades exul reuocatur, duxque classi con-
 stituitur. Statim igitur Athenas scribit ex continen-
 ti se cum exercitu uenturum, recepturumq; à qua-
 dringentis iura populi ni ipsi redderent. Hac de-
 nunciatione optimates territi primo urbem prodere
 Lacedæmonijs tentauere, deinde, cum id ne-
 quissent, in exilium profecti sunt. Igitur Alabia-
 des intestino malo patria liberata summa cura clas-
 sem instruit, atque ita in bellum aduersus Læ-
 demonios pergit. Iam Zestromindarus & Phar-
 nabazus Lacedæmoniorũ ducẽ instructis nauibus ex-
 spectabant. Prælio cõmissõ uictoria penẽs Athenienses

d iiii

I V S T I.

fuit. In eo bello maior pars exercitus, & omnes ferme
 hostium duces caesi, naues octoginta captæ. Interiectis
 quoq; diebus, cum bellum Lacedæmonij à mari in ter-
 ram transtulissent, iterato uincuntur. His malis fracta
 pacem petiere. quam ne acciperent, opera eorum effe-
 ctum est, quibus ea res quæstum præstabat. Interea et
 Syracusanorum auxilia illatum à Carthaginensibus
 Siciliae bellum domum reuocauit. Quibus rebus desti-
 tutis Lacedæmonijs, Alcibiades cum classe uictricia Asi-
 am uaslat, multis locis prælia facit, ubiq; uictor, recipit
 ciuitates, quæ defecerant, nonnullas capit, & imperio
 Atheniensium adiicit. Atq; ita prisca nauali gloria uin-
 dicata, adiecta etiam laude terrestris belli, desideratus
 ciuibus suis Athenas reuertitur. His omnibus prælijs
 ducentæ naues hostium, & præda ingens capta. Ad
 hunc redeuntis exercitus triumphum effusa omnis mul-
 tudo obuiam procedit, & uniuersos quidem milites,
 præcipue tamen Alcibiadem miratur. In hunc oculos
 ciuitas uniuersa, in hunc suspensa ora conuertit. hunc
 quasi de cælo missum, & ut ipsam uictoriam contuen-
 tur, laudant, quæ pro patria, nec minus admirantur,
 quæ exul contra gesserit, excusantes ipsi iratum prouo-
 catumq; fecisse. Enimvero tantum in uno uiro fuisse
 momenti, ut maximi imperij subuersi, & rursum re-
 cepti author esset, & unde stetisset, eo se uictoria trans-
 ferret, fieretq; cum eo mira quædã fortunæ inclina-
 tio. Igitur omnibus non humanis tantum, uerum eti-
 am & diuinis eum honoribus honorant, certant se-
 cum ipsi, utrum contumeliosius eum expulerint, an re-
 uocauerint honoratius. Ipsos illi deos gratulantes tule-
 re obuiam,

re obuiam, quorum execrationibus erat deuotus. Et
cui paulo ante omnem humanam opem interdixerant,
cum, si queant, in cælo posuisse cupiunt. Explent contra
melias honoribus, detrimenta maneribus, execrationes
precibus. Non Sicilia illis aduersa pugna in ore est. sed
Græciæ victoria. non classes per illum amissæ, sed
acquisitæ. nec Syracusarum, sed Ioniæ Hellepontiq;
meminerunt. Sic Alcibiades nunquam mediocribus nec
in offensam nec fauorem studijs suorum exceptus est.
Dum hæc aguntur, a Lacedæmonijs Lysander classi
belloq; præficatur, et in locum Tissaphernis Darius
rex Persarum filium suum Cyrum Ioniæ Lydiæque
præposuit, qui Lacedæmonios, auxilijs opibusque, ad
spem fortunæ prioris erexit. Aucti igitur uiribus Al-
cibiadem cum centum nauibus in Asiam profectum,
dum agros longa pace diuites securus popularetur, et
prædæ dulcedine sine insidiarum metu sparsos milites
haberet, repentino aduentu oppressere, tantaq; cedes
palantium fuit, ut plus uulneris eo prælio Atheni-
enses acciperent, quàm superioribus dederant, et tan-
ta desperatio apud Athenienses erat, ut ex continen-
ti Alcibiadem ducem Conone duce commutarent, ar-
bitrantes uictos se non fortuna belli, sed fraude im-
peratoris, apud quem plus prior offensa ualuisset,
q̃ recentia beneficia. Viisse autem eum priore bello
ideo tantum, ut ostenderet hostibus, quem ducem spre-
uissent, et ut carius eis ipsam uictoriam uenderet.
Omnia enim credibilia in Alcibiade, uigor ingenij,
et morum luxuria faciebat. Veritus itaque multitu-
dinis impetum denuo in uoluntarium exilium profi-

ciscitur. Itaque Conon Alabiadi suffectus, habens
 ante oculos cui dua successisset, classem maxima indu-
 stria exornat, sed nauibus exeratus deerat, fortis-
 simis quibusque in Asiae populatione amissis. ar-
 mantur tamen senes aut impuberes pueri, et nu-
 merus militum sine exercitus robore expletur. Sed
 non magnam bello moram ætas fecit imbellis, aut
 cæduntur passim, aut fugientes capiuntur. tantaq; ira
 ges aut occisorum aut captiuorum fuit, ut Athenien-
 sium deletum non imperium tantum, uerum etiam
 nomen uideretur. quo prælio perditis et desperatis
 rebus ad tantam inopiam rediguntur, ut consumpta
 militari ætate, peregrinis ciuitatem, seruis libertatem,
 damnatis impunitatem darent. eaq; colluione homi-
 num, domini antea Græcæ conscripto exeratu uix li-
 bertatem tuebantur. Iterum tamen fortunam maris ex-
 periendam decernunt. tanta uirtus animorum erat,
 ut cum paulo ante salutem desperauerint, nunc non
 desperent uictoriam. Sed neque is miles erat, qui no-
 men Atheniensium tueretur. neque hæ uires, quibus
 uincere consueuerant. neq; ea scientia militaris in his;
 quos uincula non castra continuerant. Itaq; omnes aut
 capti aut occisi, cū dux Conon eo prælio superfuisset so-
 lus, crudelitatem ciuium metuens cum octo nauibus ad
 regem Cypri contendit Euagoram. At dux Lacæde-
 moniorum rebus feliciter gestis fortunæ hostium insul-
 tat, captiuas naues cum præda bellica in triumpho
 modum ornatas inmittit Lacædæmona, ac tributæ-
 rias Atheniensium ciuitates, quas metus dubiæ belli
 fortunæ in fide tenuerat, uoluntarias recipit, nec

aliud ditioni Atheniensium præter urbem ipsam reliquit. Quæ cuncta cum Athenis nunciata essent, omnes relictis domibus per urbem discurrere pauidi, alius alium sciscitari, authorem nunciij requirere; non pueros imprudentia, non senes debilitas, non mulieres sexus imbecillitas domi tenet, adeo ad omnem ætatem tanti mali sensus penetrarat. In foro deinde coeunt, atque ibi perpeti nocte fortunam publicam questibus iterant. Alij fratres, aut filios, aut parentes desunt, cognatos alij, alij amicos cariores cognatis, & cum privatis casibus querelam publicam miscent. Iam se ipsos, iam ipsam patriam perituram, miserioremq; incolumum, quàm amissorum fortunam iudicantes, sibi quisque ante oculos obsidionem, famem, & superbum victoremq; hostem proponentes. Iam ruinam urbis et incendia, iam omnium captivitatem et miserrimam servitutem recordantes feliciores prorsus priores urbis ruinas ducentes, que incolumibus filijs parentibusq; tectorum tantum ruina taxatæ sint. Nunc autem non classem, in quam sicuti pridem confugiant, superesse, non exercitum, cuius virtute servati pulchriora possent mœnia extruere. Sic defletæ ac prope pditæ urbi hostes superveniunt, & obsidione circumdatos famæ urgent. Sciebant enim neq; ex aduectis copijs multũ superesse, & ne novæ aduehi possent, providerant. Quibus malis Athenienses fracto post longam famem, & assidua suorum funera, pacem petuere. Quæ an dari deberet diu inter Spartãos sociosq; deliberatum est. Cum multi delendum Atheniensem nomen, urbemq; incendio consumendam censeret,

I V S T I.

negarunt se Spartani è duobus Græciæ oculis alterum
eruturos, pacem polliciti, si demissa piræum uersus mu-
ri brachia deicerent, nauesq; , quæ reliquæ forent,
traderent, resq; publicæ ex semetipsis XXX. rectores
acciperet. In has leges traditam sibi urbem Lacedæmo-
nij formandam Lysandro tradiderunt. Insignis hic
annus & expugnatione Athenarum, & morte Darij
regis Persarum, & exilio Dionysij Siciliæ tyranni fu-
it. Mutato statu Athenarum, etiam ciuium conditio mu-
tatur. Rectores XXX. Reip. constituuntur, qui fiunt ty-
ranni. quippe à principio tria milia sibi satellitum sta-
tuunt, quantum ex tot cladibus propè, nec ciuium su-
persuerat, & quasi paruus hic ad continendam ciui-
tatē exercitus esset, septingentos milites à uictoribus ac-
cipiunt. Cædes deinde ciuium ab Alcibiade auspiciat-
ur, ne iterum rempublicam sub obtentu liberationis in-
uaderet, quem cum profectum ad Artaxerxem Per-
sarum regem comperissent, citato itinere miserunt, qui
eum interaperent. à quibus occupatus, cum occidi aper-
te non posset, uiuus in cubiculo, in quo dormiebat, cre-
matus est. Liberati hoc ultoris metu tyranni, miseræ ur-
bis reliquias cadibus & rapinis exhauriunt. Quod
cum displicere uni ex numero suo Therameni didicis-
sent, ipsum quoq; ad terrorem omnium interficiunt. Fit
igitur ex urbe passim omnium fuga, repleturq; Græ-
cia Atheniensium exulibus, quod cum etiā ipsum au-
xilium unicum miseris eriperetur (nam Lacedæmonio-
rum edicto ciuitates exules recipere prohibebantur) o-
mnes se Argos & Thebas contulere. Ibi non solum tu-
tum exilium egerunt, uerum etiam spem recuperandæ

patriæ receperūt. Erat inter exules Thrasylbulus uir strenuus & domi nobilis, qui audendum aliquid pro patria & pro salute communietiam cum periculo ratus, adunatis exulibus, castellum Philem atticorum finium occupat. Nec deerat quarūdam ciuitatum tam crudeles casus miserantium fauor. Itaq; & Ismenias Thebanorum princeps, & si publicis non poterat, priuatis in auxilijs adiunabat. Et Lysias Syracusanus orator exul tunc quingentos milites stipendio suo instructos in auxilium patriæ communis eloquētiæ misit. Fit itaq; asperum prælium, sed cum hinc pro patria summus uiribus, inde pro aliena dominatione securius pugnaretur, tyranni uincuntur. uicti in urbem refugerūt, quam exhaustam cædibus, suis etiam armis spoliant. Deinde cum omnes Athenienses proditoris suspectos haberent, demigrare eos ex urbe iubent, & in brachijs muri, quæ diruta fuerant, habitare, extraneis militibus imperium tuentes. Post hæc Thrasylbulum corrumpere imperij societatem pollicentes conantur. quod cum non contigisset, auxilia à Lacedæmonijs petuere. Quibus actis iterato præliantur. In eo bello Critias & Hippolochus omnium tyrannorum sæuissimi cadunt. Cæteris uictis, cum exercitus eorū, ex quibus maior pars Atheniensium erat, fugeret, magna uoce Thrasylbulus exclamat, cur se uictorem fugiant potius, q̃ ut uindicem communis libertatis adiunent? Ciuium illam memnerint aciem, non hostium esse, nec se ideo arma cœpisse, ut aliqua uictis adimat, sed ut adempta restituat. XXX. se dominis, nō ciuitati bellum inferre. Admonet deinde cognationis, legum, sacrorum communi-

um, tum uetusti per tot bella commilitij. orat ut miserantur exulum ciuium, si tam patienter ipsi seruiant, reddant sibi patriam, accipiant libertatem. His uocibus tantum promotum est, ut reuersus in urbem exercitus XXX. tyrannos emigrare Eleusina iuberet, substitutis. X. qui Remp. regerent. qui nihil exemplo prioris dominationis territi eandem uiam crudelitatis aggressi sunt. Dum hæc aguntur nunciatur Lacedæmone in bellum Athenienses exarsisse. Ad quod comprimendum Pausanias rex mittitur, qui misericordia exulis populi permotus patriam miseris ciuibus restituit, et X. tyrannos ex urbe Eleusina migrare ad cæteros iubet. Quibus rebus cum pax statuta esset, interiectis diebus repente tyranni non minus restitutos exules quam se in exilium actos indignantes, quasi uero aliorum libertas sua seruitus esset, bellum Atheniensibus inferunt. sed ad colloquium, ueluti dominationem recepturi, progressi, per insidias comprehensi, ut pacis uictimæ, trucidantur. Populus, quem emigrare iusserant, in urbem reuocatur. atque ita permulta membra ciuitas dissipata in unum tandem corpus redigitur, & ne qua dissensio ex ante actis nasceretur, omnes iureiurando obstringuntur, discordiarum obliuionem fore. Interea Thebani Corinthijq; legatos ad Lacedæmonios mittunt, qui ex manubijs portionem prædæ communis belli periculiq; peterent. quibus negatis, non quidem aperte bellum aduersus Lacedæmonios decernunt, sed tacitis animis tantum iræ concipiunt, ut subesse bellum intelligi posset. Eodem ferè tempore Darius rex Persarum moritur, Artaxerxe et Cyro filijs relictis. regnum Ar

Artaxerxi, Cyro ciuitates, quarum praefectus erat, testa-
 mento legauit. Sed Cyro iudicium patris iniuria uideba-
 tur. Itaq; occulte aduersus fratrem bellum parabat.
 Quod cum nunciatum Artaxerxi esset, accersitum ad
 se fratrem, & innocentiam dissimulatione belli sinu-
 lantem compedibus aureis uinxit, interfecissetq; ni ma-
 ter prohibuisset. Dimissus igitur Cyrus iam non ocul-
 te bellum, sed palam, nec per dissimulationem, sed ap-
 ta professione parare coepit, auxilia undiq; contrahit.
 Lacedaemonij memores atheniensi bello enixe se eius
 opera adiutos, uelut ignorantes, contra quem bellum
 pararetur, decernunt auxilia Cyro mittenda, ubi res
 eius exegisset. quærentes apud Cyrum gratiam, &
 apud Artaxerxem, si uicisset, uenia patroania, cum ni-
 hil aduersus eum aperte decreuissent. Sed cum in bel-
 lo fors prælii utrunque fratrem pugnae obtulisset, pri-
 or Artaxerxes a fratre uulneratur. quem cum equi
 fuga periculo subtraxisset, Cyrus a cohorte regia op-
 pressus interficitur. Sic uictor Artaxerxes & præda
 fraterni belli & exercitu potitur. In eo prælio decem
 milia Græcorum in auxilio Cyri fuere, quæ et in cor-
 nu, in quo steterant, uicerunt, & post mortem Cyri
 neq; armis, a tanto exercitu uinci, neque dolo capi po-
 tuerunt. Reuertentes, inter tot indomitas nationes &
 & barbaras gentes, per tanta itineris spatia, uirtute
 se usque terminos patriæ defenderunt.

LIBER SEXTVS.

I Acedemonij, more ingenij humani,
 quo plura habebant, eo ampliora cu-
 piētes, non contenti accessione Athe-
 niēsiū opū vires sibi duplicatas, totius
 Asiae imperiū affectare cœperūt. Sed
 maior pars sub regno Persarum erat. Itaq; Hercylides
 dux in hanc militiam electus, cum uideret sibi aduer-
 sus duos præfectos Artaxerxis regis, Pharnabazum,
 et Tissaphernem maximarum gentium uiribus succin-
 ctos dimicandum, pacificari cum altero statuit. Aprior
 uisus Tissaphernes uir et industria potior, et militibus
 Cyri quondā regis instructior in colloquiū, uocatur &
 statutis conditionibus ab armis dimittitur. Hanc rem
 Pharnabazus apud communem regem criminatur, ut
 Lacedæmonios Asiā ingressos nō repulerit armis, sed
 impensis regijs aluerit, merceturq; ab his, ut differant
 bella, quæ gerant, tanq̃ non ad unius summam impe-
 rij detrimentum omne perueniat. indignum ait bellū
 non perfici, sed redimi, hostem precio, non armis sum-
 moueri. His uocibus regem Tissapherni alienatum hor-
 tatur, ut in locū eius naualis belli ducem eligat Cono-
 nem atheniēsem, qui amissā bello patria Cypri exula-
 bat. quippe Atheniensibus, et si fractæ sunt opes, ma-
 nere tamen naualem usum, nec si eligendus sit ex uni-
 uersis, meliorem alium esse. Acceptis igitur quingen-
 tis talentis iussus est Conona classi præficere. His co-
 gnitis Lacedæmonij & ipsi à rege Aegypti Hercynio
 ne in

ne in auxilium navalis belli per legatos petunt. a quo
centum triremes & sexcenta milia modium frumenti
missa. a ceteris quoque socijs ingentia auxilia contra-
cta sunt. Sed tanto exercitui, & contra tantum ducem
deerat dignus imperator. Itaque postulātibz socijs Age-
silauum ducem regem tunc Lacedæmoniorum, propter
responsū oraculi delphici diu Lacedæmonij, an eum
summæ rei præponerent, dubitauerunt quibus futurus
imperij finis denunciabatur, cum regium claudicasset
imperium, erat enim pede claudius. Ad postremum sta-
tuerunt melius esse incesu regis, quā imperio, regnū
claudicare. Posteaq; Agesilauū cum ingentibus copijs in
Asiam misere, non facile dixerim, quod aliud par du-
cum tam bene cōparatum fuerit. Quippe ætas, uirtus,
consilium, sapientia utriq; propē una, gloria quoque re-
rum gestarum eadem. quibus cum paria omnia fortu-
na dederit, inuictum tamē ab altero utrunq; seruauit.
Magnus igitur amborum apparatus belli, magnæ res
gestæ fuerunt. sed Cononem seditio militum inuadit.
quos præfecti regis fraudare stipendio soliti erant, eo
Constantius, debita poscentium, quo grauiorem sub ma-
gno duce militiam præsumebant. Itaque Conon diu re-
ge per epistolas frustra fatigato, ad postremum ipse ad
eum pergit, cuius aspectu & colloquio prohibitus est,
quod eum more Persarum adorare nollet. Agit ta-
men cum eo per internuncios, & queritur, opulentissi-
mi regis bella inopia dilabi, & qui exercitum parem
hostibus habeat, pecunia uinci, qua præstet, infério-
remq; cum ea parte uirium inueniri, qua longe supe-
rior sit. Postulat sibi dari ministerium impensæ, quia

pluribus id mandari perniciosum sit. Dato stipendio ad classem remittitur, nec moram agendis rebus facit. Multa fortiter, multa feliciter agit. agros hostiles uastat, urbes expugnat. & quasi tempestas quaedam cuncta prostermit. Quibus rebus territi Lacedæmonij, ad patriæ subsidium, reuocandum ab Asia Agesilaum decernunt. Interim Lysander ab Agesilao proficiscente dux patriæ relictus ingentem classem summis uiribus instruit, fortunam belli tentaturus. Necnon & ipse Conon tunc primū cum hostium exercitu concursurus magna cura suos ordinat. Summa igitur non ducum tantum in eo prælio quàm militū æmulatio fuit. Nā ipse dux Conon, non tam Persis quàm patriæ studebat, et sicuti afflictis Atheniensium rebus author amissionis fuerat, sic uolebat idem haberi redditæ, patriamq; uincendo recipere, quam uictus amiserat, eo speciosius, q̃ ne ipsorum quidem Atheniensium, sed alienis uiribus prælio dimicet, pugnaturus periculo regis, uicturus præmio patriæ, gloriamq; diuersis artibus, quàm priores ciuitatis suæ duces, consecuturus. quippe illos uincendo Persas patriam defendisse, se Persas uictores faciendo restitutum patriam esse. Porro Lysander, præter coniunctionem Agesilai, etiam uirtutum æmulator erat, contendebatq; ne a rebus gestis eius & gloriæ splendore decederet, neue tot bellis ac sæculis quasitum imperium breuissimi momenti culpa subuerteret. Eadem militum et ciuium omnium cura erat, quos maior sollicitudo cruciabat, non tam ne ipsi quasitas opes amitterent, quàm ne Athenienses pristinas reciperent. Sed quāto maius prælium fuit, tanto

fuit, tanto & clarior victoria Cononis. Visti Lacedæ-
monij fugam capeffunt, præfidia hostium Athenis de-
ducuntur. Populo restituta dignitate conditio seruilis
eripitur, multæ quoque ciuitates recipiuntur. Hoc ini-
tium Atheniensibus resumendæ potentæ, & Lacedæ-
monijs habendæ finis fuit. Nanque ueluti cum impe-
rio etiam uirtutem perdidissent, contemni à finitimus
cœpere. Primi igitur Thebani auxiliantibus Athenien-
sibus bellum his intulere, quæ ciuitas ex infimis in-
crementis uirtute Epaminundæ ducis ad spem impe-
rij Græciæ erecta est. Fit itaq; terrestre prælium ead-
em Lacedæmoniorum fortuna, qua pugnatum aduer-
sus Conona nauali prælio fuerat. In eo bello Lysan-
der, quo ducæ Athenienses uisti à Lacedæmonijs fue-
rant interficiatur. Pausanias quoque alter dux Lacedæ-
moniorum proditionis accusatus in exilium abiit. Igi-
tur Thebani potiti uictoria uniuersum exercitum ad
urbem Lacedæmoniorum ducunt, facilem expugnatio-
nem rati, quoniam deserti à socijs omnibus erant.
Quod metuentes Lacedæmonij regem suum Agsila-
um ex Asia, qui ibi magnas res gerebat, ad defen-
sionem patriæ acersunt. occiso enim Lysandro nul-
lius alterius fiduciam ducis habebant. cuius quoni-
am serus aduentus erat, conscripto exercitu obuiam
hosti procedunt. Sed uictis aduersus pauloante uicto-
res nec animus, neque uires pares fuere. Prima igi-
tur congressione funduntur. Deletis iam suorum co-
pjs superuenit rex Agsilaus, qui restituto prælio
non difficulter recenti & multis expeditionibus in-
durato milite hostibus uictoriam eripuit. ipse tamen

e ii

grauius sauciatur . Quibus rebus cognitis Athenien-
 ses uerētes, ne iterum Lacedæmonijs uictoribus in pri-
 stinam sortem seruitutis redigerentur , exercitum con-
 trahunt , eumq; in auxilium Bæotiorum per Hippi-
 cratem uiginti quidem annos natum, sed magnæ in-
 dolis iuuenem , duci iubent. Huius adolescentis supra
 ætatem uirtus admirabilis fuit, nec unquam ante eum
 Athenienses inter tot tantosq; duces , aut spei maio-
 ris , aut indolis maturioris imperatorem habuerunt.
 in quo non imperatoriæ tantum, uerum etiam orato-
 riæ artes magnæ fuisse . Conon quoque audito reditu
 Agesilai & ipse ex Asia ad populandos Lacedæmo-
 niorum agros reuertitur . Atque ita undique belli
 formidine circumstrepente clausi Spartani ad summam
 desperationem rediguntur . Sed Conon uastatis ho-
 stium terris, Athenas pergit, ubi magno ciuium gau-
 dio exceptus plus tamen tristitiæ ipse , ex incensa &
 diruta à Lacedæmonijs patria , q̄ letitiæ ex recupe-
 rata post tantum temporis cepit . Itaque quæ incensa
 fuerant , prædarum sumptu restituit , & exercitum
 Persarū, quæ dirupta fuerant, reficit. Fatū illud Athe-
 narum fuit, ut ante à Persis crematæ manibus eorū
 & nunc à Lacedæmonijs dirutæ ex spolijs Lacedæ-
 moniorum restituerentur , uersa quoque uice nunc ha-
 berent socios, quos tunc hostes habuerunt , & hostes
 nunc paterentur , cum quibus iuncti tunc archissimis
 societatis uinculis fuerant. Dū hæc aguntur Artaxer-
 xes rex Persarum legatos in Græciam mittit, per quos
 iubet omnes ab armis discedere, qui aliter fecisset, eum
 se pro hoste habiturum . ciuitatibus libertatem suāq;
 omnia

omnia restituit. Quod nō Græciæ laboribus assiduīsq;
 bellorum inter ciues odijs consulens fecit, sed ne occupa-
 to sibi ægyptio bello, quod propter auxilia aduer-
 sus præfectos suos Lacedæmonijs missa susceperat, exer-
 citus sui in græcia detinerentur. Fessi igitur tot bellis
 Græci cupide paruere. Hic annus non eo tantum in-
 signis fuit, quod repente pax tota Græcia facta est, sed
 etiam eo, quod eodem tempore urbs Romana à Gallis
 capta est. Sed Lacedæmonij securis insidiantes, absen-
 tiam Arcadum speculati castellum eorum expugnant,
 occupatōq; præsidium imponunt. Itaq; armato instru-
 ctōq; exercitu Arcades, adhibitis in auxilium Theba-
 nis, amissa bello repetunt. In eo prælio Archidamus
 dux Lacedæmoniorum uulneratur, qui cum cædi
 suos iam et uictos uideret, per præconem corpora in-
 terfectorum ad sepulturam poscit. hoc est enim signum
 apud Græcos uictoriæ traditæ. qua confessione conten-
 ti Thebani signū parcendi dedere. Paucis deinde post die-
 bus neutris quicquā hostile facientibus, cum quasi con-
 sensu tacito induciæ essent, Lacedæmonijs alia bella ad-
 uersus finitimos gerentibus, Thebani, Epaminunda
 duce, occupandæ urbis eorum spem ceperunt. Igitur
 principio noctis taciti Lacedæmona profiscuntur, nō
 tamen aggredi incautos potuerunt. quippe senes et cæ-
 tera imbellis ætas, cum aduentum hostium persensis-
 sent, in ipsis portarū angustijs armati occurrunt, et ad-
 uersus quindecim milia militum non amplius centum
 iam effatæ ætatis uiri pugne se offerunt. tantum ani-
 morum uiriumq; patriæ & penatum conspectus sum-
 minisrat, tantoq; præsentia, q̄ recordatione sui maio-

I V S T I .

res spiritus largiuntur. Nam ut uiderunt intra quæ,
 Et pro quibus starent, aut uincendum sibi, aut morien-
 dum censuerunt. Pauci igitur sustinere senes aciem.
 cui par antedie uniuersa iuuentus esse non potuit. In
 eo prælio duo duces hostium cecidere. Cum interim
 Agésilai aduentus nuntiaretur, Thebani recessere, nec
 bellum diu dilatum. siquidem Spartanorum iuuentus
 senum uirtute et gloria incensa teneri non potuit, quin
 ex continenti acie decerneret, cum uictoria Thebano-
 rum esset. Epanunundas, dum non ducis tantum, ue-
 rum etiam fortissimi militis officio fungitur, graui-
 ter uulneratur. quo audito, his ex dolore metus, illis ex
 gaudio stupor iniicitur, atque ita ueluti ex placito con-
 sensu a prælio disceditur. Post paucos deinde dies Epa-
 minundas decedit, cum quo uires quoque Reip. cecide-
 runt. nam sicuti telo si primam aciem præfregeris, reli-
 quo ferro uim nocendi sustuleris, sic illo, uelut mucro-
 ne teli, ablato duce, Thebanorum Reip. uires hebetatæ
 sunt, ut non tam illum amisisse, quam cum illo inte-
 risse omnes uiderentur. nam neque hunc ante ducem
 ullum memorabile bellum gessere, nec postea uirtuti-
 bus, sed cladibus insignes fuere, ut manifestum sit pa-
 triæ gloriam Et natam Et extinctam cum eo fuisse.
 Fuit autem incertum, uir melior, an dux esset. nam Et
 imperium non sibi semper, sed patriæ quæsiuit, Et
 pecuniæ adeo parcus fuit, ut sumptus funeri defue-
 rint. Gloriæ quoque non cupidior quam pecuniæ. quip-
 pe recusanti omnia imperia ingesta sunt. honores que
 ita gessit, ut ornamentum non accipere, sed dare ipse
 dignitati uideretur. Iam literarum studium, iam phi-
 losophiæ

losophiae doctrina tanta, ut mirabile uideretur, unde
 tam insignis militiae scientia homini inter literas nato.
 Neque ab hoc uitae proposito mortis ratio dissensit. nam
 ut relatus in castra semianimis uocem spiritumq; colle-
 git, id unum a circumstantibus requisivit, num cadenti
 sibi scutum ademisset hostis. quod ut seruatum audiuit,
 allatum uelut laborum gloriaeque socium osculatus est.
 Iterum quaesivit utri uicissent. ut audiuit Thebanos, be-
 ne habere se rem dixit, atque ita uelut gratulabun-
 dus patriae expirauit. Huius morte etiam Athenien-
 sium uirtus intercidit. siquidem amisso, cui emulari
 consueuerant, in segnitiam torporemque resoluti, non
 (ut olim) in classem exercitusque, sed in dies festos,
 apparatusque ludorum, redditus publicos effundunt, et
 cum actoribus nobilissimis, poetisque theatra celebrant,
 frequentius scenam quam castra uiscentes. Versifica-
 tores oratoresque meliores, quam duces laudantes. Tunc
 uectigal publicum, quo ante milites et remiges ale-
 bantur, cum urbano populo diuidi coeptum. Quibus
 rebus effectum est, ut, inter otia Graecorum, sordi-
 dum et obscurum antea Macedonum nomen emer-
 geret. et Philippus obses triennio Thebis habitus
 Epaminundae et Pelopidae uirtutibus eruditus, regnum
 Macedoniae, Graeciae et Asiae ceruicibus, ueluti iugum
 seruitutis, imponeret.

e iiii

IVSTI.
LIBER SEPTIMVS.

Acedonia antea nomine Emathionis
regis, cuius prima uirtutis experimen-
ta in illis locis extant, Emathia cogno-
minata est. Huius sicuti incrementa mo-
dia, ita termini perangusti fuere. Po-

- m
» pulus Pelasgi, & regio Bæotia dicebatur. Sed postea
uirtute regum, & gentis industria, subactis primo fini-
tims, mox populis nationibusq; imperium usq; extre-
mos orientis terminos prolatum est. In regione Pelago-
niæ, quæ nunc portio est Macedonia, regnasse fertur
Pelegonus pater Asteropæi, cuius troiano bello inter
» clarissimos uindices Urbis nomen accepimus. Ex alio
» latere in Europa Europus nomine regnum tenuit. Sed
& Caranus cum magna multitudine Græcorum se-
des in Macedonia resposito oraculi iussus querere, cum
in Emathiam uenisset, urbem Edessam, non sentienti-
bus Oppidanis, propter imbrium & nebulae magni-
tudinem, gregem caprarum imbrem fugientium secu-
tus occupauit, reuocatusq; in memoriam oraculi, quo
iussus erat ducibus capris, imperium querere regni
sedem statuit, religioseq; postea obseruauit, quocunq;
agmen moueret, ante signa easdem capras habere, cœ-
ptorum duces habiturus, quas regni habuerat autho-
res. Urbem Edessam, ob memoriam muneris, Aegæā,
populum ægæatas uocauit. Pulso deinde Mida, nam is
quoque portionem Macedonia tenuit, alijsq; regibus
pulsis, in locum omnium solus successit, primusq; adu-
natis gentibus uariorum populorum ueluti unum cor-
pus Mac-

pus Macedoniae fecit, crescentiq; regno ualida, incrementorum fundamenta construit. Post hunc Perdicas regnauit, cuius uita illustris, & mortis postrema, ueluti ex oraculo praecepta, memorabilia fuere. siquidem senex moriens Argeo filio monstrauit locum, quo condi uellet. ibiq; non sua tantum, sed etiam succedentium sibi in regnum ossa poni iussit. Praefatus quoad ibi conditae posteriorum reliquiae forent, regnum in familia mansurum, creduntq; hac superstitione extinctam in Alexandro stirpem, quia locum sepulturae mutauerit. Argeus, moderate & cum amore populi administrato regno, successorem filium philippum reliquit, qui immatura morte raptus Aeropum paruulum admodum instituit heredem. Sed Macedonibus assidua certamina cum Thracibus & Illyrijs fuere. quorum armus ueluti cotidiano exercitio indurati gloria bellicae laudis finitimos terrebant. Igitur Illyrij infantiam regis pupilli contemnentes bello Macedonas aggrediuntur, qui praelio pulsi, rege suo in cunis prolato & ante aciem posito, acius certamen repetuerunt. tanquam ideo uicti fuissent antea, quod bellantibus sibi regis sui auspicia defuissent, futuri uel propterea uictores, quod ex superstitione animum uincendi ceperant, simul & miseratio eos infantis tenebat, quem, si uicti forent, captiuum de rege facturi uidebantur. Conserto itaque praelio magna caede Illyrios fudere, ostenderuntq; hostibus suis priore bello, regem Macedonibus non uirtutem defuisse. Huic Amyntas succedit & propria uirtute, & Alexandri filij egregia indole insigniter clarus. Cui Alexandro tanta omnium uirtutum naturae or-

I V S T I.

namenta extitere, ut etiā Olympio certamine uario ludicrorum genere contenderit. Cū interim Darius rex Persarum turpi à Scythia fuga summotus, ne ubiq; deformis militiæ damnis haberetur, mittit cum parte copiarū Megabyzum ad subigendā Thraciā. ceteraq; eius tractus regna, quibus pro ignobili momento erat accessura Macedonia. Qui breui tempore executo regis imperio, legatis ad Amyntam regem Macedonia missis, obsides in pignus futuræ pacis sibi dari postulabat. Sed legati benigne excepti inter epulas ebrietate crescente, rogant Amyntam, ut apparatus epularum adiiciat ius familiaritatis, adhibitis in conuiuium suis ac filij uxoribus & filiabus, id apud Persas haberi pignus ac fœdus hospitij. Quæ ut uenerūt petulantius contrectantibus, filius Amyntæ Alexāder rogat patrē respectu ætatis ac grauitatis suæ abiret conuiuium, pollicitus se hospitum iocos tem paturū quo digressō mulieres quoq; paulū è cōuiuiū euocat, cultius exornaturus, gratioresq; reducturus. In quarū locum matronali exornatos habitu iuuenes supponit, eosq; petulantiam legato rum ferro, quod sub ueste gerebant, compescere iubet. Atq; ita interfectis omnibus ignarus rei Megabyzus, cum legati non redirent, mittit eo cum exercitus parte Bubarem, ut in bellum facile & mediocre dedignatus ipse ire, ne dehonestaretur prælio tam fœdæ gentis. Sed Bubares ante bellū amore filiæ Amyntæ captus, omisso bello, nuptias facit, depositisq; hostilibus animis in affinitatis iura succedit. post discessum à Macedonia Bubaris Amyntas rex decedit, cuius filio & successori Alexandro cognatio Bubaris non Darij tantum tē-

poribus pacem præstitit, uerum etiā Xerxē conciliauit,
adeo, ut cum Græciam ueluti tēpestas quædam occupas-
set, inter Olympum Hæmumq; montes totius regionis
eum imperio donauerit. Sed nec uirtute minus quā
Persarū liberalitate regnum ampliavit. Per ordinem
deinde successionis regnū Macædoniæ ad Amyntam fra-
tris eius Menelai filium peruenit. Hic quoq; insignis in-
dustria, & omnibus imperatorijs uirtutibus instructus
fuit. Qui ex Eurydice tres filios sustulit, Alexādrum,
Perdiccam, & Philippum Alexandri Magni macæ-
donis patrem, & filiam Eurynoem. Ex Gygæa au-
tem Archelaum, Arideum, Menelaum. qui cum Illy-
rijs, deinde & cum Olynthijs grauius bella gessit. In-
sidijs autem Eurydices uxoris, quæ nuptias generi pa-
cta occidendum uirum regnumque adultero traden-
dum suscepit, occupatus fuisset, nī filia pellicatum ma-
tris, & sceleris consilia prodidisset. Functus itaque
tot periculis senex decessit regno maximo filijs, Ale-
xandro tradito. Igitur Alexander inter prima ini-
tia regni bellum ab Illyrijs pacta mercede, & Phi-
lippo fratre dato obside redemit. Interiecto quoque
tempore per eundem obsidem cum Thebanis grati-
am pacis reconciliat. quæ res Philippo maxima in-
crementa egregiæ indolis fuit, siquidem triennio
Thebis obses habitus prima pueritiæ rudimenta in ur-
be seueritatis antiquæ, & in domo Epaminundæ
summæ & philosophi & imperatoris deposuit. Nec
multo post Alexander insidijs Eurydices matris ap-
petitus occumbit, cui Amyntas in scelere deprehen-
sæ propter communes liberos, ignarus eisdem quādoq;

IVSTI.

exitiosam fore, pepercerat. Frater quoque eius Perdicca pari insidiarum fraude decipitur. Indignum prorsus libidinis causa liberos à matre uita priuatos, quam scelerum suorum supplicijs hoc liberorum contemptio vindicauerat. Perdiccae indignior cædes uidebatur, quod ei apud matrem misericordiam ne paruulus quidem filius conciliauerat. Itaque Philippus diu non se regem, sed tutorem pupilli egit. At ubi grauiora bella imminebant, seruumque auxilium in expectatione infantis erat, compulsus à populo regnum suscepit. Ut est ingressus imperium magna de illo spes omnibus fuit, et propter ipsius ingenium, quod magnū spondebat uirū, et propter uetera Macedoniae fata, quæ cecinerant, uno ex Amyntæ filijs regnante, florētissimū fore Macedoniae statum. cui spei scelus matris hunc residuū fecerat. Principio regni, cum hinc cædes fratrum indigne pemptorum, inde hostium multitudo, hinc insidiarum metus, inde inopia continui belli et exhausti regni immaturam ætatem tyronis bella, quæ urgeret uelut conspiratione quadā ad opprimendam Macedoniam multarum gentium ex diuersis locis uno tempore confluebant, quoniam omnibus par esse non poterat, dispensanda ratus, alia interposita pactione componit, alia redimit facillimis quibusque aggressis, quorum uictoria et militum trepidos animos firmaret, et contemptum sibi hostium dederet. Primum illi cum Atheniensibus certamen fuit, quibus per insidias uictis, metu belli grauioris, cum interficere omnes posset, incolumes sine precio dimisit. Post hæc bello in, Illyrios translato multa milia hostium

cedit. Urbem nobilissimam Larissam in Thessalia nō
 prae cupiditate, sed quod exercitui suo robur thes-
 salorum equitum adiungere gestiebat, nihil minus q̄
 bellum metuentem improvisus expugnat, unumque
 corpus equitum pedestriumque inuicti exercitus fecit.
 Quibus rebus feliciter proueniētibz Olympiada Neo-
 ptolē regis Molossorum filiam uxorem ducit, con-
 ciliante nuptias fratre patruele tutore uirginis Arya-
 ba rege Molossorū, q̄ sororem Olympiadis Troada in
 matrimoniū habebat, quae causa illi exitij malorumq̄
 omniū fuit, nam dum regni incrementa affinitate Phi-
 lippi acquisiturum se sperat, proprio regno ab eodem
 priuatus in exilio consenuit. His ita gestis Philippus iā
 non contentus sumnuere bella, ultro etiam quietos
 lacessit. Cum Methonam urbem oppugnaret in prae-
 tereuntem de muris sagitta iacta dextrum oculum re-
 gis effodit. quo uulnere nec segnior in bellum, nec
 iracundior aduersus hostes factus est, adeo ut interie-
 ctis diebus pacem deprecantibus dederit, nec mode-
 ratus tantum, uerum etiā mitis aduersus uictos fuerit.

LIBER OCTAVVS.

8 Ræciæ ciuitates dum imperare singu-
 le cupiunt, imperium omnes perdide-
 runt. quippe in mutuum exitum sine
 modo ruentes ab omnibus uictæ perie-
 re. quid singulae amitterent, non nisi
 oppressæ senserunt. si quidem Philippus rex Macedo-
 niæ ueluti è specula quadā libertati omniū insidiatus,

dū contentiones ciuitatum alit, auxiliū inferioribus ferendo, uictos pariter, uictoresq; subire regiam seruitutem coegit. Causa & origo huius mali Thebani fuere. qui cum rerū potirentur, secundam fortunam imbecillo animo ferentes, uictos armis Lacedæmonios & Phocenses, quasi parua supplicia cædibus & rapinis luissent, apud cōmune Græciæ conciliū superbe accusauerunt. Lacedæmonijs crimini datum, qđ arcem thebanam induciarū tempore occupassent, Phocensibus qđ bæotiam depopulati essent, prorsus quasi post arma et bellum locum legibus reliquissent. Cū iudicium arbitrio uictorū exerceretur, tanta pecunia dānantur, quāta exolui non posset. Igitur Phocenses, cum agris, liberis, coniugibusq; priuarentur, desperatis rebus, Philomelo quodam duce, uelut deo, irascentes, templum ipsum Apollinis Delphis occupauere. Inde auro & pecunia diuites, conducto mercenario milite bellum Thebanis intulerunt. Factumq; Phocensium tamen omnes execrarentur propter sacrilegium, plus tamen inuidiæ Thebanis, à quibus ad hanc necessitatem compulsi fuerant, q̄ ipsis intulit. Itaq; auxilia his & ab Atheniensibus & à Lacedæmonijs missa. Prima igitur congreSSIONe Philomelus Thebanos castris exiit. Sequenti prælio primus inter confertissimos dimicans cecidit. & sacrilegij pœnas impio sanguine luit. In huius locum dux Onomarchus creatur. aduersus quem Thebani Thessaliq; non ex quibus suis, ne uictoris potentiam ferre non possent, sed Philippum Macedonia regem ducem eligunt, & externæ dominationi, quā in suis timuerunt, sponte succedunt. Igitur Philippus, quasi

sacrilegij non Thebanorum ultor esset, omnes milites coronas laureas sumere iubet, atque ita ueluti deo duce in praelium pergit. Phocenses, insignibus dei conspectis, conscientia delictorum territi, abiectis armis fugam cepissent, poenasque uiolatae religionis sanguine et cadibus suis pendunt. Incredibile, quantam ea res apud omnes nationes Philippo gloriam dedit. Illum uindictam sacrilegij, illum ultorem religionum, quod orbis uiribus expiari debuit, solum, qui piacula exigeret, extitisse dignum. Itaque dijs proximus habetur, per quem deorum maiestas uindicta sit. sed Athenienses audito belli euentu, ne in Graeciam Philippus transiret, angustias Thermopylarum pari ratione (sicuti antea aduenientibus Persis) occupauere, sed nequaquam simili aut uirtute, aut causa siquidem tunc pro libertate Graeciae, nunc pro sacrilegio publico, tunc a rapina hostium templa uindicturi, nunc aduersus uindictam templorum raptores defensori aguntque se propugnatores sceleris, cuius turpe erat alios uindices fuisse, immemores prorsus, quod in dubijs rebus suis illo deo etiam consiliorum auctore usi fuerant, quod illo duce tot bella uictores inierant, tot urbes auspicio condiderant, tantum imperium terra marique quaesierant, quod nihil, sine maiestate numinis eius, aut priuatae unquam aut publicae rei gesserant. tantum facinus admississe ingenia omni doctrina exulta, pulcherrimis legibus institutisque formata, ut quid, unde post hac succensere iure barbaris possint, non haberent. sed nec Philippus melioris fidei aduersus socios fuit. quippe ueluti timens, ne ab hostibus sacrilegij scelere uinceretur, ciuitates quarum paulo ante

I V S T I .

dux fuerat, quæ sub auspicijs eius militauerant, quæ
 gratulatæ illi, sibiq; uictoriam nactæ fuerant, hosti-
 liter occupatas diripuit. Coniuges liberosq; omnium sub
 corona uendidit. Non deorum immortalium templis,
 non ædibus sacris, non dijs penatibus publicis priua-
 tisq; ad quos pauloante ingressus hospitaliter fuerat,
 pepercit. Prorsus ut non tam sacrilegi ultor extitisse,
 quàm sacrilegorum licentiam quæsisse uideretur. In-
 de ueluti rebus egregie gestis in Thraciam traiecit.
 Vbi bello pari perfidia gesto, captisq; per dolum &
 occisis finitimus regibus, uniuersa prouincia im pio Ma-
 cedoniæ adiungit. Deinde ad abolendam inuidiæ fa-
 mam, quia insignis præter cæteros tunc temporis habe-
 batur, per regna mittit, & opulentissimas ciuitates, qui
 opinionem fererent, regem Philippum magna pecunia
 locare, muros per ciuitates & phana ac templa facien-
 da, ut per præcones susceptores sollicitarentur. qui cum
 in Macedoniam uenissent, uarijs dilationibus frustra-
 ti uim regiæ maiestatis timentes taciti proficiscebantur.
 Post hæc Olynthios aggreditur. Receperant enim per
 misericordiam post cædē unius, duos fratres eius, quos
 Philippus ex nouerca genitos ueluti participes regni,
 interficere gestebat. Ob hanc igitur causam urbem an-
 tiquam & nobilem excidit, & fratres olim destina-
 to supplicio tradit, prædæq; ingenti pariter & pari-
 cidij uoto fruitur. Inde quasi omnia, quæ agitaasset ani-
 mo ei licerent, auraria in Thessalia, argenti metalla
 in Thracia occupat. Et ne quod ius uel fas inuiola-
 tum prætermitteret, piraticam quoque exercere insti-
 tuit. His ita gestis forte euenit, ut eum fratres duo re-
 gis Thraciæ

gis Thraciæ, non contemplatione iustitiæ eius, sed inuicem metuentes, ne alterius uiribus accederet, disceptationum suarum iudicem eligerent. Sed Philippus more ingenij sui, ad iudicium ueluti ad bellum inopinantibus fratribus instructo exercitu superuenit, & regno utrumque non iudicis more, sed fraude latronis ac scelere spoliavit. Dum hæc aguntur legati Atheniensium petentes pacem ad eum uenerunt. quibus auditis, & ipse legatos Athenas cum pacis cōditionibus misit. ibiq; ex commodo utrorumq; pax facta. Ex cæteris quoque Græciæ ciuitatibus, non pacis amore, sed belli metu, legationes uenere. Siquidem recrudescente ira, Thessali Bæotijq; orant, ut professum se aduersum Phocenses duces Græciæ exhibeat, tanto odio Phocensium ardentes, ut obliuiscantur cladium suarum perire ipsi, quàm non perdere eos, præoptarent, expertamq; Philippi crudelitatem pati, quàm parcere hostibus suis, mallent. Contra Phocensium legati adhibitis Lacedæmonijs & Atheniensibus bellum deprecabantur, cuius ab eo dilationem ter iam emerant. Fædum prorsus miserandumq; spectaculum, Græciam etiam nunc & uiribus, & dignitate, orbis terrarum principem, regum certe gentiumq; semper uictricem, & multarum adhuc urbium dominam, alienis excubare sedibus, aut rogantem bellum aut deprecantem in alterius ope omnem spem posuisse. orbis terrarum iudices eo usque discordia sua, quilibetq; bellis redactos, ut adulentur ultro sordidam paulo ante clientelæ suæ partem, & hoc potissimum facere Thebanos Lacedæmoniosq; antea inter se imperij nunc Græciæ imperantis emulos.

f

Philippus inter hæc uindicatione gloriæ suæ tantarum urbium fæstigium agitât, atque utros potius dignetur, æsumat. Secreto igitur auditis utrisque legationibus, his ueniam belli pollicetur, iureiurando additis, responsum nemini prodituros, illis contra uenturum se auxiliumq; laturum. utrosque uetat parare bellum aut metuere. Sic uariato responso securis omnibus Thermopylarum angustias occupat. Tunc primum Phocenses se captos fraude Philippi animaduertentes trepidi ad arma confugunt. Sed neque spatium erat instruendi belli, nec tempus ad contrahenda auxilia, & Philippus excidium minabatur, ni fieret deditio. Victi igitur necessitate, pacta salute, se dedunt. Sed pactio eius fidei fuit, cuius antea fuerat deprecanti belli promissio. Igitur cæduntur passim rapiunturq; non liberi parentibus, non coniuges maritis, non deorum simulachra templis suis relinquuntur. Vnum tantum miseris solatium fuit, quod cum Philippus portione prædæ socios fraudasset, nihil rerum suarum apud inimicos uiderunt. Reuersus in regnum, ut pecora pastores nunc in hybernos, nunc in æstuos saltus traiciunt, sic ille populos & urbes (ut illi uel replenda uel dereliquenda quæque loca uidebantur) ad libidinem suam transfert. miserranda ubique facies, & excidio similis erat. Non quidem pauor ille hostilis, nec discursus per urbem militum erat, non tumultus armorum, non bonorum atque hominum rapina, sed tacitus mœror & luctus, uerentibus ne ipsæ lachrymæ pro contumacia haberentur. Crescit dissimulatione ipsa dolor, hoc al-

tius

tius demissus, quo minus profiteri licet. Nunc sepul-
chra maiorum, nunc ueteres penates, nunc tecta, in
quibus geniti erant, in quibusq; genuerant, conside-
rabant, miserantes nunc uicem suam, quod in eam
diem uiuissent, nunc filiorum, quod non post eam
diem nati essent. Alios populos in finibus ipsis hosti-
bus opponit, alios in extremis regni terminis statuit,
quosdam bello captos in supplementis urbium diui-
dit. Atque ita ex multis gentibus nationibusq; unum
regnum populumque constituit. Compositis ordina-
tisque Macedoniae rebus, Dardanos ceterosq; fini-
timos fraude captos expugnat. Sed nec à proximis ma-
nus abstinet. Siquidem Arymbam regem Epiri uxo-
ri suae Olympiadi archissima cognatione uinctum pel-
lere regno statuit, atque Alexandrum priuignum
eius, uxoris Olympiadis fratrem, puerum honeste
pulchritudinis in Macedoniam nomine sororis acer-
sit, omnique studio sollicitatum in spem regni simula-
to amore ad stupri consuetudinem perpulit, maio-
ra in eo obsequia habiturus, siue conscientiae pudore,
siue regni beneficio. Igitur cum XX. ad annos per-
uenisset ereptum Arymbae regnum puero admodum
trahit, scelestus in utroque. nam nec in eo ius cognat-
ionis seruauit, cui ademit regnum, & eum, cui de-
dit, impudicum fecit ante quam regem.

f ii

I V S T I.
LIBER NONVS.

N Græciam Philippus cum uenisset sol-
licitatus paucarū ciuitatum direptione,
et ex præda modicarum urbium, quã
ta opes uniuersarum essent animo pro-
spiciens, bellū toti Græciæ inferre sta-
tuit. Ad cuius emolumentum egregie pertinere ratus,
si Byzantium, nobilem et maritimam urbem, rece-
ptaculum terra mariq; copijs suis futurum in potesta-
tem redeisset, eandem claudentem sibi portas obsidio-
ne cinxit. Hæc namq; urbs condita primo à Pausania re-
ge Spartanorum, et per. VII. annos possessa fuit. de-
inde uariante uictoria, nunc Lacedæmoniorum, nunc
Atheniensium iuris habita est. quæ incerta possessio ef-
fecit, ut nemine quasi suam auxilijs iuuante libertatem
constantius tueretur. Igitur Philippus longa obsidionis
mora exhaustus pecuniæ commercium de piratica mu-
tuatur. Captis itaq; C. LXX. nauibus, mercibusque, di-
stractus anhelantem inopiam paululum recreauit. De-
inde, ne unius urbis oppugnatione tantus exercitus te-
neretur, profectus cum fortissimis multas cheronnesi
urbes expugnat. Filium Alexandrum decem et octo
annos natum, ut sub militia patris tyrocinij rudi-
menta deponeret, ad se accersit. In Scythiam quoque
prædandi causa profectus, more negotiantium im-
pensas belli alio bello refecturus. Erat eo tempore rex
Scytharum Antas. qui cum bello Isirianorum preme-
retur, auxilium à Philippo per Apollonienses petit, in
suæssione eum regni Scythiæ adoptaturus. Cū interim
Isirianorum

Istriarum rex decedens & metu belli & auxiliorum
 necessitate, Scythas soluit. Itaque Antea remissis Ma-
 cedonibus renunciari Philippo iubet, neque auxilium
 eius se petisse, neque adoptionem mandasse. nam neque
 uindictae Macedonum egere Scythas, quibus meliores
 forent, neque heredem sibi incolumi filio deesse. His
 auditis Philippus, legatos ad Anteam mittit impensae
 obsidionis portionem petentes, ne inopia bellum desere-
 re cogatur. quod eo promptius eum facere debere, quod
 missis à se in auxilium eius militibus, ne sumptum quod
 dem uix, non modo officij precia dederit. Antea in-
 clementiam caeli & terrae sterilitatem causatus, quae
 non patrimonijs ditet Scythas, sed uix alimentis exhi-
 beat, respondit, nullas sibi opes esse, quibus tantum re-
 gem expleat, & turpius putare paruo defungi, quam totum
 abnuere. Scythas autem uirtute animi & duritia cor-
 poris, non opibus censeari. Quibus derisus Philip-
 pus soluta obsidione Byzantij, scythicum bellum ag-
 greditur, praemissis legatis, quo securiores faceret,
 qui nuncient Antae dum Byzantium obsidet uouisse
 statuam Herculi, ad quam in hostio Isiri ponendam
 se uenire, pacatum accessum ad religionem dei petens,
 amicus ipse Scythis uenturus. Ille si uoto fungi ue-
 lit, statuam sibi mitti iubet, non modo ut ponatur, ue-
 rum etiam ut inuiolata maneat, pollicetur. Exerci-
 tum autem fines ingredi negat se passurum, ac si inui-
 tis Scythis statuam ponat, eo digresso sublaturum,
 uersurumque; ac statuam in aculeos sagittarum. His
 utrinque irritatis animis praeliū committitur. Cum
 uirtute & numero praestarent Scythae, astutia Phi-

f iii

lippi vincuntur. XX. milia puerorum ac foeminarum
 capta, pecoris magna vis, auri argentiq; nihil. ea pri-
 mum fides inopie scythicae fuit. XX. milia nobilium
 equarum ad genus faciendum in Macedoniam missa.
 Sed reuertenti à Scythia Triballi Philippo occurrunt.
 Negant se transitum duros, ni portionem accipiant
 praeda. Hinc iurgium, & mox praelium. in quo ita
 in femore uulneratus est Philippus, ut per corpus eius
 equus interficeretur. Cum omnes occisum putarent,
 praeda amissa est. Ita scythica uelut deuota spolia
 penè luctuosa Macedonibus fuisse. Vbi uero ex uulne-
 re primum conualuit, diu dissimulatum bellum Athe-
 niensibus infert. Quorum causae Thebani se iungere,
 metuentes ne uictis Atheniensibus, ueluti uicium, in-
 cendium belli ad se transfret. Facta igitur inter duas
 paulo ante infestissimas ciuitates societate, legationibus
 Græciam fatigant, communem hostem putant com-
 munibus uiribus summouendum. Neque enim cessa-
 turum Philippum si prospere prima successerint, nisi
 omnem Græciam domuerit. Motæ quædam ciuitates
 Atheniensibus se iungunt. quasdam autem ad Philip-
 pum belli metus traxit. Praelio commissio, cum Athe-
 nienses longe maiore militum numero præstarent, as-
 siduis bellis indurata uirtute Macedonum vincuntur,
 non tamen immemores pristinae gloriæ cedere. Quip-
 pe aduersis uulneribus omnes loca, quæ tuenda à du-
 abus acceperant, morientes corporibus texerunt. Hic
 dies uniuersæ Græciæ & gloriam dominationis, &
 uetustissimam libertatem finit. Huius uictoriæ calli-
 de dissimulata lætitia est. Denique non solita sacra Phi-
 lippus

lippus illa die fecit, non in conuiuio risit, non ludos
inter epulas adhibuit, non coronas aut unguenta sum-
psit, & quantum in illo fuit, ita uicit, ut uictorem
nemo sentiret. Sed nec regem se Græciæ, sed du-
cem appellari iussit. Atque ita inter tantam læ-
titiā & dolorem hostium temperauit, ut neque
apud suos exultasse, neque apud uictos insultasse ui-
deretur. Atheniensibus, quos passus infestissimos fue-
rat, & captiuos gratis remisit, & bello consum-
ptorum corpora sepulturæ reddidit, reliquiasq; fune-
rum, ut ad sepulchra maiorum deferrent, ultro hor-
tatus est. Super hæc Alexandrum filium cum amico
Antipatro, qui pacem cum his amicitiamq; iungeret,
Athenas misit. Thebanorum porro non solum capti-
uos, uerum etiam interfectorum sepulturam uendidit.
principes ciuitatis alios securi percussit, alios in exiliū
redegit, bonaq; omnium occupauit, pulsos deinde per
iniuriam in patriam restituit. Ex horum numero. ccc.
exules iudices rectoresq; ciuitati dedit. Apud quos cū
potentissimi quiq; rei eius ipsius criminis postularen-
tur, quod per iniuriam se in exiliū egressent, huius
constantiae fuerunt, ut omnes se authores faterentur,
meliusq; cum repu. actum, cum damnati essent, q̄ cum
restituti contenderent. Mira prorsus audacia, de in-
diabus uitæ necisq; suæ quemadmodum possunt, sen-
tentiam ferunt, contemnuntq; absolutionem, quam da-
re inimici possunt, & quam rebus nequeunt ulcisci,
uerbis usurpant libertatem. Compositis in Græcia re-
bus Philippus omnium ciuitatum legatos ad formandū
rerum præsentium statum euocari Corinthum iubet.

f iiii

I V S T I.

Ibi pacis legem uniuersæ Græciæ pro meritis singula-
rum ciuitatum statuit, cōciliumq; omnium ueluti unum
senatum ex omnibus elegit. Seli Lacedæmonij & le-
gem & regem contempserunt, seruitutem non pacem
rati, quæ non ipsis ciuitatibus conueniret, sed a ui-
ctore ferretur. Auxilia deinde singularum ciuitatum
describuntur, siue adiuuandus ea manu rex oppu-
gnante aliquo foret, seu duce illo bellum inferendum.
Neq; enim dubium erat imperium Persarum his ap-
paratibus peti. Summa auxiliorum CC. milia pedi-
tum fuisse, & equitum XV. milia. Extra hanc sum-
mam & Macedoniae exercitus erat, & confinis domi-
tarum gentium barbaries. Initio ueris tres duces in
Asiam Persarū iuris præmittit Parmenionem, Amyn-
tam, & Attalum, cuius sororem nuper, expulsa Ale-
xandri matre Olympiade propter stupri suspicionem,
in matrimonium acceperat. Interea dum auxilia a
Græcia cōeunt, nuptias Cleopatæ filiæ & Alexan-
dri, quem regem Epiri fecerat celebrat. Dies erat pro
magnitudine duorum regum, & collocantis filiam, et
uxorem ducentis apparatibus insignis. Sed nec ludo-
rum magnificentia deerat, ad quorum spectaculum
Philippus cum sine custodibus corporis medius inter
duos Alexandros filium generumq; contenderet, Pau-
sanias nobilis ex Macedonibus adolescens nemini su-
spectus occupatum Augustijs Philippum in transitu ob-
truncat, diemq; lætiæ destinatum fœdum luctu fune-
ris facit. Hic Pausanias primis pubertatis annis stu-
prum per iniuriam passus ab Attalo fuerat, cuius in-
dignitati hæc etiam fœditas accesserat. nam produ-
ctum in

etum in conuiuia solumq; mero Attalus non suæ
 tantum, uerum & conuiuiarum libidini, uelut scortum
 uile, subiecerat, ludibriumq; omnium inter æquales red
 diderat. Hanc rem agre ferens Pausanias querelam
 Philippo sæpe detulerat. Cum uarijs frustrationibus
 non sine risu differretur, & honoratum insuper du-
 catu aduersarium cerneret, iram in ipsum Philippum
 uertit, ultionemq; quam ab aduersario non poterat,
 ab iniquo iudice exegit. Creditum est etiam, immis-
 sum ab Olympiade matre Alexandri fuisse, nec ipsum Ale-
 xandrum ignarum paternæ cædis extitisse. quippe non
 minus Olympiadem repudium, & prælatam sibi Cleo-
 patram, quam stuprum Pausaniam doluisse. Alexan-
 drum quoque regni æmulum fratrem ex nouerca su-
 sceptrum timuisse, eoque actum ut in conuiuio antea pri-
 mum cum Attalo mox cum ipso patre iurgaret. Adeo
 ut etiam stricto gladio eum Philippus confectatus sit,
 agreq; à filij cæde amicorum precibus exoratus.
 Quam ob rem Alexander ad auunculum se in Epi-
 rum cum matre, inde ad reges Illyriorum contule-
 rat, uixq; reuocanti mitigatus est patri, precibusq; ca-
 gnatorum agre redire compulsus. Olympias quoque
 fratrem suum Alexandrum Epiri regem in bellum
 subornabat, perfecissetq; ni filiae nuptijs pater gene-
 rum occupasset. His simulis irarum uterque Pausaniã
 de impunitate stupri sui querentem ad tantum facinus
 impulsisse creduntur. Olympias certe fugienti percus-
 sori equos quoque præparatos habuit. Ipsa deinde au-
 dita regis nece, cum titulo officij ad exequias curris-
 set, in cruce pendentis Pausaniæ capiti eadem nocte,

I V S T I.

qua uenit, coronam auream imposuit, quod nemo alius audere, nisi hæc, superstite philippi filio potuisset. paucos deinde post dies refixum corpus interfectoris super reliquias mariti cremauit, & tumultum ei eodem fecit in loco, parentariq; eidem quotannis, incussa populo superstitione, curauit. Post hæc Cleopatra, à qua pulsa philippi matrimonio fuerat, in gremio eius prius filia interfecta, finire uitam suspendio cœgit, spectaculoq; pendentis ultio petita est, ad quam per parricidium festinauerat. Nouissime gladium illum, quo rex percussus est, Apollini sub nomine Myrtalis consecrauit. hoc enim nomen ante Olympiadis paruulæ fuit. Quæ omnia ita palam facta sunt, ut timuisse uideatur, ne facinus ab ea commissum non probaretur. Decessit philippus XL. & VII. annorum, cum annis XXV. regnasset. Genuit ex Larissæa saltatrice filium Arideum, qui post Alexandrum regnauit. Habuit & multos alios filios ex uarijs matrimonijs regio more susceptos. qui partim fato, partim ferro periere. Fuit rex armorum, quàm conuiuiorum, apparatus studiis, cui maximæ opes erant instrumenta bellorum, diuitiarum quæstus quàm custodia sollertior. itaque inter cotidianas rapinas semper inops erat. Misericordia in eo & perfidia pari iure dilectæ. Nulla apud eum turpis ratio uincendi, blandus pariter & insidiosus alloquio, qui plura promitteret, quàm præstaret. In seria & iocos artifex. Amicitias utilitate non fide colebat. Gratiam fingere in odio, in gratia offensam simulare, instruere inter concordantes odia, apud utrumque gratiam quærere, sô-

lemnis illi consuetudo. Inter hæc eloquentia insignis, oratio acuminis & sollertiae plena, ut nec ornatui facilitas, nec facilitati inuentionum deesset ornatus. Huic Alexander successit, & uirtute & uitijs patre maior. Itaque uincendi ratio utrique diuersa. Hic aperta ui, ille artibus bella tractabat. Deceptis ille gaudere hostibus, hic palam fufis. Prudentior ille consilio, hic animo magnificentior. Iram pater dissimulare plerunque & uincere, huic, ubi exarsisset, nec dilatio ultionis, nec modus erat. Vini nimis uterque auidus, sed ebrietatis diuersa uitia. Patri mos erat & de conuiuio in hostem procurrere, manum conferere, periculis se temere offerre, Alexander non in hostem, sed in suos seuebat. Quam ob rem Philippum saepe uulneratum praelia remissere, hic amicorum interfectorum conuiuio frequenter excessit. Regnare ille cum amicis nolebat, hic in amicos regna exercebat. Amari pater mallebat, hic metui. Literarum cultus utrique similis. Sollertiae pater maioris, hic fidei. Verbis atque oratione Philippus, hic rebus moderator. Parcendi uictis filio animus & promptior & honestior, ille nec socijs abstinebat. Frugalitati pater, luxuriae filius magis deditus erat. Quibus artibus orbis imperij fundamenta pater fecit, operis totius gloriam filius consumauit.

IVSTI.
LIBER DECIMVS.

Artaxerxi regi Persarum ex pellicibus
centum quindecim filij fuere, sed tres
tantum iusto matrimonio suscepti, Da-
rius, Ariarchus, et Ochus. Ex his Da-
rium contra morem Persarum, apud
quos rex non nisi morte mutatur, per indulgentiam
pater regem uiuus fecit, nihil sibi ablatum existmans,
quod in filium contulisset, sinceriusq; gaudium ex pro-
creatione capturus, si insignia maiestatis suæ uiuus in
filio conspexisset. Sed Darius post noua paternæ pie-
tatis exempla interficiendi patris consilium cepit. sceler-
rator quod, si solus parricidium cogitasset, tanto sceler-
rator in societate facinoris assumptos quinquaginta
fratres fecit parricidas. ostenti prorsus genus, ubi in
tanto populo non solum sociari, uerum etiam sileri par-
ricidium potuit, ut ex quinquaginta liberis nemo in-
uentus sit, quæ aut paterna maiestas, aut ueneratio se-
nis, aut indulgentia patris à tanta immanitate reuo-
caret. adeo uile paternum nomen apud tot numero fi-
lios fuit, ut quorum præsidio tutus etiam aduersus ho-
stes esse debuerat, eorum insidijs circumuentus tutior ab
hostibus, q̃ à filijs fuerit. Causa parridij scelerator ip-
so parricidio fuit. Occiso quippe Cyro fratre in bello,
cuius mentio supra habita est, Aspasiæ pellicem eius
rex Artaxerxes in matrimonium receperat. hanc
patrem cedere sibi, sicuti regnum, Darius postula-
uerat. Qui, pro indulgentia sua in liberos, pri-
mo facturum se dixerat, mox poenitentia ductus ut

honeste negaret, quod temere promiserat, solis eam sacerdotio, quo perpetua illi ab omnibus uiris pudicitia imperabatur. Hinc exacerbatu*s* iuuenis in iurgia primo patris erupit. mox facta cum fratribus coniuratione, dum patri insidias parat, deprehensus cum socijs poenas parriadij dijs paternae maiestatis ultoribus, dedit. coniuges quoq; omnium cum liberis, ne quod uestigium tanti sceleris extaret, interfectae sunt. Post haec Artaxerxes morbo ex dolore contracto decedit. rex, q*ui* pater, facili*or*. Haereditas regni Ocho tradita, qui timens parem coniurationem, regiam cognatorum caede et strage principum replet, nulla non sanguinis, non sexus, non aetatis misericordia permotus, scilicet ne innocentior fratribus parricidis haberetur. Atque ita ueluti purificato regno bellum Cadusijs infert. In eo cum aduersus provocatorem hostium Codomanus quidam omnium favore processisset, hoste caeso uictoriam suis pariter, et prope amissam gloriam restituit. ob haec decora idem Codomanus praeficitur armenijs. Interiecto deinde tempore post mortem Ochi regis ob memoriã pristinae uirtutis rex a populo constituitur, Darij nomine, ne quid regiae maiestati deesset, honoratus. bellumq; cum Alexandro magno diu variante fortuna magna uirtute, gessit. Postremo uictus ab Alexandro et a cognatis occisus uitam pariter cum Persarum regno finiu*t*.

IVSTI.
LIBER VNDECIMVS.

N exercitu Philippi sicuti variae gen-
tes erant, ita eo ocase diversi motus ani-
morum fuere. Alij quippe iniusta serui-
tute oppressi, ad spem se libertatis erige-
bant. Alij tedio longinquae militiae re-
missam sibi expeditionem gaudebant. Nonnulli facem
nuptijs filiae accensam rogo patris subditam dolebant.
Amicos quoque tam subita mutatione rerum haud
mediocris metus ceperat, reputantes, nunc provocatam
Asiam, nunc Europam nondum perdomitam, nunc Il-
lyrios, & Thracas, & Dardanos, caeterasq; barbaras
gentes fidei dubiae, & mentis infidae. qui omnes populi
si pariter deficiant, resisti nullo modo posse. His rebus
uelut medela quaedam interuentus Alexandri fuit. qui
pro concione ita vulgus omne cosolatus, hortatusq; pro
tempore est, ut & metum timentibus demeret, & in
spem sui omnes impelleret. Erat hic annos. XX. natus.
In qua aetate ita moderate de se multa pollicitus est, ut
appareret plura eum experimentis reservare. Mace-
donibus immunitatem cunctarum rerum, praeter mi-
litiae uacationem, dedit. quo facto tantum sibi fauorem
omnium conciliauit, ut corpus hominis, non uirtutem
regis mutasse se dicerent. Prima illi cura paternarum
exequiarum fuit. In quibus ante omnia caedis conscios
ad tumulum patris occidi iussit, soli Alexandro Lynce-
stae fratri pepercit, seruans in eo auspiciu dignitatis
suae. Nam regem eum prius salutauerat. Aemulum
quoque imperij Caranum fratrem ex nouerca susce-

ptum interfici curauit. Inter initia multas gentes rebel-
lantes compescuit. orientes nonnullas seditiones extin-
xit. Quibus rebus erectus, citato gradu in Græciam
contendit. Vbi exemplo patris Corinthum euocatis ci-
uitatibus, dux in locum eius substituitur. Inchoatum de-
inde à patre persicum bellum aggreditur. In cuius ap-
paratu occupato nunciatur, Athenienses, et Thebanos
ab eo ad Persas defecisse, authoremq; eius defectionis
magno auri pondere à Persis corruptum Demosthe-
nem oratorem extitisse, qui Macedonum delctas om-
nes cum rege copias à Triballis affirmauerit, producto
in concionem authore, qui in eo prælio, in quo rex
cæderat, se quoq; uulneratum diceret. qua opinione
mutatos omnium ferme ciuitatum animos esse, præsidia
Macedonũ obsideri. Quibus motibus occursum, tan-
ta celeritate instructo paratoq; exercitu Græciam op-
pressit, ut quem uenire non senserant, uidere se uix
crederent. In transitu hortatus Thessalos fuerat. bene-
ficiorumq; Philippi patris maternæq; suæ cum his ab
Aeacidarum gente necessitudinis admonuerat. Cupide
hæc Thessalis audientibus exemplo patris dux uni-
uersæ gentis creatus erat, et uestigia omnia reddi-
tusq; suos ei tradiderant. Sed Athenienses sicut primũ
defecerunt, ita primũ poenitere cœperunt, contemptum
hostis in admirationem conuertentes, pueritiãq; Ale-
xandri spretam antea supra uirtutem ueterum ducum
extollentes. Missis itaque legatis bellum deprecantur.
quibus auditis, et grauiter increpatis, Alexander bel-
lum remisit. Inde Thebas exercitum conuertit, eadem
indulgentia usus, si parem poenitentiam inuenisset.

I V S T I .

sed Thebani armis non precibus nec deprecatione usi sunt. Itaq; uicti grauissima quæq; supplicia miserrimæ captiuitatis experti sunt. Cum in consilio de excidio urbis deliberaretur, Phœenses & Plataenses & Thespenses & Orchomenij Alexandri socij, uictoriæq; participes excidium urbium suarum, crudelitatemq; Thebanorum referebant, studia in Persas non præsentia tantum, uerum etiam & uetera aduersus Græciæ libertatem increpantes. Quam ob rem odium eos omnium populorum esse. quod uel ex eo manifestari, quod iureiurando se omnes obstrinxerint, ut uictis Persis Thebas diruerent. adiungunt & scelerum priorum fabulas, quibus omnes scænas repleant, ut non præsentia tantum perfidia, uerum & uetere infamia inuisi forent. Tunc Eleadas unus ex captiuis, data potestate dicendi, non à rege se defecisse, quem interfectum audierint, sed à regis hæredibus, quicquid in eo sit admissum credulitatis, non perfidiæ culpam esse, cuius tamen iam magna se supplicia pependisse. deleta inuentute, nunc senum foeminarumq; sicuti infirmum, ita innoxium restare uulgus, ipsumq; stupris contumelijsq; ita uexatum esse, ut nihil amarius unquam sint passi, nec iam pro ciuibus se, qui tam pauci remanserint, orare, sed pro innoxio patriæ solo, et pro urbe, quæ non uiros tantum uerum etiam deos genuerit. Priuata etiam regem superstitione deprecatur geniti, apud ipsos Herculis, unde originem gens Aeacidarum trahat. actæq; Thebis à patre eius Philippo pueritiæ rogat, urbi parcat, quæ maiores eius partim apud se genitos deos adoret, partim educatos summæ maiestatis reges

reges uiderit. Sed potentior fuit ira q̄ preces. Itaq; urbs diruitur. agri inter uictores diuiduntur. captui sub corona uenduntur. quorum precium non ex ementium commodo, sed ex inimicorum odio extenditur. miseranda res Atheniensibus uisa. itaq; portas refugijs profugorum contra interdictum regis aperuere. Quam rē ita grauius tulit Alexander, ut secunda legatione demum bellum deprecantibus ita demum remisit, ut oratores & duces, quorum fiducia toties rebellent, sibi dedantur, paratisq; Atheniensibus, ne cogantur subire bellum, eo res deducta est, ut retentis oratoribus duces in exilium agerentur. Qui ex continenti ad Darium profecti non mediocri momentum Persarum uiribus accessere. Proficiscens ad persicum bellum omnes nouercae suae cognatos, quos Philippus in exaltiore dignitatis locum prouehens imperijs praefecerat, interfecit. sed nec suis, qui apti regno uidebantur, pepercat, ne qua materia seditionis procul se agente in Macedonia remaneret, & regios stipendiarios suspectioris ingenij ad commulitum secum trahit, seniores ad tutelam regni relinquit. Adunato deinde exercitu naues onerat. Vnde conspecta Asia, incredibili ardore mentis accensus duodecim aras deorum in belli uota statuit. Patrimonium omne suum, quod in Macedonia Europaq; habebat, amicis diuidit, sibi Asiam sufficere praefatus. Prius, q̄ ulla nauis litore cederet, hostias caedit, petens uictoriam bello, quo toties a Persis petita Graeciae ultor electus sit, quibus longa iam satis & maturata imperia contigisse, quoruq; tempus esse uices excipere melius acturos. Sed neque exercitus eius alia,

quàm regis animorum præsumptio fuit. quippe obli-
 ti omnes coniugum, liberorumq; et longinquæ à domo
 militiæ, persicum aurum, & totius orientis opes, iam
 quasi suam prædam ducebant, nec belli periculorum,
 sed diuitiarum meminerant. Cum delati in continen-
 tem essent, primus Alexander iaculum uelut in ho-
 stilem terram iecat, armatusq; de naui tripudianti si-
 milis prosiluit, atque ita hostias cædit, precatus ne se
 regem illæ terræ inuitæ accipiant. In Ilio quoque ad-
 tumulos eorum, qui troiano bello ceciderant, parenta-
 uit. Inde hostem petens, milites à populatione Asiæ
 prohibuit, parcendum suis rebus præfatus, nec perdẽ-
 da ea quæ possessura uenerant. In exercitu eius fue-
 re peditum XXXII. milia, equitum quatuor milia qu-
 genti, naues centum LXXXII. Hac tam parua manu
 uniuersum terrarum orbem utrum sit admirabilius
 uicerit, an aggredi ausus fuerit, incertum est. cum ad
 tam periculosum bellum exercitum legerit, non iuue-
 nes robustos, nec primo flore ætatis, sed ueteranos, ple-
 rosq; etiam emeritæ militiæ, qui cum patre usq; mili-
 tauerant, elegit, ut non tam milites, quàm magistros
 militiæ electos putares. Ordines quoq; nemo nisi sexa-
 genarius duxit, ut si principia castrorum cerneret, se-
 natum te alicuius priscæ reip. uidere diceret. Itaq; ne-
 mo in prælio fugam sed uictoriam cogitauit, nec in pe-
 dibus cuiquam spes, sed in lacertis fuit. Contra rex
 Persarum Darius fiducia uirium nil astu agere, affir-
 mans suis oaculta consilia uictoriæ fortunæ non conue-
 nire, nec hostem à regni finibus arcere, sed in intimũ
 regnũ accipere, gloriosius ratus repellere regno, quàm
 non

non admittere. Prima igitur congressio in cāpis Adra-
 shæ fuit. In acie Persarum sexcenta milia militum fue-
 re, quæ non minus arte Alexandri, quàm uirtute Ma-
 cedonum superata, terga uerterunt. magna itaq; cædes
 Persarum fuit. de exercitu Alexandri noningenti pe-
 dites, centum uiginti equites cecidere. quos rex impen-
 se ad cæterorū solatia humates statuis equestribus do-
 nauit, cognatisq; eorum immunitates dedit. Post uictō-
 riam maior pars Asiæ ad eum defecit. Cessit & plu-
 ra bella cū præfectis Darij, quos iam non tam arnus,
 quàm terrore nominis sui uicit. Dum hæc aguntur,
 interim indicio captui ad eum defertur, insidias ei
 ab Alexandro Lyncesta genero Antipatri, qui præ-
 positus Macedoniae erat, parari. ob quam causam ti-
 mens, ne quis interfecto eo in Macedonia motus ori-
 retur, in uinculis eum habuit. Post hæc Gordieum ur-
 bem petit, quæ posita est inter Phrygam maiorem
 & minorem. cuius urbis potunda non tam propter
 prædam cupido eum cepit, sed quod audiuerat in ea
 urbe in templo Iouis iugum plaustris Gordij positum, cu-
 ius nexum si quis soluisset, eum tota Asia regnatu-
 rum antiqua oracula cecinisse. Huius rei causa & ori-
 go illa fuit. Gordius cum in his regionibus bobus con-
 ductis araret, aues eum omnis generis circunula-
 re cœperunt. Profectus ad consulendos augures ui-
 cinæ urbis obuiam in porta habuit uirginem exi-
 mæ pulchritudinis, percunctatusq; eam, quem po-
 tissimum augurem consuleret, illa, audita causa consulē-
 di, gnara artis ex disciplina parentum, regnum ei
 portendi respondit, polliceturq; se & matrimonij &

I V S T I.

spei sociam. tam pulchra conditio prima regni felicitas
uidebatur. Post nuptias inter Phrygas orta seditio est.
consulentibus de fine discordiarum oracula responde-
runt, rege discordijs opus esse. Iterato quærentibus de
persona regis, iubentur eum regē observare, quem re-
uersi primum in templum Iouis euntem plauastro repe-
rissent. obuius illis Gordius fuit, statimq; eum regem
consalutant. Ille plaustrum, quo uehenti regnum dela-
tum ei fuerat, in templo Iouis positum maiestati conse-
cravit regæ. Post hunc filius Mida regnavit. qui ab
Orpheo sacrorum solemnibus initiatus, Phrygiam re-
ligionibus impleuit, quibus tutior omni uita q̃ armis
fuit. Igitur Alexander capta urbe cum in templum Io-
uis uenisset, iugum plaustri requisivit. quo exhibito cum
capita loramentorum intra nodos abscondita reperire
non posset, uiolentius oraculo usus gladio loramenta cæ-
dit. Atq; ita resolutis nexibus latentia in nodis capi-
ta inuenit. Hoc illi agenti nunciatur Darium cum in-
genti exercitu aduentare. Itaq; timens angustias magna
celeritate Taurum transcendit. In qua festinatione qn-
gentia stadia cursu fecit, cum Tarsum uenisset captus
Cydni fluminis amœnitate per mediam urbem influē-
tis, proiectis armis, plenus pulueris ac sudoris, in præ-
frigdam undam se proiecit. tum repente tantus nervos
eius occupauit rigor, ut interclusa uoce non spes modo
remediij, sed nec dilatio periculi inueniretur. Vnus erat
ex medicis nomine Philippus, qui solus remedium pol-
liceretur. sed & ipsum Parmenionis pridie à Cappa-
docia missæ epistolæ suspectum faciebant, qui ignarus
infirmittatis Alexandri scripserat, à Philippo medica

ut



ut caueret. nam corruptum illum à Dario ingenti pecunia esse. Tutius tamen ratus ē dubiæ se fidei medici credere, q̄ indubitato morbo perire. Accepto igitur poculo epistolas medico tradidit, atque ita inter bibendum oculos in uultum legentis intendit. ut securum conspexit, lætior factus est, sanitatemq; quarta die recepit. interea Darius cum .CCC. milibus peditum & C. milibus equitum in aciem procedit. Mouebat hæc multitudo hostium respectu paucitatis suæ Alexandrū, sed interdum reputabat, quantas res cum ista paucitate gessisset, quātosq; populos fudisset. Itaq; cum spes metum uinceret, periculosius differre bellum ratus, ne desperatio suis cresceret, circumuectus suos singulas gentes diuersa oratione alloquitur, Illyrios & Thraces opum ac diuitiarum ostentatione, Græcos ueterum bellorum memoria æterniq; cum Persis odij accendebat. Macedonas autem, nunc Europæ uictæ admonet, nunc Asiæ expetitæ, nec inuentos illis toto orbe pares uiros gloriatur. Ceterum & laborum finem hunc, & gloriæ cumulum fore. Atq; inter hæc identidem consistere acie iubet, ut hac mora consuescant oculis turbam hostium sustinere. Nec Darij segnis opera in ordināda acie fuit. quippe omissis ducum officijs ipse omnia circumire, singulos hortari, ueteris gloriæ Persarū imperijq; perpetuæ à dijs immortalibus datæ possessionis admonere. Post hæc prælium ingentibus animis committitur. In eo uterq; rex uulneratur. Tam diu certamen anceps fuit, quoad fugerat Darius. Exinde cædes Persarum secuta est. Cæsa sunt peditum unum & LX. milia, equitum decem milia, capta quadraginta milia. Ex

I V S T I

Macedonibus cedere pedestres. C. XXX. eq̃tes. C. L. In
castris Persarū multum auri, ceterarūq; opum inuētū.
Inter captiuos castrorum mater, & uxor eadēq; soror,
& filie duæ Darij suere. ad quas uisendas hortan-
dasq; cum Alexāder uenisset, conspectis armatis inui-
cē se complexæ uelut statim morituræ, complorationē
ediderunt. Prouolutæ deinde genibus Alexādrinon ui-
tam, sed dū Darij corpus sepeliānt, dilationem mortis
deprecantur. Motus tanta mulierū pietate Alexāder, et
Dariū uiuere dixit, & timētibus mortis metū dempsit,
easq; haberi, et saluari, ut regnas præcepit. Filias
quoq; non sordidius dignitate patris sperare matrimo-
niū iussit. Post hæc opes Darij diuitiarūq; apparatus
contemplatus admiratione tantarum rerum capitur.
Tunc primum luxuriosa conuiuia, & magnificentia
epularum sectari, tunc Barsinen captiuam diligere pro-
pter formæ pulchritudinem cœpit, à qua postea susce-
ptum puerum Herculem uocauit. memor tamen adhuc
Dariū uiuere, Parmenionem ad occupandā persicam
classē, aliosq; amicos ad recipiendas Asiæ ciuitates
misit. Quæ statim audita fama uictoriæ, ipsis Darij
præfectis. cum auri magno pondere tradentibus se,
in potestatem uictorum uenerunt. Tunc in Scyriam
proficiscitur, ubi obuios cum insulis multos reges orien-
tis habuit. ex his pro meritis singulorum alios in socie-
tatem recepit, alijs regna ademit, suffectis in loca eo-
rum nouis regibus. Insignis præter cæteros fuit Abdo-
lonymus rex ab Alexandro sidoniæ constitutus, quem
Alexander, cum operam oblocare ad puteos exhau-
riendos hortosq; irrigandos solitus esset, misere uitam
exigentem

exigentem regem fecerat, spretis nobilibus, ne generis id, non dantis beneficium putarent. Tyriorum ciuitas cum coronam auream magni ponderis per legatos in titulum gratulationis Alexandro misisset, grate munere accepto Tyrū se ire uelle ad uota Herculi reddenda dixit, cum legati rectius id eum in Tyro uetere & antiquiore templo facturum dicerent, in deprecantes eius introitum ita exarsit, ut urbi exadium minaretur. Confestimq; exercitu insula applicato, non minus animosis Tyrijs fiducia Carthagenensium bello excipitur. augebat enim Tyrijs animos Didonis exemplum, quæ Carthagine condita tertiam partem orbis quaesisset, turpe ducentes si fœminis suis plus animi fuisset in imperio quaerendo, q̃ sibi in tuenda libertate. Amota igitur imbelli ætate Carthaginem, & accersitis mox auxilijs, non magno post tempore per prodicionem capiuntur. Inde Rhodum Alexander Aegyptum Ciliciamq; sine certamine recepit. Ad Iouem deinde Ammonem pergit consulturus & de euentu futurorum, & de origine sua. Nanq; mater eius Olympias confessâ uiro suo Philippo fuerat, Alexandrum non ex eo, sed ex serpente ingentis magnitudinis concepisse. Denique Philippus ultimo propè uitæ suæ tempore, filium suum non esse palam prædicauerat, quæ ex causa Olympiada uelut stupri compertam repudio dimiserat. Igitur Alexander cupiēs originem diuinitatis acquirere, simul & matrem infâma liberare, per præmissos subornat antistites, quid sibi responderi uelit. Ingreddientem templum statim antistites, ut Ammonis filiū salutant. Ille lætus dei adoptione hoc se patre cēse-

I V S T F.

ri iubet. Rogat deinde, an omnes interfectores patris sui sit ultus, respondens patrem eius nec posse interfici, nec mori, regis Philippi peractam plene ultionem esse. Tertiam interrogationem poscenti uictoriam omnium bellorum, possessionemque terrarum dari respondent. Comitibus quoque suis responsum, ut Alexandrum pro deo, non pro rege colerent. Hinc illi aucta insolentia, mirusque animo increuit tumor exempta comitate, quam et Græcorum literis, et Macedonum institutis didicerat. Reuersus ab Ammone Alexandriam condidit, et coloniam Macedonum caput esse Aegypti iubet. Darius cum Babylona profugisset, per epistolas Alexandrum precatur, redimendarum sibi captiuarum potestatem faciat, inque eam rem magnam pecuniam pollicetur. sed Alexander in pretium captiuarum regnum omne, non pecuniam petit. Interiecto tempore alie epistolæ Darij Alexandro redduntur, quibus filie matrimonium, et regni portio offertur. sed Alexander sua sibi dari rescripsit, iussitque supplicem uenire, et regni arbitria uictori permittere. Tum, spe pacis amissa, bellum Darius reparat, quadringentis milibus peditum, et centum milibus equitum obuiam vadit Alexandro. In itinere nunciatur uxorem eius ex collisione abiecti partus decessisse, eiusque mortem illachrymatum Alexandrum, exequiasque benigne prosecutum, idque eum non amoris, sed humanitatis causa fecisse. nam semel eam tantum ab Alexandro uisam esse, cum matrem paruulæque filias eius frequenter consolaretur. Tunc Darius se ratus est uere uictum, cum post praelia et beneficijs ab hoste superaretur, gratumque sibi esse si uincere neque-

at, quod

at, quod à tali potissimum uinceretur. Scribit itaq; & tertias epistolas, & gratias agit, quod nihil in suos hostile fecerit. offert deinde maiorem partem regni usq; ad flumen Euphratem, & alteram filiam uxorem, pro reliquis captiuis triginta milia talentum. Ad hoc Alexander gratiarum actionem ab hoste supernacaneam esse respondit, nec à se quicquam factum in hostis adulationem, nec quod in dubios belli exitus aut in leges pacis sibi lenocinia quæreretur, sed animi magnitudine, qua didicerit aduersus uires hostium non aduersus calamitates contendere. polliceturq; se præstaturum ea Dario, si secundus sibi, non par haberi uelit. cæterum neque mundum posse duobus solibus regi, neq; orbem summa duo regna saluo statu terrarum habere. Proinde aut deditionem eadem die, aut in posteram aciem paret, nec pollicetur sibi aliam, quàm sit expertus uictoriâ. Postera die aciem produciunt. Tum repente, ante prælium, confectum curis Alexandrum somnus arripuit. cum ad pugnam solus rex deesset, à Parmenione ægre excitatus querentibus somni causas omnibus inter pericula, cuius etiã in otio semper parciore fuerit, magno se metu liberatum ait, somnumq; sibi à repentina securitate datum, quod liceat cum omnibus Darij copijs configere, ueritum se longam belli moram, si Persæ exercitum diuisissent. ante prælium utraq; acies hostibus spectaculo fuit. Macedones multitudinem hominum, corporum magnitudinem, armorumq; pulchritudinem mirabantur, Persæ autem à tam paucis uicta suorum tot milia stupebant. Sed nec duces circumire suos cessabant. Darius uix denis armatis singulos hostes si diui-

sio fieret euenire dicebat. Alexander Macedonas monebat, ne multitudine hostium, neue corporis magnitudine, uel coloris nouitate mouerentur, tantum meminisse iubet, cum iisdem se tertio pugnare, nec meliores factos putarent fuga, cum in aciem secum tam tristem memoriam caedum suarum, et tantum sanguinis duobus praelijs fusi praeferrent. Et quemadmodum Dario maiorem turbam hominum esse, sic uirorum sibi. Hortatur spernat illam aciem auro et argento fulgentem, in qua plus praedae, quam periculi sit, cum uictoria non ornamentorum decore, sed ferri uirtute quaeratur. Post haec praelium committitur. Macedones in ferrum cum contemptu toties a se uicti hostis ruebant. Contra Persae mori, quam uinci praeeptabant. Raro in alio praelio tantum sanguinis fusum est. Darius cum uinci suos uideret, uoluit mori et ipse. sed a proximis fugere compulsus est. suadentibus deinde quibusdam, ut pos Lyci fluminis ad iter hostium impediendum intercidere tur, non ita saluti suae uelle consultum ait, ut tot milia sociorum hostibus obijciat, debere et alijs fugae uiam patere, quae patuerit sibi. Alexander autem periculossima quaeque aggrediebatur, et ubi confertissimos hostes acerrime pugnare conspexisset, eo se semper ingerebat, periculaque sua esse, non militem uolebat. Hoc praelio Asia imperium rapuit, quinto post acceptum regnum anno. cuius felicitas tanta fuit, ut post hoc nemo rebellare ausus sit, patienterque Persae post imperium tot annorum iugum seruitutis acceperint. Donatis relictisque militibus. XL. continuis diebus praedam recognoscit. In urbe deinde suis quadraginta milia talentorum inuenit.

Expugnat & Persepolim caput persia regni, urbem multis annis illustrē, refertamq; orbis terrarū spolijs, quæ interitu eius primum apparuerunt. Inter hæc octingenti admodum Græci occurrunt Alexandro, qui poenam captiuitatis truncata parte corporum tulerāt, rogantes, ut sicuti Græciā, se quoq; ab hostis crudelitate vindicaret. Data potestate redeundi agros recipere maluerunt, ne non tam gaudium parentibus, q̄ detestandum sui conspectum reportarent. Interea Darius in gratiā uictoris a cognatis suis aureis cōpedibus catenisq; in uico Parthorum Tanea uincitur. credo ita dijs immortalibus uindictantibus, ut in terra eorū, qui successuri imperio erant, Persarum regnū finiretur. Alexander quoq; citato cursu postera die superuenit. Ibiq; cognouit Darium clauso uehiculo per noctem exportatum. Iussu itaq; exercitu subsequi cum sex milibus equitum fugientem insequitur. In itinere multa & periculosa prælia facit. Emensus deinde multa milia passuum, cum nullum Darij indicium reperisset, respirandi equis data potestate, unus ex militibus, dum ad fontem proximum pergit, in uehiculo Dariū multis quidem uulneribus confossum, sed spirātem adhuc inuenit. Qui applicito captiuo cum ciuem ex uoce cognouisset, id saltem præsents fortunæ solatiū se habere dixit, qđ apud itellecturū locuturus esset, nec in cassum postremas uoces emissurus. Perferri hæc Alexādro iubet, se nullis in eū meritorū officijs maximorum illi debitorem mori, qđ in matre liberisq; suis regnū eius, non hostilē animū expertus, feliciusq; hostem q̄ cognatos propinquosq; sortitus sit. quippe et matri, ac liberis

I V S T I.

suis ab eodem hoste uitam datam, sibi a cognatis ereptam, quibus et uitam et regna dederit. quam ob rem gratiam illi eam futuram, quam ipse uictor uolet, Alexandro referre se, quam solam moriens potest gratiam. precari superum et inferum numina, et regales deos, ut illi terrarum omnium uictori contingat imperium, pro se iustam magis, quam grauem sepulturae ueniam orare. quod ad ultionem pertineat, iam non suam, sed exempli, communemque omnium regum esse causam, quam negligere illi et indecorum esse et periculosum. quippe cum in altero iustitiae eius, in altero etiam utilitatis causa uersetur. In quam rem unicum pignus fidei regiae dextram se ferendam Alexandro dare. Post haec porrecta manu expirauit. Quae ubi Alexandro nuntiata sunt, uiso corpore defuncti, tam indignam illo fastigio mortem lachrymis prosecutus est. Corpusque regio more sepeliri, et reliquias eius maiorum tumulis inferri iussit.

LIBER DVODECIMVS.

Alexander in persequendo Dario amissos milites magnis funerum impensis extulit. Reliquis expeditionis eius sociis XV. milia talentorum diuisit. Equorum maior pars aestu amissa, inuitesque etiam, qui supersuerat, facti. Pecunia omnis CLXXX. milia talentorum ex uictoria nuper congesta, eiisque Parmenio praeficitur. Dum haec aguntur, epistolae Antipatri a Macedonia redduntur, quibus bellum Agidis re-

gis Spartanorum in Græcia, et Alexandri regis Epi-
ri in Italia, Zopyrionis præfecti eius in Scythia mors
continebatur. Quibus uarie affectus, plus tamen læti-
tiae cognitis motibus duorum æmulum regum, q̄ do-
loris amissi cum Zopyrioe exercitus suscepit. Nāq; post
profectionem Alexandri Græcia ferme omnis in occa-
sionem recuperandæ libertatis ad arma concurrerat,
authoritatem Lacedæmoniorum secuta, q̄ philippi Ale-
xandriq; pacem soli spreuerant, & leges respuerant.
Dux huius belli Agis rex Lacedæmoniorum fuerat.
quem motum Antipater contractis militibus in ipso or-
tu oppressit. magna tamen utrinq; cedes fuit. Agis rex
cum suos terga dantes uideret, dimissis satellitibus, ut
Alexandro felicitate, nō uirtute inferior uideretur, tan-
tas strages hostium edidit, ut agmina interdū fugaret.
ad extremum & si à multitudine uictus gloria tamē
omnes uicit. Porro Alexander rex Epiri in Italiam à
Tarentinis auxilia aduersus Brutios deprecantibus sol-
licitatus ita cupide profectus fuerat, uelut in diuisione
orbis terrarum Alexandro Olympiadis sororis suæ
filio oriens, & sibi occidens sorte contigisset, non mino-
rem rerum materiam in Italia, Africa, Siciliaq; , q̄ ille
in Asia & Persis habiturus. Huc accedebat, quod sicut
Alexandro magno delphica oracula insidias in Mace-
donia, ita huic responsum dodonæi Iouis urbem Pando-
siam amnemq; Acherusum prædixerāt. quæ utraque
cum in Epiro essent, ignarus eadem & in Italia esse,
ad declinanda futorum pericula pegrinam militiam
cupidius elegerat. Igitur cum in Italiam uenisset, pri-
uum illi bellū cū Appulis fuit, quorū cognito urbis fū-

to, breui post tempore pacem & amicitia cum rege eorum fecit. Erat namque tunc temporis urbs Appulis Brundisium, quam Aetoli secuti dudum fama rerum in Troia gestarum clarissimum ac nobilissimum ducem Diomedem condiderant. Sed pulsi ab Appulis consulentes oracula responsum acceperant, locum quem repetissent perpetuo possessuros. Hac igitur ex causa per legatos sub belli comminatione restitui sibi ab Appulis urbem postulauerant. Sed ubi Appulis oraculum innotuit, interfectos legatos in urbe sepeliunt, perpetuo ibi sedem habituros. Atque ita defuncti responso diu urbem possederunt. Quod cum factum cognouisset Alexander, antiquitatis fata ueneratus, bello Appulorum abstinuit. Gessit & cum Brutis Lucanisque bellum, multasque urbes cepit, cum Metapontinis & Rutulis & Romanis foedus amicitiamque fecit. Sed Brutum Lucanisque cum auxilia a finitimis contraxissent, acrius bellum repetuere. Ibi rex iuxta urbem Padusiam & flumen Acheronta, non prius fatalis loci cognito nomine, quam occideret, interficitur. moriensque non in patria fuisse sibi piculosam mortem, propter quam patriam fugerat, intellexit. corpus eius Thurii publice redemptum sepulturae tradiderunt. dum haec aguntur in Italia Zopyrion quoque praefectus Ponti ab Alexandro magno relictus otiosum se ratus, si nihil ipse gessisset, adunato XXX. milium militum exercitu, Scythias bellum intulit. Cesus cum omnibus copiis poenas temere illati belli genti innoxiae luit. Haec cum nuntiata in Parthiam Alexandro essent, simulato mœrore propter Alexandri cognationem exercitui suo triduo lucum indixit. Omnibus deinde, uelut Darii morte prope

trato bello, reditum in patriam expectantibus coniun-
gesq; & liberos suos animo iam quodammodo comple-
ctentibus, ad concionem exercitum uocat. sibi nihil actus
tot egregijs praelijs ait, si incolumis oriētalīs barbari
es relinquatur, nec se corpus, sed regnum Darij petis-
se, persequendosq; esse eos, qui à regno defecerint. Hac
oratiōe uelut ex integro incitat s militum animis Hyr-
caniam Mardosq; subegit. Ibi ei occurrit Thalestris
Amazonum regina cum trecentis mulieribus, uiginti-
q; dierum inter infestissimas gentes itinere confecto
ex Rege liberos quasitura. cuius conspectus aduentusq;
admirationi fuit, & propter insolitum fœminis habi-
tum, & propter expetitum concubitus. Ob hoc trede-
cim diebus otio datis à rege, ut uisa est uterum imple-
se, discessit. Post hæc Alexander habitum regum Persa-
rum, & diadema insolitum antea regibus Macedoni-
cis, uelut in leges eorum, quos uicerat, trāsiret, assumit.
quæ ne inuidiosius in se uno conspicerentur, amicos
quoq; suos longam uestim auream purpureamq; sume-
re iubet, ac ut luxum quoque sicuti cultum imitaretur
Persarum. Inter pellicum regiarum greges, electæ pul-
chritudinis nobilitatisq; nocturnum uices diuidit. His re-
bus ingentes epularum apparatus adiicit, ne ieiuna &
destructa luxuria uideretur. Conuiuium quoque iuxta
regiam magnificentiam ludis exornat, immemor pror-
sus tantas opes amitti his moribus, non queri solere.
Inter hæc indignatio omnium totis castris erat, illum
à Philippo patre tantum degenerauisse, ut etiam pa-
triæ nomen negligeret, moresq; Persarum assumeret,
quos propter tales mores uicerat. Sed ne solus uitijs eo-

I V S T I .

rum, quos armis subegerat, succubuisse uideretur, militibus quoque suis permisit, si quarum captiuarum consuetudine tenerentur, ducere uxores, existimans minorem in patriam reditus cupiditatem futuram, habentibus in castris imaginem quandam larii ac domesticæ sedis, simul et laborem militiæ molliorem fore dulcedine uxorum. In supplementa quoque militum manus exhauriri posse Macedoniam, si ueteranis patribus tyrones succederent militaturi in uallo, in quo nati essent, constantioresque futuri, si non solum tyroania, uerum etiam incunabula in ipsis castris posuissent. quæ consuetudo in successores quoque Alexandri mansit. Igitur et alimenta pueris statuta, et instrumenta armorum equorumque in uenibus data, et patribus pro numero filiorum præmia statuta. Si quorum patres occidissent, nihilominus pupilli stipendia patrum trahebant, quorum pueritia iter uarias expeditiones militiæ erat. Itaque à paruulæ ætate periculis laboribusque indurati, inuictis exercitus fuere, neque castra aliter quam patriam, neque pugnam aliud unquam quam uictoriam duxere. Hæc soboles nomen habuit epigoni. Parthis deinde domitis præfectus his statuitur ex nobilissimis Persarum Andragoras, unde postea originem Parthorum reges habuerunt. Interea Alexander non regio sed hostili odio seuire in suos cepit. maxime indignabatur carpi sermonibus suorum, patris Philippi patriæque mores subuertisse. propter quæ crimina Parmenion quoque senex dignitate regi proximus cum Philota filio, de utroque prius quæstionibus habitis, interficiuntur. Fremere itaque omnes uniuersis castris cœpere, innoxij senis filijque casum miserantes, interdum se quoque

se quoq; non debere melius sperare dicentes. Quæ cū
nuntiata Alexandro essent, uerens ne hæc opinio etiam
in Macedonia diuulgaretur, & ne uictoriæ gloria sæ-
uitiæ macula offuscaretur simulat, se ex amicis quos-
dam in patriâ uictoriarû nuncios missurum. hortatur
milites suis scribere, rariorē habituros occasionem pro-
pter militiâ remotiorem. datos fasces epistolarum ad se
tante deferri iubet. ex quibus cognito de se singulorum iu-
dicio, i unâ cohortem eos, q de rege durius opinati fue-
rāt, cōtribuit, aut cōsumpturus eos, aut i ultimas terras
in colonias distributurus. Inde Drangas, Euergetas,
Parimas, Paropamisadas, Caspios, ceterosq; populos, q
in radice Caucaſi morabantur, subegit. Interea unus
ex amicis Darij Bessus uinctus perducitur, qui regem
non solum prodiderat, uerum etiam interfecerat. quē
in ultionem perfidiæ excrucians fratri Darij tra-
didit, reputans, non tam hostem suum fuisse Darium, q
amicum eius, a quo esset occisus. Et ut his terris nomē
relinqueret, urbē Alexandriā super amnē Tanaim
condidit, intra diē. XVII. muro. VI. milibus passuum
consumato, translatis eō triū ciuitatum populis, quas Cy-
rus condiderat. In Bactrianis quoq; Sogdianisq; XII.
urbes condidit, distributis his quosq; in exercitu se-
ditosos habebat. His ita gestis solenni die amicos in cō-
uiuium uocat. ubi orta inter ebrios rerum a Philippo
gestarû mentione, præferre se patri ipse, rerumq; sua-
rû magnitudinē extollere cœlō tenus cœpit, assentante
maiore conuiuinarum parte. Itaq; cum unus ex senibus
Clitus ductus fiducia amicitie regiæ, cuius palmam
tenebat, memoriāq; Philippi meretur, laudaretq; eius,

I V S T I

res gestas, adeo regem offendit, ut telo a satellite raptus
eundem in conuiuium trucidauerit. qua cæde exultans
mortuo patrociniū Philippi laudemq; paternæ mili-
tiæ obiectabat. postquam satiatus cæde animus quie-
uit, et in locum iræ successit æstimatio, modo personam
ocasi, modo causam occidendi considerans, pigere eum
facti cœpit. quippe paternas laudes tam iracunde ac-
cepisse se, quàm nec conuicia debuisset, amicūq; senem
et innoxium a se occisum inter epulas et pocula do-
lebat. Eodem igitur furore in pœnitentiā, quo pridem
in iram uersus mori uoluit. Primum in fletus progres-
sus amplecti mortuum, uulnera tractare, et quasi au-
dienti confiteri dementiam. arreptum telum in se uer-
tit. peregrissetq; facinus, ni amici interuenissent. Mansit
hæc uoluntas moriendi etiam sequentibus diebus. ac-
cesserat enim ad pœnitentiā nutricis suæ et sororis
Cliti recordatio. cuius absentis eum maxime pudebat,
tam fœdam illi alimentorum suorum mercedem red-
ditam, ut in cuius manibus pueritiam egerat, huic iu-
uenis et uictor pro beneficijs funera remitteret. Repu-
tabat deinde quantum in exercitu suo, quantum apud
gentes deuictas fabularum atq; inuidiæ, quantū apud
cæteros amicos metum et odium sui fecerit, q̄ amarum
et triste reddiderit conuiuium suum, non armatus in
aciē, q̄ in conuiuium sedens terribilior. Tunc Parmenio et
Philotas, tunc Amyntas consobrinus, tunc nouerca fra-
tresq; interfecti, tunc Attalus, Eurylochus, Pausanias,
aliq; Macedonia extincti principes occurrebant. Ob
hæc illi quatruiduo perseverata inedia est, donec exerci-
tus uniuersi precibus exoratus est, precantis, ne ita mora-
tem

tem unius doleat ut uniuersos perdat, quos in ultimam
deductos barbariā inter infestas et irritatas bello gen-
tes destituat. Multum profuere et Callisthenis philoso-
phi preces cōdiscipulatu apud Aristotēle familiaris il-
li, et tunc ab ipso rege ad prodēda memoriā acta eius
acutus. Reuocato igitur ad bellū animo, Cherasmus et
Sacas in deditiōem accepit. Deinde qđ primo ex persi-
co superbię regię more distulerat, ne cuncta pariter
inuidiosiora essent, non saluari, sed adorari se iubet.
Acerrimus inter recusantes Callisthenes fuit. quę res
et illi et multis principibus Macedonum exitio fuit, siq-
dem sub specie insidiarū omnes interfecti. Retentus ta-
men ē a Macedonibus mos salutandi regis, explosa ado-
ratione. Post hęc Indiā petit, ut oceano ultimōq; orien-
te finiret imperiū. cui glorię ut etiam exercitus orna-
menta conuenirent, phaleras equorū, et arma militum
argento inducit, exercitumq; suū ab argenteis clypeis
argyraspidas appellauit. Cū ad Nysam urbē uenisset,
oppidanis nō repugnantibus fiducia religionis Liberi
patris, a quo condita urbs erat, parci iussit, latus non
militiā tantum, uerum etiā uisigia se dei secutum. Tūc
ad spectaculū Meri mōtis duxit exercitum naturalibus
bonus uite hederāq; uisiti, non aliter, qđ si manu cultus
colentūq; industria exornatus esset. Sed exercitus eius
ubi ad mōtem accessit, repētinō mētis impetu in sacros
dei ululatus instinctus, cum stupore regis sine noxa di-
scurrit, ut intelligeret nō tam oppidanis pēnde, qđ exer-
citus suo se consuluisse. Inde montes Dædalos, regnāq;
Cleophidis reginę petit. quę cum se dedidisset eius cō-
cubitu redēptum regnum ab Alexandro recepit, illecom-

bris consecuta, quod armis non potuerat. filiumq; ab eo genitum Alexandrum nominavit. qui postea regno Indorum potitus est. Cleopis regina propter prostratam pudicitiam scortum regium exinde appellata est ab Indis. Peragratu India cum ad saxum mirae altitudinis et asperitatis, in quod multi populi confugerant, pervenisset, cognoscit Herculem ab expugnatione eiusdem saxi terrae motu prohibitum. captus itaq; cupidine Herculis acta superare, cum summo labore ac periculo potitus saxo eius omnes loci gentes in deditionem accipit. Unus ex regibus Indorum fuit Porus nomine, uiribus corporis et animi magnitudine pariter insignis. qui bellum iam pridem, audita Alexandri opinione, in aduentum eius parabat. Comisso itaq; praelio exercitum suum invadere Macedonas iubet, sibi regem eorum priuatum hostem deponit. nec Alexander moram pugnae fecit. sed prima congressione uulnerato equo, cum praecipue in terram cecidisset, concursu satellitum seruatus est, Porus multis uulneribus obrutus capitur. qui uictum se adeo doluit, ut cum ueniam ab hoste inuenisset, neq; cibum sumere uoluerit, neq; uulnera curari passus sit. egregius ab eo obtentum, ut uellet uiuere. quem Alexander ob honorem uirtutis incolumem in regnum remisit. Duas ibi urbes condidit, unam Niceam, alteram ex nomine equi Bucephalam uocauit. Inde Andrestas, Assacenos, Prasios, Gandarias, Caesis eorum exercitibus expugnat. Cum ad Euphates uenisset, ubi eum. CC. milibus equitum hostes operiebantur, omnis exercitus non minus uictoriarum numero quam laboribus fessus lachrymis eum deprecatur, ut finem tandem belli

belli faceret, aliquando patriæ reditusq; meminisset, respiceret militum annos, quibus uix ætas ad reditum sufficeret, ostendere alius caniciem, alius uulnera, alius ætate consumpta corpora, alius cicatricibus exhausta. Solos se esse, q duorum regum Philippi Alexandriq; continuam militiam pertulerint. Tandem orare ut reliquias saltem suas paternis sepulchris reddat, quoru non studijs deficitur sed annis. at si non militibus, uel ipsi sibi parcat, ne fortunam suam nimis onerando fatiget. Motus his tam iustus precibus uelut in finem uictoriæ castra solito magnificentiora fieri iussit, quorum molitionibus & hostis terretur, & posteris admiratio sui relinqueretur. Nullum opus milites lætus fecere. Itaq; cæsis hostibus cum gratulatione in eadem reuerterunt. Inde Alexander ad amnem Aæsinem pergit, p hunc ad oceanum deuenitur. Ibi Gesonas Sibasq; quos Hercules condidit, in deditionem accepit, hinc ad Mallos & Oxydracas nauigat, quæ gentes cum armatis LXXX. milibus peditum & LX. milibus equitum excipiunt. Cum prælio uictor esset, ad urbem eorum exercitum ducit. quam desertam à defensoribus cū de muro, quem primus ceperat, animaduertisset, in urbis planiciem sine ullo satellite desiliit. Itaq; cum eum hostes solum conspexissent, clamore edito undiq; concurrunt, si possint in uno capite orbis bella finire, & ultionem tot gentibus dare. Nec minus Alexander constanter resistit, & unus aduersus tot milia præliatur. Incredibile dictu est, ut eum non multitudo hostium, non magna telorum uis, non tantus laceffentiū clamor terruerit, solus tot milia ceciderit ac fugauerit. Vbi uero se

obruī multitudine uidit trunco se, qui propter murum
stabat, applicuit, cuius auxilio tutus cum diu agmen su-
stinuisset, tandem cognito periculo eius amici ad eum
desiliunt. Ex quibus multi cæsi, præliumq; tam diu
anceps fuit, quoad omnis exercitus muris deiectis i au-
xilium ueniret. In eo prælio sagitta sub mamma tra-
iectus cum sanguinis fluxu deficeret, genu posito tam
diu præliatus est, donec eum, à quo uulneratus fuerat,
ocideret. Curatio uulneris grauior ipso uulnere fuit.
Itaq; ex magna desperatione tandem saluti redditus
Polyperconta cum exercitu Babylonem mittit. Ipse cū
lectissima manu nauibus conscens oceanī litora pera-
grat. Cū uenisset ad urbē Ambiani regis, oppidani in-
uictum ferro audientes, sagittas ueneno armant. atq;
ita gemino mortis uulnere hostem à muris summo-
uent plurimos interficiunt. Cum inter multos letaliter
uulneratus esset Ptolemæus, moriturusq; iā uideretur,
p quietem regi monstrata in remedia ueneni herba est.
Qua in potu accepta statim periculo est liberatus, ma-
iorq; pars exercitus hoc remedio seruata. Expugnata
deinde urbe reuersus in naues oceano libamenta de-
dit, prosperum in patriam reditum precatus, ac uelu-
ti curru circa metam acto positis imperij terminis, qua-
simus aut terrarum solitudines prodire passæ sunt,
aut mare nauigabile fuit, secundo æstu hostio fluminis
Indi inuehitur. Ibi in monumenta rerum à se gestarū
urbem Barcem condidit arasq; statuit, relicto ex nu-
mero amicorum litoralibus Indis præfecto. Inde iter
terrestre factururus, cum arida loca mediū itineris dice-
rentur, puteos opportunis locis fieri præcepit. qbus ingē-
ti dulci

In dulci aqua inuenta, Babyloniam redit. Ibi multae de-
 uictae gentis praefectos suos accusauerunt, quos sine respe-
 ctu amicitiae Alexander in conspectu legatorum neca-
 ri iussit. Post haec Darij regis filiam Statiram in matri-
 monium recepit. Sed et optimatibus Macedonum le-
 ctas ex omnibus gentibus nobilissimas uirgines tradi-
 dit, ut communi facto crimen regis leuaretur. hinc ad co-
 cionem exercitum uocat, et promittit se eas alienum
 omnium propria impensa soluturum, ut praedam praemiumque
 integre domum ferat. Insignis haec munificentia non sum-
 ma tantum, uerum etiam titulo muneris fuit, nec a debi-
 toribus magis, quam a creditoribus gratus accepta, quoniam
 utrisque exactio pariter, ac solutio difficilis erat. Tria et
 uiginti milia talentorum in hos sumptus expensa. Dimissis
 ueteranis exercitum ex iunioribus supplet. Sed retenti
 ueteranorum discessum agere ferentes missionem et ipsi
 flagitabant, nec annos sed stipendia sua numerari iu-
 bebant, pariter in militiam lectos, pariter sacramento
 solui equum censes, nec iam precibus, sed conuicio age-
 bant, iubentes eum solum cum patre suo Ammone fi-
 nire bella, quatenus milites suos fistidiat. Contra ille
 nunc castigare milites, nunc lenibus uerbis monere, ne
 gloriosam militiam seditionibus infuscarent. ad postre-
 mum cum nihil proficeret uerbis ad corripiendos sedi-
 tionis auctores e tribunali in concionem armatam iner-
 nus ipse desiliit. et nemine prohibente. XIII. correptos
 manu sua ipse ad supplicia duxit, tam a uel illis mori-
 di patientiam metus regis, uel huic exigendi supplicia co-
 stantiam disciplina militaris dabat. Inde se patim auxi-
 lia Persarum in concionem alloquitur. laudat perpetuam

h iiii

illorum tum in se, tum in pristinos reges fidem. sua in
 illos beneficia memorat, ut nunquam quasi victos, sed
 uelut uictoriæ socios habuerit. deniq; se in illorum, nō
 illos in gentis suæ mores transisse, affinitatibus conu-
 biorum victos uictoribus commiscuisse. nunc quoq; ait,
 custodiam corporis sui non Macedonibus tantum se, ue-
 rum etiā illis crediturum. Atq; ita mille ex his iuue-
 nes in numerum satellitum legit. Auxiliorum quoque
 portionem formatam in disciplinam Macedonum exer-
 citui suo miscet. Quam rem ægre Macedones tulerūt,
 iactantes hostes suos in officium suum a rege subactos.
 Tunc uniuersi flentes regem adeunt et orant, ut sup-
 plicijs suis potius saturet se, quā contumelijs. qua mo-
 destia obtinuerunt ut XI. milia militum ueteranorum
 exauthoraret. Sed ex amicis dimissi senes Polypercon,
 Clytos, Gorgias, Polydamas, Antigonius. dimissis his
 Craterus præponitur iussus præesse Macedonibus in
 Antipatri locum. Antipatrumq; cum supplemento Ty-
 ronum in locum eius euocat. stipendia reuertentibus,
 uelut militantibus data. Dū hæc aguntur, unus ex ami-
 cis eius Ephæstion decedit dotibus primo formæ, pue-
 ritæq; mox obsequijs regi percarus. quem contra de-
 cus regum Alexander diu luxit, tumulumq; ei duo-
 decim milia talentorum fecit, eumq; post mortem coli
 ut deum iussit. Ab ultimis litoribus oceanī. Babylonem
 reuertenti nunciatur legationes Carthaginensium, cæte-
 rarumq; Africæ ciuitatum, sed et Hispaniarum, Sici-
 liæ, Galliæ, Sardinia, nonnullas quoq; ex Italia eius
 aduentum Babylone operiri. adeo uniuersum terrarū
 orbem nominis eius terror inuaserat, ut cunctæ gen-
 tes uelut

tes ueluti desinato sibi regi adularentur. Hac igitur ex causa Babylonem festinanti, uelut conuentum terrarum orbis acturo, quidam ex magis prædixit, ne urbem introiret, testatus hunc locum ei fatalem fore. Ob hoc ommissa Babylone in Borsippam urbem trans Euphratem desertam olim concessit. Ibi ab Anaxarcho philosopho compulsus est rursus magorum prædicta contemnere, ut falsa, ut incerta, et si satis constent, ignota mortalibus, at si naturæ debeantur, immutabilia. Reuersus igitur Babylonem, multis diebus otio datis, intermissum olim conuiuium solēniter instituit, totusq; in lætitiā fusus cum diei noctem peruiigilando iunxisset, recedētem iam ē conuiuiō Midius Thessalus instaurata commensatione et ipsum, et sodales eius inuitat. Accepto poculo media portione repente ueluti telo Alexander confixus ingemuit. elatusq; ē conuiuiō semianimis tanto dolore cruciatus est, ut ferrum in remedia posceret, tactumq; hominum uelut uulnera indolesceret. Amici causam morbi intemperiem ebrietatis disseminauerunt. Re autem uera insidiæ fuerunt, quarum infamiam successorum potentia oppressit. Author insidiarum Antipater fuit, qui carissimos amicos eius interfectos uideret, Alexandrum Lyncesten generum suum occisum, se magnis rebus in Græciā gestis non tam gratum apud regem, quā inuidiosum esse, à matre quoq; eius Olympiade uarijs se criminationibus uexatum. Huc accedebant ante paucos dies supplicia in præfectos deuictarum nationum crudeliter habitæ. Ex quibus rebus se quoq; à Macedonia non ad societatem militiæ, sed ad pœnam euocatum arbitrabatur. Igitur

ad occupandum regem Cassandrum filium dato ueneno subornat, qui cum fratribus Philippo & Iolla ministrare regi solebat. Cuius ueneni tanta uis fuit, ut non ære, non ferro, non testa contineretur, nec aliter ferri nisi in ungula eque potuerit, præmonito filio ne alij, quam Thesalo et fratribus crederet. Hac igitur ex causa apud Thesalon paratum repetitumque conuiuium est. Philippus et Iollas tempore et prægustare potum regis soliti in aqua frigida uenenum habuerunt, quam prægustata iam potioni supermisserunt. Quarto die Alexander indubitata morte sentiens agnoscere se fatum domus maiorum suorum ait. nam plerosque Acacidarum intra trigesimum annum defunctos. Tumultuantes deinde milites insidijsque perisse regem suspicantes ipse sedauit, eosque omnes, cum prolatus in editissimum urbis locum esset, ad conspectum suum admisit, osculandamque dexteram suam flentibus porrexit. Cum lachrymarent omnes, ipse non sine lachrymis tantum, uerum etiam sine ullo tristioris mentis argumento fuit, ut quosdam impatientius dolentes consolatus sit. quibusdam mandata ad parentes eorum dedit, adeo sicut in hostem, ita et in mortem inuictus animus fuit. Dimissis militibus amicos circumstantes percunctatur, uideantur ne similem sibi reperiuri regem, tacentibus cunctis tunc ipse, ut hoc nesciat, ita illud scire uaticinarique se, ac penè oculis uidere, dixit. quantum sit in hoc certamine sanguinis fusura Macedonia, quantisque cadibus, quo cruore mortuo sibi parentatura. ad postremum corpus suum in Ammonis templo condi iubet. Cum deficere cum amici uiderent, quaerunt quem imperij faciat hære-

dem, respondit dignissimum. tanta illi magnitudo ani-
mi fuit, ut cum Herculem filium, cum fratrem Ari-
daem, & cum Rhoxanen uxorem pregnantem
relinqueret, oblitus necessitudinum dignissimum nun-
cuparet heredem. Prorsus quasi nefas esset viro for-
ti alium, quàm virum fortem succedere, aut tanti regni
opes alijs, q̃ probatis relinqui. Hac voce ueluti belli-
cum inter amicos cecinisset, aut malum discordie misis-
set, ita omnes in æmulationem consurgunt, & am-
bitione uulgi tacitum fauorem mulierum querunt. Sexto
die præclusa uoce exemptum digito annulum Perdic-
cæ tradidit. quæ res gliscentem amicorum dissensio-
nem sedauit. nam & si non uoce nuncupatus hæres,
iudicio tamen electus esse uidebatur. Decessit Ale-
xander mensem unum, annos tres, & XXX. na-
tus, uir supra humanam potentiam magnitudine ani-
mi præditus. qua nocte cum mater Olympias conce-
pit, uisa per quietem est cum ingenti serpente uolu-
ptuari. nec decepta somnio est. nam profecto maius
humana mortalitate opus utero tulit. Quam cum Aea-
cidarum gens ab ultima seculorum memoria, & regna
patris, fratris, mariti, ac deinceps maiorum omnium
illustrauerit, nullius tamen nomine, quàm filij cla-
rior fuit. Prodigia magnitudinis eius in ipso ortu non-
nulla apparuerunt. nam ea die, qua natus est, duæ aq̃-
le tota die præpetes supra culmen domus patris eius
federunt, omen duplicis imperij Europæ Asiæq̃ præ-
ferentes. eademq̃ die nuncium pater eius duarum ui-
ctoriarum accepit. alterius belli illyrici, alterius ær-
æmnis olympiaci, in quod quadrigarum currus mife-

I V S T I.

rat, quod omen uniuersarum terrarum uictorias in-
fanti portendebat. Puer acerrimus literarum studijs
eruditus fuit. Exacta pueritia per quinquennium sub
Aristotele doctore inclyto omnium philosophorum cre-
uit. Accepto deinde imperio regem se terrarum omni-
um ac mundi appellari iussit. tantamq; fiduciam suis
militibus fecit, ut illo praesente nullius hostis arma nec
inermes timuerint. Itaque cum nullo hostium unquam
congressus est, quem non uicerit. nullam urbem ob-
sedit, quam non expugnauerit. nullam gentem adiit,
quam non calcauerit. uictus deniq; est ad postremum,
non uirtute hostili, sed insidijs suorum et fraude civili.

LIBER DECIMVSTERTIVS.

Extincto in ipso ætatis ac uictoriarum
flore Alexandro magno triste apud
omnes tota Babylonia silentium fuit.
Sed nec deuictæ gentes fidem nuntio
habuere, quod ut inuictum regem sic
immortalem eum crediderant. recordantes quoties
praesenti morti ereptus esset, quam sæpe pro amisso
repente se non sospitem tantum suis, uerum etiam ui-
ctorem obtulisset. Vt uero mortis eius fides affuit, o-
mnes barbaræ gentes pauloante ab eo deuictæ non ut
hostem eum, sed ut parentem luxerunt. Mater quoq;
Darij regis, quam amisso filio a' fastigio tantæ maie-
statis in captiuitatem reductam, indulgentia uictoris,
in eam diem uitæ non poenituerat, audita morte Ale-
xandri, mortem sibi ipsa consciiuit, non quod hostem fi-

lio præferret, sed quod pietatem filij in eo, quem hostem timuerat, experta esset. Contra Macedones uersa uice non ut cæm, ac tantæ maiestatis regem, uerum ut hostem amississent, gaudebant, seueritatem nimiam, & assidua belli pericula execrantes. Huc accedebat, quod principes regnum & imperia, uulgus militum thesauros, & grande pondus auri, uelut inopinatam prædam, spectabant. Illi successionem regni, hi opum ac diuitiarum hereditatem cogitantes. Erant enim in thesauris. L. milia talentorum, & in annuo uectigali tributo triginta milia. Sed nec amici Alexandri frustra regnum expectabant. nam eius uirtutis erant ac uenerationis, ut singulos reges putares. quippe ea formæ pulchritudo & proceritas corporis et uirium ac sapientiæ magnitudo in omnibus fuit, ut qui eos ignoraret, non ex una gente, sed ex toto terrarum orbe electos iudicaret. neque enim unquam antea Macedoniæ uel ulla gens alia tam clarorum uirorum prouentu floruit, quos primum Philippus, mox Alexander tantæ cura legerant, ut non tam ad societatem belli, quàm in successionem regni electi uiderentur. Quis igitur miretur talibus ministris orbem terrarum uictum, cum exercitus Macedonum à tot non ducibus, sed regibus regeretur, qui nunquam sibi reperissent pares, si non inter se concurrissent. multosq; Macedonia pro uno Alexandros habuisset, nisi fortuna eos ex æmulatione uirtutis in perniciem mutuam armasset. Cæterum occiso Alexandro non ut læti, ita et securi fuere, omnibus in unum locum competentibus, nec manus milites inter se timebant, quorum & libertas solutior, & fæ-

Nor incertus erat. Inter ipsos uero æqualitas discordiã
 augebat, nemine tantum cæteros excedẽte, ut ei aliquis
 summitteretur. Armati itaq; in regiam cõeunt ad for
 mandum rerum præsentium statum. Perdiccas censet
 Rhoxanes expectari partum, quæ exacto mense octa
 uo matura iam ex Alexandro erat, & si puerum pe
 perisset, hunc dari successorẽ patri. Meleager negat
 differenda in partus dubios consilia, nec esse expectan
 dum, dum reges sibi nascerentur, cum iam genitis uti li
 ceret, seu puer illis placeat, esse Pergamũ filium Ale
 xandri natum ex Barsine nomine Herculem, seu mal
 lent iuuenem, esse in castris fratrem Alexandri Aridæ
 um comitem, & cunctis non suo tantum, uerum et pa
 tris Philippi nomine acceptissimum. Cæterum Rhoxa
 nen esse originis persicæ, nec esse fas, ut Macedonibus
 ex sanguine eorum, quorum regna deleuerint, reges cõ
 stituantur, quod nec ipsum Alexandrum uoluisse dicit.
 Denique morientem nullam de eo mentionem fecisse. Pto
 lemæus recusat regem Aridæum non propter mater
 nas modo sordes, quod ex Larissæo scorto nasceretur;
 sed etiam propter ualitudinem maiorem, quam patie
 batur, ne ille nomen regis, aliud imperium teneret, &
 melius etiam ex his legi, qui pro uirtute regi suo pro
 ximi fuerint, qui prouincias regant, quibus bella man
 dentur, quàm sub personâ regis indignorum subijcian
 tur imperio. Vicit Perdiccæ sententia ex consensu uni
 uersorum. Placuit itaq; Rhoxanes expectari partum,
 & si puer natus fuisset, tutores Leonnatum & Per
 diccam & Craterum & Antipatrum constituunt, con
 fectumq; in tutorum obsequia iurant. Cum equites quoq;

idem fecissent, pedites indignati nullas sibi consiliorum partes relictas, Aridaeum Alexandri fratrem regem appellant, satellitesq; illi ex tribu sua legunt, & nomine Philippi patris uocari iubent. Quae cum nuntiata equitibus essent, legatos ad mitigandum eorum animos duos ex proceribus Attalum & Meleagrum mittunt, qui potentiam ex vulgi adulatione quærentes, ommissa legatione militibus consentiunt. statim & seditio creuit, ubi caput & consilium habere coepit. tunc ad delendum equitatum cuncti armati in regiam irrupunt. quo cognito equites trepidi ab urbe discedunt, castrisq; positos & ipsi pedites terrere coeperunt. Sed nec procerum inter se odia cessabant. Attalus ad interficiendum Perdiccam ducem alterius partis mittit, ad quem armatum & ultro prouocantem cum accedere percussores ausi non fuissent, tanta constantia Perdicca fuit, ut ultro ad pedites ueniret, et in concionem euocatos edoceret, quod facinus molirentur, respicerent, contra quos arma sumpserant, non illos Persas, sed Macedonas, non hostes, sed ciues esse. Plerosq; etiam cognatos eorum, certe commilitones eorundem castrorum, & periculorum socios. edituros deinde egregium hostibus suis spectaculum, ut quorum armis uictos se doleant, eorum mutuis cadibus gaudeant, parentaturosq; sanguine suo manibus hostium a se intersectorum. Hæc cum pro singulari facundia sua Perdicca perorasset, adeo mouit pedites, ut probato consilio eius dux ab omnibus legeretur. Tum etiam equites in concordiam reuocati, in Aridaeum regem consentiunt. Seruata est portio regni Alexandri filio, si natus esset. Hoc age-

I V S T I .

bant posito in medio corpore Alexandri, ut maiestas
eius testis decretorum esset. His itaq; compositis Macedo-
niæ et Græciæ Antipater præponitur. Regiæ pecuniæ
custodia Cratæro traditur. Castrorum exercitus & re-
rum cura Meleagro et Perdiccæ assignatur, iubeturq;
Aridæus corpus Alexandri in Ammonis templum
deducere. Tunc Perdicca in sensus seditionis authoribus
repente, ignaro collega, lustrationem castrorum propter
mortem regis, in posterum edicit. Posteaq; armatum ex-
ercitum in campo constituit consentientibus universis euo-
catos duntaxat de singulis manipulis seditiosos suppli-
cio tradi occulte iubet. Reuersus deinde inter princi-
pes provincias diuisit, simul ut remoueret æmulos, &
munus imperij beneficij sui faceret. Primo Ptolemæo
Aegyptus & Africa Arabiæq; pars sorte uenit, quem
ex gregario milite Alexander uirtutis causa prouexe-
rat, cui ad tradendam provinciam Cleomenes, q; Ale-
xandriam edificauerat datur. Confinem huic provin-
ciæ Syriam Laomedon mytlenæus, Ciliciam Philo-
tas cum Philoxeno & Illyrio accipiunt. Mediæ maio-
ri Atropatus, minori Alæta frater Perdiccæ præpo-
nitur. Susiana gens Cino, Phrygia maior Antigono Phi-
lippi filio assignatur. Lyciam & Pamphiliam Near-
chus, Cariam Cassander, Lydiam Menander sortun-
tur. Leonnato minor Phrygia euenit. Thracia et regio-
nes pontici maris Lysimacho, Cappadocia cū Paphla-
gonia Eumeni datur. Summus castrorum tribunatus
Seleuco Antiochi filio cæssit. Stipatoribus regijs satelliti-
busq; Cassander filius Antipatri præficiatur. In Ba-
ctriana ulteriore, & Indiæ regionibus priores præ-
fecti.

fecti retenti. Seres inter amnes duos Hydaspem & Indum Taxilles habebat. In colonias in Indis conditas Phytos Agenoris filius mittitur. Paropamisadas et fines Caucasi montis Aziarches accepit. Arachosij, Gedrosijq; Sybirtio traduntur. Drangas & Arios Stasanor, Bactrianos Amyntas sortitur. Sogdianos Scythæus. Nicanor Parthos, Philippus Hyrcanos, Phrataphernes Armæios, Neoptolemus Persas, Peucestes Babylonios, Artchous Pelasgos, Archesilaus Mesopotamiâ adepti sunt. Hæc diuisio cum ueluti fatale munus singulis contigisset, ita magna incrementorum materia plurimus fuit. si quidem non magno post tempore quasi regna, non præfecturas diuisissent, sic reges ex præfectis facti magnas opes non sibi tantum parauerunt, uerum & posteris reliquerunt. Dû hæc in oriente aguntur, in Græcia Athenienses & Aetoli bellum, quod iam uino Alexandro mouerât, summis uiribus istruiebant. Causæ belli erât, quod reuersus ab India Alexander epistolas in Græciam scripserat, quibus omnium ciuitatum exules præter cædis damnatos restituiebantur. Quæ recitatæ, præsentem uniuersa Græcia, in mercato olympiaco magnos motus fecerant, quod plurimi nō legibus pulsæ patria, sed per factionem principum fuerant, uerentibus iisdem principibus, ne reuocati potentiores in republica fierent. Palam igitur iam tunc multæ ciuitates libertatem bello uindicandam fremebant. principes tamen omnium Athenienses & Aetoli fuere. Quod cum nuntiatum esset Alexandro, mille naues longas socijs imperari præceperat, quibus in occidente bellum gereret, excursurusq; cū ualida manu fuerat ad

I V S T I :

Athenas delendas. Igitur Athenienses contracto XXX.
 milium milium exeratu, & CC. navibus, bellum cum
 Antipatro, cui Græcia sorte euenerat, gerunt, eumq;
 detrectantem prælium, & Heracleæ urbis mœnibus
 tuentem se obsidione cinxerunt. Eodem tempore Demo
 sthenes atheniēsis orator pulsus patria ob crimen ac
 cepti ab Harpalo auri qui crudelitatem Alexātri fū
 gerat, quod ciuitatem in eiusdem Alexandri bellum
 impelleret, forte Megaris exulabat, qui ut missum ab
 Atheniensibus Hyperidem legatum cognouit, qui Pelo
 ponnenses in societatem armorum sollicitaret, secutus
 eum Sycionem, Argos, & Corinthum, cæterasq; ciuita
 tes eloquentia sua Atheniensibus iunxit. ob quod fa
 ctum missa ab Atheniensibus obuiam naui ab exilio
 reuocatur. Interim in obsidione Antipatri Leosihenes
 dux Atheniensium telo e' muris in transeuntem iacto
 occiditur, quæ res tantum animorum Antipatro de
 dit, ut etiam uallum rescindere auderet. Auxilium
 deinde a Leonnato petit per legatos. qui cum uenire
 nunciaretur cum exercitu, obuij ei Athenienses cum in
 fiructis copijs fuere, ibiq; equestri prælio graui vulne
 re ictus extinguitur. Antipater tamen auxiliæ sua ui
 deret deuicta, morte tamen Leonnati letatus est. quip
 pe & æmulum sublatum, & uires eius accessisse sibi
 gratulabatur. statim igitur exercitu eius recepto, cum
 par hostibus etiam prælio uideretur, solutus obsidione
 in Macedoniam conuēssit. Græcorum quoque copię a
 finibus Græciæ hoste pulso in urbes dilapsæ sunt. Inte
 rea Perdicca bello innoxio Ariarathi regi Cappado
 cum illato, prælioq; uictor nihil præmij præter vulne
 ra &

ta et pericula retulit. quippe hostes ab acie in urbem recepti, oculis coniugibus & liberis, domos quisque suas cum omnibus copiis incenderunt. eodem congestis etiam seruitijs semetipsos precipitant, ut nihil hostis victor suarum rerum, præterq̃ inandij spectaculo frueretur. Inde ut uiribus authoritatem regiam acquireret, ad nuptias Cleopatras sororis Alexandri magni & alterius Alexandri quondam uxoris, non aspernate Olympias de matre eius, intendit. sed prius Antipatrum sub asinitatis obtentu capere cupiebat. Itaque fingit se in matrimonium filiam eius petere, quo facilius ab eo supplementum tyronum ex Macedonia obtineret. quem dolum præsentiente Antipatro, dum duas eodem tempore uxores querit, neutram obtinuit. Post hæc bellum inter Antigonum & Perdicam oritur. Antigono Craterus, & Antipater auxilium ferebant. qui facta cum Atheniensibus pace Polyperconta Græciæ & Macedoniae præponunt. Perdicæ alienatis rebus Aridaum, et Alexandri magni filium in Cappadocia, quorum cura illi mandata fuerat, de summa belli in consilium adhibet. Quibusdam placebat bellum in Macedoniam transferri ad ipsum fontem, et caput regni, ubi & Olympias esset mater Alexandri, non mediocrem momentum partium & cuius fauor propter Alexandri Philippiq; noia. Sed in rem uisum est ab Aegypto inapere, ne in Macedonia præfectis Asia à Ptolemæo occuparetur. Eumeni præter prouincias, quas acceperat, Paphlagonia, et Caria, et Lycia et Phrygia adiunguntur. Ibi Craterum et Antipatrum opprimi iubentur. adiutores ei dantur cum exercitibus suis frater Perdicæ Alætas, et Neoptolemus. Clito cura classis tra-

ditur. Cilicia Philotæ adempta Philoxeno datur. Ipse Perdicca Aegyptum cum ingenti exercitu petit. Sic Macedonia in duas partes discurrentibus ducibus in sua viscera armatur, ferrumq; ab hostili bello in civilem sanguinem uertit, exemplo furentium, manus ac membra sua ipsa caesura. Sed Ptolemæus in Aegypto solerti industria magnas opes parabat. quippe & Aegyptios insigni moderatione in fauorem sui sollicitauerat, & reges finitimos beneficijs obsequijsq; deuinxerat. terminos quoq; imperij acquisita Cyrene urbe amplia uerat. factusq; iam tantus erat, ut non tam timeret hostes, q̄ timendus ipse hostibus esset. Cyrene autem condita fuit ab Aristæo, cui nomē Batto propter linguæ obligationem fuit. Huius pater Cyrenus rex Theræ insulæ cum ad oraculum Delphos propter dedecus adolescentis filij nondum loquentis deum deprecaturus uenisset, responsum accepit, quo iubebatur filius eius Battus Africam petere, & urbem Cyrenen condere, usum linguæ ibi accepturus. Cum responsum ludibrio simile uideretur propter solitudinem Theræ insulæ, ex qua coloni ad urbem condendam in Africam tam longinquæ regionis proficisci iubebantur, res omissa est. Interiecto deinde tempore uelut contumaces pestilentia deo parere compelluntur. quorum tam insignis paucitas fuit, ut uix unam nauem complerent. Cum uenissent in Africam pulsus acolis montem Cyram, & propter amoenitatem loci, & propter fontis ubertatem, occupauere. Ibi Battus dux eorum linguæ nodis solutus loqui primum coepit. quæ res animos eorum, ex promissis dei iam parte percepta, in reliquam spem condendam urbis

urbis accendit. Positis igitur castris opinionem ueteris fabulae accipiunt, Cyrenen eximiae pulchritudinis uirginem à Thessalia monte Pelio ab Apolline raptam, perlatamq; in eiusdem montis iuga, cuius collem occupauerant, à deo repletam quatuor pueros peperisse, Nomium, Aristaeum, Autuchum, Agreum. Missos à patre Hypseo rege Thessaliae, qui perquirerent uirginem, loci amoenitate captos in iisdem terris cum uirgine re sedisse. Ex his pueris tres adultos in Thessaliam reuersos auita regna cepisse. Aristaeum in Arcadia late regnasse, eumq; primum & apum & mellis usum, & lactis coagulandi hominibus tradidisse solstitialesq; ortus & hyderum primum inuenisse. quibus auditis Battus uirginis nomine ex dei responsis agnito, urbem Cyrenen condidit. Igitur Ptolemaeus huius urbis auctus uiribus bellum in aduentum Perdiccae parabat. Sed Perdiccae plus odium arrogantiae, quam uires hostium nocebant. quam exosi etiam socij ad Antipatrum gregatim confugebant. Neoptolemus in auxilium Eumeni relictus non solum transfugere, uerum etiam prode-
re partium exercitum uoluit. quam rem cum praesensisset Eumenes cum proditore decernere praelio necesse habuit. Victusq; Neoptolemus ad Antipatrum & Polyperconem profugit. hisq; persuadet, ut continuatis mansionibus laeto ex uictoria, & securo fuga sua Eumeni superueniant. Sed res Eumenem non latuit. Itaq; insidiae in insidiatores uerse, & qui securum aggressuros se putabant, securis itinere & peruigili noctis fatigatis occursum est. In eo praelio Polypercon occiditur. Neoptolemus quoque cum Eumene congressus diu

I V S T I .

mutuis uulneribus acceptis colluctatus, & in summa
uictus occumbit. victor igitur duobus praelijs continu-
is Eumenes afflictas partes, transitione sociorum pau-
lulum sustentauit. ad postremum tamen perdiata occi-
so, ab exercitu hostis cum phyloxeno & illyrio &
Alæta fratre Perdicæ appellatur, bellumq; aduersus
eos Antigono decernitur.

L I B E R D E C I M V S Q V A R T V S .

Eumenes ut Perdiatam occisum, se
hostem a' Macedonibus iudicatum,
bellumq; Antigono decretum co-
gnouit, ultro ea militibus suis indi-
cauit, ne fama aut rem in maius
extolleret, aut militum animos re-
rum nouitate terreret, simul ut, an contra se anima-
ti essent, cognosceret, sumpturus consilium ex motu uni-
uersorum. constanter tamen præfatus est, si cui hæc ter-
rori essent, habere eum discedendi potestatem. Qua
uoce adeo cunctos in studium partium suarum indu-
xit, ut ultro illum omnes hortarentur, rescissurosque
se ferro decreta Macedonum affirmarent. Tunc ex-
eratu in Aetoliam promoti, pecunias ciuitatibus impe-
rat, recusantes dare hostiliter diripit. Inde Sardis
profectus est ad Cleopatram sororem Alexandri ma-
gni, ut eius uoce centuriones principalesque confir-
maret, existimatuos ibi maiestatem regiam uerti, un-
de soror Alexandri staret. tanta ueneratio magnitu-
dinis Alexandri erat, ut etiam per uestigia mulie-
rum

rum fauor sacraei eius nominis quaereretur. Cum re-
uersus in castra esset, epistolae totis castris abiectae in-
ueniuntur, quibus ijs, qui Eumenes caput ad Antigo-
num detulissent, magna praemia definiiebantur. Iis co-
gnitis Eumenes uocatis ad concionem militibus primo
gratias agit, quod nemo inuentus sit, qui spem cruenti
praemij fidei sacramento anteponeret, tum deinde cal-
lide subnectit confictas a se has epistolas, ad experiē-
dos suorum animos, esse. ceterum salutem suam in o-
mnium potestate esse, nec Antigoni, nec quēquam du-
cum sic uelle uincere, ut ille in se exemplum pessimum
statuat. Hoc facto & in praesenti labantium animos re-
tinuit, & in futurum prouidit, ut si quid simile acci-
disset, non se ab hoste corrumpi, sed a duce tentari mi-
lites arbitrarentur. Omnes igitur operam suam cer-
tatim ad custodiam salutis eius offerunt. Interim An-
tigonis cum exercitu superuenit, castris, que positis po-
stera die in aem procedit. Nec Eumenes moram prae-
lio fecit. qui uictus in munitum quoddam castellum
confugit. ubi cum uideret se fortunam obsidionis subi-
turum, maiorem exercitus partem dimisit, ne aut con-
sensu multitudinis hosti traderetur, aut obsidio ipsa mul-
titudine grauaretur. Legatos deinde ad Antipatrum,
qui solus par Antigoni uiribus uidebatur, supplices mit-
tit. a quo cum auxilia Eumeni missa Antigonus didi-
cisset, ab obsidione recessit. Erat quidem solutus ad
tempus metu mortis Eumenes, sed nec salutis dimisso
exercitu magna spes erat. omnia igitur circumsicien-
ti optimum uisum est, ad Alexandri magni Argyra-
spidas inuictum exercitum, & tot uictoriarum prae-

I V S T I.

fulgentem gloria decurrere. Sed Argyraspides post Alexandrum omnes duces fastidiebant, sordidam militiam sub alijs post tanti regis memoriam existimantes. Itaque Eumenes blandimentis agere, singulos suppliciter alloqui, nunc commilitones suos, nunc patronos appellans, nunc periculorum et operum orientaliū socios, nunc refugia salutis suae et unica praesidia commemorans solos esse, quorum uirtute oriens sit domitus. solos, qui militiam Liberi patris, qui Herculis monumenta superauerint. per hos Alexandrum magnum factum, per hos diuinos honores et immortalem gloriam consecutum. orat, ut non tam ducem se, quam commilitonem recipiant, unumque ex corpore suo esse uelint. receptus hac lege paulatim imperium, primum monendo singulos, mox quae perperam facta erant, blande corrigendo, usurpat. nihil in castris sine illo agi, nihil administrari sine sollertia eius poterat. Ad postremum cum Antigoniū uenire cum exercitu esset nunciatum, compellit eos in aciem descendere. Ibi dum duas imperia cōtēnunt, hostium uirtute superantur. In eo praelio non gloriam tantum tot bellorum, uerum et cum coniugibus et liberis praemia longa militia parta perdidērunt. sed et Eumenes qui author cladis erat, nec aliam spem salutis reliquam habebat, uictos hortabatur. nam et uirtute eos superiores fuisse affirmabat, quippe ab his quinque milia hostium caesa, et si in bello perstent, ultro hostes pacem petituros. Damna, quibus se putent uictos, duo milia mulierum, et paucos infantes, et seruitia esse, quae melius uincendo possint reparare, quam deferendo uictoriam. Porro Argyraspides neque fugam se tentaturos dicunt post

post dāna patrimoniorū, & post cōiuges amissas, neq;
bellum gesturos contra liberos suos. ultroq; eum cōiū-
cijs agitant, quod se post tot annos emeritorū stipendio
rū redeūtes domum cū præmijs tot bellorum ab ipsa
amissione rursus in nouam militiā, immensaq; bella
reuocauerit, & à laribus iam quodāmodo suis, &
ab ipso limine patrie abductos inanibus promissis de-
ceperit, nunc quoq; amissis oībus felicis militiæ quæsti-
bus, ne uictos quidem in misera & inopi senectā quie-
scere sinat. Ignaris deinde ducibus cōfestim ad Antigo-
num legatos mittunt, petentes, ut sua reddi iubeat. Is
redditurū se pollicetur, si Eumenem sibi tradant, qbus
cognitis Eumenes cū paucis fugere tentauit, sed retra-
ctus desperatis rebus, cū concursus multitudinis factus
esset, petit ut postremum sibi alloqui exercitum liceret.
iussus ab uniuersis dicere, facto silentio laxatisq; uin-
culis, prolatam manum, sicut erat chatenatus ostendit,
cernite milites (inquit) habitum atque ornamenta du-
cis uestri, quæ non hostium quisq; imposuit. Nam hoc
etiam solatio foret, uos me ex uictore uictum, uos me
ex imperatore captiuum fecistis, quater intra hunc an-
num in mea uerba iureiurando obstricti estis, & ista
mitto (neq; enim miseros conuicia decent) unum oro,
si propositorum Antigoni in meo capite summa consistit,
inter uos me uelitis mori. nam neq; illius interest, quē-
admodū, aut ubi cadā, & ego si uero ignominia mortis
liberatus. Hoc si impetro, soluo uos iureiurando, quo
toties uos sacramento mihi deuouistis, aut si ipsos pu-
det roganti uim adhibere, ferrum huc date, & per-
mittite, quod uos facturos pro imperatore iurastis,

IVSTI.

imperatorem pro uobis sine religione iurifurandi facere. cum non obtineret, preces in iram uertit. At uos (ait) deuota capita respiciant dij periuriorum uindictes, talesq; uobis exitus dent, quales uos ducibus uestris dedistis. nempe uos ijdem paulo ante & Perdicæ sanguine estis aspersi, & in Antipatrum eadē moliti. Ipsum deniq; Alexandrum, si fas fuisset eū mortali manu cadere, interempturi, qđ maximū erat, seditionibus agitastis. ultima nūc ego perfidorum uictima, has uobis diras atq; inferias dico, ut inopes extorresq; omne æuū in hoc castrensi exilio agatis, deuorentq; uos arma uestra, quibus plures uestros, quā hostiū duces absumpsistis. Plenus deinde iræ custodes suos procedere ad Antigoni castra præcepit. Sequitur exercitus prodito imperatore suo & ipse captiuus triumphum de se ipso ad uictoris sui castra ducit. omnia auspicia regis Alexandri, & tot bellorum palmas laureasq; unā secum uictori tradens, & ne quid deesset pompæ, elephantū quoq; & auxilia orientalia subsequuntur. Tāto pulchrior hæc Antigono, q̃ Alexandro tot uictoriæ fuerunt, ut cū ille orientē uicerit, hic eos, à quibus criēs uictus fuerat, superauerit. Igitur Antigonus domitores illos orbis exercitui suo diuidit, redditis quæ in uictoria ceperat. Eumenem uero uerecūdia prioris amicitiæ in conspectum suum uenire prohibitum assignari custodibus præcepit. Interea Eurydice uxor Aridæi regis, ut Polypercontæ à Græcia redire in Macædoniā cognouit, et ab eo accersitā Olympiada, muliebri æmulatione perculsa, abutens ualitudine uiri, cuius officia sibi uindicabat, scribit regis nomine Polypercontæ,

Cassandro exeratum tradat, in quem regni adm-
nistrationem rex transtulerit eadem & in Asia An-
tigonos per epistolas nunciat. quo beneficio deuinctus
Cassander nihil nõ ex arbitrio muliebris audaciæ ges-
sit. Deinde profectus in Græciam, multis ciuitatibus
bellum infert. Quarum excidio, ueluti uicino in-
cendio, territi Spartani urbem, quam semper armis
non muris defenderant, tunc contra responsa fatorum
& ueterum maiorum gloriam, armis diffsi murorum
presidio includunt. Tantum eos degenerasse à maio-
ribus, ut cum multis sæculis murus urbis cuius uir-
tus fuerit, tunc aues saluos se fore non existimaue-
rint, nisi intra muros laterent. Dum hæc aguntur,
Cassandrum à Græcia turbatus Macedoniae status do-
mum reuocauit. Namque Olympias mater Alexan-
dri magni regis, cum ab Epiro in Macedoniam pro-
sequente Aeacida rege Molossorum ueniret, prohi-
beri q; finibus ab Eurydice & Arideo rege cœpisset,
seu memoria mariti, seu magnitudine filij, & in-
dignitate rei moti Macedones ad Olympiada tran-
sire, cuius iussu & Eurydice occiditur, & rex Ari-
dæus sex annis post Alexandrum potitus regno. sed
nec Olympias diu regnauit, nam cum principum pas-
sim cades muliebri magis quàm regio more fecisset,
fauorem suum in odium uertit. Itaque audito Cas-
sandri aduentu diffsa Macedonibus cum nuru Roxa
ne & nepote Hercule in Pydnam urbem conscen-
dit. Proficiscenti Deidamia Aeacidae regis filia, &
Thessalonica priuigna, & ipsa clara philippi patris
nomine, multæq; aliæ principum matronæ, speciosus

IVSTI.

magis, quàm utilis grex, fuere comites. Hæc cum nunciata Cassandro essent, statim citato cursu Pydnam venit, & urbem obsidione cinxit, cum fame ferroq; urgeretur Olympias, longæ obsidionis tedio pacta salute, victori se tradit. Sed tunc Cassander ad concionem vocato populo sciscitaturus quid de Olympiade fieri uellet, subornat parentes interfectorum, qui sumpta lugubri ueste crudelitatem mulieris accusarent. a quibus accensi Macedones sine respectu pristinae maiestatis occidendam decernunt. immemores prorsus, quod per filium eius, uirumq; non solum uitam ipsi inter finitimos tutam habuissent, uerum etiam tantas opes imperiumq; orbis quæssissent. Sed Olympias ubi obstinatos uēire ad se armatos uidit, i ueste regali duabus ancillis innixa ultro obuiam procedit. quauisa percussores attoniti, fortuna maiestatis prioris, & tot in eam memoria occurrentibus regum suorum nominibus, substerunt, donec a Cassandro missi sunt, qui eam confoderent non refugientem gladium, nec ante uulnera muliebriter uociferantem. sed uirorum more fortium pro gloria ueteris prosapie morti suatumbentem, ut Alexandrum posses etiam in moriente matre conficere. Insuper expirans capillis & ueste crura contexisse fertur, ne quid posset in corpore eius indecorum uideri. Post hæc Cassander Thessalonice regis Aridæi filiam uxorem duxit. Filium Alexandri cum matre in arcem Amphipolitanam custodiendos mittit.

Erdiata & fratre eius Alceta, Eume-
 ne, ac Polyperconte, ceterisq; duabus
 diuersæ partis occisis, finitum certamē
 inter successores Alexandri magni ui-
 debatur, cum repente inter ipsos uicto-
 res nata discordia. Quippe postulantibus Ptolemæo, et
 Cassandro, & Lysimacho, ut pecunia in præda capta
 prouinciæq; diuiderentur, Antigonus negauit se in eius
 belli prædam socios admissurum, in cuius periculum
 solus descenderat. Et ut honestum aduersus socios bel-
 lum suscipere uideretur, diuulgat se Olympiadis mor-
 tem à Cassandro interfectæ ulcisci uelle, & Alexan-
 dri regis sui filium cum matre obsidione Amphipolita-
 na liberare. His cognitis Ptolemæus & Cassander, ini-
 ta cum Lysimacho & Seleuco societate, bellum terra
 mariq; enixe instruunt. Tenebat Ptolemæus Aegyptum
 cum Africæ parte maiore, & Cypro & Phœnicæ, Cas-
 sandro parebat Macedonia cum Græcia. Asiam et par-
 tem orientis occupauerat Antigonus, cuius filius Deme-
 trius prima belli congressione à Ptolemæo apud cala-
 mæ uincitur. In quo prælio maior Ptolemæi moderatio-
 nis gloria, quàm ipsius uictoria fuit. Siquidem & am-
 cos Demetrii non solum cum suis rebus, uerum etiam
 additis insuper muneribus dimisit, & ipsius Demetrii
 priuatum omne instrumentum ac familiam reddidit,
 adiecto honore uerborum, non se propter prædam,
 sed propter dignitatem inisse bellum, indignatum, quod
 Antigonus, deuictis diuersæ factionis duabus, solus ui-

IVSTI:

etoriae communis praemia corripuisset. Dum haec aguntur, Cassander ab Appollonia rediens incidit in Abderitas, quae propter ranarum murumque multitudinem relicto patrio solo, sedes quaerebant, ueritus ne Macedonia occuparent, facta pace in societatem eos recipit, agrosque iis in ultimis Macedoniae finibus assignat. Deinde ne Hercules Alexandri filius, qui annos XIII. excesserat, fauore paterni nominis in regnum Macedoniae uocaretur, occidi eum tacite cum matre Barsine iubet, corporaque eorum terra obrui, ne caedes sepultura prodereetur. Et quasi parum facinoris in ipso primum rege, mox in matre eius Olympiade ac filio admisisset. alterum quoque filium cum matre Rhoxane pari fraude interficit. scilicet quasi regnum Macedoniae, quod affectabat aliter consequi, quam scelere non posset. Interea Ptolemaeus cum Demetrio navali praelio iterato congreditur, et amissa classe, hostique concessa victoria in Aegyptum refugit. Demetrius filium Ptolemaei Leontichum et fratrem Menelaum, amicosque eius cum privati instrumenti ministerio provocatus pari ante munere Aegyptum remittit. Et ut appareret eos non odij sed dignitatis gloria accensos, donis muneribusque inter ipsa bella contendebant. tanto honestius tunc bella gerebantur, quanto nunc amicitiae coluntur. Hac victoria elatus Antigenus regem se cum Demetrio filio appellari a populo iubet. Ptolemaeus quoque, ne minoris apud suos autoritatis haberetur, rex ab exercitu cognominatur. Quibus auditis Cassander et Lysimachus et ipsi regiam sibi maiestatem vindicaverunt. Huius honoris ornamentis tandem omnes absti-

muerunt, quod diu filij regis sui superesse potuerunt. tanta
 in illis uerecundia erat, ut cum opes regias haberent,
 regum tamen nominibus a quo animo caruerint, quoad
 Alexandro iustus haeres fuit. Sed Ptolemæus et Cas-
 sander, ceterique factionis alterius duces, cum carpi se sin-
 gulos ab Antigono uiderent, dum priuatum singulo-
 rum non commune uniuersorum bellum ducunt, nec
 auxilium ferre alter alteri uolunt, quasi uictoria unius
 non omnium foret, per epistolas se inuicem confirmā-
 tes, tempus locumque coeundi condicunt, bellumque com-
 munibus uiribus instruunt. cui cum Cassander intere-
 se propter finitimū bellum non posset, Lysimachum cum
 ingentibus copijs in auxilium socijs mittit. Erat hic Ly-
 simachus illustri quidem Macedonia loco natus, sed uir
 tutis experientis omni nobilitate clarior. quæ tan-
 ta in illo fuit, ut animi magnitudine, philosophia ip-
 sa, uiriumque gloria omnes, per quos oriens domitus est,
 uicerit. quippe cum Alexander magnus Callisthe-
 nem philosophum, propter salutationis persicæ inter-
 pellatum morem, insidiarum, quæ sibi paratæ fue-
 rant, consciū fuisse iratus finxisset, eumque trunca-
 tis crudeliter membris, abscissisque auribus, ac naso la-
 biisque, deforme ac miserandum spectaculum reddidisset,
 insuper cum cane in cauea clausum ad metum cæte-
 rorum circumferret. tunc Lysimachus audire Callisthe-
 nem, et præcepta ab eo recipere uirtutis solitus, mi-
 seratus tanti uiri, non culpæ sed libertatis pœnas pœ-
 dentis, uenenum ei in remedium calamitatum dedit.
 quod adeo ægre Alexander tulit, ut eum obijci fero-
 cissimo leoni iuberet. sed cum ad conspectum eius con-

citatus leo impetum fecisset, manum amiculo inuolutam
 Lysimachus in os leonis immergit, abreptaq; lingua fe-
 ram exanimauit. quod cum nunciatum regi esset, ad-
 miratio in satisfactionem cessit, cariorēq; eum pro-
 pter constantiam tantæ uirtutis habuit. Lysimachus
 quoq; magno animo regis ueluti parentis tulit contume-
 liam. Deniq; omni ex animo huius facti memoria ex-
 turbata, postea in India insectanti regi quosdam pa-
 lantes hostes, cum à satellitum turba equi sui celeritate
 desertus esset, solus ei per imensas arenarū moles cur-
 sus comes fuit. qđ idē antea Philippus frater eius cum
 facere uoluisset, inter manus regis expirauerat. Sed Ly-
 simachum defiliens equo Alexander hastæ cuspide ita
 in fronte uulnerauit, ut sanguis aliter claudi non pos-
 set, quā diadema sibi demptum rex alligandi uulne-
 ris causa capiti eius imponeret, quod auspiciū pri-
 mum regalis maiestatis Lysimacho fuit. sed & post
 mortem Alexandri, cum inter successores eius provin-
 ciæ diuiderētur, ferocissimæ ei gentes quasi omnium for-
 tissimo assignatæ sunt. adeo etiam consensu uniuerso-
 rum palmam uirtutis inter ceteros tulit. Prius qđ bel-
 lum inter Ptolemæum sociosq; eius aduersus Antigo-
 num committeretur, repente ex Asia maiore digres-
 sus Seleucus nouus Antigono hostis accesserat. Huius
 quoq; & uirtus clara & origo admirabilis fuit. Si-
 quidem mater eius Laodice, cum nupta esset Antiocho
 claro inter Philippi duces uiro, uisa est sibi per quie-
 tem ex concubitu Apollinis concepisse, grauidamq; fa-
 ctam munus concubitus annulum à deo accepisse, cu-
 ius gemma anchora sculpta esset. Iussamq; donum id
 filio

filio, quem peperisset, dare. admirabile fecit hoc uisum
 & annulus, qui postera die eiusdem sculpturæ in lecto
 inuentus est, & figura anchoræ, quæ in femore Seleu-
 ci nata cum ipso paruulo fuit. Quam ob rem Laodi-
 ce annulum Seleuco eunti cum Alexandro magno ad
 persicam militiā edocto de origine sua dedit. Vbi post
 mortē Alexandri, occupato regno orientis, urbē cōdi-
 dit. Ibiq; geminæ originis memoriā cōsecrauit. nam et
 urbem ex Antiochi patris nomine Antiochiam uoca-
 uit, & campos uicinos urbi Apollini dicauit. Originis
 eius argumentum etiam posteris mansit. siquidem filij
 nepotesq; eius anchorā in femore, ueluti notam gene-
 ris naturalem, habuere. Multa in oriente post diuisionē
 inter socios regni macedonici bella gessit. Principio Ba-
 bylonem cepit. Inde auctis ex uictoria uiribus Bactria
 nos expugnauit, transitum deinde in Indiam fecit, quæ
 post mortem Alexandri uelut a ceruicibus iugo serui-
 tutis excusso præfectos eius occiderat. Author libertatis
 Sandrocotus fuerat. sed titulum libertatis post uicto-
 riam in seruitutem uerterat. siquidem occupato regno
 populum, quē ab externa dominatione uindicauerat,
 ipse seruitio premebat. Fuit hic quidem humili genere
 natus, sed ad regni potestatem maiestate numinis im-
 pulsus, quippe cum prociuitate sua Alexandrum re-
 gem offendisset, interfici à rege iussus, salutem pedum
 celeritate quaesierat. ex qua fatigatione, cum somno ca-
 ptus iaceret, leo ingentis formæ ad dormientem acce-
 sit, sudoremq; profluentem lingua ei deterfit, experge
 factumq; blande reliquit. Hoc prodigio primum ad
 spē regni impulsus contractis latronibus Indos ad no-

I V S T I.

uitatem regni sollicitauit, molienti deinde bellum aduersus præfectos Alexandri elephantus ferus infinitæ magnitudinis ultro se obtulit, et ueluti domita mansuetudine eum tergo excepit. duxq; belli et præliator insignis fuit. Sic acquisito regno Sandrocotus ea tempestate, qua Seleucus futuræ magnitudinis fundamenta iaciebat, Indiam possidebat, cum quo facta pactione Seleucus, compositisq; in oriente rebus, in bellum Antigoni descendit. Adunatis igitur omnium sociorum copijs prælium committitur. In eo Antigonus occiditur. Demetrius filius eius in fugam uertitur. Sed socij, profligato hostili bello, denuo in semetipsos arma uertunt, et cum de præda non conuenirent, iterum in duas factiones diducuntur. Seleucus Demetrio, Ptolemæus Lysimacho iungitur. Cassandro defuncto Philippus filius succedit, sic quasi ex integro noua Macædoniæ bella nascuntur.

LIBER DECIMVSSEXTVS.

P Ost Cassandri regis filijq; eius Philippi continuas mortes, Thessalonice regina uxor Cassandri non magno post tempore ab Antipatro filio, cum uitam etiam per ubera materna deprecaretur, occiditur. Causa parriadij fuit, quod post mortem mariti in diuisione inter fratres regni propensior fuisse Alexandro uidebatur. Quod facinus eo grauius omnibus uisum est, quod nulum maternæ fraudis uestigium fuit. quâquam in parriadio

riadio nulla satis iusta causa ad sceleris patrocinia præ
texi potest. Ob hæc igitur Alexander in ultionem ma
ternæ necis gesturus cum fratre bellum, auxiliū à De
metrio petit. Nec Demetrius spe inuadendi Macedonici
regni moram fecit. cuius aduentum uerēs Lysimachus
persuadet genero suo Antipatro, ut malit cum fratre
in gratiam reuerti, quàm paternum hostem in Mace
donia admitti. Inchoatam igitur inter fratres reconci
liationem cum præsensisset Demetrius, per insidias Ale
xandrum interficit. occupatoq; Macedonia regno, cœ
dem apud exeratum excisaturus, in concionem uo
cat. Ibi priorem se petittum ab Alexandro allegat,
nec fecisse se, sed occupasse insidias. regem autem se
Macedoniæ uel ætatis experimentis, uel causis iusto
rem esse. patrem enim suum et Philippo regi, et
Alexandro magno socium in omni militia fuisse. libe
rorum deinde Alexandri ministrum, et ad persequē
dos defectores ducem extitisse. Contra Antipatrum a
uum horum adolescentum amariorem semper mini
strum regni, quàm ipsos reges fuisse. Cassandrum ue
ro patrem extinctorem regis domus, non fœminis,
non pueris pepercisse. nec cessasse, quoad omnem stirpē
regis sobolis deleteret. Horum scelerum ultionem, quia
nequisset ab ipso Cassandro exigere, ad liberos eius
translatam. Quam ob rem etiam Philippū et Alexan
dram (siquis manium sensus est) non interfectores suos
ac stirpis suæ, sed ultores eorum Macedonia regnū te
nere malle. Per hæc mitigato populo, rex Macedonia
appellatur. Lysimachus quoq; cū bello Dromuchetis re
gis Thracum premeretur, ne eodem tempore et aduer

I V S T I.

sus Demetrium dimicare necesse haberet, tradita ei altera parte Macedonia, quæ Antipatro eius genero euerat, pacem cum eo fecit. Igitur Demetrius totis Macedonici regni uiribus instructus cum Asiâ occupare statuisset, iterato Ptolemæus, Seleucus, & Lysimachus experti priore certamine quantæ uires essent concordie, pacta societate, adunatisq; exercitibus, bellum aduersus Demetrium transferunt in Europam. His comitem se & bellisocum iungit Pyrrhus rex Epiri, sperans non difficilius Demetrium Macedonia amittere posse, quàm acquisiuerat. nec spes frustra fuit. quippe exercitu eius corrupto, ipsoq; in fugam acto, regnum Macedonia occupauit. Deinde dum hæc aguntur, Lysimachus generum suum Antipatrum, regnum Macedonia adeptum sibi, soceri fraude, querentem interficit, filiamq; suam Eurydicem querelarum sociam in custodiam tradit. Atq; ita uniuersa Cassandri domus Alexandro magno, seu necis ipsius, seu stirpis extinctæ poenas, partim caede, partim supplicio luit. Demetrius quoq; à tot exercitibus circumuentus, cum posset honeste mori, turpiter se dedere Seleuco maluit. Finito bello, Ptolemæus cum magna rerum gestarum gloria moritur. Is contra ius gentium minimo natu ex filiis ante infirmitatem regnum tradiderat, eiusq; rei populo rationem reddiderat, cuius non minor fauor in accipiendo, quàm patris in tradendo regno fuerat. Inter cætera patris et filij mutue pietatis exempla etiam ea res amorem parem populi inueni conciliauerat, quod pater regno ei publice tradito priuatus officium regi inter satellites fecerat, omniq; regno pulchrius regis esse patrem duxerat. Sed inter Lysimachum & Pyrrhum

et Pyrrhū regem socios pauloante aduersus Demetriū,
 assiduum inter pares discordia malum bellum moue-
 rat. Victor Lysimachus pulso Pyrrho Macedoniam oc-
 cupauerat. Inde Thraciæ, ac deinaps Heraciæ, bellū
 intulerat. cuius urbis & initia & exitus mirabilis
 fuere. quippe Bæotijs pestilentia laborantibus oraculū
 Delphis responderat, coloniam in ponti regione sacrā
 Herculi conderent. Cum propter metum logæ & peri-
 culosæ navigationis mortem in patria omnibus præo-
 ptantibus res ommissa esset, bellum his phocenses intule-
 runt. quorum cū aduersa prælia pateretur, iterato ad
 oraculum decurrūt. responsum, idem belli, qđ pestilen-
 tiæ remediū fore. Igitur conscripta colonorū manu in
 Metapontū delati urbē Heraciam condiderūt. &
 quoniā fitorū auspicijs in eas sedes delati erāt, breui
 post tpe magnas opes paruere. multa deinde huius ur-
 bis aduersus finitimos bella, multa etiā domesticæ dis-
 sensuionis mala fuere. Inter cætera magnificā uel præ-
 cipue illud memorabile fuit. Cum rerum potrentur
 Athenienses, uictisq; Persis Græciæ, & Asiæ tributū in
 tutelam classis descripsissent, oibus cupide ad præsidū
 salutis suæ conferentibus, soli Heracienses ob amicitia
 regum pscorum collationem abnuerant. Missus itaq;
 ab Atheniensibus Lamachus cum exercitu ad extor-
 quendum, qđ negabatur, dū relictis in litore nauibus
 agros Heraciensiu populatur, classē cū maiore parte
 exercitus naufragio repentinæ tēpestatis amisit. Itaq;
 cū neq; mari possent amissis nauibus, neq; terra aude-
 rent cū parua manu inter tot ferocissimas gentes re-
 uerti, Heracienses honestiorem beneficij, q̄ ultionis oc-

casionem rati, instructos commeatibus, auxilijsq; dimittunt, bene agrorū suorum populationem existimantes, si quos hostes habuerant, amicos reddidissent. Passi sunt inter plurima mala etiam tyrannidem, si quidem cū plebs & novas tabulas & diuisionem agrorum diuitum impotenter flagitarent, diu re in senatu tractata, cum exitus rei non inueniretur, ad postremum aduersus plebem nimio ocio lasciuientem auxilia à Timotheo Atheniensium duce, mox ab Epaminunda Thebanorum petuere. utrisq; negantibus, ad Clearchum, quē ipsi in exilium egerant, decurrunt. tanta calamitatum necessitas fuit, ut cui patriam interdixerant, eum ad tutelam patriæ uocarent. Sed Clearchus exilio facinorosior redditus, & diuisionem populi occasionem inuadendæ tyrannidis existimans, primo tacite cum Mithridate ciuium suorum hoste colloquitur, & inita societate paciscitur, ut reuocatus in patriam prodita ei urbe præfectus eius constitueretur. Postea autem insidias, quas ciuibz parauerat, in ipsum Mithridatem uertit. Namq; cum uelut arbiter ciuilibz discordiæ de exilio reuersus esset, statuto tempore, quo urbem Mithridati traderet, ipsum cum amicis suis cepit, captumq; accepta ingenti pecunia dimisit. Atq; ut illi subitum se ex socio fecit hostem. sic ex defensore senatoriæ causæ, repente patronus plebis euasit, & aduersus authores potentiæ suæ, à quibus reuocatus fuerat in patriam, per quos in arce collocatus fuerat, non solum plebem accendit, uerum etiam nefandissima quæq; tyrānicæ crudelitatis exercuit. Igitur populo ad concionem uocato, neq; se affuturum amplius grassanti in populum se
 natui

natui ait, et intercessurū etiam si in pristina seuitia per
 seueret. quod si parē se crudelitati senatorū arbitrare
 tur, abiturum cum militibus suis, neq; ciuilibus dis
 cōdis interfuturum. sin uero diffidant uiribus proprijs,
 uindicem se ciuū non defuturum. Proinde consulant si
 bi ipsi, iubeant abire se, an malint socium causę popu
 laris remanere. His uerbis sollicitata plebs summum
 ad eum imperium defert, & dū senatus potentie ira
 scitur, in seruitutē se tyrannice dominationis cū coniu
 gibus & liberis tradit. Igitur Clearchus. LX. senato
 res comprehensos (nam ceteri in fugam dilapsi erāt)
 in uincula compingit. Latatur plebs, qđ a duce potiss
 simū senatorū senatus deleteretur, uersaq; uice auxilium
 eorum in exitū conuersum eēt, quibus dum mortem
 passim oībus minatur, cariora eorum precia facit. Si
 qđem Clearchus magna pecunia, quasi minis populi
 occulte eos subtracturus, accepta. spoliatos fortunis, uita
 quoq; spoliauit. Cognito deinde, qđ bellū sibi ab ijs, qui
 profugerant, misericordia in auxiliū sollicitatis ciuitati
 bus, pararetur, seruos eorum manumittit. et ne qđ ma
 li afflictis honestissimis domibus deesset, uxores eorum
 filiasq; nubere seruis suis, proposita recusantibus, mor
 te compellit, ut eos sibi fidiores, & dominis infestiores
 redderet. Sed matronis tam lugubres nuptiæ grauiore
 repētis funeribus fuisse. Itaq; multæ se ante nuptias,
 multæ in ipsis nuptijs, occisis prius nouis maritis, interfi
 ciunt, & se tam funestis calamitatibus uirtute ingenui
 pudoris eripiunt, prælium deinde cōmittitur. Quo ui
 ctor tyrānus captiuos senatores in triumphī modū per
 ora ciuium trahit. Reuersus in urbē aliosuincit, tor

quet alios, alios occidit, nullus locus urbis à crudelitate tyranni uacat. Accedit senitiæ insolentia, crudelitati arrogantia. Interdum ex successu continuæ felicitatis obliuiscitur se hominem. Interdum Iouis filium se dicit. Eunti per publicum aurea aquila uelut argumentum generis præferebatur. ueste purpurea, et cothurnis regum tragicorum, et aurea corona utebatur. filium quoque suum Ceraunon uocat, ut deos non mendacio tantum, uerum etiam nominibus illudat. Hæc illum facere duo nobilissimi iuuenes Chion et Leonides indignantes patriam liberaturi in necem tyranni conspirant. Erant hi discipuli Platonis philosophi, qui uirtutem ad quam cotidie præceptis magistri erudiebantur, patriæ exhibere cupientes quinquaginta cognatos ueluti clientes in insidijs locant. Ipsi more iurgantium ad tyrannum ueluti ad regem in arcem contendunt, qui iure familiaritatis admissi, dum alterum priorem dicentem intentus audit tyrannus, ab altero obtruncatur. sed ipsi, socijs tardius auxilium ferentibus, à satellitibus obruntur. Quare factum est, ut tyrannus quidem occideretur, sed patria non liberaretur. Nam frater Clearchi Satyrus eadem uia tyrannidem inuadit, multisq; annis per gradus successionis Heraclienfes regnum tyrannorum fuere.

LIBER DECIMVSSEPTIMVS.

P

Er idem ferme tempus Helleſponti &
 Chersonneſi regionibus terræmotus fu-
 it. Maxime tamē urbs Lyſimachia an-
 te duos & XX. annos à Lyſimacho
 condita euerſa eſt. quod portenti dira
 Lyſimacho ſtrpīq; eius, ac ruinam regni cum clade
 uexatarum regionum portendebat. Nec oſtentis fides
 deſuit. nam breui poſt tempore Agathoclem filium ſu-
 um, quem in ſucceſſionem regni ordinauerat, per quē
 multa bella proſpere geſſerat, non ſolum ultra patri-
 um, uerum etiam humanum ultra morem perofus, mi-
 niſtra Ariſtoe nouerca ueneno interfecit. hæc illi pri-
 ma mali labes, hoc initium impendentis ruinæ fuit.
 nam parri-
 cidium principum ſecutæ cædes ſunt, luen-
 tum ſupplicia, quod occiſum iuuenem dolebant. Itaq;
 et hi qui exerciti-
 bus præerant, certatim ad Seleucum
 deſciebant, eumq; prouum iam ex æmulatione gloriæ
 bellū Lyſimacho inferre compellunt. Vltimum hoc cer-
 tamen commilitonū Alexandri fuit, et uelut ad exem-
 plum fortunæ par reſeruatū. Lyſimachus quatuor et
 LXX. annos natus erat, Seleucus ſeptem, et LXX. Sed
 in hac ætate uterq; animos iuueniles ſeruabant, impe-
 riūq; cupiditatem inſatiablem gerebant. quippe cum or-
 bem terrarum duo ſoli tenerens, anguſtis ſibi metis in-
 cluſi uidebantur, uitæq; finem non annorū ſpacio, ſed
 imperij terminis metiebantur. In eo bello Lyſimachus,
 amiſſis antea uarijs caſibus quindecim liberis, nō ſtre-
 nue moriens poſtremus domus ſuæ ruinæ cumulus ac-

cessit. Lætus tanta uictoria Seleucus, & (quod maius uictoria putabat) solum se de cohorte Alexandri mansisse, uictoremq; uictorum extitisse, non humanum opus esse, sed diuinum munus gloriatur, ignarus prorsus non multo post fragilitatis humanæ seipsum exemplum futurum. Quippe post menses admodum .VII. à Ptolemæo, cuius sororem Lysimachus in matrimonio habuerat, per insidias circumuentus occiditur. regnumq; Macedonia, quod Lysimacho eripuerat, cum uita pariter amittit. Igitur Ptolemæus cum & in gratiam memoriæ magni Ptolemæi patris, & in fauorem ultionis Lysimachi ambitiosus ad populares esset, primo Lysimachi filios conciliare sibi statuit, nuptiasq; Arsinoës sororis suæ matris eorum petit, puerorum adoptione promissa, ut cum in locum patris eorum successisset, nihil illi moliri, uel uerecundia matris, uel appellatione patris auderent. Fratris quoque regis Aegypti concordiam per epistolas deprecatur, professus deponere se offensam ereptæ partis paterni regni, neque amplius à fratre quasiturum, quod honestus à paterno hoste perceperit. omniq; arte adulatur Eumeni & Antigono Demetrii filijs, & Antiocho filio Seleuci, cum quibus bellum habiturus erat, ne tertius sibi hostis accederet, sed nec Pyrrhus rex Epiri omissus ingens momentum futurus, utri parti socius accessisset. qui & ipse spoliare singulos cupiens, omnibus se partibus uendicabat. Itaque Tarentinis aduersus Romanos laturus Auxilium, ab Antigono naues ad exercitum in Italiam deportandum mutuo petit. ab Antiocho pecuniam, qui opibus quàm

militibus instructor erat. à Ptolemæo Macedonum
militum auxilia. sed Ptolemæus, cui nulla dilationis
ex infirmitate uirium uenia esset, quinque milia pe-
ditum, equitum quatuor milia, elefantos. L. non am-
plius quàm in biennij usum dedit. Ob hæc pyr-
rhus filia Ptolemæi in matrimonium accepta, uin-
dicem eum regni reliquit pacificatus cum omnibus fi-
nitimis, ne abducta in Italiam iuuentute, Prædæ
hostibus regnum relinqueret. Sed quoniam ad Epi-
ri mentionem uentum est, de origine regni eius pauca
narranda sunt. Molossorum primum in ea regione
regnum fuit. post Pyrrhus Achillis filius, amisso per
absentiam troianis temporibus paterno regno, in his
lois consedit, qui Pyrrhidæ primo, postea Epirotæ
dicti sunt. Sed Pyrrhus cum in templum Dodonæi Io-
uis ad consulendum uenisset, ibi Lاناßā neptem Her-
culis rapuit. Ex cuius matrimonio octo liberos sustu-
lit. Ex his nonnullas uirgines nuptum finitimis regi-
bus tradidit, opesq; affinitatum auxilio magnas para-
uit. Atq; ita Heleno filio Priami regis, ob industriam
singularem uaticinandi, regnum Chænum, & Andro-
machā Hectoris, è matrimonio suo quam ipse in diui-
sione troianæ prædæ acceperat, uxorem reddidit. bre-
uîq; post tempore Delphis, insidijs Orestæ filij Aga-
memnonis, inter altaria dei interijt. Successor huic Pi-
elus filius fuit. Per ordinē deinde regnum ad Arym-
bam descendit. cui quoniam pupillus & unicus ex
gente nobili supercessit, intentiore omnium cura ser-
uandi eius educandiq; publice tutores constituuntur.
Athenas quoque erudiendi gratia missus, quanto do-

IVSTI.

etior maioribus suis, tanto et gratior populo fuit. Pri-
mus itaque et leges, et senatum, annuosque magistra-
tus, et Rcip. formam composuit, et ut a Pyrrho se-
des, sic uita cultior populo ab Arymba statuta. Huius
filius Neoptolemus fuit. Ex quo nata est Olympias ma-
ter Alexandri magni, et Alexander, qui post eum re-
gnum Epiri tenuit, et in Italia bello gesto in Brutijs
interijt. Post eius mortem frater Aeacides regno suc-
cessit. qui assiduis aduersus Macedonas bellorum cer-
taminibus populum fatigando offensam ciuium contra-
xit. ac propterea in exilium actus Pyrrhum filium
bimum admodum paruulum in regno reliquit. qui et
ipse cum a populo propter odium patris ad necem
quaereretur, furtim subtracto in Illyrios deferretur, tra-
ditusque est Beroe Glaucae regis uxori nutriendus, quae
et ipsa generis Aeacidarum erat. Ibi eum, seu mise-
ricordia fortunae eius, seu infantilibus blandimentis
inductus rex, aduersum Cassandrum Macedoniae re-
gem, qui eum sub belli comminatione deposte-
bat, diu protexit, addito in auxilium etiam adoptionis officio.
Quibus rebus moti Epirotae, odio in misericordiam
uerso, annorum. XI. eum in regnum reuocauerunt, da-
tis tutoribus, qui regnum usque in adultam eius aetatem
tuerentur. Adolescens deinde multa bella gessit, tan-
tusque rerum successu haberi coeptus est, ut Tarentinos
solus aduersus Romanos tueri posse uideretur.

i Gitur Pyrrhus rex Epiri, cum iterata
Tarentinorū legatione, additis Samni-
tum & Lucanorum precibus, et ipsis
auxilium aduersus Romanos pollicen-
tibus, fatigaretur, non tam supplicum
precibus, quàm spe inuadendi Italiae imperij indu-
ctus uenturum se cum exercitu pollicetur. In quam re
inclinatum semel animum præcipitem agere coeperat
exempla maiorum, ne aut inferior patruo suo Ale-
xandro uideretur, quo defensore ijdem Tarentini ad-
uersus Brutios usi fuerant, aut minores animos magno
Alexandro habuisse, qui tam longa à domo milita ori-
entem subegit. Igitur relicto custode regni filio Ptole-
mæo annos XV. nato exercitū in portu Tarentino ex-
ponit, duobus paruulis filiis Alexandro & Heleno in-
solatia longinquæ expeditionis secum adductis. Cuius
audito aduētū consul Romanus Valerius Leuinus festi-
nans, ut prius cum eo congrediretur, quàm auxilia so-
ciorum conuenirent exercitum in aciem deducit. Nec
rex, tam & si numero militum inferior esset, certaminē
mioram fecit. Sed Romanos uincentes iam inusitata an-
te elephantorum forma stupere primo, mox cedere
prælio cōegit, uictoresq; iam noua Macedonum mon-
stra repente uicerunt, nec hostibus incruenta uictoria
fuit. Nam & ipse Pyrrhus grauius uulneratus est, et
magna pars militum eius cæsa, maioremq; gloriā eius
uictoriæ, quàm letitiam habuit. Huius pugnae euen-
tum multæ ciuitates secutæ Pyrrho se tradunt. Inter

IVSTI.

ceteros etiam Locri, prodito praesidio romano, ad Pyrrhum deficiunt. Ex ea praeda Pyrrhus. CC. captivos milites gratis Romam remisit, ut cognita uirtute eius, Romani cognoscerent etiam liberalitatem. Interiectis deinde diebus cum sociorum exercitus superuenisset, iterato praelium cum Romanis facit, in quo par fortuna priori bello fuit. Interea Mago dux Carthaginiensium in auxilium Romanorum cum CXX. nauibus missus, senatum adiit. aegre tulisse Carthaginienses affirmans, quod bellum in Italia a peregrino rege paterentur. ob quam causam missum se, ut quoniam externo hoste oppugnarentur, externis auxilijs iuuarentur. Gratiae a senatu Carthaginensibus actae, auxiliaque remissa. Sed Mago punico ingenio post paucos dies tacitus, quasi pacificator Carthaginiensium, Pyrrhum adiit, speculaturus consilia eius de Sicilia, quo eum accersiri fama erat. nam Romanis eadem causa mittendi auxilia Carthaginensibus fuerat, ut Romano bello, ne in Sicilia Pyrrhus transire posset, in Italia detineretur. Dum haec aguntur, legatus a senatu Romano Fabricius Luscinus missus, pacem cum Pyrrho componit. ad quam confirmandam Cineas Romam cum ingentibus a Pyrrho donis missus, neminem, cuius domus muneribus pateret, inuenit. Huic continentiae Romanorum simile exemplum ipsdem ferme temporibus fuit. Nam missi a senatu in Aegyptum legati cum ingentia sibi a Ptolemaeo rege missa munera spreuissent, interiectis diebus ad coenam inuitatis aureae coronae missae sunt, quas illi honoris causa receptas postera die statuis regis imposuerunt. igitur Cineas, cum turbatam cum Romanis pacem ab

Appio Claudio renunciasset, interrogatus à Pyrrho, qualis Roma esset, respondit regum urbem sibi usam. Post hæc legati Siculorum superueniunt, tradentes Pyrrho totius insulæ imperium, quæ assiduus Carthaginensium bellis uexabatur. Itaque relicto Locris Alexandro filio, firmatisq; sociorum ciuitatibus ualido præsidio, in Siciliam exercitum traiecit. Et quoniam ad Carthaginensium mentionem uentum est, de origine eorum pauca dicenda sunt, repetitis Tyriorum paulo altius rebus, quorum casus etiam delendi fuerant. Tyriorum gens condita à Phœniabus fuit. qui terræmotu uexati, relicto patrie solo, assyrium stagnum primo, mox mari proximum litus incoluerunt, condita ibi urbe, quam à piscium ubertate Sidona appellauerunt. nam piscem Phœnices sidō uocant. Post multos deinde annos à rege Ascaloniorum expugnati, nauibus appulsi Tyron urbem ante annum troianæ cladis condiderunt. Ibi Persarum bellis diu uariisq; fangati uictores quidē fuere, sed attritis uiribus à seruis suis multitudine abundantibus indigna supplicia perpessi sunt. qui conspiratione facta, omnem liberū populum cum dominis interficiunt. atq; ita potiti urbe, lares domitorum occupant. remp. inuadunt, coniuges ducunt, et (quod ipsi non erant) liberos procreant. Vnus ex tot mulibus seruorum fuit, qui nati ingenio senis domini paruuliq; filij eius fortuna moueretur, dominosq; nō truci feritate, sed pia misericordia ac humanitate respiceret. Itaq; cum uelut occisos alienasset, seruisq; de statu reip. deliberantibus placuisset regem ex suo corpore creari, eumq; potissimum, quasi acceptissimum dijs, qui

solem orientem primus uidisset, rē ad Stratonem (hoc enim ei nomen erat) dominum occulte latentem detulit. ab eo informatus, cum medio noctis omnes in unū campum processissent, ceteris in orientē spectantibus, solus occidentis regionem intuebatur. Id primum alijs uideri furor, in occidente solis ortum quærere. ubi uero dies aduentare cœpit, editissimūq; culminibus urbis oriens splendere, expectantibus alijs, ut ipsum solem aspicerent, hic primus omnibus fulgorem solis in summo fastigio ciuitatis ostendit. Non seruilis ingenij ratio uisa, requirentibusq; authorem de domino confitetur. Tūc intellectum est quātū ingenua seruilibus ingenia præstarent, malitiāq; seruos, nō sapientia uincere. Igitur uenia seni filioq; data est, & uelut numine quodā reseruatos arbitantes regem Stratonem creauerunt. Post cuius mortem regnum ad filiū, ac deinde ad nepotes transit. Celebre hoc seruorum facinus, metuentūq; exemplum toto orbe terrarum fuit. Itaq; Alexander magnus, cū interiecto tempore in oriente bellū gereret, uelut ultor publicæ securitatis expugnata eorum urbe omnes, qui prælio su pserant, ob memoriam ueteris cædis crucibus affixit. genus tantū Stratonis inuiolatum seruauit, regnumq; stirpi eius restituit, ingenuis & innoxijs incolis insulæ attributis, ut extrapato seruili germine, genus urbis ex integro condere-tur. Hoc igitur modo Tyrii Alexandri auspicijs conditi, parsimonia & labore quærendi cito coaluere. Ante cladem dominorum cum & opibus & multitudine abundarent, missa in Africam iuuentute Vticam condidere, cum interim rex Tyro decessit, filio Pygmalione, &

lione, & Elisa filia insignis formæ uirgine hæredibus. Sed populus Pygmalioni admodum puero regnum tradidit. Elisa quoq; Aceruæ auunculo suo sacerdoti Herculis, qui honos secundus à rege erat, nupsit. Huic magnæ, sed dissimulatæ opes erant, aurumq; metu regis non tectis, sed terræ crediderat. quam rem & si homines ignorabant, fama tamen loquebatur. Quæ incensus Pygmalion, oblitus iuris humani auunculū suum eundemq; generū sine respectu pietatis occidit. Elisa diu fratrem propter scelus auersatæ, ad postremum, dissimulato odio mitigatq; interim uultu, fugā tacite molitur. assumptisq; quibusdā principibus in societatem, in quibus par odium in regem esse, eandemq; fugiendi cupiditatem arbitrabatur, tunc fratrem dolo aggreditur. fingit se ad eum migrare uelle, ne amplius ei mariti domus cupidæ obliuionis grauem luctus imaginē renouet, ne ue ultra amara admonitio oculis eius occurrat. Non inuitus Pygmalion uerba sororis audiuit, existimans cum ea et aurū Aceruæ ad se uenturum. Sed Elisa ministros migrationis à rege missos nauibus cū opibus suis prima uestera imponit. Proiectaq; in altum compellit eos onera arenæ pro pecunia inuolucris inuoluta in mare deijcere. Tūc discens ipsa lugubriq; nocte Aceruā ciet orās, ut libens opes suas recipiat, quas reliquerat, habeatq; inferias, quas habuerat cām mortis. Tunc ipsos ministros aggreditur. Sibi qdem ait optatam olim mortem, sed illis acerbos cruciatus & dira supplicia imminere, qui Aceruæ opes, quarum spe parricidium rex fecerat, auaritiæ tyranni subtraxerint. Hoc metu omnibus iniecto, comites fugæ ac-

cepit.iunguntur & senatorum in ea nocte præpara-
ta agmina, atq; ita sacris Herculis, cuius sacerdos A-
cernas fuerat, repetitis, exilio sedes quærunt. Primus il-
lis appulsus terræ Cyprus insula fuit. ubi sacerdos Io-
uis cum coniuge & liberis dei monitu comitem se Eli-
sæ, sociumq; fortunæ offert. pactus sibi posterisq; per-
petuum honorem sacerdotij. Conditio pro manifesto o-
mine accepta. Mos erat Cyprijs, uir gines ante nuptias
statutis diebus dotalem pecuniam quæsituras in quæ-
stum ad litus maris mittere, pro reliqua pudicitia liba-
menta Veneri soluturas. Harum igitur ex nûero LXXX.
admodum uir gines rapi, & nauibus imponi Elisa iu-
bet, ut & iuuentus matrimonia, & urbs sobolem ha-
bere posset. Dum hæc aguntur, Pygmalion cognita sor-
ris fuga, cum impio bello fugientem persequi pararet,
agre precibus matris, & deorum munis uictus quie-
uit, cum inspirati uates canerent, nõ impune latitum,
si incrementa urbis toto orbe auspiciatissimæ interpel-
lasset. & hoc modo spacium respirandi fugientibus da-
tum. Itaq; Elisa delata in Africæ sinus incolæ loci eius
aduentu peregrinorum, mutuarumq; rerum commer-
cio gaudentes, in amicitiam sollicitat. Deinde empto lo-
co, qui corio bonis tegi possit, in quo fessos longa navi-
gatione socios, quoad proficisceretur, reficere posset, cori-
um in tenuissimas partes secari iubet, atque ita maius
loci spacium, quàm petierat, occupat. unde postea ei lo-
co Byrsæ nomen fuit, confluentibus deinde uicinis loco-
rum, qui spe lucri multa hospitibus uenalia inferebāt,
sedesq; ibi statuentibus, ex frequentia hominum uelut
instar ciuitatis effectum est. Vtiensium quoque legati
dona

dona ut consanguineis attulerunt, hortatiq; sunt ut ur-
 bem conderent, ubi sedes sortiti essent. Sed & Afros
 detinendi aduenas amor cepit. Itaque consentientibus
 omnibus Carthago conditur. statuto annuo uectigali pro
 solo urbis. In primis fundamentis caput bubulum in-
 uentum est. quod auspiciū fructuosae quidem, sed la-
 boriosae, perpetuoq; seruae urbis fuit. propter quod in
 alium locum urbs translata. ibi quoq; caput equi re-
 pertum, bellicosum potentemq; populum futurum signi-
 ficans, urbi auspiciatam sedem dedit. Tunc ad opinionē
 nouae urbis concurrentibus gentibus, breui & populus
 & ciuitas magna facta est. Cum successu rerum flo-
 rentes Carthaginis opes essent, rex Mauritanorum
 Hiarbas, decem poenorum principibus ad se accersitis,
 Elise nuptias sub belli denunciatione petit. quod lega-
 ti reginae referre metuentes punico cum ea ingenio ege-
 runt, nunciantes regem aliquē poscere, qui cultiores mo-
 res uictusq; eum Afrosq; perdoceat. sed quēquam in-
 ueniri non posse, qui ad barbaros, & ferarum more
 uiuentes transire a consanguineis uelit. Tunc à regina
 castigati, si pro salute patriae asperiores uitam recusa-
 rent, cui etiam ipsa uita, si res exigat, debeatur, regis
 mandata a puere, dicentes, quae praecipiat alijs, ipsi faciē-
 da esse, si uelit urbi consultum esse. Hoc dolo capta, diu
 Aceruae uiri nomine cum multis lachrymis et lamenta-
 tione flebili inuocato, ad postremū iturā se, quo sua &
 urbis fata uocarent, respondit. In hoc triū mensiū sum-
 pto spacio Pyra in ultima parte urbis extructa, uelut
 placatura uiri manes, inferiasq; ante nuptias missura,
 multas hostias caedit, & sumpto gladio Pyram conscen-

dit, atq; ita ad populum respiciens, iuram se ad uirū
(sicut praeceperat) dixit, uitamq; gladio finiuit. Quam
diu Carthago inuicta fuit, pro dea culta est. Cōdita est
urbs hāc. LXXII. ānis ante, q̄ Roma. cuius uirtus sicut
bello clara fuit, ita domi status uarijs discordiarū casu
bus agitatus est, cū inter cātera mala ēt peste labora-
rēt, cruenta sacrorū religione, & scelere, pro remedio
usi sunt. q̄ppe hoīes ut uictimas immolabant, et ipube
res, quae aetas ēt hostiū misericordiā prouocat, aris ad-
moueabant. pacem deorū sanguine eorū exposcentes, pro
quorū uita dū rogari maxime solent. Itaq; aduersis tā
to scelere numinibus, cū in Sicilia diu infelicitē dimi-
cassent, translato in Sardinia bello, amissa maiore ex-
ercitus parte, graui praelio uicti sunt. Propter quod du-
cem suum Mazaeum, cuius auspicijs & Siciliae partem
domuerant, & aduersus Afros magnas res gesserant,
cum parte exeratus, quae superfuerat, exulare iusse-
runt. quam rem aegre ferentes milites legatos Cartha-
ginem mittunt, qui reditum primo ueniamq; infelias
militiae petant, tum denunciēt, quod precibus nequeāt,
armis se consecuturos. Cum preces & munera legatorū
spretae essent, interiectis diebus consensu nauibus ar-
mati ad urbem ueniunt. ibi deos hominesq; testati, non
se expugnatum, sed recuperatum patriam uenire, osten-
surosq; ciuibz suis non uirtutem sibi priore bello, sed
fortunam defuisse, prohibitis comitatibus obsessaq; ur-
be, in summam desperationem Carthaginenses addu-
xerunt. Interea Cartalo Mazaei ducis exulis filius, cū
praeter castra patris à Tyro, quo decimas Herculis fer-
re ex praeda Siciliensi, quam pater eius ceperat, à Car-
thaginensibus

thaginensibus missus fuerat, reuenteretur, accersitusq;
 à patre esset, publicæ se prius religionis officia execu-
 turum, q̃ priuatae pietatis respondit. quam rem & si
 ægre ferret pater, nō tamen uim afferre religioni au-
 sus est. Interiectis deinde diebus Cartalo, petito cōmea-
 tu à populo, cum reuersus ad patrem esset, ornatusq;
 purpura & infulis sacerdotij omnium se oculis inge-
 reret, tum in secretum pater adducto ait, ausus ne es,
 nefandissimum caput ista purpura & auro ornatus in
 conspectum tot miserorum ciuium uenire, et mœsta ac
 lugentia castra circumfluentibus quietæ felicitatis insi-
 gnibus uelut exultabundus intrare? Nusquam ne te
 alijs iactare potuisti? Nullus locus aptior, q̃ sordes pa-
 tris & exiliij infelicis erumnæ fuerunt? Quid quod
 pauloante uocatus, non dico patrem, duce[m] certe ci-
 uium tuorum superbe spreuisti? Et quid porro tu i pur-
 pura ista coronisq; aliud, quàm uictoriarū mearum ti-
 tulos geris? Quoniam igitur tu in patre nihil, nisi exu-
 lis nomen agnoscis, ego quoq; imperatorem me magis,
 q̃ patrem indicabo, statuamq; in te exemplum, ne q̃s
 post hac infelicibus miserijs patris illudat, atq; ita enī
 cū ornatu suo in altissimā crucem i cōspectu urbis af-
 figi iussit. Post paucos deinde dies Carthaginem capit.
 euocatoq; populo ad concionem, exiliij iniuriam que-
 ritur, belli necessitatem excusat, contentusq; uictoria
 sua, punitis authoribus, miserorum ciuium iniuriosi
 exiliij omnibus se ueniam dare dicit. Atque ita decem
 senatoribus interfectis urbem legibus suis reddidit.
 Nec multo post tempore afflictati regni accusatus, du-
 plicis, & in filio, & in patria patriadij pœnas dedit.

Huic Mago imperator successit . cuius industria & opes Carthaginiensium , & imperij fines , & bellicae gloriae laudes creuerunt.

LIBER DECIMVS NONVS.

Mago Carthaginiensium imperator, cum primus omnium ordinata disciplina militari imperium Poenorum condidisset, viresque ciuitatis non minus bellandi arte, quam uirtute firmasset, defungitur, relictis duobus filiis, Hasdrubale & Hamilchare . qui per uestigia paternae uirtutis decurrentes, sicuti generi, ita & magnitudini patris successerunt . Iis duobus Sardiniae bellum illatum . Aduersus Afros quoque uectigal pro solo urbis multorum annorum repetentes dimicatum . sed Afrorum sicuti causa iustior, ita & fortuna superior fuit, bellumque cum his solutione pecuniae, non armis finitum . In Sardinia quoque Hasdrubal grauius uulneratus, imperio Hamilchari fratri tradito, interijt . cuius mortem tum luctus ciuitatis, tum et diestaturae undecim, & triumphus quatuor insignem fecere . Hostibus quoque creuere animi, ueluti cum duce Poenorum vires conuassissent . Itaque Siciliae populis, propter assiduas Carthaginiensium iniurias, ad Leonidam fratrem regis spartanorum concurrentibus graue bellum natum . In quo & diu & uaria uictoria praeliatum fuit . Dum haec aguntur, legati a Dario Persarum rege Carthaginem uenerunt, afferentes edictum, quo Poeni humanas hostias immolare, et canina uesci prohibebantur . mortuorumque corpora cremare potius, quam terra obruere a rege iubebantur,

iubebatur, petentes simul auxilia aduersus Græcos, qui
bus illaturus bellum Darius erat. Sed Carthaginienses
auxilia negantes propter assidua finitimorum bella,
cæteris, ne p omnia cõtumaces uiderentur, cupide pa-
ruere. Interea Hamilchar bello Sicaliensi interficitur, re-
lictis tribus filiis. Amilcone, Hånone, Gisgone. Hasdru-
bali quoq; par numerus filiorum fuit Hannibal, &
Hasdrubal, & Sapho. Per hos res Carthaginiensium
ea tempestate regebantur. Itaq; & Mauris bellum il-
latum, & aduersus Numidas pugnatum, & Afri com-
puli stipendium urbis conditæ Carthaginiensibus re-
mittere. Deinde cum familia tanta imperatorum gra-
uis liberæ ciuitati esset, omniaq; ipsi agerent simul &
iudicaret, centum ex numero senatorũ iudices deligun-
tur. qui reuersis à bello ducibus, rationem rerum gesta-
rum exigerent, ut hoc mutui ita in bello imperia cogi-
tarent, & domi iudicia legesq; respicerent. In Sicilia
in locum Hamilcharis imperator Amilco succedit.
qui cum nauali terrestriq; bello secunda prælia fecis-
set, multasq; ciuitates cepisset, repente pestilentis syderis
ui exercitum amisit. quæ res cum nuntiata Carthagi-
ni esset, mœsta ciuitas fuit, omnia ululatus non secus,
ac si ipsa urbs capta esset, personabant, clausæ priua-
tæ domus, clausa deorum templa, intermissa omnia sa-
cra, omnia priuata officia damnata. Cuncti deinde ad
portum congregantur, egredientesq; paucos è nauib-
us, qui cladi superfuerant, de suis percunctantur. ut
uero dubia antea spe, et suspensio metu, in certæ orbita-
tis expectatione, casus suorum miseris eluxit, tunc to-
to litore plangentiu genitus, tunc infelicium matrum

I V S T I.

et ululatus, et querelæ flebiles audiebantur. Inter hæc
procedit inops e' naui sua imperator Amulco sordida
seruiliq; tunica distinctus, ad cuius conspectum plan-
gentium agmina iunguntur. Ipse quoq; manus ad cœ-
lum tendens, nunc sortem suam, nunc publicam fortu-
nam deflet, nunc deos accusat, qui tanta belli decora,
et tot ornamenta uictoriarum, quæ ipsi dederant ab-
stulerint. qui, captis tot urbibus, totiesq; hostibus terre-
stri naualiq; prælio uictis, exercitum uictorem non bel-
lo, sed peste deleuerint. Deferre se tamen ciuibus suis
non modica solatia, quod malis eorum hostes gaudere,
non gloriari possent. quippe neq; eos, qui mortui sunt,
a se occisos, neq; eos, qui reuersi sunt, a se fugatos pos-
sint dicere. Prædā quā relictis a se castris abstulerint,
non esse talem, quam uelut spoliū uicti hostis ostentent,
sed quam possessione uacua fortuitis dominorum mor-
tibus, sicuti caducā, occupauerint. Quod ad hostes per-
tinet, uictores se recessisse, quod ad pestem, uictos. Nihil
tamen se grauius ferre, q̄ quod inter fortissimos uiros
mori non potuerit, seruatusq; sit, non ad uitæ iucundi-
tatem, sed ad ludibrium calamitatis, quāquam ubi mi-
seras copiarum reliquias Carthaginem reduxerit, se
quoq; securum commilitones suos, ostensurumq; pa-
triæ, non ideo se in eam diem uixisse, quoniam uelit
uiuere, sed ne hos, quibus nefanda lues pepercerat, in-
ter hostium exercitus relictos morte sua proderet. Tali
uociferatione per urbem ingressus, ut ad limina domus
sue uenit, profectam multitudinem uelut postremo al-
loquio dimisit. obseratisq; foribus, ac nemine ad se, ne
filijs quidem admissis, mortem sibi consciiuit.

LIBER

LIBER VIGESIMVS.

d Ionyſius ex Sicilia pulſis Carthagenſibus, occupatoq; totius inſulæ imperio graue otum regno ſuo, periculoſamq; deſidiam tanti exercitus ratus, copias in Italiam traiecit, ſimul ut militum vires continuo labore acuerentur, & regni fines proferrentur. Prima illi militia aduerſus Græcos, qui proxima Italici maris litora tenebant fuit. quibus deuiſtis finitimos quoſque aggreditur, omnesq; græci nominis Italiam poſſidentes hoſtes ſibi deſtinat, quæ gentes non partem ſed uniuerſam ferme Italiam ea tempeſtate occupauerant. Denique multæ urbes adhuc poſt tantam uetulaſtatem veſtigia græci moris oſtentant. nãq; Thuſcorum populi, qui oram inferi maris poſſident à Lydia uenerunt. Et Venetos, quos incolæ ſuperi maris uidemus, capta & expugnata Troia Antenore duce miſit. Adria quoque Illyrico mari proxima, quæ & Adriatico mari nomen dedit, græca urbs eſt, & Arpos Diomedes exaſo Ilio naufragio in ea loca delatus condidit. Sed & Piſæ in Liguribus Græcos authores habent. Et in Thuſcis Tarquinij à Theſſalis & Spinambris. Peruſini quoque originem ab Achæis ducunt. Quid Cære urbem dicam? Quid latinos populos, qui ab Aenea conditi uidentur? Iam Phaliſci, Nolani, Abellani, non ne Chalcidenſium Coloni ſunt? Quid tractus omnis Campaniæ? Quid Brutij, Sabinique? Quid Samnites? Quid Tarentini, quos Lacedæmone proſectos, ſpuriosq; uocatos accepimus? Thu-

IVSTI.

reriorum urbē condidisse Philocteten ferunt, ibiq; adhuc
monumētū eius visitur. Et Herculis sagittæ in Apollinis
tēplo, quæ fatum Troiæ fuere. Metapontini quoq; in
tēplo Mineruæ ferramētā, quibus Epeus, à quo conditi
sunt, equū troianum fabricauit, ostentant. propter quod
omnis illa pars Italiæ maior Græcia appellatur. Sed
principio originum Metapontini cum Sybaritanis &
Crotoniensibus pellere cæteros Græcos Italia statue-
runt. Cum primum urbem Sirim cepissent in expu-
gnatione eius quinquaginta iuuenes amplexos Mi-
neruæ simulacrum, sacerdotemq; deæ uelatum orna-
mentis deorum inter ipsa altaria trucidauerunt. ob
hoc cum peste et seditionibus uexarentur, priores Cro-
tonienses delphicum oraculum adierunt. responsum
his est, finem mali fore, si uiolatum Mineruæ numen
& interfectorum manes placassent. Itaque cum sta-
tuas iuuenibus iustæ magnitudinis, & in primis Mi-
neruæ, fabricare cœpissent, Metapontini cognito ora-
culo eorum occupandam manum & deæ pacem ra-
ti, iuuenibus modicæ et lapideæ simulacra ponunt, deā
panificijs placant. atq; ita pestis utrobq; sedata est, cū
alteri magnificentia, alteri uelocitate certassent. Recu-
perata sanitate non diu Crotonienses quieuerunt. Itaq;
indignantes in oppugnatione Siris auxilium contra se
à Locrensibus latum, bellum his intulerunt. quo me-
tu territi Locrenses ad Spartanos decurrunt, auxiliū
supplices deprecantur. Illi longinqua militiā grauati,
auxiliū à Castore & Polluce petere eos iubent. Neq;
legati sociæ urbis responsum spreuerunt. profectiq; in
proximum templum, facto sacrificio, auxilium deorū

implorant, litatis hostijs, obtentoq; (ut rebantur) quod
 petebant, haud secus laeti, q̄ si deos ipsos secum adue-
 cturi essent, puluina ijs in naui componunt, faustisq;
 profecti omnibus solatia suis pro auxilijs deportant.
 Iis cognitis Crotonienses & ipsi legatos ad oraculum
 Delphos mittunt, uictoriae facultatem, belliq; prosperos
 euentus deprecantes. responsum prius uotis hostes, q̄ ar-
 mis uincendos. Cum uouissent Apollini decimas praedae,
 Locrenses, & uoto hostium, & responso dei cognito, no-
 nas uouerunt, tacitamq; eam rem habuere, ne uotis uin-
 cerentur. Itaq; cum in aciem processissent, & Croto-
 niensium. C. XX. milia armatorum constitissent, Locren-
 ses paucitatem suam circumspectantes (nam sola. XV.
 milia militum habebant) ommissa spe uictoriae in desti-
 natam mortem conspirant. tantusq; ardor ex despera-
 tione singulos cepit, ut uictores se putarent, si non in-
 ulti morerentur. Sed dum mori honeste quaerunt, fe-
 licius uicerunt. nec alia causa uictoriae fuit, quam quod
 desperauerunt. Pugnantibus Locris aquila à facie nun-
 quam recessit, eosq; tam diu circumuolauit, quo ad uin-
 cerent. In cornibus quoque duo iuuenes diuerso à cæ-
 teris armorum habitu eximia magnitudine ex albis
 egs coctineis chlamydibus paludati, pugnare uisi sunt.
 nec ultra apparuerunt, quam pugnatum est. Hanc
 admirationem auxit incredibilis famae uelocitas, nam
 eadem die, qua in Italia pugnatum est, & Corin-
 thi, & Athenis, & Lacedaemone nunciata est ui-
 ctoria. Post hæc Crotoniensibus nulla uirtutis exercita-
 tio, nulla armorum cura fuit. oderant enim quæ in-
 feliciter sumpserant, mutassentq; uitam luxuria, nō

Pythagoras philosophus fuisset. Hic Sami Demarato locuplete negotiatore patre natus, magnisq; sapientie incrementis ornatus, Aegyptum primo, mox Babylo-
 niam, ad perdiscendos syderum motus, originemq; mun-
 di spectandam, profectus, summam scientiam consecu-
 tus erat. Inde regressus Cretam & Lacedaemona ad
 cognoscendas Minois & Lycurgi inclytas ea tempe-
 state leges contenderat, quibus omnibus instructus Cro-
 tonem uenit, populiq; in luxuriam lapsum authorita-
 te sua ad usum frugalitatis reuocauit. Laudabat cotidie
 uirtutem, et uitia luxuriae, casusq; ciuitatum hac peste
 perditarum enumerabat, tantumq; studium ad fruga-
 litatem multitudinis prouocauit, ut aliquos ex his luxu-
 riatos in optimam frugem conuersos fuisse incredibile
 uideretur. Matronarum quoque separatam a uiris do-
 ctrinam, & puerorum a parentibus, frequenter ha-
 buit. docebat nunc has pudicitiam & obsequia in ui-
 ros, nunc illos modestiam & literarum studium. Inter
 haec uelut genitricem uirtutum frugalitatem omnibus
 ingerebat, consecutusq; assiduitate disputationum erat,
 ut matronae auratas uestes, caeteraq; dignitatis suae or-
 namenta, uelut instrumenta luxuriae, deponerent. eaq;
 omnia delata in Iunonis aedem ipsi deae consecrarent,
 prae se ferentes uera ornamenta matronarum pudici-
 tiam non uestes esse. In iuuentute quoq; quantum profe-
 ctum sit, uicti foeminarum contumaces animi manife-
 stabant. Sed CCC. ex iuuenibus cum sodalitij iure sa-
 cramento quodam nexi separatam a caeteris ciuibus ui-
 tam exercerent, quasi caetum clandestinae coniurationis
 haberent, ciuitatem in se conuerterunt, quae eos, cum in

unam domum conuenissent, cremare uoluerit. In quo tumultu LX. ferme homines periere, ceteri in exilium profecti. Pythagoras autem cum annos XX. Crotone egisset, Metapontum migravit. Ibiq; decessit, cuius tanta admiratio fuit, ut ex domo eius templum facerent, eumq; pro deo colerent. Igitur Dionysius tyrānus, quē supra à Sicilia exercitum in Italiam traiecisse, bellūq; Græcis intulisse memorauimus, expugnatis Locris, Crotonienses uix uires longo otio ex prioris belli clade resumentes aggreditur, qui fortius cum paucis tanto exercitui eius, quā antea cum tot milibus Locresium paucitati, resisterunt. tantum uirtutis paupertas aduersus insolētes diuitias habet, tantq; insperata interdum sperata uictoria certior est. Sed Dionysium gerentem bellum legati Gallorum, qui ante mensem Romam incenderunt, societatem amicitiamq; petentes adeunt, gentēq; suā inter hostes eius positam esse, magnoq; usui ei futuram uel ante in acie, uel de tergo intentis in prælium hostibus, affirmant. Grata legatio Dionysio fuit. Ita pacta societate & auxilijs Gallorum auctus bellum uelut ex integro restaurat. Iis autem Gallis causa in Italiam ueniendi, sedesq; nouas quærendi intestina discordia, & assidue domi dissensiones fuere, quarum tedio cum in Italiam uenissent, sedibus Tuscos expulerunt, & Mediolanum, Comum, Brixiam, Veronam, Bergomum, Tridentum, Vicentiam condiderunt. Thuscī quoque duce Rheto auitis sedibus amissis alpes occu-
pauere, & e' nomine ducis gentem Rhenorum condiderunt. Sed Dionysium in Siciliam aduentus Carthaginensium renouauit, qui reparato exercitu bellum,

quod lue deferuerant, auctis uiribus repetebant. Dux belli Hanno Carthagenſis erat, cuius inimicus Sunia-
cus potentiſſimus ea tempeſtate Pœnorū cum odio eius
græcis literis Dionyſio aduentum exercitus, & ſegni-
am ducis familiariter prænuſciaſſet, comprehenſis epi-
ſtolis proditiſonis reus damnatur, factio ſenatusconſulto,
ne quis poſtea Carthagenſis aut literas græcas, aut
ſermonem ſtuderet, ne aut loqui cum hoſte, aut ſcribe-
re ſine interprete poſſet. Nec multo poſt Dionyſius, quē
paulo ante non Sicilia, non Italia capiebat, aſſiduīs bel-
li certaminibus uictus fractusq; ad poſtremū inſidijs
ſuorum interficitur.

LIBER VIGESIMVS PRIMVS.

Extincto in Sicilia Dionyſio tyranno, in
locum eius milites maximum natu ex
e filijs eius nomine Dionyſium ſufficere,
& maturam ætatem eius ſecuti. &
quod firmus futurum eſſe regnum,
ſi penes unum remanſiſſet, q̄ ſi portionibus inter plures
diuideretur, arbitrabantur. Sed Dionyſius inter initia
regni auunculos fratrum ſuorum uelut æmulos impe-
rii, hortatoresq; puerorum ad diuſionem regni tollere
geſtebat. Quare pauliſper diſſimulatum animum pri-
us ad fauorem popularium cōciliandum intendit, ex-
cuſatus ſicturus, quod ſtatueraſſet, ſi probatus ante o-
mnibus foret. Igitur nexorum tria milia è carcere di-
mittit, tributa populo per triēniū remittit, fratres re-
uocat, & quibuſcuq; delinimentis poteſt, animos omni-

um sollicitat. Tunc ad destinatum facinus conuersus, nō cognatos tantum fratrum, sed etiam ipsos fratres interficit, ut quibus consortium regni debebat, ne spiritus quidem consortium relinqueret, tyrannidem in suos prius, quā in externos auspicatus. Sublatis deinde æmulis, in segnitiam lapsus, saginam corporis ex nimia luxuria, oculorumq; ualitudinem contraxit, adeo ut nō solem, nō puluerem, non denique splendore ferre lucis ipsius posset. propter quæ, dum contemni se putat, sæuitia crassatur, nec (ut pater) carcerem nexis, sed cædibus ciuitatem replet, ob quæ non contemptior omnibus, q̄ iniusior fuit. Itaque cum bellum aduersus eum Syracusani decreuissent, diu dubitauit, imperium deponeret, an bello resisteret, sed à militibus prædam urbisq; direptionem sperantibus, descendere in prælium cogitur. Victus cum iterato non felicius fortunam tentasset, legatos ad Syracusanos mittit, spondens se depositurum tyrannidem, si mitterent ad eum, cum quibus de pace conueniret. in quam rem missos primores in carcere retinet, atq; ita incautis omnibus, nec quicquam hostile metuentibus, exercitum ad delendam ciuitatem mittit. fit igitur in ipsa urbe anceps prælium, in quo oppidanis multitudine superatis Dionysius pellitur, qui cū obsidionem arcis timeret, cum omni regio apparatu in Italiā profugit tacitus exul. à Locrensibus socijs acceptus, uelut iure regnaret, arcē caupat, solitamq; sibi sæuitiā exercet. coniuges principum ad stuprū rapi iubebat, uirgines ante nuptias abducebat, stupratosq; stolis reddebat. locupletissimos quosque aut ciuitate pellebat, aut occidi im pabat, bonaq; eorū inuadebat. Deinde cū

I V S T I .

rapinae occasio deesset, uniuersam ciuitatem callido com-
 meo arcumuenit. Cū Rheginorum tyranni Leopho-
 nis bello Locrenses premerentur, nouerant, si uictores
 forent, ut die festo Veneris uirgines suas prostituerent.
 quo uoto intermisso, cum aduersa bella cum Lucanis
 gererent, in concionem eos Dionysius uocat, hortatur ut
 uxores filiasq; suas in templum Veneris, q̄ possint,
 ornatissimas mittant. ex quibus sorte centum ductæ uo-
 to publico fungantur, religionisq; gratia uno stent in
 lupanari mense, omnibus ante iuratis uiris, ne quis ul-
 lam attamnet, quæ res ne uirginibus uoto ciuitatem
 soluentibus fraudi esset, decretum facerent, ne qua uir-
 go nuberet prius, q̄ illæ maritis traderentur. probato
 consilio, quo & superstitioni & pudicitiae uirgnum
 consulebatur, certatim omnes fœminæ impensius exor-
 natæ in templū Veneris conueniunt. quas omnes Dio-
 nysius immixtis militibus spoliat, ornamentaq; matro-
 narum in prædam suam uertit. quarundam uiros di-
 tiores interficit, quasdam ad prodendas uiroꝝ pe-
 cunias torquet. Cū his artibus per annos sex, regnas-
 set conspiratione Locrorum ciuitate pulsus in Sicialiam
 redit. Ibi Syracusas securis omnibus post longam inter-
 capedinem pacis per proditionem recipit. Dum hæc in
 Sicalia geruntur, interim in Africa princeps Carthagi-
 nensium Hanno opes suas, quibus reipu. superabat
 uires, ad occupandam dominationem intendit, re-
 gnumque inuadere interfecto senatu conatus est. cui
 sceleri solemnem nuptiarum diem filiae suæ legit, ut
 religione uotorum nefanda commenta facilius tegeren-
 tur. Itaque plebi epulas in publicis porticibus, senatui
 in domo

in domo sua parat, ut poculis ueneno infectis secretius senatum & sine arbitris interficeret, orbamq; re publicam facilius innaderet. Qua re magistratibus per ministros prodita, scelus declinatum, non uindicatum est, ne in uiro tam potenti plus negotij faceret res cognita q̄ cogitata. Constanter itaque communi decreto modum nuptiarum sumptibus statuunt, idq; obseruari non ab uno sed ab uniuersis iubent, ne persona designata, sed uitta correpta esse uiderentur. Hoc consilio praeuentus iterum seruitia concitat, statutaq; rursus cadiū die, cum denuo se proditum uideret timens iudicium, munitum quoddam castellum cum uiginti milibus feruorum armatis occupat. Ibi dum Afros regemq; Mauritanorum concitat, capitur. uirgisq; caesus effossis oculis, et manibus cruribusq; fractis, uelut à singulis membris poenae exigerentur, in conspectu populi occiditur, corpus uerberibus lacerum in cruce figitur. Filij quoq; cognatiq; omnes, etiam innoxij supplicio traduntur, ne quisquā aut ad imitandū facinus, aut ad mortem ulci scendā, ex tam nefaria domo superesset. Interea Dionysius Syracusis receptus, cum grauior crudeliorq; in dies ciuitati esset, iterata conspiratione obsidetur. tunc deposito imperio arcem Syracusanis cum exercitu tradit, receptoq; priuato instrumento Corinthū in exiliū proficiscitur. Ibi humillima quæq; tutissima existmans in sordidissimum uitæ genus descendit. nō contentus in publico uagari, sed potare, nec conspici in popinis lupanaribusq; sed totis diebus residere. cū perditissimo quoq; de minimis rebus disceptare, pannosusq; & squalidus incedere, risum libētius præbere, q̄ captare, in macello

p̄stare, quæ emere non poterat, oculis deuorare, apud
 ædiles aduersus leuones iurgari, omniq; ista facere, ut
 contēendus magis, q̄ metuendus uideretur. Nouissime se
 ludi magisrum professus pueros in truiuo docebat, ut
 aut à timentibus semper in publico uideretur, aut à nō
 timentibus facilius contemneretur. nam licet tyrannicus uī
 tīs semper abundaret, tamen simulatio hæc uitiorum
 non naturæ erat, magisq; hæc arte, q̄ amisso regali pu
 dore faciebat, expertus q̄ inuisa tyrannorum forent,
 et sine opibus nomina. Laborabat itaq; inuidiam præ
 teritorū contemptu præsentū demere, neq; honesta sed
 tuta consilia circumspeciebat. Inter has tamen dissimula
 tionum artes ter insimulatus est affectatæ tyrannidis,
 nec aliter, q̄ dum contemnitur, liberatus est. Inter hæc
 Carthaginenses tanto successu rerū Alexandri magni
 exterriti, uerentes ne persico regno et Africam uellet
 adiungere, mittunt ad speculandos eius animos Ha
 mulcharem cognomento Rhodanum uirū sollertia fa
 cundiaq; præter cæteros insignem. augebant enim me
 tum et Tyrus urbs auctor originis suæ capta, et Ale
 xandria æmula Carthaginis in terminis Africa et
 Aegypti condita, et felicitas regis, apud quē nec cupi
 ditas, nec fortuna ullo modo terminabantur. Igitur Ha
 mulchar, per Parmenionem aditu regis obtento, profu
 gisse se ad regē expulsū patria fingit, militeq; se
 expeditionis offert. Atq; ita cōsilijs eius exploratis in ta
 bellis ligneis cæra desuper uacua inducta ciuibz suis
 oīa p̄scribebat. Sed Carthaginēses post mortē regis re
 uersū in patria quasi urbē regi uēditasset, nō ingrato tā
 tū, uerū etiam inuido et crudeli animo necauerunt.

LIBER

A Gathocles Siciliae tyrannus, qui magnitudini prioris Dionysij successit ad regni maiestatem ex humili & sordido genere peruenit. quippe in Sicilia patre Figulo natus non horum storem pueritiam, quam principia originis habuit. siquidem forma & corporis pulchritudine egregius diu uitam stupri patientem exhibuit. annos deinde pubertatis egressus, libidinem a uiris ad foeminas transtulit. Post haec apud utrumque sexum famosus uitam latrocinij mutauit. Interiecto tempore, cum Syracusas concessisset, ascitusque in ciuitate inter incolas esset, diu sine fide fuit, quoniam nec in fortunis quod amitteret, nec in uerecundia quod inquinaret, habere uidebatur. In summa gregariam militiam sortitus, non minus tunc seditiosa, quam antea turpi uita in omne facinus promptissimus erat. nam & manu strenuus, & in concionibus perscundus habebatur. Breui itaque centurio, ac deinceps tribunus militum factus est. Primo bello aduersus Aetnaeos magna experimenta sui Syracusanis dedit. sequenti Campanorum tantam de se spem omnibus fecit, ut in locum demortui diuis Damascenis sufficeretur. cuius uxorem adulterio cognitam post mortem uiri in matrimonium recepit. nec contentus, quod ex inope repente diues factus esset, piraticam aduersus patriam exercuit. saluti ei fuit, quod socij capti tortisque de illo nequaerunt, bis occupare imperium Syracusarum uoluit, bis in exilium actus est. A Murgantinis, apud quos

I V S T I.

exulabat, odio Syracusanorū primo prætor, mox dux
 creatur, in eo bello & urbem Leontinorum capit, &
 patriam suam Syracusas obsidere cœpit, ad cuius auxi-
 lium Hamilchar dux pœnorum imploratus, depositis
 hostilibus odijs, præsidia militum mittit. Ita uno eodem
 tempore Syracusæ & ab hoste civili amore defensæ,
 et à ciue hostili odio impugnatæ sunt. Sed Agathocles,
 cum uideret fortius defendi urbem, q̃ oppugnari, pre-
 cibus per internuncium Hamilcharem exorat, ut in-
 ter se & Syracusanos pacis arbitria suscipiat, peculia-
 ria in ipsum officia sui repromittens, quaspe impletus
 Hamilchar societatem cum eo metu potentia eius iun-
 git, ut quantum uirium Agathocli aduersus Syracusa-
 nos dedisset, tantum ipse ad incrementa domesticae potē-
 tiæ reciperet. Igitur non pax tantum Agathocli conciliatur,
 uerum etiam prætor Syracusis constituitur. Tunc
 Hamilchari expositis ignibus cæreis tactisq; in obsequia
 pœnorum iurat. Deinde acceptis ab eo quinque milibus
 Afrorum, potentissimos quosq; ex principibus interficit,
 atq; ita ueluti reipu. statum formaturus populum in
 theatrum ad concionem uocari iubet, contracto in gym-
 nasio senatu, quasi quædam prius ordinaturus. Sic com-
 positis rebus, immixtis militibus populum obsidet, sena-
 tum trucidat. cuius peracta cæde ex plebe locupletis-
 simos & promptissimos quosq; interficit. his ita gestis,
 militem legit, exeratumq; conscribit. quo instructus,
 finitimas ciuitates nihil hostile metuentes, ex improviso
 aggreditur. Pœnorum quoq; socios permittente Hamil-
 chare fæde iniurijs uexat. Propter quod querelas
 Carthaginem socij non tam de Agathocle, quàm de
 Hamilchare

Hamilchare detulerunt, hunc ut dominū & tyrannum, illum ut proditorem arguentes, à quo infestissimo hosti fortunæ sociorum, interposita pactione, donatæ sint, cui ab initio Syracusæ in pignus societatis sint traditæ, urbs semper Pœnis infestâ, & de imperio Siciliæ Carthaginis æmula, nunc insuper ciuitates sociorum eidem pacis titulo traditæ sint. Denunciare igitur se hæc breui ad ipsos redundatura, ac propediem sensuros, quantum mali non Siciliæ magis, q̃ ipsi Africæ attulerint. his querelis senatus in Hamilcharem accenditur. sed quoniā in imperio esset, tacita de eo suffragia tulerunt, & sententias prius, q̃ recitarentur, in urnam coniectas obsignari iusserunt, donec alter Hamilchar Gisgonis filius à Sicilia reuenteretur. Sed hæc callida commenta Pœnorum & sententias inauditas mors Hamilcharis præuenit, liberatusq; est fati munere, quem sui ciues per iniuriam inauditam dānauerant. Quæ res Agathocli aduersus Pœnos occasionem mouendi belli dedit. Prima igitur illi cum Hamilchare Gisgonis filio prælii congressio fuit. à quo uictus maiori mole reparaturus bellum Syracusas concessit. sed secundi certaminis eadem fortuna, quæ & prioris, fuit. Cum igitur uictores Pœni Syracusas obsidione anxissent, Agathoclesq; se, nec uiribus parem, neque ad obsidionem ferendam instructum uideret, & super hæc à socijs crudelitate eius offensis desertus esset, statuit bellum in Africam transferre. mira prorsus audacia, ut quibus in solo urbis suæ par non erat, eorum urbi bellum inferret. & qua sua tueri non poterat, impugnaret aliena, uictusq; uictoribus insultaret. Huius

m iii

consilij non minus admirabile silentium, quàm com-
mētum fuit, populo hoc solum professus inuenisse se ui-
ctoriae uiam. animos illi tantum in breuem obsidionis
patientiam firmarent, uel sicuti status praesentis fortu-
nae displiceret dare se ei discedendi liberam potestatem.
Cum mille sexcenti discessissent, ceteros ad obsidionis
necessitatem frumento & stipendio insiruit, quinquaginta tantum secum talenta ad praesentem usum af-
fert, cetera ex hoste melius, quàm ex socijs paraturus. omnes deinde seruos militaris aetatis libertate do-
natos sacramento adegit, eosq; & maiorem partem
fermè militū nauibus imponit, ratus ex aequata utri-
usq; ordinis conditione mutuam inter eos uirtutis aemu-
lationem futuram, ceteros omnes ad tutelam patriae re-
linquit. Septimo igitur imperij anno comitibus duo-
bus adultis filijs Archagatho & Heraclida, nullo mi-
litum sciente, quo ueherentur, cursum in Africam diri-
git. cum omnes aut in Italiam praedatum se, aut in Sar-
diniam ituros crederent, tum primo exposito in Afri-
cae litore exercitu consilium suum omnibus aperit. quo
in loco Syracusae positae sint, ostēdit, qbus aliud nullū
auxilium superesset. q̄ ut hostibus faciant, quae ipsi pa-
terentur. quippe aliter domi, aliter foris bella tracta-
ri. domi ea sola auxilia esse, quae patriae uires sub-
ministrarent. foris hostem etiam suis uiribus uincere, defi-
cientibus socijs, & odio diuturni imperij externa auxi-
lia circumspectantibus. huc accedere, qd̄ urbes castellaq;
Africae non muris cinctae, non in montibus positae sint.
sed in planis campis, sine ullis munimētis, iaceant, quas
omnes metu exadij facile ad belli societatem perducī
posse.

posse. maius igitur Carthagensibus ex ipsa Africa, q̄
ex Sicilia exarsurum bellum, coitur aq; auxilia omnū
aduersus unam urbem nomine, q̄ opibus ampliorē, et,
quas non attulerit, vires inde sumpturū. nec in repēti
no Pœnorum metu modicum momentū victoriæ fore, q̄
tanta audacia hostium pulsitrepidaturi sint. Accessu-
ra & ullarum incendia, castellorum urbiumq; con-
tumaciū direptionē, tum ipsius Carthaginis obsidionem.
quibus omnibus non sibi tantum in alios, sed & alijs
in se sentirent patere bella. his non solū Pœnos uinci,
sed & Siciliam liberari posse. nec n. moraturos in eius
obsidione hostes, cū sua urgeantur. nusq̄ igitur alibi faci-
lius bellū, sed nec prædam uberiorē inueniri possi. nā
capta Carthagine omnem Africā Siciliamq; præmiū
uictorum fore. gloriā certe tam honestæ militiæ tantā
in omne æuū futurā, ut terminari nullo tempore ob-
liuione possit. Vt dicatur eos solos mortaliū esse, qui bel-
la, quæ domi ferre non poterāt, ad hostes transtule-
runt, ultroq; uictores insecuti sint, & obseffores urbis
sue obsederint. Oībus igitur forti ac læto animo bel-
lū inuendū, quo nullū aliud possit aut præmiū uictori-
bus uberius, aut uictis monumentum illustrius dari. his
quidem adhortationibus animi militum erigebantur.
sed terrebat eos portenti religio, quod nauigantibus eis
sol defecerat. cuius rei rationem nō minore cura rex,
q̄ belli reddebat, affirmans si prius, quā proficisce-
rentur, factum esset, crediturū aduersum profecturos
prodigium esset, nunc, quia egressis acciderit, illis, ad
quos eatur, portendere. Porro defectus naturalium sy-
derū semp̄ præsentem rerū statū mutare, certūq; eē,

m iiii

florentibus Carthagenensium opibus, aduersisq; rebus
 suis commutationem significari. Sic cōsolatis militibus,
 uniuersas naues consentiente exercitu incendi iubet, ut
 omnes scirent auxilio fugæ adempto, aut uincendum,
 aut moriendum esse. Deinde cum omnia, quæcunq; in-
 grederentur, prosternerent, uillas castellaq; incende-
 rent. obuius his fuit cum XXX. milibus Pœnorū Han-
 no dux, & prælio commissō duo de Siculis, tria milia
 de Pœnis cum ipso duce cecidere. Hac uictoria & Si-
 culorum animi eriguntur, & Pœnorum franguntur.
 Agathocles uictis hostibus urbes castellaq; expugnat,
 prædas ingentes agit, hostium multa milia trucidat. ca-
 stra deinde in quintum lapidem à Carthagine statu-
 it, ut damna carissimarum rerum, uastitatemq; agro-
 rum, incendia uillarum de muris ipsius urbis specula-
 rentur. Interea ingens tota Africa deleti Pœnorū exer-
 citus fama, occupatarumq; urbium, diuulgatur. Stupor
 itaq; omnes & admiratio incescit, unde tanto imperio
 tam subitum bellum, præsertim ab hoste iam uicto. ad-
 miratio deinde paulatim in contemptum Pœnorū uer-
 titur. nec multo post non Africa tantum, uerum etiā tri-
 butariæ urbes nobilissimæ nouitatem secutæ ad Aga-
 thoclem defecere, frumentoq; & stipendio uictorē in-
 struxere. His Pœnorum malis etiam deletus in Sicilia
 cum imperatore exercitus, uelut quidam ærumnarū
 cumulus, accessit. nam post profectionem à Sicilia Aga-
 thoclis in obsidione Syracusarum Pœni segriores red-
 diti, ab Antandro fratre regis Agathoclis occisione cæ-
 si nuntiabantur. Itaq; cum domi forisq; eadem fortu-
 na Carthagenensium esset, iā non tributariæ tantum
 ab his

ab his urbes, uerum etiam socij reges deficiebant, amicitiarum iura non fide, sed successu ponderantes. Erat inter ceteros rex Cyrenarum Opheltas, qui spe improba regnum totius Africae amplexus societatem cum Agathocle per legatos iunxerat, pactusque cum eo fuerat, ut Siciliae illi, sibi Africae imperium, uictis Carthaginensibus, cederet. Itaque cum ad belli societatem cum ingenti exercitu ipse uenisset, Agathocles blando alloquio et humili adulatione cum saepius simul coenassent, adoptatusque filius eius ab Ophelta esset, incautum eum interficit, occupatoque exercitu eius iterato Carthaginenses omnibus uiribus bellum cientes, magno utriusque exercitus sanguine, graui praelio superat. Hoc certaminis discrimine, tanta desperatio illata Poenis est, ut nisi in exercitu Agathoclis orta seditio esset, transitarus ad eum Bomulchar dux Poenorum cum exercitu fuerit. ob quam noxam in medio foro a Poenis patibulo suffixus est, ut idem locus monumentum suppliciorum eius esset, qui ornamentum ante fuerat honorum. Sed Bomulchar magno animo crudelitatem ciuium tulit, adeo ut de summa cruce, ueluti de tribunali, in Poenorum scelera condonaretur, obiectans illis nunc Hannonem falsa afflictati regni inuidia circumuentum, nunc Gisgonis innocentis exilium, nunc in Hamulcharem patrum suum tacita suffragia, quod Agathoclem socium illis facere, quam hostem maluerit. Haec cum in maxima populi concione uociferatus esset, expirauit. Interea Agathocles profligatus in Africa rebus tradito Archagatho filio exercitu in Sicilia recurrit. nihil actum in Africa existimans, si amplius Syracusae obsideretur.

nam post occisum Hamulcharem Gisgonis filium novus
 eo à Poënis missus exercitus fuerat. Statim igitur pri-
 mo aduentu eius oēs Sicialiæ urbes auditis rebus, quas
 in Africa gesserat, certatim se ei tradunt, atq; ita pul-
 sis è Sicalia Poënis, totius insulæ imperium occupavit,
 in Africam deinde reuersus seditione militum exa-
 pitur. nam stipendiorum solutio in aduentum patris di-
 lata à filio fuerat. Igitur ad concionem uocatos blan-
 dis uerbis permulsi, stipendia illis non à se flagitan-
 da esse, sed ab hoste querenda, communem uictoriam,
 communem prædam futuram. paululum modo annite-
 rentur, dum belli reliquie peraguntur, cum sciant Car-
 thaginem captam spes omnium expleturam. Sedato
 militari tumultu interiectis diebus ad castra hostium
 exercitum ducit. Ibi inconsultus prælium committen-
 do maiorem partem exercitus perdidit. Cum itaque in
 castra fugisset, uersamq; in se inuidiam temere commis-
 si belli uideret, pristinaq; offensam non depensi stipe-
 dij metueret, concubia nocte solus à castris cum Ar-
 chagatho filio profugit, quod ubi milites cognouere,
 haud secus, quam si ab hoste capti essent, trepidauere-
 bis se à rege suo in medijs hostibus relictos esse pro-
 clamantes. salutemq; suam desertam ab eo esse, quoru-
 ne sepultura quidem relinquenda fuerat. Cum perse-
 qui regem uellent, à Numidis excepti in castra reuer-
 tuntur, comprehenso tamen reductoq; Archagatho, qui
 à patre, noctis errore, discesserat. Agathocles autem
 nauibus, quibus fuerat à Sicalia regressus, cum custo-
 dibus earundem Syracusas deferitur. Exemplum fla-
 gitiij singulare, rex exercitus sui desertor, filiorumq;

pater proditor. Interim in Africa post fugam regis milites pactione cum hostibus facta interfectis Agathoclis filiis Carthaginiensibus se tradidere. Archagathus, cum occideretur ab Arcesilao amico antea patris, rogauit eum, quidnam liberis eius facturum Agathocle puer, per quem ipse liberis careat. tunc respondit satis habere se, quod superstitis eos esse Agathoclis liberis sciat. Post hæc poeni, ad persequendas belli reliquias, duces in Sicialiam miserunt, cum quibus Agathocles pacem æquis conditionibus fecit.

LIBER VIGESIMVSTERTIVS.

Gathocles rex Sicalie pacificatus cum Carthaginiensibus partem ciuitatum a se fiducia virium dissidentium armis subegit. Deinde, quasi angustis insulae terminis clauderetur, cuius imperij partem primus incrementis ne sperauerat quidem, in Italiam transcendit, exemplum Dionysij secutus, qui multas ciuitates Italiae subegerat. Primi igitur hostes illi Brutij fuere, quia et fortissimi et opulentissimi uidebantur, simul et ad iniurias uiciorum prompti. nam multas ciuitates græca nominis Italia expulerant. authores quoque suos Lucanos bello uicerant, et pacem cum his æquis legibus fecerant. tanta feritas animorum erat, ut nec origini suæ parcerent. nanque Lucani iisdem legibus liberos suos, quibus et Spartani, institute soliti erant. quippe ab initio pubertatis in syluis

inter pastores alebantur sine ministerio seruili, sine veste, quam induerent, uel cui incubarent, ut à primis annis duritiæ parsimoniæq; sine ullo usu urbis, assuescerent. cibus his præda uenatica, potus mellis aut lactis aut fontium liquor erat. sic ad labores bellicos indurabantur. Horum igitur ex numero quinquaginta primo ex agris finitimorum prædari soliti, conflente deinde multitudine, sollicitati præda cum plures facti essent, infestas regiones reddebant. Itaq; fatigatus querelis sociorum Dionysius Sicalie tyrannus sexcentos Afros ad compefcendos eos miserat, quorum castellum proditum sibi per Brutiam mulierem expugnarunt, ibiq; ciuitatem, concurrentibus ad opinionem nouæ urbis pastoribus, statuerunt, Brutosq; se ex nomine mulieris uocauerunt. Primum illis cum Lucanis originis suæ authoribus bellū fuit. qua uictoria erecti cum pacem æquo iure fecissent, cæteros finitimos armis subegerunt, tantasq; opes breui consecuti sunt, ut perniciosi etiam regibus haberentur. Denique Alexander rex Epiri, cum in auxilium græcarum ciuitatum cum magno exercitu in Italiam uenisset, cum omnibus copijs ab his deletus est. quare feritas eorum successu felicitatis incensa diu terribilis finitimis fuit. Ad postremum imploratus Agathocles spe ampliandi regni à Sicalia in Italiam traiecit. Principio aduentus opinionis eius concussit legatos ad eum societatem amicitiamq; petentes miserunt. quos Agathocles ad cœnam inuitatos, ne exercitum trañci uiderent, & in posterum statuta his die, consensu nauibus frustratus est. Sed fraudis haud letus euentus fuit. siquidem reuerti eum in Siciliam

interiectis paucis diebus uis morbi cōēgit. quo toto corpore comprehensus per omnes nervos articulosq; humore pestifero crassante, uelut intestino singulorum membrorum bello, impugnabatur. ex qua desperatione bellum inter filium nepotemq; eius regnum iam quasi mortui uindictantes oritur, occisoque filio regnum nepos occupauit. Igitur Agathocles, cum morbi cura et ægritudo grauiorēs essent, et inter se alterum alterius malo cresceret, desperatis rebus uxore suam Theogenam, genitosq; ex ea duos paruulos cum omni pecunia et familia, regaliq; instrumento, quo præter illum nemo regum ditior fuit, nauibus impositos Aegyptum, unde uxorem acceperat, remittit, timens ne prædonem regni sui hostem paterentur. quāquam uxor diu, ne ab agro diuelleretur, deprecata est, ne discessus suus adiungi nepotis parriadio posset, et tam cruenta hæc deseruisse uirum, quā ille impugnasset auum, uideretur. nubendo se non prosperæ tantum, sed omnis fortunæ inisse societatem, nec inuitam piculo spiritus sui empturam, ut extremos uiri spiritus exciperet. et exequiarum officium, in quod profecta se nemo sit successurus, obsequio debitæ pietatis impleret. Discedentes paruuli flebili ululatu amplexi patrem tenebant. Ex altera parte uxor maritum non amplius uisura oculis fatigabat. Nec minus senis lachrymæ miserabiles erāt. Flebant ij morientem patrem, ille exules liberos. Hi discessu suo solitudinem patris senis ægri, ille in spem regni susceptos relinqui in egestate lugebat. Inter hæc regia omnis assistentium fletibus tam crudelis dissidij impleta resonabat. Tandem lachrymis finem necessari-

tas profectionis imposuit, & mors regis proficiscentes
 filios insecuta est. Dū hæc aguntur Carthaginenses, co-
 gnitis, quæ in Sicilia agebantur, occasionem totius insu-
 læ occupandæ datam sibi existimantes, magnis uiribus
 eo traiciunt, multasq; ciuitates subigunt. Eo tempore
 & Pyrrhus aduersus Romanos bellum gerebat. qui
 imploratus à Siculis in auxilium (sicut dictum est)
 cum Syracusas uenisset, multasq; ciuitates subegisset, rex
 Siciliae, sicut Epiri, appellabatur. quarum rerum feli-
 citate lætatus Heleno filio Siciliae, uelut autum, nam su-
 sceptus ex filia Agathoclis regis erat, Alexandro au-
 tē Italiae regnum destinat. Post hæc multa secūda præ-
 lia cum Carthaginensibus facit. Interiecto deinde tem-
 pore legati ab Italicis socijs uenere, nunciantes Roma-
 nis resisti non posse, deditionemq; futuram, nisi subueni-
 at. Anxius tam ambiguo periculo, incertusq; quid age-
 ret, uel quibus primum subueniret, in utrumq; pronus
 consultabat. quippe, instantibus hinc Carthaginensibus,
 inde Romanis, piculosum uidebatur exercitum in Ita-
 liam non traicere, periculosius à Sicilia deducere, ne
 aut illi non lata ope, aut ij deserti amitterentur. In hoc
 æstu periculorum tutissimus portus consiliorū uisus est,
 omnibus uiribus decertare in Sicilia, & profligatis
 Carthaginensibus uictorem exercitum transponere in
 Italiam. Itaque conserto prælio, cum superior fuisset,
 quoniam tamen à Sicilia abiret, & pro uicto fugere
 uisus est, ac propterea socij ab eo defecerunt. & im-
 perium Siciliae tam cito amisit, quàm facile quæsierat.
 Sed nec in Italia meliore felicitate usus in Epirum re-
 uertitur. Admirabilis utriusq; rei casus in exemplum

fuit. nam sicut ante secunda fortuna rebus supra uo-
ta fluentibus Italiae Siciliaeque imperium, & tot de Ro-
manis uictoriae astruxerat, ita nunc aduersa uelut in
ostentationem fragilitatis humanae desiruens, quae ci-
mulauerat, siolensi ruinae naufragium maris, & foe-
dam aduersus Romanos pugnam, turpemque ab Italia
discessum adiecit. Post profectioem a Sicilia Pyrrhi ma-
gistratus Hiero creatur, cuius tanta moderatio fuit, ut
consentiente omnium ciuitatum fauore dux aduersus
Carthaginenses primum, mox rex crearetur. Huius
futuræ maiestatis ipsa infantilis educatio quasi præ-
nuncia fuit. quippe genitus erat patre Hyerodito no-
bili uiro, cuius origo a Celo antiquo Siciliae tyranno
manabat. sed maternum illi genus sordidum, atque
adeo pudendum fuit. nam ex analla natus, ac pro-
pterea a patre, uelut dehonestamentum generis, expo-
situs fuerat. sed paruulum & humanae opis indigen-
tem apes, congesto circa iacentem melle, multis diebus
aluere. ob quam rem responso aruspicum admoni-
tus pater, qui regnum infanti portendi caneant, par-
uulum recollegit, omnique studio ad spem maiesta-
tis, quæ promittebatur, instituit. Eidem in ludo inter
coequales discenti lupus tabulam in turba puerorum
repente conspectus eripuit. Adolescenti quoque pri-
ma bella ineunti aquila in clypeo, noctua in hasta
consedit. quod ostentum & in consilio cautum, & ma-
nu promptum, regemque futurum significabat. Denique
aduersus prouocatores sepe pugnavit, semperque ui-
ctoriam reportauit. A Pyrrho rege multis militaribus
donis donatus est. Pulchritudo ei corporis insignis,

vires quoq; in homine admirabiles fuere. In alloquio blandus, in negotio iustus, in ipso moderatus erat, prorsus, ut nihil ei regum deesse uideretur, præter regnū.

LIBER VIGESIMVS QVARTVS.

Um hæc in Sicilia geruntur, interim in Græcia dissidentibus inter se bello
 d Ptolemæo Cerauno, & Antiocho, & Antigono regibus, omnes ferme Græciae ciuitates ducibus Spartanis, uelut occasione data, ad spem libertatis erectæ, missis inuicem legatis, per quos in societatis fœdera alligarentur, in bellum prorumpunt. Et ne cum Antigono, sub cuius regno erant, bellū cepisse uideretur, socios eius Aetolos Aggrediuntur, causas belli prætendentes, quod cōsensu Græciæ sacratū Apollini Cyrrhæū cāpum per uim occupassent. Huic bello ducem eligunt Aran, q̄ adu nato exercitu urbes satāq; depopulatur, quæ auferrī non poterant, incendit. Quod cum ē montibus conspīcati Aetolorum pastores essent, congregati admodum quingenti sparsos hostes, ignorantes quanta manus esset, quoniam conspectum illis metus, & incendiorum fumus abstulerat, consecretantur, trucidatisq; admodum nouem milibus, prædones in fugam uerterunt. Reparantibus deinde Spartanis bellum, auxiliū multæ ciuitates negauerunt, existimantes dominationem eos Græciæ, nō libertatē quærere. Interea inter reges bellū finitur. Nā Ptolemæus pulso Antigono, cū regnum totius Macedoniæ occupasset, pacem cum Antiocho facit, affi-

at, affinitatemq; cum Pyrrho, data ei in matrimonium filia sua, iungit. Exinde externo metu deposito, impiū & furosum animum ad domestica scelera conuertit, insidiasq; Arsinoe sororis suae instruit, quibus & filios eius uita, & ipsam Cassandriae urbis possessione priuaret. Primus ei dolus fuit simulato amore sororis matrimonium petere. aliter enim ad sororis filios, quorum regnum occupauerat, quam concordiae fraude peruenire non poterat. Sed nota scelerata Ptolemæi uoluntas sorori erat. itaq; non credenti mandat uelle se cum filiis eius regni consortium iungere, cum quibus non ideo se armis contendisse, quoniam eriperet his regnum, sed qđ id facere sui muneris uellet. In hæc mitteret arbitrium iurisiurandi, quo præsentē apud deos patrios, quibus uellet obsecrationibus, se obligaret. Incerta Arsinoe quid ageret, si mitteret, decipi periurio, si non mitteret, prouocare rabiem fraternæ crudelitatis timebat. Itaq; plus liberis, q̃ sibi timens, quos matrimonio suo protecturam se arbitrabatur, mittit ex amicis suis Dionem. quo perducto in sanctissimum Iouis templum ueterrimæ Macedonum religionis, Ptolemæus, sumptis in manus altaribus, contingens ipsa simulacra & puluina deorum inauditis ultimisq; execrationibus adiurat, se sincera fide matrimonium sororis petere, nuncupaturumq; se eam regnam, neq; in contumeliam eius se aliam uxore, alios ue, quam filios eius, liberos habiturum. Arsinoe posteaq; & spe impleta est, & metu soluta, ipsa cum fratre colloquitur, cuius uultus & blandientes oculi cum fidem non minorem, q̃ iusiurādum promitterent, reclamante Lysimacho filio

fraudem subesse in matrimonium fratris concedit. Nū-
 ptiae magno apparatu letitiaq; omnium celebrantur.
 ad concionem quoq; uocato exercitu capiti sororis dia-
 dema imponit, reginamq; eam appellat. quo nomine
 in Lettiam effusa Arsinoe, quia quod morte Lysima-
 chi prioris mariti amiserat, recepisset, ultro uirū in
 urbē Cassandriam inuitat, cuius urbis cupiditate fraus
 struebatur. Prægressa igitur uirū, diē festum urbi in ad-
 uentum eius indicit. domos, templa, cæteraq; oīa exor-
 nari iubet, aras ubiq; hostiasq; disponi, filios quoq; suos
 Lysimachum. XVI. annos natū, Philippū triennio mi-
 norem, utrunq; forma insignem coronatos occurrere
 iubet. quos Ptolemæus ad celandam fraudem cupide
 & ultra modū ueræ affectionis amplexus osculis diu
 fatigat. ubi ad portam uētum est, occupari arcem iubet,
 pueros interfici. qui cum ad matrem consugissent, in
 gremio eius inter ipsa oscula trucidantur. Proclaman-
 te Arsinoe, quod tantum nefas aut nubendo, aut post
 nuptias contraxisset, pro filijs se saepe percussoribus
 obtulit. frequenter corpore suo puerorum corpora am-
 plexata protexit, uulneraq; excipere, quæ liberis in-
 tendebantur, uoluit. Ad postremum spoliata etiam fune-
 ribus filiorum, scissa ueste, & crinibus sparsis cum duo-
 bus seruis ex urbe protracta Samothraciam in exi-
 lium abiit, eo miserior, qđ mori cum filijs ei nō licuit.
 Sed nec Ptolemæo inulta scelera fuerūt. quippe dijs im-
 mortalibus tot periuria, & tam cruēta parricidia uin-
 dicantibus, breui post a Gallis spoliatus regno, captusq;
 uitam ferro (ut meruerat) amisit. Nanq; Galli abun-
 danti multitudine cum eos non caperent terræ, quæ ge-
 nuerant,

muerant, trecenta milia hominum ad sedes novas
 querendas, uelut peregrinatum, miserunt. Ex ijs por-
 tio In Italia confedit, quæ & urbem Romam captam
 incendit, & portio Illyricos sinus duabus auibus, (nam
 auguradi studio Galli præter ceteros callēt) p strages
 barbarorū penetravit, & in Pannonia confedit. Gēs
 aspera, audax, bellicosa, quæ prima post Herculem, cui
 ea res uirtutis admirationem et immortalitatis fidem
 dedit, alpiū inuicta iuga & frigore intractabilia lo-
 ca transcendit. Ibi domitis Pannonijs per multos annos
 cum finitimus uaria bella gesserunt. Hortante deinde
 successu, diuisis agminibus, alij Græciam, alij Macedo-
 doniam, omnia ferro proterentes, petuere. tantusq; ter-
 ror gallici uois erat, ut etiā reges non laessiti ultero pa-
 cem ingenti pecunia mercarentur. solus rex Macedo-
 niæ Ptolemæus aduētiū Gallorū itrepidus audiuit. Isq;
 cū paucis & incōpositis, quasi bella nō dfficius, q̄ sce-
 lera patrarētur, parricidiorū furijis agitatatus occurrit.
 Dardanorū quoq; legationē uiginti milia armatorū in
 auxiliū offerentē spreuit, addita insu p contumelia, actū
 de Macedonia dicens, si cū totū orientē soli domuerint,
 nūc in uindictā finium Dardanis egant. milites se ha-
 bere filios eorū, qui sub Alexandro rege stipendia to-
 to orbe terrarū uictores fecerint. quæ ubi Dardano re-
 gi nunciata sunt, inclutum illud Macedonia regnum
 breui immaturi iuuenis temeritate casurum dixit. Igi-
 tur Galli duce Belgio ad tentandos Macedonum ani-
 mos legatos ad Ptolemæū mittunt, offerentes pacem, si
 emere uelit. sed Ptolemæus inter suos belli metu pacem
 Gallos petere gloriatus est. nec minus ferociter se legat

I V S T I.

tis, q̄ inter amicos iactauit. aliter se pacem daturū ne-
 gando, nisi principes suos obsides dederint, & arma
 tradiderint, non enim fidem se nisi inermibus habita-
 rum. Renunciata legatione risere Galli undiq; accla-
 mantes breui sensurum, sibi an illi consulentes pacem
 obrulerint. Interiectis diebus praeliū conferitur. uictiq;
 Macedones ceduntur. Ptolemæus multis uulneribus
 sauciū capitur, caput eius amputatum, & lancea fixū
 tota acie ad terrorē hostiū circumfertur. paucos ex Ma-
 cedonibus fuga seruauit, cæteri aut capti aut occisi. Hæc
 cum nunciata per omnem Macedoniam essent, portæ
 urbium clauduntur. luctu omnia replentur, nunc orbi-
 tatem amissorum filiorum dolebant, nunc excidia ur-
 bium metuebant, nunc Alexandri Philippiq; regum suo-
 rum nomina, sicuti numina, in auxilium uocabāt, sub
 illis se non solum tutos, uerum etiam uictores orbis ter-
 rarum extitisse. ut tuerentur patriam suam, quam glo-
 ria rerum gestarum cælo proximam reddidissent, ut
 opem afflictis ferrent, quos furor & temeritas Ptole-
 mæi regis perdididerat, orabant. Desperantibus omnibus
 non uotis agendū Sosthenes unus de Macedonum pri-
 cipibus ratus, contracta iuuentute, & Gallos exultan-
 tes uictoria compescuit, & Macedoniam ab hostili de-
 populatione defendit. ob quæ uirtutis beneficia multis
 nobilibus regnum Macedonia affectantibus ignobilis
 ipse præponitur. & cum rex ab exercitu appellatus
 esset, ipse non in regis, sed in ducis nomen iurare mili-
 tes coegit. Interea Brennus, quo duce portio Gallorum
 in Græciam se effuderat, audita uictoria suorum, qui
 Belgio duce Macedonas uicerant, indignatus parta ui-
 ctoria

etoria optimam prædam, & orientis spolijs onustam tam facile relictam esse, ipse adunatis. C. L. milibus perditum, & XV. milibus equitum in Macedoniam irrumpit. Cum agros uillaq; popularentur, occurrit ei cum instructo exercitu Macedonum Sosthenes, sed pauci à pluribus, trepidi à ualentibus facile uincuntur. Itaq; cum uicti se Macedones intra muros urbium condidissent, uictor Brennus nemine prohibente totius Macedoniae agros deprædatur. Inde quasi terrena spolia sorderent, animum ad deorum immortalium templa conuertit, scurriliter iocatus, locupletes deos largiri hominibus oportere. Statim igitur Delphos iter uertit, prædam religioni, aurum offensæ deorum immortalium præferens, quos nullis opibus egere, ut quæ eas largiri hominibus soleant, affirmabat. Templum autem Apollinis Delphis positum est in monte Parnasso in rupe undiq; impendente, ibi ciuitatem frequentia hominum fecit, qui admiratione maiestatis undiq; concurrentes in eo saxo confedere. atq; ita templum ciuitatemq; non muri, sed præcipitia, nec manu facta, sed naturalia præsidia defendunt, prorsus ut incertum sit, utrū munimentum loci, an maiestas dei plus hic admirationis habeat. Media saxi rupes in formam theatri recessit. quam ob rem & hominū clamor, & (si quando accidit) tubarum sonus, personantibus & respondentibus inter se rupibus, multiplex audiri, ampliorq; , q̄ editur, resonare solet. quæ res maiorem maiestatis terrorem ignaris rei & admirationem stupentibus plerunq; affert. In hoc rupis anfractu media ferme montis altitudine planities exigua est, atq; in ea pro-

fundum terræ foramen, quod in oracula patet. ex quo
 frigidus spiritus ui quadam uelut uēto in sublime ex=
 pulsus mentes uatum in uerborum uertit, impletasq;
 eo responsa consulentibus dare cogit. Multa igitur ibi
 & opulenta regum, populorumq; uisuntur munera,
 quæ magnificentia sui redditum nota gratam uolun=
 tatem, & deorum responsa manifestant. Igitur Bren=
 nus cum in conspectu haberet templum, diu delibera=
 uit, an confestim rem aggrediretur, an uero fessis uia
 militibus noctis spatium ad resumendas uires daret,
 Eurydanus & Thessalonus duces, qui se ad prædæ so=
 cietatem iunxerant amputari moras iubent, dum im=
 parati hostes, & recens aduentus sui terrori esset. inter=
 iecta nocte & animos hostibus forsitan, et auxilia ac=
 cessura, & uias, quæ tunc pateant, obstructum iri. Sed
 Gallorum uulgus ex longa inopia ubi primum uino cæ=
 terisq; comineatibus referta rura inuenit, non minus
 abundantia quàm uictoria lætum per agros se sparsit
 rat, desertisq; signis ad occupanda omnia pro uictori=
 bus uagabantur. quæ res dilationem Delphis dedit. pri=
 ma namq; opinione aduentus Gallorum prohibiti agre=
 stes oraculis fuerant messes uinaq; uillis efferre. cuius
 rei salutare præceptum non prius intellectum est, q̃
 uini ceterarumq; copiarum abundantia, uelut mora
 Gallis obiecta, auxilia finitimorum conuenere. Prius
 itaq; urbem suam Delphi aucti uiribus sociorum per=
 muniuere, quàm Galli uino uelut prædæ incubantes
 ad signa reuocarentur. Habebat Brenus lecta ex omni
 exercitu peditum LXV. milia Delphorum, sociorumq;
 non nisi. XV. milia militum erant, quorum contempta

Brennus

Brennus ad acuendos suorum animos prædæ ubertatem omnibus ostendebat, statuasque cum quadrigis, quarum ingens copia procul uidebatur solido auro fusas esse, plusque in pondere quam in specie habere prædæ affirmabat. Hac assuefactione incitati Galli simul ethesterno mero sauci sine respectu periculorum in bellum ruebant. Contra Delphi plus in deo, quam in uiribus spem ponentes cum contemptu hostium resistebant, scandentesque Gallos è summo montis uertice partim saxis, partim armis obruebant. In hoc partium certamine repente uniuersorum templorum antistes, simul et ipsi uates, sparsis crinibus, cum insignibus atque insulis, pauidi, uecordesque in primam pugnantium aciem procurrunt, aduenisse deum clamant, eumque se uidisse desilientem in templum per culminis apertæ fastigia. dum omnes opem dei suppliciter implorant, iuuenem supra humanum modum insignis pulchritudinis, comitesque ei duas armatas uirgines ex propinquis duabus Dianæ Minervæque ædibus occurrisse, nec oculis tantum hæc se perspexisse, sed audisse etiam stridorem arcus, ac strepitum armorum. Proinde, ne cunctarentur diis antesignanis hostem cedere, et uictoriæ deorum socios se adiungere, summus obsecrationibus monebant. Quibus uocibus incensi omnes certatim in prælium prosiliunt. præsentiam dei et ipsi statim sensere. nam et terræmotu portio montis abrupta Gallorum strauit exercitum, et confertissimi cunei non sine uulneribus hostium dissipati ruebant. Insecuta deinde tempestas est, quæ grandine et frigore saucios ex uulneribus absumpsit. Dux ipse Brennus cum dolorem uulnerum fer-

re non posset, pugione uitam finiuit. alter ex duabus,
punitis belli authoribus, cum decem milibus sauciorum
citato agmine Græcia excedit. Sed nec fortuna fugien-
tibus commodior fuit. siquidem pauidis nulla sub re-
ctis acta nox, nullus sine labore & periculo dies, assi-
dui imbres, & gelu nix concreta, & fames, & lassitu-
do. et super hæc maximum periglium malum miseras
infelices belli reliquias obterebant. Gentes quoq; natio-
nesq; per quas iter habebant, gaudentes, uelut prædā,
palantes sectabantur. Quo pacto euenit, ut nemo ex
tanto exercitu, qui paulo ante fiducia uirum etiam deos
contemnebat, uel ad memoriā tantæ cladis, superesset.

LIBER VIGESIMVS QVINTVS.

i Nter duos reges Antigonum & Antio-
chum statuta pace, cum in Macedoniā
Antigonus reuerteretur, nouus eidem
repente hostis exortus est. quippe Gal-
li, qui a Brēno duce, cum in Græciam
proficisceretur, ad terminos gentis tuendos relictū fue-
rant, ne soli desides uiderentur, peditum XV. milia,
equitum tria milia armauerant, fugatisq; Cætarum,
Triballorumq; copiis Macedonia imminentes legatos
ad regem miserunt, qui pacem ei uenalem offerrent,
simul & regis castra specularentur. quos Antigonus
pro regali munificētia ingenti apparatu epularum ad
coenam inuitauit. sed Galli expositum grande auri, ar-
gentiq; pondus admirantes, atque prædæ ubertate sol-
licitati infestiores, quā uenerant, reuertuntur. qui-
bus &

bus & elephantos ad terrorem, uelut inusitatas barbaris formas, rex ostendi iusserat, & naues onustas copijs demonstrari, ignarus, quod quibus ostentatione uirum metum se injicere existimabat, eorum animos ut ad opimam prædam sollicitabat. Itaq; legati ad suos reuersi, omnia in maius extollentes opes pariter, & ne negligentiam regis ostendunt, referta auro & argento castra esse, & neque uallo fossâ ue munita, & quasi satis munimenti in diuitijs haberet, ita eos omnia officia militaria intermisisse, prorsus quasi ferri auxilio non indigerent, quoniam abundarent auro. Hac relatione auide gentis animi satis ad prædam incitabantur. accedebat tamen & exemplum Belgij, qui non magno ante tempore Macedonum exercitum cum rege trucidauerat. Itaque consentientibus omnibus nocte castra regis aggrediuntur. qui præsentens tantam tempestatem signum pridie dederat, ut omnibus rebus ablatis in proximam syluam taciti se occultarent. Neque aliter seruata castra, quàm quod deserta sunt. siquidem Galli, ubi omnia uicantia, nec sine defensoribus nudo, uerũ etiam sine custodibus uident, non fugam hostium, sed dolum arbitantes, diu intrare portas timuerunt. Ad postremum integris & intactis munimentis scrutantes potius, quàm diripientes castra occupauerunt. tunc ablatis, quæ inuenerant, ad litus conuertuntur. Ibi dum naues incautus diripiunt, à remigibus & ab exercitus parte, quæ eo cum coniugibus & liberis confugerant, nihil tale metuentes trucidantur, tantaq; cædes Gallorum fuit, ut Antigono pacem huius uictoriæ opinio nõ à Gallis tantum, uerum etiam à finitimorum

feritate præstiterit, quæ Gallorum ea tempestate tantæ
 fecunditatis inuentus fuit, ut Asiam omnem uelut exa-
 mine aliquo implerent. Denique neque reges orientis sine
 mercenario Gallorum exercitu ulla bella gesserint, ne-
 que pulsi regno ad alios, quæ ad Gallos confugerint. Tan-
 tus terror gallici nominis siue armorum inuictæ felici-
 tas erat, ut aliter neque maiestatem suam tutari, neque
 amissam recuperare se posse sine gallicæ uirtute arbi-
 trarentur. Itaque in auxilium à Bithyniæ rege inuoca-
 ti, regnum cum eo parta uictoria diuiserunt, eamque re-
 gionem Gallogræciam cognominauerunt. Dùm hæc in
 Asia geruntur, interim in Sicilia Pyrrhus à Pœnis na-
 uali prælio uictus ab Antigono Macedoniae rege sup-
 plementum militum per legatos petit, denunciâs, ni mit-
 tat, redire se in regnum necesse habere, incrementa
 rerum, quæ de Romanis uoluerit, de ipso quæsiturum.
 quod ubi negatum legati retulerunt, dissimulatis causis
 repentinam fingit profectionem, socios interim para-
 re bellum iubet, et arcis tarentinæ custodiam Heleno
 filio et amico Miloni tradit. Reuersus in Epirum sta-
 tim fines Macedoniae innadit, cui Antigonus cum exer-
 citu occurrit, uictusque prælio in fugam uertitur. Atque
 ita Pyrrhus Macedonia in deditionem accepit, et uelu-
 tidana amissæ Siciliae Italiaeque acquisito Macedoniae re-
 gno pensasset, relictum Tarenti filium et amicum arcessit.
 Antigonus autem cum paucis equitibus fugæ comitibus
 repente fortunæ ornamentis destitutus, amissi regni spe-
 culaturus euentum, Thessaloniam se recipit, ut inde cum
 conductâ Gallorum mercenaria manu bellum repara-
 ret. Rursum, à Ptolemæo Pyrrhi filio funditur uictus cum

Septem comitibus fugiens non recuperandi regni spē,
sed salutis latebras ac fugæ solitudines captat. Igitur
Pyrrhus in tanto fastigio regni collocatus, iam nec eo,
ad quod uotis perueniendum fuerat, contentus. Græ-
ciæ Asiæq; regna meditatur, nec illi maior ex impe-
rio, q̄ ex bello uoluptas erat, nec quisq; Pyrrhum, qua-
tulisset impetum, sustinere ualuit. Sed ut ad deuincen-
da regna inuictus habebatur, ita deuictus acquisit. s̄q;
celeriter carebat, tanto melius studebat acquirere im-
peria, quàm retinere. Itaque cum copias Cheronneſo
transposuisset, legationibus Atheniensium & Achinorū
Messiniorūq; excipitur. Sed & Græcia omnis ad-
miracione nominis eius simul, & rerum aduersus Ro-
manos Pœnosq; gestarum attoniti aduentum eius ex-
pectabat. Primum illi bellum aduersus Spartanos
fuit, ubi maiore mulierum, quàm uirorum uirtute ex-
ceptus & Ptolemæum filium, & exercitus partem ro-
bustissimam amisit. quippe oppugnanti urbem ad tu-
telam patriæ tanta multitudo fœminarum concurrir,
ut non fortius uictus, quàm uerecundius recederet.
Porro Ptolemæū filiū eius adeo strenuū & manu for-
tem fuisse tradunt, ut urbē Corcyram solus cum sexa-
ginta cepit. idem prælio nauali triremem ex scapha
cum septem insiluerit, captamq; tenuerit. In oppu-
gnatione quoque Spartanorum usque in mediam ur-
bem cum equo procurrerit, ibiq; cōcursu multitudinis
interfectus sit. cuius corpus ut relatiū patri est dixis-
se Pyrrhū ferūt, al. quanto tardius eū, q̄ timuerit ipse,
uel temeritas eius meruerit, occisū eē. Repulsus à Spar-
tanis Pyrrhus Argos petit. Ibi dū Antigonus in urbe

clausum expugnare conatur, inter confertissimos uio-
lentissime dimicans, saxo de muris iactato occiditur. ca-
put eius Antigono refertur. qui uictoria mutui usus fi-
lium eius Helenum cum Epirotis sibi deditum in re-
gnum remisit. eiq; insepulti patris ossa in patriam re-
ferenda tradidit. Satis constans inter omnes authores
fama est, nullum nec eius, nec superioris ætatis regem
comparandum Pyrrho fuisse, raroq; non inter reges
tantum, uerum etiam inter illustres uiros aut uitæ san-
ctioris, aut iustitiæ probatioris uisum fuisse. Scientiam
certe rei militaris in illo uiro tantam fuisse, ut cum Ly-
simacho, Demetrio, Antigono tantis regibus bella gesse-
rit, inuictus semper extiterit. Illyriorum quoque, Sici-
lorum, Romanorumq; , & Carthaginensium bellis
nunquam inferior, plerunque etiam uictor extiterit.
qui patriam certe suam angustam ignobilemq; fama
rerum gestarum, & claritate nominis sui toto orbe
illustrem reddiderit.

LIBER VIGESIMVS SEXTVS.

Ost mortem Pyrrhi, nō in Macedonia
tantum, uerum etiam in Asia Græ-
ciq; magni bellorum motus fuere. Nā
p & Peloponnesū per prodicionem Anti-
gono tradit, & uariante hominum
partim dolore, partim gaudio, prout singule ciuitates
aut auxilium de Pyrrho sperauerant, aut metus susti-
nuerant, ita aut cum Antigono societatem iungebant,
aut mutui inter se odijs in bellum ruebant. Inter hūc

turbatarum provinciarum motum Epirotarum quoque
urbs ab Aristotimo principe per tyrannidem occupata
tur. a quo cum multum ex primoribus qui forte ad eum
confugerant, occisi, plures in exilium acti essent, Aeto-
lis per legatos postulantes, ut coniuges liberosque exu-
lū redderet, primo negavit, postea quasi poeniteret, pro-
ficiendi ad suos omnibus matronis potestatem dedit,
diemque profectionis statuit. Illae, quasi in perpetuum cum
uiris exulaturae, praeciosissima quaeque auferentes, cum ad
portam, quasi uno agmine profecturae, convenissent, om-
nibus rebus expoliatae in carcere recluduntur, occisis
prius in gremiis matrum parvulis liberis, uirginibusque
ad stuprum direptis. Hanc tam saevam dominationem
stupentibus omnibus, princeps eorum Hellanico senex
et liberis orbus, ut qui nec aetatis, nec pignorum re-
spectu timeret, convocatos domi fidissimos amicorum
in uindictam patriae hortatur. cunctantibus privato pe-
riculo publicum finire, et deliberandi spacium postu-
lantibus, accessitis servis iubet obserari fores, tyrannumque
nunciari. mitteret, qui coniuratos apud se comprehenderet,
obiectans singulis se, qui liberandae patriae
author esse non possit, desertae ultorem futurum. Tunc
illi ancipiti periculo circumuenti honestiorem uiam eli-
gentes coniurant in tyranni necem, atque ita Aristoti-
mus quinto, posteaquam tyrannidem occupauerat, men-
se opprimitur. Interea Antigonius, cum multiplici bello
et Ptolemæi regis, et Spartanorum premeretur,
nouusque illi hostis Gallograeciae exercitus affuisset, in
speciem castrorum parua manu aduersus ceteros reli-
cta, aduersus Gallos totis uiribus proficiscitur. Quibus

cognitis Galli, cum & ipsi se praelio pararent, in auspiciis pugnae hostias cedunt. quarum extis cum magna caedes interitusque omnium praediceretur, non in timorem sed in furorem versi, sperantesque decum minas expiari caede suorum posse, coniuges & liberos suos trucidant, auspicia belli a patriiadio incipientes. tanta rabies feros animos inuaserat, ut non parcerent aetati, cui etiam hostes pepercissent, bellumque internecium cum liberis liberorumque matribus gererent, pro quibus bella suscipi solent. Itaque quasi scelere vitam uictoriamque redemissent, sicut erant cruenti ex recenti suorum caede in praelium non meliore euentu, quam omne proficiuntur. siquidem pugnantes prius patriidiorum furiae, quam hostes circumuenere, obuersantibusque ante oculos manibus interemptorum omnes occisione caesi. tanta strages fuit, ut dii pariter cum hominibus consensisse in excidium patriidarum uiderentur. Post huius pugnae euentum Ptolemaeus & Spartani uictorem hostium exercitum declinantes in tutiora se recipiunt. Antigonus quoque ubi eorum discessum uidet, recenti adhuc ex prioris uictoria militum ardore, bellum Atheniensibus infert. In quo cum occupatus esset, interim Alexander rex Epiri ulosci mortem patris Pyrrhi cupiens, fines Macedoniae depopulatur. aduersus quem cum reuersus a Graecia Antigonus esset, translatione militum destitutus, regnum Macedoniae cum exercitu amittit. Huius filius Demetrius puer admodum absente patre reparato exercitu non solum anassam Macedoniae recepit, uerum etiam Epiri regno Alexandrum spoliatur. tanta uel mobilitas militum, uel for-

tunc uarietas erat, ut uicissim reges nunc exules, nunc reges uiderentur. Igitur Alexander cum exul ad Arcadas confugisset, non minore Epirotarum desiderio, q̄ sociorum auxilio, in regnum restituitur. Per idem tempus rex Cyrenarum Agas decedit, qui ante infirmitatem Berenicen unicam filiam ad finiendam cum Ptolemaeo fratre certamina filio eius desponderat. Sed post mortem regis mater uirginis Arsinoe, ut inuita se contractum matrimonium solueret, misit, qui ad nuptias uirginis regnumq; Cyrenarum Demetriū fratrem regis Antigoni a Macedonia accersirent, qui et ipse ex filia Ptolemai procreatus erat. Sed nec Demetrius moram fecit. Itaque cum secundante uento celeriter Cyrenas aduolasset, fiducia pulchritudinis, qua nimis placere socrui cœperat, statim a principio superbus, regie familie militibusq; impotens erat, studiumq; placendi a uirgine in matrem contulerat. quæ res suspecta primo uirgini, deinde popularibus militibusq; inuisa fuit. Itaque uersis omnium animis in Ptolemai filium insidiæ Demetrio comparantur. cui, cū in lectum socrus concessisset, percussores immittuntur. sed Arsinoe audita uoce filiae ad fores stantis et præipientis, ut matri parcerent, adulterum paulisper corpore suo protexit. quo interfecto Berenice et stuprum matris salua pietate ulta est, et in matrimonio sortiundo iudiciū patris subsequuta.

I V S T I .
LIBER VIGESIMVSSEPTIMVS.

Ortuo Syriæ rege Antiocho, cum in lo-
cum eius filius Seleucus successisset,
hortante matre Laodice, quæ inhibe-
re debuerat, auspiciâ regni à parri-
cidio cœpit. quippe Berenicen nouer-
cam suam sororē Ptolemæi regis Aegypti cū parvulo
fratre ex ea suscepto interfecit. quo facinore perpetra-
to & infamæ maculam subiit, & Ptolemæi bello se
implicuit. Porro Berenice cum ad se interficiendam
missos didicisset Daphnæ se claudit: ubi cum obside-
ri eam cum parvulo filio nunciatum ciuitatibus Asiæ
esset, recordatione paternæ maiorumq; eius dignita-
tis, casum tam indignæ fortunæ miserantes auxilia
ei omnes misere. Frater quoque Ptolemæus periculo
sororis excitus, relicto regno cum omnibus uiribus ad-
uolat. Sed Berenice ante aduentum auxiliorum, cum
ui expugnari non posset, dolo circumuenta trucidatur.
Indigna res omnibus uisa. Itaque cum uniuersæ ciui-
tates, quæ defecerant, ingentem classem comparaf-
sent, repente exemplo crudelitatis exterritæ, simul &
in ultionem eius, quæ defensuri erāt, Ptolemæo se tra-
dūt. q. nisi i Aegyptiū domestica seditiōe reuocatus eēt,
totum regnum Seleuci occupasset. tantum uel illi odium
parriadiæ scelus, uel huic fauorem indigne interem-
ptæ mors sororis attulerat. Post discessum Ptolemæi
Seleucus, cum aduersus ciuitates, quæ defecerant, in-
gentem classem comparasset, repente, ueluti dijs ipsis
parriadium uindicantibus, orta tempestate classem
naufragio

naufragio amittit, nec quicquam illi ex tanto apparatu, præter nudum corpus, & spiritum, & paucos naufragij comites, residui fortuna fecit. misera quidem res sed optanda Seleuco, fuit. siquidem ciuitates, quæ odio eius ad Ptolemæum transierant, uelut dijs arbitris satisfactum sibi esset, repentina animorum mutatione in naufragij misericordiam uersæ imperio se eius restitunt. Lætus igitur malis suis, & damnis ditior redditus, uelut par uiribus, bellum Ptolemæo infert. Sed quasi ad ludibrium tantum fortunæ natus esset, nec propter aliud opes regni recepisset, quàm ut amitteret, uictus prælio non multo, quàm post naufragium, comitator trepidus in Antiochiam confugit. Inde ad Antiochum fratrem literas fecit, quibus auxilium eius implorat, oblata ei Asia intra fines Tauri montis in præmiū latæ opus. Antiochus autem, cum esset annos. XIII. natus, supra ætatem regni audus occasionem non tam pio animo, quàm offerebatur, arripuit, sed latronis more totum fratri eripere cupiens, puer sceleratam uirilemque sumit audaciam. unde Hierax est cognominatus, quia non hominis, sed accipitris ritu in alienis eripiendus uitam sectaretur. Interea Ptolemæus cum audisset regem Antiochum in auxilium Seleuco uenire, ne cum duobus uno tempore dimicaret, in annos X. cum Seleuco pacem facit. sed pax ab hoste data interpellatur à fratre. qui conducto Gallorum mercenario exercitu pro auxilio bellum, pro fratre hostem se imploratus exhibuit. In eo prælio uirtute Gallorum uictor quod Antiochus fuit, sed Galli arbitantes Seleucum in prælio cecidisse, in ipsum Antiochum arma uertunt, liberius depopulaturi Asiam, si omnem stirpem

regiam extinxissent. Quod ubi sentit Antiochus, uelut a prædonibus auro se redemit, societatemq; cum mercenarijs suis iungit. Interea rex Bithyniæ Eumenes sparsis consumptisq; fratribus bello intestinæ discordiæ, quasi uacantem Asiæ possessionem inuasurus uictorem Antiochum Gallosq; aggreditur, nec difficile saucios adhuc ex superiore congressione integer ipse uiribus superat. ea nanque tempestate omnia bella in exitum Asiæ gerebantur, et uti quisq; fortior fuisset, Asiam, uelut prædam, occupabat. Seleucus & Antiochus fratres bellum propter Asiam gerebant. Ptolemæus rex Aegypti sub specie sororiæ ultionis Asiæ inhiabat. Hinc Bithynius Eumenes, inde Galli semper mercenaria manus Asiam depopulabantur. interea nemo defensor Asiæ inter tot prædones inueniebatur. Victo Antiocho cum Eumenes maiorem partem Asiæ occupasset, ne tunc quidem fratres perduto præmio, propter quod bellum gerebant, concordare potuerunt. sed omisso externo hoste in mutuum exitum bellum reparant. In eo Antiochus demum uictus multorum dierum fuga fatigatus tandem ad socerum suum Artamenum regem Cappadociæ peruenitur. a quo cum primum benigne susceptus esset, interiectis diebus cognito, quod sibi insidiæ pararentur, salutem fuga quæsiuit. Igitur cum presugo nusquam locus tutus esset ad Ptolemæum hostem, cuius fidem tutiorem, quam fratris, existimabat, decurrit, memor uel quæ facturus fratri esset, uel quæ meruisset a fratre. Sed Ptolemæus non amucior ei dedito, q̄ hosti, factus, seruari eum archissima custodia iubet. Hinc quoq; Antiochus opera cuiusdam meretricis adiutus,

iutus, quam familiaris cognouerat, deceptis custodi-
bus, labitur, fugiensq; a latronibus interficitur. Seleu-
cus quoque iisdem ferme diebus, amisso regno, equo
præcipitatus finitur. sic fratres, quasi germanis casti-
bus, exules ambo post regna, scelerum suorum pœ-
nas luerunt.

LIBER VIGESIMVS OCTAVVS.

Lympias Pyrrhi Epirotæ regis filia,
amisso marito eodemq; germano fra-
tre Alexandro, cum tutelam filiorum
ex eo susceptorū Pyrrhi & Ptolemæi,
regniq; administrationem ipsa recepisset, ab Aetolis partem Acarnaniæ, quam in portionem
belli pater pupillorum acceperat, eripere uolētib; ad
regem Macedoniæ Demetrium decurrit, eiq; habenti
uxorem Antiochi regis Syriæ sororem filiam suam Py-
thiam in matrimonium tradidit, ut auxilium, quod mi-
sericordia non poterat, iure cognationis obtineret. Fiunt
igitur nuptiæ, quibus & noui matrimonij gratia acq-
ritur, & ueteris offensa contrahitur. nam prior uxor,
uelut matrimonio pulsa, sponte sua ad fratrem Antio-
chum discedit, eumq; in mariti bellum impellit. Acar-
nanes quoq; diffisi Epirotis aduersus Aetolos auxilium
Romanorum implorantes, obtinuerunt a Romano se-
natu, ut legati mitterentur, q; denunciarent Aetolis præ-
sidia ab urbibus Acarnaniæ deducerent, paterenturq;
esse liberos, qui soli quondam aduersus Troianos au-
thores originis suæ auxilia Græcis non miserunt. Sed

• ii

Aetoli legationem Romanorum superbe audierunt, Pœnos illis & Gallos, à quibus tot bellis uexati, toties occisione sint cæsi, exprobrantes, dicentesq; prius illis portas aduersus Carthagenenses aperiēdas, quas clauferit metus punici belli, q̄ in Græciam arma transferranda. meminisse deinde iubent, quibus mumentur aduersus Gallos urbem suam eos tueri non potuisse, captamq; non ferro defendisse, sed auro redemisse. quam gentem se aliquanto maiori manu Græciā ingressam non solum nullis externis uiribus, sed ne domesticis quidem totis adiutos uniuersam delesse, sedemq; sepulchris eorum præbuisse, quam illi urbibus imperioq; suo proposuerant. Contra Italiam trepidis ex recenti urbis suæ incendio Romanis uniuersam fermè à Gallis occupatam. Prius igitur illis Gallos Italia pellendos, q̄ mumentur Aetolis, priusq; sua defendenda, quàm aliena appetenda. Quos autem homines Romanos esse, nempe pastores, qui latrocinio iustis dominis adeptum solum teneant, qui uxores, cum propter originis dehonestamenta non inuenirent, ui publica rapuerint, qui denique urbem suam paricidio condiderint, murorūq; fundamenta fraterno sanguine asperserint. Aetolos autem principes Græciæ semper fuisse, & sicut dignitate, ita & uirtute cæteris præstitisse. solos denique esse qui Macedonas imperio terrarum florentes semper contempserint, qui Philippum regem non timuerint, q̄ Alexandri Magni post Persas Indosq; deuictos, cū oēs nomē eius horrerent, edicta spreuerint. Monere igitur se Romanos, contenti sint fortuna præsentis, nec prouocent arma, quibus & Gallos cæsos, & Macedonas

Macedonas contemptos uideant. sic dimissa legatione Romanorum, ne fortius locuti, quàm fecisse uiderentur, fines Epiri regni & Acarnaniæ depopulantur. Iam Olympias filijs regna tradiderat, & in locum Pyrrhi fratris defuncti Ptolemæus successerat. qui cum hostibus instructo exercitu obuius processisset, infirmitate correptus in innere decedit. Olympias quoque gemino finerum uulnere afflicta, ægrum spiritum trahens, non diu filijs superuixit. Cum ex gente regia sola Nereis uirgo cū Laodamia sorore suā pessent, Nereis nubit Geloni Siciliæ tyrāni filio. Laodamia autem, cū in aram Dianæ confuisset, concursu populi interficitur. Quod facinus dii immortales assiduīs cladibus gentis, & prope interitu totius populi uindicauerunt. nam sterilitatem famemque passi, & intestina discordia uexati, externis ad postremum bellis penè consumpti sunt. Milo quoque Laodamiæ percussor in furorem uersus, nunc ferro, nunc saxo, in summa dentibus laceratis uisceribus. XII. die iterijt. Iis in Epiro gestis, interim in Macedonia Demetrius rex relicto filio Philippo paruulo admodum decedit. cui Antigenus tutor datus, accepta in matrimonium matre pupilli, regem se constituere laborat. Interiecto deinde tempore cum seditione minaci Macedonum clausus in regia teneretur, in publicum sine satellitibus procedit, proiectoque in uulgus diadema te ac purpura, dare hæc eos alteri iubet, qui aut imperare illis sciat, aut cui parere ipsi sciant, se adhuc inuidiosum illud regnum, non uoluptatibus, sed laboribus ac periculis sentire. commemorat deinde beneficia sua, ut defectionem sociorum uindicauerit, ut Dat

danos Theſſalosq; exultantes morte Demetrii regis cō-
 peſuerit, ut denique dignitatem Macedenum non ſo-
 lum defenderit, uerum etiam auxerit. quorumſi illos
 pœniteat, deponere ſe imperium, & reddere illis mu-
 nus ſuum, quia regem quærant, cui imperent. Cum
 populus pudore motus recipere eum regnum iuberet,
 tandiu reſuſcit, donec ſeditionis authores ſupplicio
 traderentur. Poſt hæc bellum Spartanis infert, qui ſo-
 li, Philippi Alexandriq; bellis, & imperium Macedo-
 num, & omnibus metuenda arma contempſerant. In-
 ter duas nobiliſſimas gentes bellum ſummus utrinq; ui-
 ribus fuit. cum hi pro uetere Macedonum gloria, illi nō
 ſolum pro illibata libertate, ſed etiam pro ſalute cer-
 tarent. uicti Lacedæmoni, nō ipſi tantum, ſed et coniuges
 liberiq; magno aīo fortunam tulere. nemo q̄ppe in
 acie ſaluti pepercit, nulla amiſſum coniugē fleuit. Filio-
 rū mortē ſenes laudabant, patribus in acie caſis filiæ
 gratulabantur. ſuā uicē oēs dolebant, qđ non et ipſi
 pro patriæ libertate cecidiſſent. Patentibus oēs domibus
 ſancios excipiebant, uulneratos curabant, lapſos reſi-
 ciebant. Inter hæc nullus in urbe ſtrepitus, nulla tre-
 pidatio, magis omnes publicam, quā priuatam for-
 tunam lugebant. Inter hæc Cleomenes rex poſt multas
 hoſtum cædes toto corpore, ſuo pariter & hoſtū cruo-
 re madens, ſuperuenit. ingreſſusq; urbem non hum-
 conſedit, non cibum aut potum popoſcit, non deniq; ar-
 morum onus depoſuit, ſed accliuſ parieti, cum qua-
 tuor milia ſola ex pugna ſuperfuſſe conſpexiſſet, hortat-
 ur ut ſe ad meliora reipū. tempora reſeruarent, tum
 cum coniuge & liberis Aegyptum ad Ptolemæum pro-
 fiſcitur.

fiat. à quo honorifice susceptus diu & in summa dignitate regis uixit. Postremo post Ptolemæi mortem à filio eius cum omni familia interficitur. Antigenus autē cæsis occasione Spartanis fortunam tantæ urbis miseratus, à direptione milites prohibuit, ueniamq; his, qui supersuerant, dedit. Præfatus bellum se cum Cleomene, non cum Spartanis, habuisse, cuius fuga, omnis ira eius finita sit, nec minori sibi gloriæ fore, si ab eo seruata Lacedæmon, à quo solo capta sit, proderetur. parcere igitur se solo urbis, ac tectis, quoniam hoies, qbus parceret, non supfuissent. nec multo post ipse decedit; regnūq; Philippo pupillo anno. XIII. nato tradidit.

LIBER XXIX.

Isdem fermè temporibus propè uniuersi orbis imperia noua regum successione mutata sunt. nam in Macedonia Philippus, mortuo Antigono tutore, eodemq; uictorico, XIII. annorum cū esset, regnum suscepit, & in Asia interfecto Seleuco impubes adhuc rex Antiochus constitutus est. Cappadociæ regnum quoq; Ariarathi puero admodum pater ipse tradiderat. Aegyptum, patre ac matre interfectis, occupauerat Ptolemæus, cui ex facinoris crimine cognomentum Pilopatori ex contrario fuit. Spartani in locum Cleomenis suffecerunt Lycurgum. Et, ne qua temporibus mutatio deesset, apud Carthaginenses ætate adhuc immatura dux Annibal constituitur, non penuria seniorū, sed odio Romanorum, quo

• iii

I V S T I.

imbutum eum a pueritia sciebant. fatale non tam Romanis, quam ipsi Africae malum. His regibus pueris licet nulli senioris aetatis rectores erant, tamen in suorum quibusque maiorum uestigia nitentibus, magna in doles uirtutis emicuit. Solus Ptolemæus sicut sceleratus in occupando regno, ita et segnis in administrando fuit. Philippum Dardani ceterique finitimi populi, quibus uelut immortale odium cum Macedonum regibus erat, contemptu aetatis assidue lacessabant. contra ille summotis hostibus non contentus sua defendisse, etiam Aetolis bellum inferre gestiebat. quæ agitantem illum Demetrius rex Illyriorum, nuper a Paulo Romano consule uictus, supplicibus precibus aggreditur, iniuriam Romanorum querens, qui non contenti Italiae terminis, imperium spe improba totius orbis amplexi, bellum cum omnibus regibus gerant. sic illos Siciliae, sic Sardiniae, Hispaniaeque, sic deinde totius Africae imperium affectantes bellum cum Poenis et Annibale suscepisse. sibi quoque non aliam ob causam, quam quod Italiae finitimus uidebatur, bellum illatum, quasi nefas esset aliquem regem iuxta imperii eorum terminos esse, sed et ipsi cauendum esse exemplum, cuius quanto propius nobiliusque sit regnum, tanto sit Romanos acriores hostes habiturus. Super hæc cedere se illi regno, quod Romani occupauerint, profitetur, gratius habiturus, si in possessione imperii sui socium potius, quam hostem uideret. Huiusmodi oratione impulit Philippum, ut omissis Aetolis bellum Romanis inferret, minus negotij existimantem, quod iam uictos ab Annibale apud Thrasimenum lacum audierat. Itaque, ne multis bellis
eodem

eodem tempore grauaretur, pacem cum Aetolis fecit, non quasi alio bellum translaturus, sed ut Graeciae quieti consulturus, quam nunquam in maiori periculo fuisse affirmabat. siquidem consurgentibus ab occidente nouis Poenorum & Romanorum imperijs, quibus una haec a Graecia & Asia sit mora, dum inter se bello discrimen imperij faciunt, ceterum statim uictoribus transitum in orientem fore. uidere se itaq; ait consurgentem in Italia nubem illam trucas & cruenti bellum uidere tonantem ac fulminantem ab oatu procellam, quam in quasq; terrarum partes uictoriae tempestas detulerit, magno cruoris imbre omnia foedaturam. Frequenter Graeciam ingentes motus passam, nunc Persarum, nunc Gallorum, nunc Macedonum bellis, sed omnia illa luctum fuisse existimaturos, si ea, quae nunc in Italia concurrat manus, extra terram illam se effuderit. cernere se q̄ cruenta & sanguinaria inter se bella utriq; populi, & uiribus copiarum & ducum artibus, gerant, quae rabies solo finiri partis alterius interitu sine ruina finitimorum non possit. Feros igitur animos uictorum minus quidem Macedoniae, q̄ Graeciae timendos, q̄a remotior & in uindictam sui robustior sit. Scire tamen se eos, qui tantis uiribus concurrant, non contentos hoc sine uictoriae fore, metuendumq; sibi quoque certamen eorum, qui superiores extiterunt. Hoc praetextu, finito cum Aetolis bello, nihil aliud q̄ Poenorum Romanorumq; bella respiciens singulorum uires ppendebat. Sed nec Romani, quibus Poeni & Annibal in ceruicibus erant, soluti metu macedonico uidebantur. Nam terrebant eos & uetus Macedonum uirtus, et denicti ori-

tis gloria, & Philippus studio Alexandri æmulatio-
 nis incensus, quem promptum ad bella industriūq; co-
 gnouerant. Igitur Philippus cum iterato prælio victos
 à Pœnis Romanos didicisset, aperte hostem se his pro-
 fessus, naues, quibus in Italiam exercitum traiecit,
 fabricare coepit. Legatum deinde ad Annibalem iun-
 gendæ societatis gratia cum epistolis mittit. q̄ compre-
 hensus, & ad senatum perductus incolumis dimissus
 est, non in honorem regis, sed ne dubius adhuc, in-
 dubitatus hostis redderetur. Postea uero cum Romanis
 nunciatum esset in Italiam Philippum copias traiectu-
 rum, Leninium prætorem cum instructis nauibus ad
 prohibendum transitum mittunt. qui cum in Græciā
 uenisset, promissis multis impulit Actolos bellum ad-
 uersus Philippum suscipere. Philippus quoque Achæos
 in Romanorum bella sollicitat. Interea & Dardani
 Macedonia fines uastare coeperunt, abductisq; XX. mi-
 libus captiuorum Philippum à Romano bello ad tuen-
 dum regnum reuocant. Dum hæc aguntur Leni-
 nius prætor intra cum Attalo rege societate, Græciam
 populatur. quibus cladibus percussæ ciuitates auxi-
 lium petentes Philippum legationibus fatigant, nec nõ
 et Illyriorū rex lateri eorum hærens assiduīs precibus
 promissa exigebat. Super hæc uastati Macedones ultio-
 nem flagitabant. Quibus tot tantisq; obsessus rebus,
 cui rei primo occurreret ambigebat, omnibus tamen
 propediem auxilia se missurum pollicetur, non quia
 facere posset, quæ promittebat, sed ut spe impletis in
 societatis iure retineret. prima tamen illi expeditio ad-
 uersus Dardanos fuit, qui absentiam eius aucupant.

tes maiore belli mole Macedonia imminuebant. Cum Romanis quoque pacem facit contentus interim bellum macedonicum distulisse. Philopœmeni Achæorum dux, quem ad Romanos sociorum animos sollicitare didicerat, insidias præendit. quibus ille cognitis uitatisq; discedere ab eo Achæos auctoritate sua coegit.

LIBER XXX.

Philippo in Macedonia magnis rebus intento, Ptolemæi in Aegypto diuersi mores erant. nam regno parricidio obtento, et ad necem utriusq; parentis cæde etiam fratris adiuncta, ueluti rebus feliciter gestis luxuriæ sese tradiderat, regisq; mores omnes secuta regio erat. Itaque non amici tantum præfectiq; uerum etiam omnis exeratus, depositis militiæ studiis, ocio ac desidia corrupti marcebant. Quibus rebus cognitis Antiochus rex syriæ, ueteri inter se regnorum odio stimulante, repentino bello multas urbes eius oppressit, ipsamq; Aegyptum aggreditur. Trepidat igitur Ptolemæus, legationibus missis, quibus uires paret, morari Antiochum. Magno deinde in Græcia exercitu conducto secundum prælium facit. spoliassetq; regno Antiochum, si fortunam uirtute inuisset. Contentus recuperatione urbium, quas amiserat, factaq; pace auide materiam quietis arripuit. reuolutusque in luxuriam, occisa Euridice uxore eademq; sorore sua, Agathocleæ, meretricis illecebris capitur. atq; ita omnē magnitudi-

nem nominis ac maiestatis oblitus, noctes in stupris,
dies in conuiuijs consumit. adduntur instrumenta luxu-
rie tympana & crepundia, nec iam spectatur rex,
sed magister nequitiae nervorum oblectamenta modu-
latur. Hæc primo labentis regiae tacita pestis & ocula
mala fuere. Deinde crescente licentia, iam nec parie-
tibus regiae domus contineri meretricis audacia potest,
quam proteruiorem sociata cum Agathocle fratre am-
bitiosæ pulchritudinis scorto cotidiana regis supra fi-
ciebant. Accedebat & mater Euanthe, quæ geminæ so-
bolis illecebris deuinctum regem tenebat. Itaque non con-
tentæ rege, iam etiam regnum possident, iam in publi-
co uiuantur, iam saluantur, iam comitantur. Agathocles
regis lateri iunctus, ciuitatem regebat, tribunatus, præ-
fecturas, & ducatus mulieres ordinabant, nec quisquā
in regno suo minus, quàm ipse rex poterat. Cum interim
relictæ quinquenni ex Eurydice sorore filio moritur,
sed mors eius, dum pecuniam regiam mulieres rapiunt,
& imperium, inita cum perditissimæ societate, occupa-
re conantur, diu occulta fuit. re tamen cognita concursu
multitudinis Agathocles occiditur, & mulieres in ultio-
nē Eurydices patibulis suffiguntur. Morte regis et sup-
plicio meretricum uelut expiata regni infamia legatos
Alexandrini ad Ro. misserunt orantes, ut tutelam pu-
pili susciperent, tuerenturque regnum Aegypti, quod iam
Philippum & Antiochum facta inter se pactione di-
uisisse dicebant. Grata legatio Romanis fuit causam bel-
li querentibus aduersus Philippum, qui insidiatus eis
temporibus punici belli fuerat. Huc accedebat, quod Pœ-
nis & Annibale superato, nullius magis arma metue-

bant reputantibus quantum motu Pyrrhus parua manu Macedonum in Italia fecisset, quantasq; res Macedones in oriente gessissent. Mittuntur igitur legati, qui Antiocho & Philippo, ut a regno Aegypti abstineant, nuncient. mittitur & M. Lepidus in Aegyptum, qui tutorio nomine regni pupilli administraret. Dum haec aguntur, interim legati Attali regis Pergami & Rhodiorum iniurias Philippi regis querentes Romam uenerunt. quae res omnem cunctationem Macedonia belli senatui exemit. Statim praetextu ferendi auxilij socijs, bellum aduersus Philippum decernitur, legionesq; cum consule in Macedonia mittuntur. nec multo post tempore tota Graecia, fiducia Romanorum, aduersus Philippum spe pristinae libertatis erecta, bellum ei intulit. atq; ita cum rex undiq; urgeretur, pacem petere compellitur. Deinde cum expositae conditiones pacis a Romanis essent repetere sua & Attalus, et Rhodij, et Achaei, et Aetoli coepere. Contra Philippus adduci se posse, ut Romanis pareat, concedebat, caeterum indignum esse, Graecos a Philippo & Alexandro maioribus suis uictos, & sub iugum Macedoniae imperij subactos, uelut uictores, leges pacis sibi dicere, quibus prius sit ratio seruitutis reddenda, quam libertas uindicanda. Ad postremum tamen eo petente, induciae duorum mensium sunt datae, ut pax, quae in Macedonia non conueniebat, Romae a senatu peteretur. Eodem anno inter insulas Theramenen & Therasiam medio utriusq; ripae & maris spacio terrae motus fuit. In quo cum admiratione nauigantium repente ex profundo cum calidis aquis insula emerfit. In Asia uero eodem die motus terrae Rhodum multasq; alias ciuitates graui

ruinarum labe concussit. quasdam solidas absorbit:
 quo prodigio territis omnibus uates cecinere, oriēs Ro-
 manorum imperium uetus Græcorum ac Macedonū
 uoraturum. Interim a senatu repudiata pace Philip-
 pus in societatem belli Nabim tyrānum sollicitat. atq;
 ita cum in aciem exercitum instructis ē diuerso hostibus
 produxisset, hortari suos cœpit. Referendo Persas, Ba-
 ctros, Indosq; & omnem Asiam orientis fine a Mac-
 donibus pdomitam, tantoq; fortius hoc bellum, quā
 illa, subtinendum, quanto sit libertas imperio carior.
 Sed & Flaminius Romanorum consul relatione rerū
 recentissime gestarum suos stimulabat in præliū, osten-
 dendo hinc Carthaginem cum Sialia, inde Italiā &
 Hispaniam Romana uirtute perdomitas, nec Annibalē
 Alexandro quidem magno postponendum, quo Italia
 pulso, Africā ipsam tertiam partem mundi superaue-
 rint. Sed nec Macedonas ueteri fama, sed præsenti-
 bus uiribus æstimandos, quia non cum Alexandro Magno,
 quem inuictum audiuerant, nec cum exercitu eius, qui
 totum orientem deuicerat, bellum gerant, sed cum Phi-
 lippo puero immaturæ ætatis, q regni terminos aduer-
 sus finitimos ægre defendat, & cum ijs Macedonibus,
 qui non ita pridem Dardanis prædæ fuerunt. illos ma-
 iorum decora, se suorū militum commemorare. non. n.
 alio exercitu Annibalē et Pœnos & totum ferme occi-
 dentem, sed ijs ipsis, quos in acie habeat, militibus suba-
 ctos. His adhortationibus utrinq; concitati milites præ-
 lio concurrunt, alteri orientis, alteri occidentis imperio
 gloriantes, ferentesq; in bellum alij maiorum suorum
 antiquam & obsoletam gloriā, alij uirētem recentibus

experimentis uirtutis florem. sed Macedonas romana fortuna uicit. Fractus itaq; bello Philippus pace à Flaminio consule petita nomen qdem regum retinuit, sed omnibus Græciæ urbibus, uelut regni membris, extra terminos antiquæ possessionis amissis, solam Macedoniam retinuit. Offensi tamen Aetoli quia non ex arbitrio eorum Macedonia quoq; adempta regi, & data sibi in præmium belli esset, legatos ad Antiochum mittunt, qui eum adulatione magnitudinis in Romana bella, spe societatis uniuersæ Græciæ, impellerent.

LIBER TRIGESIMVS PRIMVS.

Ortuo Ptolemæo Philopatore rege Aegypti, contemptaq; paruuli filij eius ætate, qui in spem regni relictus præda etiã domesticis erat, Antiochus rex Syriæ occupare Aegyptũ statuit. Itaq; Phœnicen ceterasq; Syriæ quidem, sed iuris Aegypti ciuitates cum inuasisset, legatos ad eum senatus mittit, qui denunciarent ei, abstineret à regno pupilli potestremis patris precibus fidei suæ traditi. quibus spretis interiecto tempore alia legatio superuenit, quæ, omissa pupilli persona, ciuitates iure belli factas populi Romani in integrum restitui iubebat. abnunti bellum denunciatur. quod ille facile susceptum infeliciter gessit. Eodem tempore & Nabis tyrannus multas Græciæ ciuitates occupauerat. Igitur senatus, ne eodem tempore duplici bello Romanæ uires detinerentur, scripsit Flaminio, si ei uideatur, sicuti Ma-

ædoniam à Philippo, ita Græciam à Nabide libera-
 ret. ob quam causam imperium ei prorogatum est. Ter-
 ribile quippe Antiochi bellū Annibalis nomen faciebat,
 quē æmuli eius occultis mandatis cum Antiocho inisse
 societatem apud Romanos criminabantur, negantes eū
 æquo aīo sub legibus uiuere assuetum imperio, et im-
 moderata licentia militari semperq; tedio quietis ur-
 banæ nouas belli causas circūspicere, quæ et si falsa
 nunciata fuissent, apud timentes tamen pro ueris habe-
 bantur. Deniq; senatus metu perculsus ad speculandos
 actus Annibalis legatum in Africam Gn. Seruiliū
 mittit, eiq; tacitis mandatis præcipit, ut si possit eū p
 æmulos eius interficeret, metuq; inuisi nominis tādē po-
 pulum Romanum liberaret. Sed res Annibalem non
 diu latuit, uirū ad prospicienda cauendāq; picula pe-
 ritum, nec minus in secundis aduersa, q̄ in aduersis se-
 cunda cogitantem. Igitur cum tota die in oculis princi-
 pum legatiq; Romani in foro Carthagenensium obuer-
 satus fuisset, in supremū appropinquante uespere equū
 conscendit, et rus urbanum, quod prope litus maris ha-
 bebat, ignaris seruis iussisq; ad portū diuertentem op-
 periri, contendit. Habebat ibi naues cum remigibus oc-
 culto sinu litoris absconditas. erat etiam grandis pecu-
 nia in eo agro præparata, ut cum res exegisset, nec fa-
 cultas fugam, nec inopia moraretur. Lecta igitur ser-
 uorum iuuentute, quorum copiam Italicorum captiuo-
 rum numerus augebat, naucm conscendit, cursuq; ad
 Antiochum dirigit, postera autem die ciuitas principē
 suum, ac tum consulem in foro expectabat. Quem ut
 profectum nunciatum est, nō aliter, q̄ si urbs capta eēt,
 omnes

omnestrepidauere, exitiosamq; sibi fugam eius omnia
ti sunt. Legatus uero Romanus quasi bellum iam illa-
tum Italiae ab Annibale esset, tacitus Romam reuertitur,
trepidumq; nuntium refert. Interim Flaminius in
Graecia iuncta cum quibusdam ciuitatibus sociata
Nabidem tyrannum duobus continuis praelijs subegit,
& grauius fractum, uelut exanguem, in regno reliquit.
Sed libertate Graeciae restituta reductis ab urbi-
bus praesidijs, cum Romanus exercitus in Italiam re-
portatus esset, uelut uacua rursus possessione sollicita-
tus, multas ciuitates repente bello inuasit, quibus
rebus exterriti Achaei, ne uicinum malum etiam ad se
serperet, bellum aduersus Nabidem decernunt, du-
cemq; praetorem suum Philopœmenem insignis indu-
striae uirum constituunt. cuius in eo bello tanta uirtus
enituit, ut opinione omnium compararetur Flamini-
o Romano imperatori. Eodem tempore Annibal, cum
ad Antiochum peruenisset, uelut deorum munus exci-
piter. Tantusq; eius aduentu ardor animo regis accessit, ut
non tam de bello, q̃ de praemijs uictoriae cogitaret. Sed
Annibal, cui nota Romana uirtus erat, negabat op-
primi Romanos, nisi in Italia, posse. ad hoc sibi cen-
tum naues, & decem milia peditum, & mille equites
poscebat. Promittens hac manu non minus bellum,
quam gesserit, Italiae restauraturum, & in Asia re-
gi sedenti aut uictoriam de Romanis, aut aequas pa-
cis conditiones relaturum. Quippe & hispanis bello
flagrantibus ducem tantum deesse, & Italiam notio-
rem sibi nunc, q̃ pridem fuisse. sed nec Carthaginem
quieturam, sociamq; se sine mora praebituram. Cum

regi consilia placuissent, mittitur Carthaginem unus
 ex comitibus Annibalis, q in bellum cupidos hortetur,
 Annibalemq; cum copijs affuturum nunciet, nihil di-
 cat patribus nisi animos Carthaginensium deesse, Asiā
 & vires belli & sumptum præbituram. Hæc cum re-
 lata Carthaginem essent, nuncius ipse ab inimicis An-
 nibalis comprehenditur, & perductus in senatum, cū
 interrogaretur, ad quem missus esset, punico usus inge-
 nio respondit, se ad uniuersum senatum missum. nec. n.
 hoc opus singulorum, sed uniuersorum esse. Dum multis
 diebus deliberant, an eum Romam ad purgandam pu-
 blicam conscientiam mittant, tacitus consensa nane ad
 Annibalem reuertitur. Quo cognito Carthaginenses
 statim rem Romam p legatum deferunt. Romani quoq;
 ad Antiochum legatos misere, qui sub specie legationis
 & regis apparatus specularentur, & Annibalem
 aut Romanis mitigarent, aut assiduo colloquio suspectū
 inuisumq; regi facerent. Itaq; legati, cum Ephesi conue-
 nissent Antiochum, mandata ei senatus tradunt. dū re-
 sponsum expectant, oībus diebus assidui cū Annibale
 fuerunt, dicentes timide eū à patria recessisse, cū pacē
 Romani non tam cum republica, q̄ cum eo factam sum-
 ma fide custodiant, nec bella eum Romanorum magis
 odio, q̄ patriæ amore gessisse, cui ab optimo quoq; etiā
 spiritus ipse debeatur. has enim Publicas inter populos,
 non priuatas inter duces, bellandi causas esse, inde res
 gestas eius laudare, quarum sermone lætus sæpius cu-
 pidiusq; cum legatis colloquitur, ignarus quod pro fa-
 miliaritate Romana odium sibi apud Regem crearet.
 quippe Antiochus tam assiduo colloquio reconciliatam

cum

cum Romanis gratiam existimans, nihil ad eum (sicut solebat) referre, expertemq; totius consilij & ueluti hostem proditoremq; suum odisse cepit. quæ res tantum apparatus belli, cessante imperatoria arte, corrumpit. Senatus mandata fuerant, ut contentus terminis Asiæ esset, nec ipsis ingrediendi Asiam necessitatem imponeret. quibus spretis non accipiendum bellum statuit, sed inferendum. Dicitur cum frequenter de bello consilium habuisset remoto Annibale, tandem eum uocari iussisse, non ut ex sententia eius aliquid ageret, sed ne per omnia eum spreuisse uideretur, omnibusq; perrogatis postremum interrogasse se, quo ille animaduerso intelligere se professus est, non quia eget consilio, sed ad supplendum numerum sententiarum se uocatum, tamen & odio Romanorum, & amore Regis, apud quæ solum tutum sibi exiliū relictum sit, se uia gerendi belli edisseriturū. ueniam deinde libertati præfatus, nihil se aut consiliorum aut ceptorū præsentū probare ait, nec sedem belli Græciā sibi placere, cum Italia uberior materia sit. quippe Romanos uinci non nisi armis suis posse, nec Italiam aliter, q̃ italicis uiribus subigi. siquē diuersum cæteris mortalibus esse illud & belli genus & hominū, alijs bellis plurimum momenti habere priorē aliquā cepisse occasione loci t̃pisq; agros rapuisse, urbes aliquas expugnasse, cū Romano seu occupaueris prior aliqua ratione, seu uiceris, tamē etiam cū uicto & iacente luctandum esse. quam ob rem si quis eos in Italia lacefferet, suis eos opibus, suis uiribus, suis armis posse uincere, sicut ipse fecerit. sin uero quis illis Italia uelut fonte uirium cesserit, perinde

falli, ac si quis amnes non ab ipsis fontium primordiis
 derivare, sed concretis iam aquarum molibus auerte-
 re uel exsiccare uelit. Hoc et secreto se censuisse, ultroq;
 ministerium consilij sui obtulisse, & nunc presentibus
 amicis ideo repetisse, ut scirent omnes rationem cum
 Romanis gerendi belli, eosq; foris invictos, domi fragi-
 les esse. prius namq; eos urbe, q̄ imperio, prius Italia, q̄
 provincijs exui posse. quippe & à Gallis captos, &
 à se prope deletos esse, neq; se unq̄ uictum prius, q̄ ter-
 ris eorū cesserit, reuerso Carthaginem statim cum loco
 fortunam belli mutatam. Huic sententiæ obrectatores
 amici regis erāt, non utilitatem rei cogitantes, sed ue-
 rentes, ne probato consilio eius, primum apud regē lo-
 cum gratiæ occuparet. at Antiocho non tam consilium,
 quā author, displicebat, ne gloria uictoriæ Anniba-
 lis, non sua, esset. Omnia igitur uarijs assentatorū adu-
 lationibus corrumpébantur, nihil consilio uel ratione
 agebatur. Rex ipse per hyemē in luxuriam lapsus, no-
 uis cotidie nuptijs deditus erat. Contra Atilius Roma-
 nus consul, qui ad hoc bellum missus erat, copias, ar-
 ma, ceteraq; bello necessaria summa ope & industria
 parabat, ciuitates socias confirmabat, dubias illiciebat,
 nec alius exitus belli, q̄ apparatus utriusq; partis fuit.
 Itaq; prima belli congressione cum cedentes suos Rex
 cerneret, non laborantibus auxilium tulit, sed fugien-
 tibus se ducem præbuit, castraq; ditia uictoribus reli-
 quit. Deinde cū in Asiā praeda Romanis occupatis su-
 giendo peruenisset, pœnitere neglecti consilij cœpit, re-
 uocatoq; in amicitia Annibale, omnia ex sentētia eius
 agere. Interim nunciatur ei Linium Menemū Romanū
 ducem

ducem cum octoginta rostratis navibus in bellum nauale à senatu missum aduentare. quæ res illi restituendæ fortunæ spem dedit. Itaq; priusq; sociæ ciuitates ad hostes deficerent, decernere nauali prælio statuit, sperans cladem in Græcia acceptam noua posse uictoria aboleri. Annibali igitur tradita classe prælium cõmittitur. Sed nec Asiani milites Romanis, neq; naues eorû pares rostratis navibus fuere. minor tamen clades ducis sollertia fuit. Romam nondum opinio uictoriæ uenerat, & ideo in consulibus creandis suspensa ciuitas erat. sed aduersus Annibalem ducem quis melior q̃ Africanus frater crearetur, cum uincere Pœnos opus Scipionum esset? Creatur igitur consul Lucius Scipio, eiq; datur legatus frater Africanus, ut intelligeret Antiochus non maiorem fiduciam, se in Annibale uicto, q̃ Romanos in uictore Scipione habere. Traiçientibus in Asiã Scipionibus exercitum, iam utroq; profligatum bellũ nunciatum est, uictumq; Antiochũ terrestri, Annibale nauali bello inuenerunt. Primo igitur aduentu eorum legatos pacem petentes ad eos Antiochus mittit, peculiare donum Africano ferentes ipsius filium, quem rex paruo nauigio traiçientem ceperat. Sed Africanus priuata beneficia à rebus publicis segregata esse dixit, aliãq; esse patris officia, alia patriæ iura, quæ non liberis tantum, uerum etiam uitæ ipsi præponantur. proinde gratum se manus accipere, priuatoq; impendio munificentia regis responsurum. Quod ad bellũ pacemq; pertineat, nihil neque gratiæ dari, neque de iure patriæ decidi posse respondit. nam neque de redimendo filio unq̃ tractauit, nec senatum de eo agere

permisit, sed ut dignam maiestate eius erat, armis se recepturum filium dixerat. Post hæc leges pacis dicuntur. ut Asia Romanis cederet, contentus Syriæ regno esset, naues uniuersas, captiuos, et transugas traderet, sumptumque omnem belli Romanis restitueret. quæ cum nunciata Antiocho essent, nondum ita uictum se esse respondit, ut spoliari se regno pateretur, bellique ea irritamenta, non pacis blandimenta esse. Igitur dum ab utroque bellum pararetur, et ingressi Asiam Romani Ilium uenissent, mutua gratulatio Iliensium ac Romanorum fuit. Iliensibus Aeneam cæterosque duces à se profectos, Romanis se ab his procreatos, referentibus. tantaque lætitia omnium fuit, quanta esse post longum tempus inter parentes et liberos solet. Inuabat Ilienses nepotes suos, occidente et Africa donata, Asiam ut autum regnum uindicare, optabilem Troiæ ruinam fuisse dicentes, ut tam feliciter renasceretur. Contra Romanos auitos lares, et incunabula maiorum, templaque, ac deorum simulacra inexplabile desiderium uidendi tenebat. Profectis ab Ilio Romanis Eumenes rex cum auxilijs, occurrit. nec multo post prælium est cum Antiocho commissum, cum in dexteriore cornu pulsa legio romana maiore dedecore, quam piculo ad castra fugeret, M. Aemilius tribunus militum ad tutelam castrorum relictus armari milites suos, et extra uallum progredi iubet, strictisque gladijs fugientibus minari, morituros dicens, nisi in prælium reuertantur, infestioraque sua, quam hostium castra inuenturos. Attonita tam ambiguo piculo legio, commitantibus commilitonibus, qui fugere eos prohibuerant, in prælium reuertitur. magnaque cæde edita initium uictoriae fuit.

rie fuit. Cæsa hostium. L. milia, capta. XI. milia. Antiocho pacem petenti nihil ad superiores conditiones additum, Africano prædicante, neq; Romanis, si uincantur, animos minui, neq; si uincant, secundis rebus insolescere. captas ciuitates inter socios diuisere, numeris Romani aptiorem gloriam, q̃ possessiones uoluntarias iudicantes. quippe uictoriæ gloriam Romano nomini uindicandam, opum luxuriam socijs relinquendam.

LIBER TRIGESIMVS SECVNDVS.

Etoli, qui Antiochum in bella Romana impulerant, uicto eodem soli aduersus Romanos & uiribus impares, et omni auxilio destituti remanserāt. nec multo post uicti libertatem, quam illibatam aduersus dominationem Atheniensem et Spartanorum inter Græciæ ciuitates soli retinuerāt, amiserunt. quæ conditio tanto illis amarior, q̃to serior fuit reputantibus tempora illa, qbus tantis Persarum opibus, domesticis uiribus resisterant, qbus Gallorum uolentiâ Asiæ Italiæq; terribilem Delphico bello fregerant. quæ sola gloriosa recordatio magis desiderium libertatis augebat. Dum hæc aguntur medio tempore inter Messenios et Achaeos de principatu primo dissensio, mox bellum ortum est. In eo nobilis Achæorum imperator philopœmen capitur, non quia pugnando uitæ parceret, sed, dum suos in prælium reuocat, in trāsitu scissæ equo præcipitatus, a multitudine hostium oppressus est. quem iacentem Messenij, seu metu uirtutis, seu uerecundia dix-

gnitatis, interficere ausi non fuerunt. Itaque læti uelut in illo omne bellum confecissent, captiuum per uniuersam ciuitatem in modum triumphi circumdixerunt, effuso obuiam populo, ac si suus, non hostium, imperator aduentaret, nec uictorem Achæi auidius uidissent, quàm uictum hostes uiderunt. Igitur eundem in theatrum duci iusserunt, ut omnes contuerentur, quem potuisse capi incredibile singulis uidebatur. Deinde in carcerem educto, uerecundia magnitudinis eius, uenenum ei dederunt. quod ille lætus, ac si uicisset, accepit, quæsito prius, an Lycortas præfectus Achæorum, quem secundum a se esse scientia rei militaris sciebat, incolumis effugisset. quem ut accepit euasisse, non in totum dicens consultum male Achæis expirauit. Nec multo post reparato bello Messenij uincuntur, pœnasque interfecti Philopœmenis pependerunt. Interea in Syria rex Antiochus cum graui tributo pacis a Romanis uictus oratus esset, seu inopia pecuniæ compulsus, seu auaritia sollicitatus, qua sperabat se sub specie tributariæ necessitatis excusatus sacrilegia commissurum, adhibito exercitu nocte templum Elymæi Iouis aggreditur. quare prodita, concursu incolarum cum omni milite interficitur. Romæ cum multæ Græciæ ciuitates questum in iurias Philippi regis uenissent, et disceptatio in senatu inter Demetrium Philippi filium, quem pater ad satisfaciendum senatui miserat, et legatos ciuitatum esset, turba querelarum confusus, adolescens repente obtinuit. tunc senatus uerecundia eius motus, quæ probata etiam antea, cum obses Romæ esset, omnibus fuerat, causam illi donauit, atque ita modestia sua Demetrius ueniam patri,

patri, non iure defensionis, sed patrocinio pudoris, obti-
nuit. quod ipsum decreto senatus significatum est, ut ap-
pareret non tam absolutum regem, quàm donatum fi-
lio patrem. Quæ res Demetrio nõ gratiam legationis;
sed odium obrectationis comparauit. nã & apud fra-
trem Persem æmulatio illi inuidiã contraxit, et apud
patrem, absolutionis causa offensæ fuit, indignante Phi-
lippo plus momenti apud senatum personam filij, q̃ au-
thoritatem patris ac dignitatem regis maiestatis ha-
buisset. Igitur Perses perspecta patris ægritudine, coti-
die absentem Demetrium apud eum criminari, et pri-
mo inuisum, post etiam suspectum reddere, nunc ami-
citiam Romanorum, nunc prodicionem ei patris obie-
ctare. ad postremum insidias sibi ab eo paratas confin-
git, ad cuius rei probationem immittit indices, testes
subornat, & facinus, quod obiicit, admittit, quibus re-
bus patre compulso ad parricidium sine ulla omnem
regiam fecit. Occiso Demetrio sublatoq; æmulo non ne-
gligenti tantum Perses in patrem, uerum etiam & con-
tumacior erat, nec heredem regni, sed regem gerebat.
His rebus offensus Philippus impatiētius in dies mor-
tem Demetrii dolebat, tunc & insidijs se circumuētum
suspiciari, testes indicesq; torquere. atq; ita cognita frau-
de non minus scelere Persæ, quàm innoxij Demetrii
morte cruciabatur, peregrissetq; ultionem, nisi prauē-
tus esset. nam breui post tempore morbo ex ægritudi-
ne animi contracto decessit; relicto magno belli appa-
ratu aduersus Romanos, quo postea Perses usus est. nã
& Gallos Scordiscos ad belli societatem perpulerat,
fecissetq; Romanis graue bellum, nisi decessisset. nanq̃

Galli bello aduersus Delphos infelicitè gesto, in quo
maiorē vim numinis, quā hostium senserant, amisso
Brenno duce, pars in Asiam, pars in Thraciam extor-
res fugerant. Inde per eadem uestigia, qua uenerant,
antiquam patriam repetuere. Ex his pars quādam
in confluente Danubij & Savi consedit, scordiscosq; se
appellari uoluit. Tectosagi autem cum in antiquam pa-
triam Tolosam uenissent, comprehensiq; pestifera lue
essent, non prius sanitatem recuperauere, q̄ aruspicum
responsis moniti aurum argentumq; bello sacrilegijsq;
quæsitum in Tolosensem lacum mergerent. quod omne
magno post tempore Cæpio Romanus consul abstulit.
fuerē auri pondo. CX. milia. argenti pondo quinquies
decies. C. milia. quod sacrilegium causa exidij Cæpio-
ni exercitūq; eius postea fuit. Romanos quoq; Cimbri
ci belli tumultus uelut ultor sacræ pecuniæ insecutus ē,
ex gente Tectosagorum non mediocris populus prædæ
dulcedine Illyricum repetuit, spoliatisq; Istris in Pan-
nonia consedit. Istrorum gentem fama est originem à
Colchis ducere, missis ab Aeta rege ad argonautas ra-
ptoremq; filia persequendos. qui ut à Ponto intraue-
runt Istrum, alueo Savi summis penitus inuecti uestigia
argonautarū insequentes, naues suas humeris, per iuga
montium, usq; ad litus Adriaticæ maris transtulerunt.
Cognito, qd̄ argonautæ idem propter longitudinē na-
uis priores fecissent, quos ut auctos Colchi non repe-
riunt, siue metu regis, siue tædio lōgæ navigationis, iuxta
Aquileiam consedere, Istriq; ex uocabulo amnis, quo
mari concesserant, appellati. Daci quoq; soboles Getarū
sunt. qui cū Orode rege aduersus Bastarnas male pu-

gnassent, ob ultionem segnitiae capturi somnium capita
loco pedum ponere iussu regis cogebantur, ministeriaq;
uxoribus, quae ipsis antea fieri solebant, facere. neque
haec ante mutata sunt, q̄ ignominia bello acceptam uir
tute delerent. Igitur Perses cum imperio Philippi pa-
tris successisset, omnes has gentes aduersus Romanos
in societatem belli sollicitabat. Interim inter Prusiam
regem, ad quem Annibal post pacem Antiocho à Ro-
manis datam profugerat, et Eumenē bellū ortum est,
qđ Prusias Annibalis fiducia rupto fœdere prior in-
tulit. nāq; Annibal cū ab Antiocho Romani inter cæ-
teras cōditiones pacis deditonem eius deposcerent ad-
monitus à rege in fugam uersus Cretā defertur. ubi
cū diu getam uitam egisset, inuidiosūq; se propter ni-
mias opes uideret, amphoras plumbo repletas in tē-
plo Dianae, quasi fortunae suae praesidia, deposuit. atque
ita nihil de illo sollicita ciuitate, quoniam uelut pignus
opes eius tenebat, ad Prusiā cōtēdit, auro suo in statuis,
quas secū portabat, infuso, ne cōspectae opes uitae suae
nocerēt. Deinde cum Prusias terrestri bello ab Eume-
ne uictus esset, praeliumq; in mare transtulisset, Anni-
bal nouo cōmento author uictoriae fuit. nam omne ser-
pētum genus in fictiles lagenas coniici iussit, mediōq;
praelio in naues hostium mitti. Id primum Ponticis ri-
diculū uisum, fictilibus dimicare, qui ferro nequeant.
Sed ubi serpētibus repleti naues cōpere, anapiti picae
lo circumuēn, hosti uictoriā cessere. quae ubi Romae nū-
ciata sunt, missi à senatu sunt legati, q̄ utrumq; regem
in pacē cogere, Annibalēq; deposcerēt. Sed Annibal
re cognita sumpto ueneno legationem morte praeuenit.

IVSTI.

Insignis hic annus trium toto orbe maximorum imperatorum fuit mortibus, Annibalis, Philopœmenis, & Scipionis africani. ex quibus constat Annibalem nec cum Italia Romano tonante bello contremuit, nec cum reuersus Carthaginem summum imperium tenuit, aut cubantem cœnasse, aut plus sextario uini indulgisse. pudicitiamque eum tantam inter tot captiuas habuisse, ut in Africa natum quiuis negaret. moderatio- nis certe eius fuit, ut cum diuersarum gentium exercitus rexerit, neque insidijs suorum militum sit petitus unquam, neque fraude proditus, cum utrunque hostes sæpe tentassent.

LIBER TRIGESIMVSTERTIVS!

In ore quidem rerū motu Romani macedonicum quā punicum bellum gesserunt, sed tanto clarius, quanto nobilitate Macedones Pœnos antecesserunt. nam, cum gloria orientis domiti, tum auxilijs omnium regum innabantur. Itaq; romani & legiones plures numero conscripserunt, & auxilia a Masinissa rege Numidarum, cæterisq; socijs omnibus acciuerunt. Et Eumeni Regi Bithyniæ denunciatum, ut bellum summis uiribus iuuaret. Perseo præter macedonicum exercitū inuictæ opinionis decennis belli sumptus a patre paratus in thesauris, & in horreis erat. quibus rebus inflatus & oblitus fortunæ paternæ ueterē Alexandri gloriam considerare suos iubebat. Prima congressio equitum fuit, qua uictor Perseus suspensam

omnium expectationem in fauorem sui traxit, misit tamē legatos ad consulem, qui pacem peterent, quam patri suo Romani etiam uicto dedissent, impensis belli lege uicti suscepturus. sed consul Sulpitius non minus graues, quā uicto leges dixit. Dum hæc aguntur metu tam periculosi belli Romani Aemylum Paulum cōsulem creant, eiq; extra ordinem macedonicum bellum decernunt. qui cum ad exercitum uenisset, non magnam moram pugnae fecit. Pridie quā conferretur praelium Luna nocte defecit. triste id ostentum Persæ omnibus præsagentibus, finemq; macedonia regni portendi uaticinantibus. In ea pugna M. Cato Catonis oratoris filius, dum inter confertissimos hostes insigniter dimicat, equo delapsus pedestre praelium aggreditur. nam cadentem manipulus hostium cum horrido clamore uelut iacentem obruncaturus circumsteterat. At ille citius corpore collecto magnas strages edidit. Cum ad unum opprimendum undecunq; hostes conuolarent, dum procerum quendam petit, gladius ei manu elapsus in mediam cohortem hostium decidit. ad quem recuperandum umbone se protegens inspectante utroq; exercitu inter mucrones se hostium immergit, recollectoque gladio multis uulneribus exceptis, ad suos cum clamore omnium reuertitur. Huius audaciam ceteri imitati uictoriā peperere. Perses rex fugit cum decem milibus talentis Samothraciam deferretur. quem Cneus Octavius ad persequendum missus a consule cum duobus filiis Alexandro et Philippo cepit, captumq; ad consulem duxit. Macedonia a Carano, qui primus in ea regnavit, usque ad Persen reges triginta habuit.

quorum sub regno fuit quidem annis noningentis & uigintitribus, sed rerum non nisi centum nouaginta duobus annis potita, ita cum in ditionem Romanorum cecisset, magistratibus per singulas ciuitates constitutis libera facta est, legesq; quibus adhuc utitur à Paulo accepit, Aetolorum uniuersarū urbium senatus cum coniugibus & liberis, qui dubia fide fuerant, Romā missus, ibiq; ne in patria aliquid nouaret, diu detentus, aegrēq; post multos annos legationibus ciuitatum senatu fatigato in patriam quisq; suam remissus est.

LIBER TRIGESIMVSQVARTVS.

Oenis ac Macedonibus subactis, Aetolorumq; uiribus principum captiuitate debilitatis, soli adhuc ex Græcia uniuersa Achæi nimis potentes tunc temporis Romanis uidebantur, non propter singularum ciuitatum nimias opes, sed propter conspirationem uniuersarum. nāq; Achæi licet per ciuitates uelut per membra diuisi sint, unum tamen corpus & unum imperium habent, singularumq; urbium pericula mutuis uiribus propulsant. Querentibus igitur Romanis causas belli, tempestiue fortuna querelas Spartanorum obtulit, quorum agros Achæi propter mutuum odium populabantur. Spartanis à senatu responsum est, legatos se ad inspiciendas res sociorum, & ad iniuriam demendam, in Græciam missuros, sed legatis occulte mandata data sunt, ut corpus Achæorum dissoluerent, singulasq; urbes proprii iuris facerent, quo faci-

lius ad obsequia cogrentur, & si quæ urbes contumaces essent, frangerentur. Igitur legati omnium ciuitatum principibus Corinthum euocatis decretum senatus recitant, quod cōsiliū habeant aperiunt. expedire omnibus dicunt, ut singulæ ciuitates leges suas & iura sua habeant. Quod ut omnibus innotuit, uelut in furorē uersi uniuersum peregrinum populum trucidant. legatos quoque ipsos Romanorum uiolassent, nisi audito tumultu trepidi fuissent. Hæc ubi Romæ nunciata sunt, statim senatus Mumio cōsuli bellum Achaicum decernit. qui extemplo exeratus deportato, & omnibus strenue prouisis, pugnandi copiam hostibus fecit. sed Achæi uelut nihil negotij Romano bello suscepissent, ita apud eos neglecta omnia, & soluta fuere. Itaque prædam non prælium cogitantes, uehicula ad spolia hostium reportanda duxerunt, & coniuges liberosq; suos ad spectanda certamina in montibus posuerunt. Sed prælio commissso ante oculos suorum cæsi, lugubre his spectaculum sui, & grauem luctus memoriam reliquerunt. coniuges quoq; & liberi eorum de spectatoribus captiui facti, præda hostium fuere. urbs ipsa Corinthus diruitur, populus omnis sub corona uenditur, ut hoc exemplo ceteris ciuitatibus metus nouarum rerum imponeretur. Dum hæc aguntur rex Syriæ Antiochus Ptolemæo maiori sororis eius filio regi Aegypti bellum inferre, segni admodum, et cotidiana luxuria ita marcido, ut non solum regiæ maiestatis officia intermitteret, uerum etiam sensu hominis nimia sagina careret. Pulsus igitur regno ad fratrem minorem Ptolemæum Alexandriam cōfugit, p̄cipatōq; cū eo regno Romā legatos ad senatū

I V S T I .

tum mittunt, auxilia petunt, fidem societatis implorat
 mouere senatum preces fratrum. mittitur igitur lega-
 tus P. Popilius ad Antiochum, qui abstinere eum Aegy-
 pto, aut, si iam incessisset, excedere iuberet. Cum in Ae-
 gypto eum inuenisset, osculumq; ei rex obtulisset (nam
 coluerat inter ceteros P. Popilius Antiochus, cum Ro-
 mæ obses esset) tunc Popilius facessere interim priua-
 tam amicitiam iubet, cum mandata patriæ intercedât,
 prolatoq; senatus decreto & tradito, cū cunctari regē
 uideret, consultationemq; ad amicos referre, ibi Popi-
 lius, uirga, quam in manu gerebat, amplo circulo in-
 clusum, amicos capere, & consulere iubet, nec prius in-
 de exire, q̄ responsum senatui daret, aut pacem, aut bel-
 lum cū Romanis habiturū. adeoq; hæc asperitas ani-
 mum regis fregit, ut pariturū se senatui responderet.
 Reuersus in regnū Antiochus decedit, relicto paruulo
 admodū filio. cui cum tutores dati à populo essent pa-
 truius eius Demetrius, q̄ obses Romæ erat, cognita mor-
 te Antiochi fratris senatum adiūt, obsidemq; se uiuo
 fratre uenisse, quo mortuo, cuius obses sit se ignorare,
 Dimitti igitur se ad regnum petendum equum esse, qđ
 sicuti iure gentium maiori fratri cesserit, ita nunc sibi,
 qui pupillū ætate antecedit, deberi. Cū se non dimitti
 animaduerneret à senatu tacito iudicio tutius apud pu-
 pillum, q̄ apud eum regnum futurū arbitrante, specie
 uenandi ab urbe profectus, Hostiæ tacitus cum fugæ co-
 mitibus nauem conscendit. Delatus in Syriam secundo
 fauore omnium excipitur, regnumq; ei occiso pupillo à
 tutoribus traditur. Eodem tempore ferme Prusias rex
 Bithyniæ consilium cepit interficiendi Nicomedis filij,
 dum

dū consulere studet minoribus filijs, quos ex nouer-
ca eius suscepit, & Romæ habebat. sed res adole-
scenti ab his, qui facinus susceperant, proditur, horta-
tiq; sunt, ut crudelitæ patris prouocatus occupet insi-
dias, & in authorem retorqueat scelus. nec difficilis
persuasio fuit. Igitur cum acitus in patris regnum ue-
nisset, statim rex appellatur. Prusias regno spolia-
tus à filio, priuatusq; redditus, etiam à seruis deserui-
tur. cum in latebris ageret, non minori scelere, quàm
filium occidi iusserat, à filio interficitur.

LIBER XXXV.

Emetrius, occupato Syriæ regno, no-
uitati suæ oclū periculosum ratus am-
pliare fines regni statuit, & opes au-
gere finitimorum bellis. Itaq; Ariara-
thi regi Cappadociæ propter fœditas
sororis nuptias infestus fratrem eius Orophernē p in-
iuriam regno pulsum supplicem recepit. datumq; sibi
honestum belli titulum gratulatus, cum restituere in re-
gnum stauit. Sed Orophernes ingrato animo, inita cum
Antiochiensibus pactione, offensis tunc à Demetrio, pel-
lere ipsum regno, à quo restituebatur, consilium cepit.
Quo cognito, Demetrius quidem uitæ eius, ne Aria-
rathes metu fraterni belli liberaretur, pepercit. Ipsum
autem comprehensum, uinctumq; Seleuciæ custodiri
iubet. Nec Antiochienses indicio territi à defectione de-
sisterunt. Itaq; adiuantibus & Ptolemæo rege Aegy-
pti, & Attalo rege Asiæ, & Ariarathe rege Cappa-

doctæ bello à Demetrio laceſſiti ſubornant Prompalū
 quēdā ſortis extremæ iuuenem, q̄ ſyriæ uelut pater-
 nū regnum armis repeteret, & ne qd contumeliæ de-
 eſſet, nomen ei Alexandri inditur, genitusq; ab Antio-
 cho rege dicitur. tantū odiū Demetrii apud omnes erat,
 ut æmulo eius non uires regiæ tantū, uerū et generis
 nobilitas cōſenſu oīum tribueretur. Igitur Alexāder
 admirabili uarietate rerū, priſtinarū ſordiū oblitus to-
 tius ferme oriētis uiribus ſuāctus, bellū Demetrio in-
 fert, uictumq; uita pariter ac regno ſpoliat, q̄q̄ Deme-
 trio nec animus in propulſando bello deſuit. nā et priō
 prælio hoſtem fugauit, & regibus bellū reſtituentibus
 multa milia cecidit in acie. Ad poſtremum tamen inui-
 cto aio inter confertiſſimos hoſtes fortiſſime dimicans
 cecidit. Inito belli Demetrius duos filios apud hoſpitē
 ſuū Cnidiū cū magno auri pondere demandauerat, ut
 & à belli piculis eximerentur. & (ſi ita ſors tuliffet)
 ultioni paternæ ſeruarentur. Ex his maior Demetrius
 annos pubertatis egreſſus, audita Alexandri luxuria,
 quē inſperatæ opes, & alienæ felicitatis ornamenta, ue-
 lut captiuū inter ſcortorū greges deſidem in regia tene-
 bant, auxiliantibus Cretenſibus, ſecurū ac nihil hoſtile
 metuētē aggreditur. Antiochiēſes quoq; ueterē patris
 offeſſā nouis meritis correcturi ſe ei tradūt. ſed et mi-
 lites paterni fauore iuuenis accenſi prioris ſacramenti
 religionem noui regis ſuperbiæ præferentes, ſigna ad
 ad Demetriū transferunt, atq; ita Alexander nō mi-
 nori impetu fortunæ deſertus q̄ elatus, primo prælio
 uictus interficitur, deditq; pœnas & Demetrio, quem
 occiderat, & Antiocho, cuius mentitus originem fuerat.

LIBER

LIBER XXXVI.

Eupato paterno regno Demetrius, et
 ipse rerum successu corruptus uitij
 adolescentiæ in segnitie labitur, tan-
 tumq; contemptum apud omnes iner-
 tiæ, quantum odium ex superbia pa-
 ter habuerat, contraxit. Itaque cum ab imperio eius
 passim ciuitates deficerent, ad abolendam segnitie ma-
 culam bellum Parthis inferre statuit. cuius aduentum
 nō inuiti orientis populi uidere, & propter Arsacide
 regis Parthorū crudelitatem, & qđ ueteri Macedonum
 i pio assueti, noui populi superbiā idigne ferebāt. Itaq;
 cū & Persarū, et Elymaeorum, Bactrianorumq; au-
 xilijs iuuaretur, multis prælijs Parthos fudit. ad po-
 stemū tamē pacis simulatione deceptus capitur. tradu-
 ctusq; p ora ciuitatum populis, qui descuerant, in lu-
 dibriū fauoris ostenditur. missus deinde in Hyrcaniā be-
 nigne & iuxta cultum pristinae fortunæ habetur. Dum
 hæc agūtur, iterim in Syria Trypho, q se tutorē Antio-
 cho Demetrii priuigno substitui a populo laborauerat,
 occiso pupillo regnū Syriae inadit. quo diu potitus tadē
 exolescēte fauore recentis imperij, ab Antiocho puero
 admodum, Demetrii fratre, qui in Asia educabatur,
 bello uincitur, rursusq; regnum Syriae ad sobolem De-
 metrii reuertitur. Igitur Antiochus memor quod etiā
 pater propter supbiā inuisus, & frater pp segnitie
 cōtemptus fuisset, ne in eadē uitia incideret, accepta in
 matrimonium Cleopatra uxore fratris, ciuitates, quæ
 uitio fraterni imperij defecerant, summa industria

q ii

I V S T I:

persequitur, domitasq; rursus regni terminis adiicit. Iu-
daeos quoq; qui macedonico imperio sub Demetrio pa-
tre armis se in libertatem vindicauerant, subigit. quo-
rum vires tantæ fuere, ut post hunc nullum Macedonũ
regem tulerint, domesticisq; imperijs usi Syriam ma-
gnis bellis infestauerint. Fuit nanque Iudæis origo
damascena, quæ Syriæ nobilissima ciuitas est, unde
et Assyrijs regibus genus, et reginæ Semiramidi
fuit, nomen urbi à Damasco rege inditum, in cuius ho-
norem Syri sepulchrum Arathis uxoris eius pro tem-
plo coluere, deamq; exinde sanctissimæ religionis ha-
bent. Post Damascum Aælius, mox Adores, Habraam,
Israhel reges fuere. Sed Israhellem felix decem filiorũ
proventus maioribus suis clariore fecit. Itaq; populũ in
decem regna diuisum filijs tradidit, omnesq; ex nomi-
ne Iudæ, qui post diuisionem decesserat, Iudæos appel-
lauit, coliq; eius memoriam ab oibus iussit, cuius por-
tio omnibus accesserat. Minimus inter fratres ætate Io-
seph fuit. cuius excellens ingenium ueriti fratres clam
interceptum peregrinis mercatoribus uendiderunt. à
quibus deportatus in Aegyptum cum magis ibi artes
sollerti ingenio præpisset, breui ipsi regi pærus fuit. nã
et prodigiorũ sagacissimus erat, et somniorũ primus
intelligentiam cõdedit, nihilq; diuini iuris humaniq; ei
incognitum uidebatur. adeo ut et sterilitatẽ agrorum
ante multos annos prouiderit, püssetq; omnis Aegyptus
fame, nisi monitu eius rex edicto seruari p multos an-
nos fruges iussisset. tãtaq; experimenta eius fuerunt, ut
non ab hoie, sed à deo responsa dari uideretur. Filius
eius Moyses fuit, quẽ, præter paternæ scientiæ hæredi-
tatem,

tatem, formæ etiam pulchritudo commēdabat. Sed cū
scabiē Aegyptij et porriginem paterentur, responso mo-
niti cum agris, ne pestis ad plures serperet, termi-
nis Aegypti pellunt. Dux igitur exulum factus sacra
Aegyptiorū furto abstulit, quæ repetentes armis Aegy-
ptij domum redire tempestatibus compulsi sunt. Itaque
Moyses damascena patria antiqua repetita montem
Synæ occupat, quo septem dierum ieiunio per desertæ
Arabie cum populo suo fatigatus, cum tandem uenisset,
septimum dierum more gentis sabbatum appella-
tum in omne æuum ieiunio sacrauit, quoniam ille dies
famem illis erroremq; finierat. Et quoniam metu con-
tagionis pulsos se ab Aegypto munnerant, ne eadem
causa inuasi apud incolas forent. cauerunt, ne cum pe-
regrinis communicarent, quod ex causa factum paula-
tim in disciplinam religionemq; conuertit. Post Moy-
sem etiam eius filius Aruas sacerdos sacris ægyptijs
mox rex creatur, semperque exinde hic mos apud
Iudæos fuit, ut eosdem & reges & sacerdotes ha-
berent. quorum iustitia religione permixta, incre-
dibile quantum coaluere. Opes genti ex uestigialibus
opobalsamæ creuere, quod in his tantum regionibus ge-
gnitur. Est namq; uallis, quæ continuis montibus uelut
muro quodā cincta ad instar castrorum clauditur. spa-
ciū loci ducenta milia iugera, nomine Hyericho dicitur.
In ea ualle sylua est & ubertate & amœnitate arbo-
rū insignis. Siquidem palmeto et opobalsameto distin-
guitur. Arbores opobalsami formam similem piceis ar-
boribus habent, nisi qđ sunt humiles magis, & in ui-
nearū morem excoluntur. hæ certo tempore anni bal-

samum sudant. Sed nō minor loci eius opacitatis, quā
 ubertatis admiratio est. quippe cum toto orbe regionis
 eius ardentissimus sol sit, ibi tepidi aëris naturalis
 quædam, ac perpetua opacitas inest. In ea regione la-
 cus est Asphaltites, qui propter magnitudinem et aque
 immobilitatem mortuum mare dicitur. nam neque uen-
 tis mouetur resistente turbinibus bitumine, quo aqua o-
 mnis stagnatur. neque navigationis patiens est, quoniam
 omnia uita carentia in profundum merguntur, nec ma-
 teriam ullam sustinet, nisi quæ alumine illutatur. Pri-
 mus Xerxes rex Persarum Indæos domuit. Postea cum
 ipsis Persis in ditionem Alexandri magni uenere, diuq;
 in potestate macedonia imperij subiecti Syriæ regno
 fuere. A Demetrio cum descuissent, amicitia Romano-
 rum petita primi omnium ex orientalibus libertatem
 receperunt, facile tunc Romanis de alieno largietibus.
 Per eadē tempora, quibus in Syria regni mutatio in-
 ter novos reges alternabatur, in Asia rex Attalus flo-
 rentissimum ab Eumene patre acceptum regnum cædi-
 bus amicorum & cognatorum supplicijs fœdabat,
 nunc matrem animum, nunc Beronicam sponsam malefi-
 cijs eorum neccitas confingens. Post hanc scelestam ui-
 olentiæ rabiem squallidam uestem sumit, barbam ca-
 pillumq; in modum reorum summittit, non in publi-
 cum prodire, non populo se ostendere, non domi lætio-
 ra conuiuia inire, aut aliquod signum sani hominis ha-
 bere, prorsus ut pœnas pendere manibus interfectoru
 uideretur. Omissa deinde regni administratione hor-
 tos fodiebat, gramina seminabat, & noxia innoxijs
 permiscebat, eaque omnia ueneni succo infecta, uelut
 peculiare

peculiare munus, amicus mittebat. ab hoc studio ærariæ artis fabricæ se tradit, cæteris'que fingendis & ære fundendo, prociudendoque oblectatur. Matri deinde sepulchrum facere instituit, cui operi intentus morbum ex solis ardore contraxit, & septima die decessit. Huius testamento hæres populus Romanus tunc instituitur. Sed erat ex Eumene Aristonicus non iusto matrimonio, sed ex pellice ephesia citharistæ cuiusdam filia genitus, qui post mortem Attali uelut paternum regnum inuasit Asiam. Cum multa secunda prælia aduersus ciuitates, quæ metu Romanorum se tradere ei nolebant, fecisset, iustus'que rex iam uideretur, Asia Lianio Crasso consuli decernitur. qui intentior Attallicæ prædæ quàm bello, cum extremo anni tempore inordinata acie prælium conseruisset, uictus pœnas inconsultæ auaritiæ sanguine dedit. In huius locum missus Perpenna consul prima congressione Aristonicum superatum in potestatem suam redegit. Attalicæ'que Gazas hæreditarias populi Romani nauibus impositas Romam deportauit. Quod ægre ferens successor eius Marcus Aquilius consul ad eripiendum Aristonicum Perpennæ, ueluti sui potius triumphî munus esse deberet, festinata uelocitate contendit. sed contentionem consulum mors Perpennæ diremit. Sic Asia facta Romanorum cum opibus suis uicta quoque Romanam transiuit.

q. iiii

IVSTI.
LIBER TRIGESIMVSSEPTIMVS.

Apto Aristonico Massilienses pro Phoen-
censibus conditoribus suis, quorum ur-
bem senatus & omne nomen (quod et
tunc, et ante, Antiochi bello, infesta con-
tra populū romanum arma tulerant)
deberi iusserat, legatos Romam misere deprecatum, ue-
niamq; ijs a senatu obtinere. Post hæc regibus, qui
aduersus Aristonicum auxilia tulerant, præmia per-
soluta. Mithridati pontico Phrygia maior. filijs Ariara-
this regis Cappadociæ, qui eodem bello ceciderat, Ly-
conia et Cilicia datæ, fideliorq; populus Romanus i
socij filios, q̄ mater i liberos fuit. q̄ppe hic parvulis au-
ctum regnum, inde uita adēpta. Nāq; Laodice ex nu-
mero sex filiorū, quos uirilis sexus ex Ariarathe re-
ge suscepserat, timens ne non diutina regni administra-
tione adultis quibusdam potiretur, quinque parricidia
li ueneno necauit, unum parvulū sceleri matris cognato-
rum custodia eripuit. q̄ post necem Laodices (nā pro-
pter crudelitatem eā populus extinxerat) solus regno
potitus est. Mithridates quoq; repentina morte interce-
ptus filium, q̄ & ipse Mithridates dictus est, reliquit.
cuius ea postea magnitudo fuit, ut non sui tantum tem-
poris, uerum etiam superioris ætatis omnes reges maie-
state superauerit, bellāq; cum Romanis p. XLVI. an-
nos uaria uictoria gesserit. quem summi imperatores
Sylla, Lucullus cæteriq; in summa Cneus Pompeius ita
uicerint, ut maior clariorq; resurgeret in restaurando
bello, damnisq; suis terribilior redderetur. Deniq; ad
postremum

postremum non vi hostili, sed uoluntaria morte, in aui-
to regno senex herede filio decessit. Huius futurā ma-
gnitudinem etiam caelestia ostenta praedixerant. nam,
et quo genitus est anno, et eo, quo regnare primum
coepit, stella cometes per utrumque tempus septem die-
bus ita luxit, ut caelum omne conflagrare uideretur.
nam et magnitudine sui quartam partem caeli occupa-
uerat, et fulgore sui solis nitorem uicerat, et cum ori-
retur occumberetq; quatuor spacium horarum consu-
mebat. Puer tutorū insidias passus est, qui eum fero equo
impositum equitare iaculariq; cogebant. qui conatus cū
eos sefellisset, supra aetatem regente equū Mihrirate,
ueneno eum appetuere. quod metuens antidota saepius
bibit, et ita se aduersus insidias exquisitoribus reme-
dijs stagnauit, ut ne uolens quidem senex ueneno mori
potuerit. Timens deinde ne inimici, quod ueneno nō po-
tuerant, ferro peragerent, uenandi studium finxit. quo
per septē annos neq; urbis, neq; ruris tecto usus est, sed
per syluas uagatus diuersis montium regionibus perno-
ctabat, ignaris omnibus, quibus esset locis, assuetus fe-
ras cursu aut fugere aut persequi, cum quibusdam etiam
uiribus congregi. quibus rebus et insidias uitauit, et cor-
pus ad omnem uirtutis patientiam durauit. Ad regnū
deinde administrationem cum accessisset, statim non de
regendo, sed de augendo regno cogitauit. Itaq; Scythas
inuiectos antea, qui Zopyrionā Alexandri magni ducem
cum triginta milibus armatorum deleuerant, qui Cy-
rum Persarum regem cum ducentis milibus armato-
rum trucidauerant, qui Philippum Macedonum regē
fugauerant, ingenti felicitate perdomuit. Auctus igitur

uiribus Pontum quoq; ac deinceps Cappadociam occupauit. Cum de Asia tractaret, tacitus cum quibusdam amicis à regno profectus, uniuersam nemine sentiente peruagatus est, omniumq; urbium situs ac regiones cognouit. Inde Bithyniam transcendit, et quasi iam dominus Asiae opportuna quæq; uictoriæ metitus ē. Post hæc in regnum, cum iam perisse crederetur, reuersus est, inuenit paruulo filio, quem per absentiam eius Laodice soror uxorq; enixa fuerat. sed inter gratulationem post longam peregrinationem aduentus sui, et filij geniti, ueneno periclitatus est. siquidem Laodice, cū perisse eum crederet, in concubitus amicorum proiecta, quasi admissum facinus maiore scelere tegere posset, uenenum aduenienti parauit. quod cum ex ancilla Mithridates cognouisset facinus in authores uindicauit. Hyeme deinde imminente non in conuiuio, sed in campo, non in uacationibus, sed in exercitationibus, nec inter sodales, sed inter æquales, aut equo, aut cursu, aut uiribus contendebat. exercitum quoque suum ad parem laboris patientiam cotidiana exercitatione durabat. atq; ita inuictus ipse inexpugnabilem exercitum fecerat. Inita deinde cum Nicomede societate Paphlagoniam inuadit, uictamq; cum socio diuidit. quam cum teneri à re gibus senatui nūciatum esset, legatos ad utrunque misit, qui gentem restitui in pristinum statum iuberent. Mithridates cum se parem iam magnitudini Ro. crederet, superbo responso hæreditarium patri suo regnum obuensse respondit, mirariq; se, quod quæ ei controuersia relata non fuerit, sibi referatur. nec territus munis Galatiam quoq; occupat. Nicomedes quoniam

se tuleri iure non poterat, iusto regi redditurum respon-
dit. atque ita filium suum mutato nomine Philame-
nem Paphlagonum regum nomine appellat, & quasi
stirpi regiae reddidisset, regnum falso nomine tenet. Sic
ludibrio habiti legati Romam reuertuntur.

LIBER TRIGESIMVS OCTAVVS.

Ithridates parricidia à nece uxoris au-
spiciatus, sororis alterius Laodices filios,
cuius uirum Ariarathem regem Cappa-
dociae p Gordium insidijs occiderat, tollē-
dos statuit, nihil actū morte patris existi-
mans, si adolescentes paternum regnum, cuius ille cupi-
ditate si agrabat, occupassent. Igitur dū in his cogitatio-
nibus uersatur, interim Nicomedes rex Bythiniae uacu-
am morte regis Cappadociae inuadit. Quod cum nūcia-
tum Mithridati fuisset, p simulationē pietatis auxilia
sorori, ad pellendū Cappadocia Nicomedem, mittit. sed
iam Laodice p pactiōē se Nicomedi in matrimonium
tradiderat. quod ægre ferēs Mithridates, præsidia Ni-
comedis Cappadocia expellit, regnumq; sororis filio
restituit. egregium prorsus factum, nisi subsecuta fraus
esset. siqdem interiectis diebus simulat se Gordium, quo
ministro usus in Ariarathe interficiendo fuerat, resti-
tuere in patriam uelle, sperans si obsisteret adolescēs,
causas belli futuras, aut si permitteret, p eundem filiū
tolli posse, per quem interfecerat patrem. Quod ubi
Ariarathes iunior moliri cognouit, indigne ferens in-
terfectorem patris p aunculum potissimum ab exilio

reuocari, ingentem exercitum contrahit. Igitur, cum in
 aciem eduxisset Mithridates peditum octoginta milia,
 equitum. X. milia, currus falcatos. DC. nec Ariarathi
 auxiliantibus finitimis regibus, minores copiae essent,
 incertum belli timens consilia ad insidias transfert, sol-
 licitatoq; iuvene ad colloquium, cum ferrum occulta-
 tum inter fascias gereret, scrutatori ab Ariarathe re-
 gio more misso curiosius inum uentrem pertrectanti
 ait, cauere ne aliud telum inueniret, quam quæreretur,
 atque ita risu protectis insidijs, seuocatum ab amicis ue-
 lut in secretum sermonem, spectante utroque exercitu
 interficit, regnum Cappadociae. VIII. annorum filio
 imposito Ariarathis nomine, additoq; ei rectore Gor-
 dio, tradit. Sed Cappadoces crudelitate ac libidine præ-
 fectorum uexati à Mithridate deficiunt, fratremq; re-
 gis, & ipsum Ariarathem nomine, ab Asia, ubi educa-
 batur, reuocant, cum quo Mithridates prælium reno-
 uat, uictumq; Cappadociae regno expellit. nec multo
 post ex ægritudine adolescens collecta infirmitate dece-
 dit. Post huius mortem Nicomedes timens ne Mithrida-
 tes accessione Cappadociae etiam Bithyniam finitimam
 inuaderet, subornat puerum eximiae pulchritudinis,
 quasi Ariarathes tres non duos filios genuisset, qui à se-
 natu Romano paternum regnum peteret. uxore quoq;
 Laodicem Romam mittit ad testimonium triū ex Aria-
 rathe susceptorum filiorum. Quod ubi Mithridates co-
 gnouit, & ipse pari impudentia Gordium Romam mit-
 tit, qui senatui assereret puerum, cui Cappadociae re-
 gnum tradiderat ex eo Ariarathe genitum, qui belli
 Aristonici auxilia Romanis ferens cecidisset. Sed senatus

studia regum intelligens aliena regna falsis nominibus
furantium dare noluit, & Mithridati Cappadociam,
& Nicomedi ad solatium eius Paphlagoniam ademuit.
Ac ne contumelia regum foret ademptum illis, quod
alijs daretur, uterq; populus libertate donatus est. Sed
Cappadoces minus libertatis abnuentes negant uiuere
gentem sine rege posse. itaq; rex illis à senatu Ariobar
Zanes constituitur. Erat eo tempore Tigranes rex Ar
meniae obses à Parthis ante multum tempus datus, nec
olim ab iisdem in regnum paternum remissus. hunc
Mithridates mire ad societate Romani belli, quod olim
meditabatur, pellicere cupiebat. Nihil igitur de offensa
Romanorum sentientem per Gordiū impellit, ut Ario
bar Zani segni admodum bellum inferat, & ne q; do
lus subesse uideretur, filiam Cleopatram ei in matri
monium tradit. Primo ergo aduentu Tigranis Ario
bar Zanes sublatis rebus suis Romam contendit, atque
ita p Tigranem rursus Cappadocia iuris esse Mithri
datis coepit. Eodem tempore mortuo Nicomede filius
eius & ipse Nicomedes regno à Mithridate pellitur.
qui cum supplex Romam uenisset, decernitur in sena
tu, ut uterque in regnum suum restituatur, in quod ta
men missi Aquilius Manlius & Manius Atilius lega
ti. His cognitis Mithridates societatem cum Tigra ne, bel
lum aduersus Romanos gesturus, iungit, pactiq; inter
se sunt, ut urbes agriq; Mithridati, homines uero &
quæcunque auferri possent Tigra ni cederent. Post hæc
Mithridates intellecto, quantum bellum suscitaret, lega
tos ad Cimbrōs. alios ad Gallogræcos, & Sarmatas,
Bastarnasq; auxilium petiit. nam omnes has

gentes, cum Romanum meditareetur bellum, varijs beneficiorum muneribus iam ante illexerat. à Scythia quoq; exercitum venire iubet, omnemq; orientē aduersus Romanos armat. Nō igitur magno labore Aquiliū & Maniū Attiliū asiano exercitu instructos uiat. quibus simul cū Nicomede pulsus ingenti fauore ciuitatum excipitur. Multum ibi auri argentiq; studio ueterum regum, magnūq; belli apparatus inuenit. quibus instructus debita ciuitatibus publica & priuata remittit, et uacationem quinquennio concedit. Tunc ad concionem milites uocat, eosq; varijs exhortationibus ad Romana bella siue Asiana incitat. quam orationem dignam dixi in exemplum breuitati huius operis inferere, quā obliquā Pompeius Trogus exposuit, quoniā in Liniō et Sallustio reprehēdit, qđ cōciones directas ac orationes operi suo inferendo historiæ modum excesserint. Optā dū sibi fuisse ait, ut de eo liceret consulere, bellum ne sit cum Romanis, an pax habenda. quando uero sit insistendum impugnantibus, nec eos quidem dubitare, quin spe uictoriæ careant. quippe aduersus latrones, si nequeant pro salute, pro ultione tamen sua omnes ferum stringere. Cæterum quia non id agitur, an liceat quiescere, non tantum animo hostiliter, sed etiam prælio congressis, consulere, qua ratione ac spe coepta bella sustineant. esse tamen sibi uictoriæ fiduciam, si sit illis animus, Romanosq; uinci posse cognitum non sibi magis, q̄ ipsis militibus, qui in Bythinia Aquiliū & Maniū Attiliū in Cappadocia fuderint. at si quē aliena magis exempla, q̄ sua experimenta moueant, audire se à pyrrho rege Epiri non amplius, q̄ quinq;

milibus Macedonum instructo fufos tribus praelijs Romanos audire Annibalem. XVI. annos Italia uictorem immoratum, & quin ipsam caperet urbem, non Romanorum illi uires obstasse, sed domesticae annulationis atq; inuidiae studium. audire populos transalpinae Galliae Italiam ingressos maximis eam plurimisq; urbibus possidere, & latus aliquanto solum finium, q̄ in Asia, quae dicatur imbellis, eosdem Gallos occupasse, nec uictam solum dici Romam à Gallis, sed etiam captam, ita ut unius illi montis tantum cacumen relinqueretur, nec bello hostem, sed precio remotum. Gallorum autem nomen, quod semper Romanos terruit, in partem uirium suarum ipse habeat. nam hos, q̄ Asia incolunt, Gallos ab illis, qui Italiam occupauerant, sedibus tantum distare, originem q̄dem, ac uirtutem, genusq; pugnae idem habere, tantoq; his sagaciora esse ingenia, q̄ illis, quanto longiori ac difficiliore spacio per Illyricum Thraciamq; prodierunt, penè o piosius transitis illorū finibus, q̄ ubi consedere, possessis. Iam ipsam Italiam audire se nunq̄, ut Roma condita sit, satis illi pacatā, sed assidue pomnes annos pro libertate contra alios, contra quosdā etiam pro iure imperij bellis cōtinuis perseuerasse. & à multis ciuitatibus Italiae deletos Romanorū exercitus ferri, à quibusdam nouo cōtumeliae more sub iugū missos. ac ne ueteribus immoretur exemplis, hoc ipso tempore uniuersam Italiā bello marsico consurrexisse, non iam libertatem, sed consortium imperij ciuitatisq; poscentē, nec grauius uicinae Italiae bello, q̄ domesticis principū factionibus urbem premit, multoq; periculosius accessisse italico ciuile bellum.

simul & à Germania Cimbros immensa milia ferorū
 atq; immitum populorum more procellæ inundasse
 Italiam. quorū tam & si singula bella sustinere Ro-
 mani possent, uniuersis tamen obruantur, ut ne uacatu-
 ros quidem bello suo putent. Utendū igitur occasione et
 rapienda incrementa uirium, ne si illis occupatis quie-
 uerint, mox aduersus uacuos & quietos maius negotiū
 habeant. non enim queri an capienda sint arma, sed
 utrum sua potius occasione an illorū. nam bellum eg-
 dem iam tunc secum ab illis geri cœptum, cum sibi pu-
 pillo maiorem Phrygam ademerint, quam patri suo
 præmium dati aduersum Aristonicum auxiliij concess-
 erant, gentem, quā & proauo suo Mithridati Seleu-
 cus Callinicus in dotem dedisset. Quid cum Paphlago-
 nia se decedere iusserunt, non alterum illud genus bel-
 li fuisse, quæ non ui, non armis, sed adoptione testamen-
 ti, & regum domesticorum interitu hæreditaria patri
 suo obuenerit? cum hac decretorum amaritudine pa-
 rendo non tamen eos mitigari, & quin acerbius se in-
 dies gerant, non obtinuisse. Quod enim à se non præ-
 bitum illis obsequium? non Phrygam, Paphlagoniāq;
 dimissas, non Cappadocia filium eductum, quam iure
 gentium uictor occupauerat. Raptum tamen sibi esse ui-
 ctoriæ ius ab illis, quorū nihil est nisi bello quæsitum.
 Nō regem Bithyniæ Chreston, in quē senatus arma de-
 creuerat, à se in gratiam illorum occisum? tamen ni-
 hilominus imputari sibi, si qua Gordius aut Tigranes
 faciant. Libertatem etiā in contumeliā sui à senatu ul-
 tro delatam Cappadociæ, quā reliquis gentibus abstu-
 lerūt. deinde populos Cappadocum pro libertate ob-
 lata

lata Gordium regem orantes ideo, tanq̃ amicus suus
esset, non obtinuisse. Nicomedem præcepto illorum bel-
lum sibi intulisse, quia ultum se ierit, ab ipsis uentum
obuiam, & nunc eam secum bellandi causam illis fo-
re, quod non impune se Nicomedi saltatricis filio lace-
randum præbuerit. quippe nō delicta regum illos, sed
uires ac maiestatem insequi, neq; in se uno, sed in alijs
quoq; omnibus hac semper arte grassatus. Sic & auum
suum Pharnacē per cognationum arbitria succidaneū
regi Pergameno Eumeni datum. Sic rursus Eumenē, ci-
ius classibus primum in Asiam fuere transuecti, cuius
exercitu magis q̃ suo & magnum Antiochum, & Gal-
los in Asia & mox in Macedonia regem Persem do-
muerant, & ipsum pro hoste habitum, eiq; interdictū
Italia, & quod cum ipso deforme sibi putauerant, cū
filio eius Aristonico bellū gessisse. Nullius apud eos ma-
iora, q̃ Masinissæ regis Numidarum haberi merita.
Huic imputari uictum Annibalem, huic captum sy-
phacem, huic Carthaginem deletam, hunc inter duos
illos Africanos tertium seruatorem urbis referri, in cū
huius nepote bellū modo in Africa gestum adeo inex-
piabile, ut ne uictum quidem memoriæ aui donarent,
quin carcerem ac triumphī spectaculum experiretur.
Hanc illos omnibus regibus legem odiorum dixisse, sci-
licet quia ipsi tales reges habuerint, quorū etiam no-
minibus erubescant, aut pastores Aboriginum, aut aru-
spices Sabinorum, aut exules Corinthiorū, aut seruos
uernasq; Thyscorum, aut (quod honoratissimū nomen
fuit inter hos) superbos, atque ut ipsi ferunt cōditores
suos lupæ uberibus altos, sic omnem illū populum lupo-

ruius habere inexplēbiles sanguinis, atq; i pū, diuitiā
 ruius auidos ac ieiunos. Se autē, seu nobilitate illis cōpa
 retur, clariore illa colluie conuenariū eē, q paternos
 maiores suos à Cyro Darioq; cōditoribus psci regni,
 maternos à magno Alexādro, ac Nicatore Seleuco cōdi
 toribus imperij macedonici referat, seu populis eorum
 conferat suos, earū se gentiū esse, quæ non modo Ro-
 mano imperio sint pares, sed macedonico quoq; obste
 rint. Nullam subiectarum sibi gentiū expertam pere-
 grina imperia, nullis unquā nisi domesticis regibus pa
 ruisse. Cappadociā uelint, an Paphlagoniā recensere,
 rursus Pontum an Bithyniā, itemq; Armeniā maiorem
 minorēq; quarū gētiū nullam neq; Alexander ille q
 totā pacauit Asiam, nec quisq; successorū eius, aut poste
 rorū attigisset. Scythiam duos ante se reges non pacā
 re, sed tantum intrare ausos Dariū et Philippū, egre
 inde fugam sibi expedisse. unde ipse magnam partem
 aduersus Romāos uiriū haberet, multoq; se timidius ac
 diffidentius bella pontica ingressum, cum ipse rudis ac
 tyro esset. Scythas, præter arma uirtutēq; animi, loco
 rum quoque solitudinibus uel frigoribus intractos, per
 quæ denunciaretur ingens militiæ labor ac periculum.
 Inter quas difficultates ne spes quidē præmiū foret ex
 hoste uago, nec tantum pecuniæ, sed etiam sedis inopi.
 Nunc se diuersam belli conditionem ingredi. nam ne-
 que cælo Asiæ esse temperantius aliud, nec solo fer-
 tilius, nec urbiū multitudine amœnius, magnamq;
 temporis partem, non ut militiam, sed ut festum diē,
 acturos, bello dubium facili magis, an uberi, si modo
 proximas regni Attalici opes, aut ueteres Lydiæ Io-
 niæq;

nūq; audierint, quas non expugnatum eant, sed pos-
 sessum, tantumq; se auide expectet Asia, ut etiam uo-
 cibus uocet, adeo illis odium Romanorum incussit ra-
 pacitas proconsulum, exactio publicanorum, calum-
 niæ litum. Sequantur se modo fortiter, & colligant,
 quid se duce possit efficere tantus exercitus, quem sine
 cuiusq; militum auxilio, suamet unius opera uiderint
 Cappadociam cæso rege cepisse, qui solus mortalium
 Pontum omnem Scythiamq; pacauit, quam nemo an-
 te transire tuto, atque adire potuerit. nanque iustitiæ
 atque liberalitatis suæ ne ipsos milites, qui experian-
 tur, testes refugere, & illa indicia habere, quod solus
 regum omnium non paterna solum, uerum etiam ex-
 terna regna hereditatibus propter munificentiam ac-
 quisita possideat, Colchos, Paphlagoniam, Bosphorum.
 Sic excitatis militibus post annos. XXIII. sumpti re-
 gni, in romana bella descendit. At in Aegypto mor-
 tuo rege Ptolemæo, ei, qui Cyrenis regnabat, Ptole-
 mæo per legatos regnum & uxor Cleopatra regina
 soror ipsius defertur. Lætus igitur hoc solo Ptolemæ-
 us, quod sine certamine fratrum regnum recepisset,
 in quod subornari à matre Cleopatra, & fa-
 uore principum fratris filium cognouerat, cæterum
 infestus omnibus, statim ubi Alexandriam ingressus
 est, fautores pueri trucidari iussit. Ipsum quoque die
 nuptiarum, quibus matrem eius in matrimonium re-
 cipiebat, inter apparatus epularum & solennia re-
 ligionum, in complexu matris interficit. atq; ita torum
 sororis cæde filij eius cruentus ascendit. Post quod non
 minor in populares, qui eum in regnum uocauerant

fuit. siquidem peregrinis militibus licentia cædis data,
omnia sanguine cotidie manabant, ipsamq; sororem,
filia eius uirgine per uim stuprata, & in matrimonium
ascita, repudiat. Quibus rebus deterritus populus in
diuersa labitur, patriamq; metu mortis exul reliquit.
Solutus igitur in tanta urbe cum suis relictus Ptolemæ-
us, cum regem se non hominum, sed uacuarum ædiu
uideret, edicto peregrinos sollicitat. quibus consuetibus
obuius legatis Romanorum Scipioni Africano, & Spurio
Mumio, & L. Metello, qui ad inspicenda sociorum re-
gna ueniebant, procedit. sed q̄ cruentus ciuibus, tam ri-
diculus Romanis fuit. erat enim & uultu deformis, &
statura brevis, & sagina uentris non homini sed bel-
lue similis. quam fœditatem nimia subtilitas per-
lucide uestis augebat, prorsus quasi astu inspicenda præ-
berentur, quæ omni studio occultanda pudibundo uiro
erant. Post discessum deinde legatorum, quorum Afri-
canus, dū inspicit urbem, spectaculo Alexandrinis fuit,
Ptolemæus iam et populo peregrino inuisus, cum filio,
quem ex sorore susceperat, & cum uxore matris pel-
lice, metu insidiarum, tacitus in exilium proficiscitur, cō-
tractoq; mercenario exercitu bellum sorori pariter, ac
patriæ infert. accersitum maximum deinde à Cyrenis
filium, ne eum Alexandrini contra se regem crearēt,
interficit. Tunc populus statuas, & imagines eius de-
trahit. quod factum studio sororis existmans, filium,
quem ex ea susceperat, interficit. corpusq; in membra
diuisum & in cista impositum, matri, die natalis eius,
inter epulas afferri curat. quæ res non reginæ tantū,
uerum etiam uniuersæ ciuitati acerbæ et luctuosa fuit.
tantumq;

tantumq; mœrorem festiuissimo conuiuio intulit, ut re-
 gia omnis repentino luctu incenderetur. uerso igitur
 studio principum ab epulis in exequias, membra lacerata
 populo ostendunt, et qd sperare de rege suo de-
 beāt, filij cæde demonstrāt. Finito luctu orbitatis Cleo-
 patra, cum urgeri se fraterno bellouideret, auxilium
 à Demetrio petit Syriæ Rege p legatos. cuius ipsius na-
 rij et memorabiles casus fiere. Namq; Demetrius (ut
 supra dictum est, cum bellum Parthis intulisset, et
 multis congressionibus uictor fuisset, repente circunuen-
 tus insidijs amisso exercitu capitur. cui Arsacides Par-
 thorū rex magno et regio animo misso in Hyrcaniā,
 non cultum tantum regū præstitit, sed et filiā in ma-
 trimoniū dedit. regnumq; Syriæ, quod per absentiam
 eius Trypho occupauerat, restitutum promittit. Post hu-
 ius mortem desperato reditu non ferens captiuitatem
 Demetrius priuatam, et si opulentam uitam pertesus,
 tacitus in regnum fugam meditatur. hortator illi ac co-
 mies Calimander amicus erat, q post captiuitatem eius
 à Syria per Arabie desertā, duabus pecunia compa-
 ratis, parthico habitu Babylonem peruenerat. Sed fu-
 gientem Phraates, q Arsacidae successerat, equitum cele-
 ritate per compendiosos tranutes occupatum retrahit.
 Ut est deductus ad regem, Calimandro quidem non tā-
 tum uenia, uerum etiam præmium fidei datum. Deme-
 trium autem grauius castigatum ad coningem in Hyr-
 caniam remittit, et arctioribus custodijs obseruari iu-
 bet. Interiecto deinde tempore, cum fidem illi etiam
 suscepti liberi facerent, eodem amico comite repetita fu-
 ga est, sed pari infelicitate propè fines regni sui repre-

henditur, ac denuo perductus ad regem, ut inuisus, & conspectu summouetur. Tunc quoque uxori & liberis donatus in Hyrcaniam poena sibi donata remittitur, talisq; aureis ad exprobrationem puerilis leuitatis donatur. Sed hac Parthorum tam mite in Demetrium clementiam non misericordia gentis, nec respectus cognationis faciebat, sed qd Syriae regnum affectabant, usuri Demetrio aduersus Antiochum fratrem, pro ut res, uel tempus, uel fortuna belli exegisset. His auditis Antiochus occupandum bellum ratus, exercitum, quem multis finitimorum bellis indurauerat, aduersus Parthos ducit. Sed luxuriae non minor apparatus, quam militiae fuit. Quippe octoginta milia armatorum secuta sunt. XXX. milia lixarum. Ex quibus coquorum, pistorum, scaenitorumq; maior numerus fuit, argenti certe aurique tantum, ut etiam gregarii milites caligis auro fingerent, procularentq; materiam, citius amore populi ferro dimittant. Culinarum quoq; argentea instrumenta fuere prorsus, quasi ad epulas non ad bella pergerent. Aduenienti Antiocho multi orientales reges occurrere, tradentes se regnaq; sua, cum execratione superbiae parthicae nec mora congressioni fuit. Antiochus tribus praelijs uictor Babylonem cum occupasset, magnus haberi coepit. Itaq; oibus ad eum deficientibus populis, nihil Parthis relictum, praeter patrios fines, fuit. Tunc Phraates Demetrium in Syriam ad occupandum regnum cum parthio praesidio mittit, ut eo pacto Antiochus ad sua tuenda a Parthia reuocaretur. Interim quoniam uiribus non poterat, insidijs Antiochum ubiq; tentabat. Propter multitudinem hominum omnem exercitum suum Antiochus

Antiochus per ciuitates in hyberna diuiferat. Quæ res exitij causa fuit. nam cum grauari se copiarum præbitione & iniurijs militum ciuitates uiderent, ad Parthos deficiunt, & die statuta omnes apud se diuisum exercitum per insidias, ne inuicem ferre auxilia possent, aggrediuntur. quæ cum nunciata Antiocho essent, auxilium proximus laturus cum ea manu, quæ secum hyemabat, progreditur. In itinere obuium regem Parthorum habuit. aduersus quem fortius, quam exercitus eius, dimicauit. ad postremum tamen, cum uirtute hostes uincerent, metu suorum desertus occiditur. cui Phraates exequias regio more fecit, filiamque Demetrii, quam secum Antiochus adduxerat, captus amore uirginis uxorem duxit. pœnitere deinde dimissi Demetrii cepit. ad quem retrahendum cum turmas equitum festinato misisset, Demetrium hoc ipsum metuentem iam in regno missi inuenerunt, frustra que omnia conati ad regem suum reuersi sunt.

LIBER XXXIX.

Antiocho in Parthia cum exercitu deleti, frater eius Demetrius obsidione Parthorum liberatus ac restitutus in regnum, cum omnis Syria in luctu propter amissum exercitum esset, quasi parthica ipsius ac fratris bella, quibus alter captus, alter occisus erat, prospere cessissent, ita Aegypto bellum in ferre statuit, regnum Aegypti Cleopatra socru præcipui

r iiii

auxiliij aduersus fratrem suū pollicente Sed dum alie-
 na affectat (ut assolet fieri) propria p defectionem sy-
 riæ amisit. Siquidem Antiochienses primi duce Try-
 phone execrantes superbiam regis, quæ conuersatione
 parthicæ crudelitatis intolerabilis facta erat, mox
 Apamēni, ceteræq; ciuitates exemplum secutæ p ab-
 sentia regis a Demetrio defecere. Ptolemæus uero rex
 Aegypti bello ab eodem petitus, cum cognouisset Cleo-
 patram sororem suam, opibus Aegypti nauibus impo-
 sitis, ad filiam et Demetrium generum in Syriam pro-
 fugisse, immittit iuuenem quendam ægyptium Protar-
 chi negociatoris filium, qui regnum Syriæ armis pete-
 ret. composita fabula, quasi per adoptionem Antiochi
 regis receptus in familiā regiam esset, nec Syris quæ-
 libet regem aspernantibus, ne Demetrii paterentur su-
 perbiā. nomen iuueni Alexander imponitur, auxi-
 liaq; ab Aegypto ingentia mittuntur. Interea corpus
 Antiochi interfecti a rege Parthorum in loculo argen-
 teo ad sepulturam in Syriam remissum superuenit,
 quod cum ingenti studio ciuitatum et regis Alexandri
 ad firmandā fabulæ fidem excipitur. quæ res illi ma-
 gnum fauorem populariū conciliauit omnibus non fi-
 ctas in eo, sed ueras lachrymas, existimantibus. Deme-
 trius autem uictus ab Alexandro, cum undiq; cir-
 cūstantibus malis premeretur, ad postremū etiam ab uxo-
 re filiisq; deseritur. relictus igitur, cum paucis seruulis
 cum Tyrum reliqzone templi se defensurus petisset, na-
 uiregrediens præfecti iussu interficitur. Alter ex filiis
 Seleucus, quoniā sine matris authoritate diadema sum-
 pisset, ab eadem interficitur. alter cui propter nasi ma-
 gnitudinem

gnitudinem cognomen Grypo fuit, rex à matre hactenus constituitur, ut nomen regis penès filium, uis autem omnis imperij penès matrē esset. Sed Alexander oatu pato Syriae regno tumens ex successu rerum, spernere iam etiam ipsum Ptolemæum, à quo fuerat in regnum subornatus, superba insolentia cœpit. Itaq; Ptolemæus reconciliata sororis gratia destruere Alexandri regnū, quod odio Demetrii uiribus suis acq̃sierat, summis opibus instituit. Mittit ergo ingentia Grypo auxilia, & filiam Gryphinam Grypo nupturam, ut populos in auxilium nepotis, non societate tantum belli, uerum etiā affinitate sua sollicitaret. Nec res frustra fuit. nam cum omnes Grypum instructum ægyptijs uiribus uiderēt, paulatim ab Alexandro deficere cœpere. Fit deinde inter reges prælium. quo uictus Alexander Antiochiā profugit. Ibi inops pecuniæ, cum stipendia militibus deessent, i templo Iouis solidum ex auro uictoriæ signū tolli iubet, facies iocis sacrilegium circumscribens. nā uictoriam commodatam sibi à Ioue esse dicebat. Interiectis deinde diebus cum ipsius Iouis aureum simulacrū infiniti ponderis tacite euelli iussisset, deprehensusq; in sacrilegio concursu multitudinis in fugam esset uersus, magna ui tempestatis oppressus ac desertus à suis, à latronibus capitur, perductusq; ad Grypum interficitur. Grypus porro recuperato patrio regno externisq; periculis liberatus, insidijs matris appetitur. quæ cum, cupiditate dominationis prodito marito Demetrio, & altero filio interfecto, huius quoq; uictoria inferiorem dignitatem suam factam doleret, uenienti ab exercitatione ueneni poculum obtulit. Sed Grypus, prædictis

ante iam insidijs, ueluti pietate cum matre certaret, bibere ipsam iubet, abnuenti instat, postremum prolato indice eam arguit, solam defensionem sceleris superesse affirmans si bibat, quod filio obtulit. sic uicta regina scelere in se uerso, ueneno, quod alij parauerat, extinguitur. Parta igitur regni securitate Grypus octo annis quietem et ipse habuit, et regno suo praestitit. natus deinde illi est annulus regni frater ipsius Cyzicenus eadem matre genitus, sed ex Antiocho patre susceptus. quem cum ueneno tollere uoluisset, ut maturius cum eodem armis de regno contenderet excitauit. Inter has regni Syriae parriadales discordias, moritur rex Aegypti Ptolemaeus, regno Aegypti uxori, et alteri filio, quem illa legisset relicto, uidelicet quasi quietior Aegypti status, quam Syria regnum esset, cum mater, altero ex filiis, electo, alterum hostem esset habitura. Igitur cum prior in minorem filium esset, a populo compellitur maiorem eligere, cui prius, quam regnum daret uxorem ademit, compulsusque repudiare carissimam sibi sororem Cleopatram, minorem sororem Selenen ducere iubet, non materno inter filias iudicio, cum alteri maritum eriperet, alteri daret. Cleopatra uero non tam a uiro repudiata, quam a matre diuortio uiri dimissa Cyziceno in Syria nubuit, ei que ne nudum nomen uxoris afferret, exercitum Grypi sollicitatum uelut dotalem ad maritum deducit. Par igitur uiribus fratris iam factus Cyzicenus praelium committit, ac uictus in fugam conuertitur, Antiochiamque uenit. Tunc Antiochiam Grypus, in qua erat Cyziceni uxor Cleopatra, obsidere coepit, qua capta Gryphina uxor Grypi nihil

antiquius, quàm sororem Cleopatram requiri, duxit, non ut captivæ opem ferret, sed ne effugere captivitat-
is mala posset, quæ sui æmulatione in hoc potissimum
regnum invaserit, hostiq; sororis nubendo hostem se-
cius effecerit. Tum peregrinos exercitus in certamina
fratrum adductos, tum repudiatam à fratre, & con-
tra matris voluntatem extra Aegyptum nuptam accu-
sat. Contra Grypus orare ne tam fœdum facinus face-
re cogatur, à nullo unquam maiorū suorum, inter tot
domestica, tot externa bella, post victum hostem in fœ-
minas sævitum, quas sexus ipse et periculis bellorum
& sævitæ victorum eximat. In hac uero, præter com-
mune bellantiū fas, accedere necessitudinem sanguinis.
quippe ipsius, cui tam cruenta sæviat sororem equidē
germanam esse, suam uero consobrinam, liberorum
deinde communium materteram. His tot necessitudini-
bus sanguinis adiūct superstitionem templi, quo abdita
profugerit, tantoq; religiosius colendos deos sibi, quo ma-
gis his propitijs ac fauentibus uicisset, tum neque occi-
sa illa se utriū quicquam Cyziceno dempturum, nec
servaturum reddita. Sed quanto Grypus abnuir, tanto
soror muliebri pertinacia accenditur, rata nō misericor-
diæ hæc uerba, sed amoris esse. Itaque uocatis ipsa mili-
tibus mittit, qui sororem confoderent. qui ut in tem-
plum intrauerunt, cum euellere eam non possent, ma-
nus amplexantes deæ simulacrum præciderunt. Tunc
Cleopatra execratione parricidarum mandata viola-
tis numinibus in ultionem sui decedit. nec multo post
repetita prælij congressione victor Cyzicenus uxorem
Crypi Gryphinam, quæ pauloante sororem interfe-

IVSTI.

cerat, caput eiusque supplicio uxoris manibus parentavit. At in Aegypto Cleopatra, cum gravaretur socio regni filio Ptolemæo, populum in eum incitat. abductaque ei Sylene uxore eo indignius, quod ex Sylene iam duos filios habebat, exulare cogit. accersito minori filio Alexandro, et rege in locum fratris constituto, nec filium regno expulisse contenta bello Cypri exulantem persequitur. unde pulso interficit ducem exercitus sui, quod vinum eum e manibus emisisset, quod Ptolemæus uerecundia materni belli, non uiribus minor, ab insula recessisset. Igitur Alexander territus hac matris crudelitatem, et ipse eam reliquit, periculoso regno securam ac tutam uitam anteponens. Cleopatra uero timens, ne maior filius Ptolemæus ab Cyrenæo ad recuperandum Aegyptum auxilijs iuuaretur, ingentia Grypo auxilia et Selenen uxorem nupturam hosti prioris mariti mittit, Alexandrumque filium per legatos in regnum reuocat. cui cum occultis insidijs exitum machinaretur, occupata ab eodem interficitur, spiritumque non fato, sed parriadio dedit. digna prorsus hac mortis infamia, quæ etiam matrem toro expulit, et duas filias uiduas alterno fratrum matrimonio fecit, et filio alteri in exilium acto bellum intulit, alteri erepto regno exitum per insidias machinata est. Sed nec Alexandro cædes tam nefanda inulta fuit. nam, ubi primum compertum est per scelus filij matrem interfectam, concursu populi in exilium agitur. reuocatoque Ptolemæo in regnum redditur, qui neque cum matre bellum gerere uoluisset, nec a fratre armis repetere, quod prior possedisset. Dum hæc aguntur frater eius ex pellice suscepit.

ptus, cui pater Cyrenarum regnum testamento reliquerat, herede populo Romano, decessit. Iam enim fortuna Romana porrigere se ad orientalia regna, non contenta Italiae terminis coeperat. Itaque & ea pars Libyae provincia facta est, postea Creta Ciliciaq; pirati eo bello perdomita in formam provinciae rediguntur. quo facto & Syriae & Aegypti regna, cum unitate Romana arctata, quae incrementa de finitimis bellis quærere solebant, adempto uagandi arbitrio uires suas in perniciem mutuam conuerterunt, adeo ut assiduis praelijs consumpti in contemptum finitimorum uenerint, praedaeq; Arabum genti imbelli antea fuerint. Quorum rex Herotimus fiducia septingentorum filiorum, quos ex pellicibus susceperat, diuisis exercitibus nunc Aegyptum nunc Syriam infestabat, magnumq; nomē Arabum uiribus finitimorum exanguibus fecerat.

LIBER QUADRAGESIMVS.

Utuis fratrum odijs, mox & filiorum inimicijs succedentibus, cum in-
 m expiabili bello & reges & regnum
 Syriae consumptum esset, ad externa
 populus auxilia concurrir, peregrinosque sibi reges arconspicere coepit. Itaque cum pars Mithridatem ponticum, pars Ptolemæum ab Aegypto arcessendum censeret, occurreretq; quod Mithridates implicitus bello Romano esset, Ptolemæus quoque hostis Syriae semper fuisset, omnes in Tigranem regem Armeniae consenserunt, instructum praeter dome-

sticas vires & parthica societate & Mithridatis affini-
 tate. Igitur accitus in regnū syriæ per XVIII. annos
 tranquillissimo regno potitus est, neque bello alium la-
 cessere, neq; lacessitus inferre aliū bellum necesse habuit.
 Sed sicut ab hostibus tuta syria fuit, ita terræ motu va-
 stata est, quo CLXX. hominū milia, et multæ urbes pe-
 rierunt. quod prodigium mutationem rerum portende-
 re aruspices responderunt. Igitur Tigrane à Lucullo ui-
 cto rex syriæ Antiochus Cyxiæni filius ab eodem Lu-
 cullo appellatur. Sed qđ Lucillus dederat, postea ade-
 mit Pompeius. qui poscenti regnum respondit, ne uolen-
 ti quidem syriæ, nedum recusanti, daturum se regem,
 qui XVIII. annos, quibus Tigranes syriam tenuit in
 angulo Ciliciæ latuerit. victo autem eodem Tigrane à
 Romanis alieni operis præmia postulet. Igitur ut ha-
 bent regnum non ademerit, ita quod cesserit Tigrani,
 non daturum, quod tueri nesciat, ne rursus syriam In-
 deorum & Arabum latrocinij infestam reddat.
 Atque ita syriam in provinciæ formam redegit, pau-
 latimq; oriens Romanorum, discordia consanguineo-
 rum regum, factus est.

LIBER XII.

Parthi penès quos, uelut diuisione orbis
 cum Romanis facta, nunc orientis im-
 perium est, Scytharum exules fuerūt.
 hoc etiam ipsorum uocabulo manifesta-
 tur. nam scythico sermone parthi exu-
 les dicuntur. Hi & Assyriorum & Medorum tempo-

ribus inter orientales populos obscurissimi fuere. Postea quoque cum imperium orientis à Medis ad Persas trās-
latum est, uelut uulgus sine nomine, praeda uictorum
fuere. Postremo Macedonibus triumphato oriēte serui-
runt, ut cuius mirum uideatur, ad tantam eos felicitā-
tem prouectos, ut imperent gentibus, sub quarum im-
perio uelut seruire uulgus fuere. A Romanis quoque
trinis bellis per maximos duces florentissimis tempo-
ribus lacessiti. soli ex omnibus gentibus non solum pa-
res, uerum etiam uictores fuere. quāq̃ plus gloriæ sit
inter Assyria & Medica Persicāq; memorata olim re-
gna, & opulentissimam illud mille urbium Bactria-
num imperiū, emergere potuisse, quā longinqua bel-
la uicisse, præterea cum grauib; scythiis & uicinali-
bus bellis assidue uexati, uarijsq; periculorum certa-
minibus urgerentur, hi domesticas seditionibus scythia
pulsī solitudines inter Hyrcaniam, & Dacis, & Are-
os, & Spartanos, et Maianos furtim occupauere. fines
deinde, non intercedentibus primo finitimus, postea eti-
am prohibentibus, in tantum protulere, ut nō immen-
sa tantum iam ac profunda camporum, uerum etiam
prærupta collium montiumq; ardua occupauerint. ex
quo fit ut Parthiæ pleraque finium aut æstus aut fri-
goris magnitudo possideat, quippe cum montes nix, &
campos æstus infestet. Administratio gentis post dese-
ctionē Macedonia imperij sub regibus fuit. Proximus
maiestati regum populorū ordo est. ex hoc duces in bel-
lo, ex hoc rectores in pace habentur. Sermo his inter
scythicum medicum medius, & utrisque iunctus. Ve-
stis olim sui moris. postea quā accessere opes, ut Me-

dis perlucida ac fluida. Armorū patrius ac scythius mos. Exercitum non ut aliæ gentes liberorum sed maiorem partem seruitorum habent. quorū uulgus, nulli manumittendi potestate permissa, ac per hoc omnibus seruis nascentibus, in dies crescit. hos pari cura ac liberos suos habent, et equitare, et sagittare magna industria docent. locupletissimus ut quisque est, ita plures in bello eqtes regi suo præbet. denique Antonio bellum Parthis inferenti cum. L. milia equitum occurrerēt soli. DCCC. liberi fuere. Cōmunis in acie præliari nesciunt, obsessasque expugnare urbes. Pugnant aut pro currentibus equis, aut terga dantibus, sæpe etiā fugam simulant, ut incautiores aduersus uulnera insequentes habeant. Signum his in prælio non tuba sed tympano datur, nec pugnare diu possunt. cæterū intolerādi forent, si quantus his impetus est, uis tanta et perseuerantia esset. plerumque in ipso ardore certaminis prælia deferunt, ac paulopost pugnam ex fuga repetunt, ut cum maxime uicisse te putes, tunc tibi discrimen subeundum sit. Munimentū ipsis equisque loricae sunt plumatae, quæ utrinque toto corpore tegunt. Auri argenti que nullus, nisi in armis, usus. Vxorē dulcedine uariæ libidinis singuli plures habent, nec ulla delicta adulterij grauius uindictant. quam ob rem fœmnis non conuiuia tantum zelo uirorum, uerum etiam conspectum interdiciunt. Carne non nisi uenatibus quasita uescuntur. Equis omni tempore uectantur, illis bella, illis conuiuia, illis publica ac priuata officia obeunt, super illos ire, consistere, merari, colloqui. hoc denique discrimen inter seruos liberosque esse, quod serui pedibus, liberi

beri non nisi equis incedunt. Sepultura uulgo aut uiuū
 aut canum laniatus ē. Nuda demum ossa terra obruun-
 tur. In superstitionibus ad curā deorū praecepta oībus
 ueneratio est. Ingenia genti tumida, seditiosa, fraudulen-
 ta, procacia. quippe uiolentiā uiris, mansuetudinem mu-
 lieribus assignant. Semper aut in externos aut in do-
 mesticos motus inquieti, natura taciti, ad faciendū q̄ ad
 dicendū promptiores proinde secūda aduersaq; silen-
 tio tegunt. Principibus metu, non pudore, parent. In
 libidinem proiecti, in abum para, fides dictis, promiss-
 isq; nulla, nisi quatenus expedit. Post mortem Alexan-
 dri magni, cum inter successores eius orientis regna di-
 uiderentur, nullo Macedonum dignante Parthorū im-
 perium, Stasanori externo socio traditur. Hi postea, de-
 ductis Macedonibus in bellum ciuile cum ceteris supe-
 rioris Asiae populis, Eumenem secuti sunt. quo uicto ad
 Antigonum transiere. Post hunc à Nicatore Seleuco, ac
 mox ab Antiocho, & successoribus eius possessi, à cu-
 ius pro nepote Seleuco primū defecere, primo punica
 bello L. Manilio Vulſone, Attilio Regulo COSS. Huius
 defectionis impunitatem illis duorum fratrum regum Se-
 leuci & Antiochi discordia dedit. qui, dum sibi inuicē
 eripere regnum uolunt, persequi defectores omiserūt.
 Eodem tempore etiam Theodotus mille urbium Ba-
 ctrianorum praefectus defeat, regemq; se appellari
 iussit. quod exemplum secuti totius orientis populi à Ma-
 cedonibus defecere. Erat eo tempore Arsaces uir sicut
 incertae originis, ita uirtutis expertae. hic solitus latro-
 cinijs & rapto uiuere, accepta opinione Seleucum à
 Gallis in Asia uictum, solutus regis metu, cum praedo-

f

num manu Parthos ingressus, praefectum eorum Andragorā oppressit, sublatoq; eo imperium gentis inuasit. Nō magno deinde post tempore Hyrcanorum quoq; regnum occupauit, atque ita duarum ciuitatum imperio praeditus, grandem exercitum parat metu Seleuci et Theodoti Bactrianorū regis. Sed cito morte Theodoti metu liberatur, cum filio eius et ipso Theodoto foedus ac pacem fecit. nec multo post cum Seleuco rege ad defectores persequendos ueniente congressus uictor fuit, quem diem Parthi exinde solennem, uelut initium libertatis, observant. Reuocato deinde Seleuco nouis motibus in Asiam dato laxamento regnum parthicum format, militem legit, castella munit, ciuitates firmat, urbem quoque nomine Datam in monte Thaborreno condit. Cuius loci ea conditio est, ut neq; munitus quicquam esse, neque amoenius possit. Ita enim et praeruptis rupibus undiq; cingitur, ut tutela loci nullis defensoribus egeat, et soli arcumiacentis tanta ubertas est, ut proprijs opibus expleatur. nam fontium ac sylvarum ea copia est, ut et aquarum abundantia irrigetur, et uenationum uoluptatibus exornetur. Sic Arsaces quæsito simul constitutoq; regno non minus memorabilis Parthis, quā Persis Cyrus, Macedonibus Alexander, Romanis Romulus matura senectute decedit. cuius memoriae hunc honorem Parthi tribuerunt, ut omnes exinde reges suos Arsaces nomine nuncupent. Huius filius et successor regni Arsaces et ipse nomine, aduersus Antiochum Seleuci filium centum milibus peditum, et uiginti milibus equitum instructus, mira uirtute pugnavit. ad postremum in societatem eius assumptus

sumptus est. Tertius Parthis rex Pampatus fuit, sed
 & ipse Arsaces dictus, nam (sicut supra dictum est)
 omnes reges suos hoc nomine, sicuti Romani Caesares
 Augustosque, cognominauerunt. Hic actus in regno
 duodecim annis decessit, relictis duobus filiis Mithri-
 date, & Phraate. quorum maior Phraates more gen-
 tis haeres regni Mardos ualidam gentem bello domu-
 it, nec multo post decessit, multis filiis relictis. quibus
 praeteritis fratri potissimum Mithridati insignis uirtu-
 tis uiro reliquit imperium, plus regio quam patrio
 deberi nomini ratus, potiusque patriae, quam liberis con-
 sulendum. Eodem ferme tempore, sicut in Parthis Mi-
 thridates, ita in Bactris Eucratides magni uterque
 uiri regna ineunt. sed Parthorum fortuna felicior ad
 summum hoc duce imperij fastigium eos perduxit. Ba-
 ctriiani autem per uaria bella iactati, non regnum tan-
 tum, uerum etiam libertatem amiserunt. siquidem So-
 gdianorum Arachotorum & Drangianorum Indo-
 rumque bellis fatigati, ad postremum ab inualidioribus
 Parthis, uelut exangues oppressi sunt. Multa tamē Eu-
 cratides bella magna uirtute gessit. quibus attritus cum
 obsidionem Demetrii regis Indorum pateretur cum
 CCC. milibus, sexaginta milia hostium assiduis eru-
 ptionibus uicit. quinto itaque mense liberatus, Indiam
 in potestatem redegit. unde cum se reciperet a filio,
 quem socium regni fecerat, in itinere interficitur. qui,
 non dissimulato parricidio, uelut hostem, non patrem
 interfecisset, & per sanguinem eius currum egit, &
 corpus abiecti insepultum iussit. Dum hac apud Bactros
 geruntur, interim inter Parthos & Medos bellum

oritur, cum uariis utriusq; populi casus fuisset, ad postremum uictoria penes Parthos fuit. His uiribus auctus Mithridates Mediae Bactrae praeponit, ipse in Hyrcaniam proficiscitur. unde reuersus bellum cum Elymaeorum rege gessit. quo uicto hanc quoque gentem regno adiecit, imperiumq; Parthorum a monte Caucasus multis populis in ditionem redactis, usque ad flumen Euphratem protulit. atque ita aduersa ualitudine correptus non minor Arsace proauo gloriosa senectute decessit.

LIBER XLII.

Est necem Mithridatis Parthorum regis Phraates filius eius rex constituitur. qui cum inferre bellum, in ultionem tentati ab Antiocho parthici regni, Syriae statuisset, Scytharum motibus ad sua defendenda reuocatur. namq; Scythae in auxilium Parthorum aduersus Antiochum Syriae regem mercede sollicitati, cum confecto iam bello superuenissent, & calumnia tardius lati auxilij mercede fraudarentur, dolentes tantum ipsius itineris frustra emensum, cum uel stipendium pro uexatione, uel alium hostem dari sibi poscerent, superbo responso offensi fines Parthorum uastare coeperunt. Igitur Phraates, cum aduersus Scythas proficisceretur, ad tutelam regni reliquit Hymernum quendam pueritiae sibi flore conciliatum. qui tyrannica crudelitate, oblitus & uitae praeteritae, & uicarij officij Babylonios, multasq; alias ciuitates inportune uexauit. Ipse
autem

autem Phraates exercitum Græcorum, quem bello Antiochi captū crudeliter superbeq; tractauerat, in bellum secum ducit, immemor prorsus, quod hostiles eorū animos nec captiuitas minuerat, & insuper iniuriarū indignitas exacerbauerat. Itaq; cum inclinatā Parthorū aciem uidissent, arma ad hostes transtulerunt, et diu capitam captiuitatis ultionem exercitus parthici et ipsius Phraatis regis cruenta cæde executi sunt. In huius locum Artabanus patruus eius rex substituitur. Scythæ autem cōtenti uictoria populata Parthia in patriā reuertuntur. Sed Artabanus bello Colchataris illato in brachio uulneratus statim decedit. Huic Mithridates filius succedit. cui res gestæ magni cognomē dedere. q̄p̄ claritatem parētū æmulatione uirtutis accensus animi magnitudine supergreditur. Multa igitur bella cū finitimis magna uirtute gessit, multosq; populos parthico regno addidit. Sed et cum Scythis prospere aliquoties dimicauit, ultorq; iniuriæ parentum fuit, ad postremum Artoadisti Armeniorum regi bellum intulit. Sed quoniam ad Armeniam transitum facimus, origo eius paulo altius repetenda est. neque enim silentio præteriri tantum regnum fas est, cum fines eius post Parthiam omnium regnorum magnitudinem superent. siquidem Armenia à Cappadocia usque ad mare æspium undecies centena milia patet, sed latitudine milia passuum septingenta porrigitur. Conditā est autem ab Armenio Iasonis Thessali comite. quem cum perditum propter insignem periculosamq; regno suo uirtutem Pelias rex cuperet, denunciata milita in Colchos eum abire iubet, pellemq; arietis memorat

bilem gentibus reportare, sperans interitum uiri, aut
 ex periculo tam longæ navigationis, aut ex bello tam
 profundæ barbariæ. Igitur Iason, divulgata opinio-
 ne tam gloriôsæ expeditionis, cum ad eum certatim
 principes iuuentutis totius ferme orbis concurrerent,
 exercitum fortissimorum uirorum, qui argonautæ co-
 gnominati sunt, comparauit. quem cum magnis re-
 bus gestis incolumem reduxisset, rursus à Pelîæ fi-
 lijs Thessalia pulsus magna ui cum ingenti multitudine,
 quæ ad famam uirtutis eius ex omnibus gentibus
 cotidie confluebat, comite Medea uxore, quam repu-
 diatam miseratione exiliij rursus receperat, & Me-
 do priuigno ab Aegeo rege Atheniensium genito Col-
 chos repetuit, socerumq; etiam regno pulsum resti-
 tuit. Magna deinde bella cum finitimis gessit, ca-
 ptasq; ciuitates partim regno soceri, ad abolendam
 superioris militiæ iniuriam, qua & filiam eius Me-
 deam abduxerat, & filium Aegaleum interfecerat,
 adiunxit, partim populis, quos secum adduxerat,
 assignauit. Primusq; hominum post Herculem & Li-
 berum, qui reges orientis fuisse traduntur, eam cæli
 plagam domuisse dicitur. Populis quibusdam Rhean
 & Amphistratum aurigas Castoris & Pollucis duces
 assignauit, cum Albanis fœdus percussit, qui Hercu-
 lem ex Italia ab Albano monte, cum Geryone extin-
 cto armenta eius per Italiam duceret, secuti dicuntur,
 quiq; memores Italiciæ originis exercitum Cn. Pompeij
 bello Mithridatico fratres saluauere. Itaq; Iasoni totus
 ferme oriens ut conditori diuinos honores templaq;
 constituit. quæ Parmenion dux Alexandri magni post
 multos

multos annos diuui iussit, ne cuiusq̃ nomen in oriente
 uenerabilius, q̃ Alexandri, esset. Post mortem Iasonis
 Medus amulus uirtutis eius in honorem matris Me-
 deæ, Medeam urbem condidit, regnumq̃ue è nomi-
 ne suo Medorum constituit. sub cuius maiestate omne
 postea orientis imperium fuit. Albanis uicinæ Ama-
 zones sunt, quarum reginam Thalestrem concubitu
 Alexandri petisse multi authores prodidere. Armenius
 quoque, & ipse Thessalus unus de numero ducum Ia-
 sonis recollecta multitudine, quæ amisso Iasone rege
 passim uagabatur, Armeniam condidit. à cuius mon-
 tibus Tigris fluuius modica primo incrementis nasci-
 tur, interiecto deinde aliquanto spatio sub terras mer-
 gitur, atque ita post .XXV. milia passuum grande
 iam flumen in regione Sophenes emergit, ac sic in pa-
 ludes Euphratis recipitur. Igitur Mithridates Rex Par-
 thorum post bellum Armeniæ propter crudelitatem à
 senatu parthico regno pellitur. Frater eius Orodes,
 cum regnum uacans occupasset, Babyloniam, quo Mi-
 thridates confugerat, diu obsedit, & fame coactos in
 deditionem oppidanos compellit. Mithridates autem
 fiducia cognationis ultro se in potestatem Orodis tra-
 dit. sed Orodes plus hostem quàm fratrem cogitans;
 in conspectu suo trucidari eum iussit. Post hæc bella
 cum Romanis gessit, Crassumq̃ue Imperatorem cum
 filio & omni exeratu Romano deleuit. Huius fi-
 lius Pacorus missus ad persequendas Romani belli re-
 liquias, magnis rebus in Syria gestis, in Parthiam pa-
 tri suspectus, reuocatur. quo absente exercitus Par-
 thorum relictus in Syria à Cassio quæstore Cras-

§ iiii

si cum omnibus ducibus trucidatur. His ita gestis non
 magno post tempore Romanis inter Cæsarem Pompe-
 iumq; civile bellum oritur, in quo Parthi pompeiana-
 rum partium fuere, & propter amicitiam cum Pom-
 io bello Mithridatico iunctam, & propter Crassi ne-
 cem, cuius filium in partibus Cæsaris esse audierant.
 quem ultorem patris victore Cæsare futurum non du-
 bitabant. Itaq; uictis partibus Pompeianis, & Cassio et
 Bruto auxilia aduersus Augustum & Antonium mise-
 re, & post belli finem rursum Pacoro duce cum Labie-
 no inita societate Syriam & Asiam uastauere. Castra
 quoq; Ventidi, qui post Cassium absente Pacoro exer-
 citum parthicum fuderat, magna mole aggrediuntur,
 sed ille simulato timore diu se continuit, & insultare
 Parthos aliquantisper passus est. ad postremum in sece-
 ros lætosq; partem legionum emisit, quarum impetu
 fusi Parthi in diuersa abiere, Pacorus autem cum fi-
 gredientes suos abduxisset cum legiones Romanas puta-
 ret, castra Ventidi uelut sine defensoribus aggreditur.
 tunc Ventidius reliqua parte legionum emissa uniuersam
 Parthorum manum cum rege ipso Pacoro interfe-
 cit. nec ullo bello Parthi unquam maius uulnus accepe-
 runt. Hæc cum nunciata in Parthia essent, Orodes pa-
 ter Pacori, qui paulo ante uastatam Syriam, occupatam
 Asiam à Parthis audierat, uictoremq; Pacorum Roma-
 norum gloriabatur, repente filij morte & exercitus
 clade audita ex dolore ad furorē uertitur. multis die-
 bus non alloqui quēquam, non cibum sumere, non uo-
 cem mittere. ita ut mutus factus uideretur. Post multos
 deinde dies, ubi dolor uocem laxauerat, nihil aliud q̃
 Pacorum

Pacorum uocabat. Pacorus illi uideri, Pacorus audiri uidebatur, cum illo loqui, cum illo consistere, interdum quasi amissum flebiliter dolebat. Post longum deinde luctum alia sollicitudo miserandum senem inuadit. quæ ex numero triginta filiorum in locum Pacori regem constituat. multæ pellices, ex quibus generata tanta iuuentus erat, pro suis quæq; sollicitæ animum senis obsidebant. sed fatum Parthiæ fecit, in qua iam quasi solenne est reges parricidas haberi, ut sceleratissimus omnium & ipse Phraates nomine rex statueretur. Itaq; statim, quasi nollet mori, patrem interficit, fratres quoq; omnes triginta trucidat. Sed nec in filiis cessant parricidia. nam cum infestos sibi optimates propter assidua scelera uideret, ne esset, qui nominari rex posset, adulterum filium interfici iubet. Huic Antonius, propter auxilium aduersus se & Cæsarem latum, bellum cum sexdecim ualidissimis legionibus intulit, sed grauius multis præliis uexatus à Parthia refugit. qua uictoria insolentior Phraates redditus, cum multa crudeliter consuleret, in exilium à populo suo pellitur. Itaque cum magno tempore finitimas ciuitates, & ad postremum Scythas precibus fatigasset, Scytharum maximo auxilio in regnum restituitur. Hoc absente regem Parthi Tyridatem quendam constituerant. qui audito Scytharum aduentu magna amicorum manu ad Cæsarem in Hispania bellum tunc temporis gerentem profugit, obsidem Cæsari minimum filium Phraatis ferens, quem negligentius custoditum rapuerat. Quo cognito Phraates legatos statim ad Cæsarem mittit, seruum suum Tyridatem, & filium remitti sibi postulat. Cæsar &

legatione Phraatis audita, & Tyridatis postulatis cognitis. (nam & ipse restitui in regnum desiderabat, iuris Romanorum futuram Parthiam affirmans, si eius regnum muneri eorum fuisset) neq; Tyridatem redditurum se Parthis dixit, neq; aduersus Parthos Tyridati auxilia daturum. ne tamen à Cæsare nihil p oia obtentum uideretur, Phraati filium sine precio remisit, & Tyridati, quoad manere apud Romanos uellet, opulentum sumptum præberi iussit. Post hæc finito Hispano bello cum in Syriam ad componendum orientis statum peruenisset, metum Phraati iniunxit, ne bellum Parthiæ uellet inferre. Itaque tota Parthia captiui ex Crassiano siue Antonij exercitu recollecti, signaq; cum his militaria Augusto remissa. sed & filij nepotesq; Phraatis obsides Augusto dati, plusq; Cæsar magnitudine sui nomini: fecit, quàm armis, alius imperator facere potuisset.

LIBER XLIII.

Arthias, orientalibusq; ac totius propemodū orbis rebus expeditis, ad initia Romanæ urbis Trogus, uelut post longam peregrinationem domum, reuertitur, ingrati ciuis officiū existimās, si cum omnium gentium res gestas illustrauerit, de sola tantum patria taceat. Breuiter igitur initia Romani imperij perstringit, ut nec modum propositi operis excedat, nec utiq; originem urbis, quæ est caput totius orbis silentio prætermittat. Italia cultores primi Abo-

rigines fuere. quorum rex Saturnus tantæ iustitiæ fuisse
 se traditur, ut neq; seruierit sub illo quisq;, neque ius
 quicq; priuatæ rei habuerit. sed omnia cõmunia et in
 diuisa oibus fuerint, ueluti unum cunctis patrimoniũ
 eẽt. ob cuius exempli memoriam cautum est, ut Satur-
 nalibus, ex æquato oium iure, passim in conuiuijs serui
 cum dominis recumbant. Itaq; Italia regis nomine Sa-
 turnia appellata est, et mons, quem inhabitabat, Sa-
 turnius, in quo nunc, ueluti à Ioue pulso sedibus suis Sa-
 turno, capitolium est. Post hunc tertio loco regnasse Fau-
 nũ ferũt, sub quo Euãder ab Arcadiæ urbe Pallanteo
 in Italiã cum mediocri turba populariũ uenit, cui Fau-
 nus & agros et montẽ, quem ille postea palatinũ ap-
 pellauit, benigne assignauit. In huius radiabus tẽplum
 Lyceo, quẽ Græci Pana, Romani Lupercum appellat,
 constituit. Ipsum dei simulacrum nudum caprina pelle
 amictum est. quo habitu nunc Romæ lupercalibus de-
 curritur. Fauno fuit uxor nomine Fatua, quæ assidue
 diuino spiritu impleta, uelut per furorem futura præ-
 monebat, unde adhuc, q; insirari solent, fatuari dicun-
 tur. Ex filia Fauni et Hercule, qui eodem tempore ex-
 tincto Geryone armenta uictoriæ præmia p Italiã du-
 cebat, stupro conceptus Latinus procreatur. quo tenen-
 te regnum Aeneas ab Ilio, Troia à Græcis expugna-
 ta, in Italiã uenit, statimque prælio exceptus, cum in-
 acie exercitum eduxisset, ad colloquium uocatus, tantã
 admirationem sui Latino præbuit, ut in societatem re-
 gni reciperetur, & Lauinia in matrimonium data ei
 gener ascisceretur. Post hæc cõmune utriq; bellum ad-
 uersus Turnum Rutulorum regem, propter fraudatas

IVSTI.

Lavinia nuptias fuit. In quo & Turnus & Latinius
interierunt. Igitur cum Aeneas iure victoriae utroq; po-
pulo potiretur, urbeni ex nomine uxoris Lavinia con-
didit. Bellum deinde aduersus Mezentium regem Ethru-
scorum gessit. In quo cum ipse cecidisset, in locum eius
Ascanius filius successit. qui Lavinio relicto longam Al-
bam condidit. quae trecentis annis caput regni fuit. Post
multos deinde urbis huius reges, ad postremum Numi-
tor & Amulius regno potiti sunt. sed Amulius cum
aetate potorem Numitorem oppressisset, filiam eius
Rheam in perpetuam uirginitatem, ne quis uindex re-
gni sexus uirilis ex genere Numitoris oriretur, demer-
sit addita iniuriae specie honoris, ut non damnata, sed
sacerdos electa, uideretur. Igitur clausa in luto Marti
sacro duos pueros, incertum stupro an Marte conceptos
enixa est. Quo cognito Amulius multiplicato metu, pro-
uentu duorum, pueros exponi iubet, & puellam uinculis
onerat, ex quorum iniuria decessit. Sed fortuna ori-
gini Romanae prospiciens, pueros lupae alendos obtulit.
quae amissis catulis distenta ubera exinanire cupiens nu-
tricem se infantibus praebuit. cum saepius ad paruulos
ueluti ad catulos reuerteretur, rem Faustus pastor ani-
maduertit, subtractosq; ferae inter greges pecorum agre-
sti uita nutrit. martios pueros fuisse, siue quod in lu-
co Martis enixi sunt, siue quod a lupa, quae in tutela
Martis est, nutriti, ueluti manifestis argumentis credi-
tum est. Nomina pueris, alteri Remo, alteri Romulo fue-
re. Adultis inter pastores de uirtute cotidiana certami-
na & uires & pnicitatem auxere. Igitur cum latro-
nes a rapina pecorum industrie frequenterq; summo-

uerent. Remus ab iisdem latronibus captus, & ueluti ipse esset, quod in alijs prohibebat, regi offertur. crimini datur, quasi greges Numitoris infestare solitus esset. tunc à rege in ultionem Numitori traditur. sed Numitor adolescentia iuuenis p̄motus, & in suspicionem expositi nepotis adductus, cum eum nunc lineamentorum filiae similitudo, nunc ætas expositionis temporibus congruens anxium teneret, repente Faustulus cum Romulo superuenit, à quo origine cognita puerorum, facta cōspiratione, & adolescentes in ultionem maternæ neas, & Numitor in uindictam erepti regni armantur. Occaso Anulio regnum Numitori restituitur, & urbs Romana ab adolescentibus conditur. Tunc et Senatus centum seniorum, qui patres dicti sunt, constituitur. & uicinis connubia pastorum dedignantibus, uirgines Sabine rapiuntur, finitimisq; populis armis subiectis primum Italiae, mox orbis imperium quæsitum, p̄ ea adhuc tempora reges hastas pro diademate hēbant, quas græci sceptra dixere. Nam & ab origine rerum pro dijs immortalibus ueteres hastas coluere, ob cuius religionis memoriā adhuc deorū simulacris hastæ adduntur. Temporibus Targnii regis ex Asia Phocensium inuentus hostio Tyberis inuicta amicitiam cum Romanis iunxit. Inde in ultimos Galliae sinus nauibus profecti Massiliam inter Ligures & feras gentes Gallorū condidit, magnasq; res, siue dum armis se aduersus galliam feritatem tuentur, siue dum ultro laceffunt, à qbus fuerant ante laceffiti, gesserunt. Nāq; Phocenses exiguitate ac macie terræ coacti studiosius mare, quàm terras, exercebant, piscando, mercando, plerunq; etiam

latrocinio maris, quod illis temporibus gloria habebatur, vitam tolerabant. Itaque in ultimam oceani oram procedere ausi in sinum gallicum hostio Rhodani amnis deuenere, cuius loci amœnitate capti reuersi domum referentes, quæ uiderant, plures sollicitauere. Duces classis Furius et Prothis fuere. Itaque ad regem Segregiorum Senanum nomine, in cuius finibus urbem condere gestiebant, amicitia petentes conueniunt. Forte eo die rex occupatus in apparatu nuptiarum Gypsis filia erat, quam more gentis electo inter epulas genero nuptum tradere ille parabat. Itaque cum ad nuptias inuitati omnes proci essent, rogantur et Græci hospites ad conuiuium. Introducta deinde uirgo, cum iuberetur à patre aqua porrigere ei, quæ uirum eligeret, tunc ommissis omnibus ad Græcos cōuersa aqua Prothi porrigit. quod factus ex hospite gener, locum condendæ urbis à socero accepit. Condita igitur Massilia est propè hostia Rhodani amnis in remoto sinu ueluti in angulo maris. sed Ligures incrementis urbis inuidentes, Græcos assiduè bellis fatigabant. qui pericula propulsando in tantum enituerunt, ut uictis hostibus, in captis agris multas colonias constituerent. Ab his igitur Galli et usum uitæ cultoris, deposita et mansuesacta barbaria, et agrorum cultus, et urbes mœnibus cingere didicerunt. tunc et legibus non armis uiuere, tunc et uitam putare, tunc oliuam serere consueuerunt. adeoque magnus et hominibus et rebus impositus est nitor, ut nō Græcia in Galliam emigrasse, sed Gallia in Græciam translata uideretur. Mortuo rege Senano Segregiorum, à quo locus acceptus condendæ urbis fuerat, cum regno filius

rius successisset Comanus affirmat Ligur quidam, quan-
 doq; Massiliam exitio finitimus populis futuram, oppri-
 mendamq; in ipso ortu, ne mox ualidior ipsum obrue-
 ret, subnectit & illam fabulam. Canem aliquando
 partu grauidā locum à pastore precario petisse, in quo
 pareret, quo obtento iterato petisse, ut sibi educare in eo-
 dem loco catulos liceret, ad postremum adultis catulis
 fultam domestico praesidio proprietatem loci sibi uin-
 dicasse. nō aliter Massilienses, qui nunc inquilini uide-
 antur, quandoq; dominos regionum futuros. his inata-
 tus rex insidias Massiliensibus extruit. Ita solenni flo-
 raliortum die multos fortes ac strenuos uiros hospitij iu-
 re misit in urbem, plures Syrpis latentes, frondibusq;
 supertectos induci uehiculis iubet, & ipse cum exerci-
 tu in proximos montibus delitescit, ut, cum nocte prae-
 dictis apertae portae foret, tempestiue ad insidias adef-
 sent, urbemq; somno ac uino sepultam armati invade-
 rent. Sed has insidias mulier quaedam regis cognata
 prodidit, quae adulterari cum Graeco adolescente solita,
 in amplexu inuenis miserata, formam eius insidias a-
 perit, periculumq; declinare iubet. Ille rem statim ad
 magistratus deferret, atq; ita patefactis insidijs cuncti Li-
 gures comprehenduntur, latentesq; de Syrpis protra-
 huntur. quibus omnibus interfectis insidiati regi insi-
 diae tenduntur. caesa sunt cum ipso rege hostium. VII.
 milia. exinde Massilienses festis diebus portas clau-
 de, uigilias agere, stationem in muris obseruare, pere-
 grinos recognoscere, curas habere, ac, ueluti bellum ha-
 beant, sic urbem pacis temporibus custodire, adeo illic
 bene instructa, non temporū necessitate, sed recte facien-

di consuetudine, seruantur. Post hæc illis magna cum Liguribus, magna cum Gallis fuere bella. quæ res et urbis gloriam auxit, & uirtutem Græcorum multiplicata uictoria celebrem inter finitimos reddidit. Carthaginensium quoque exercitus, cum bellum captis piscatorum nauibus ortum esset, sæpe fuderunt, pacemque uictis dederunt. Cum Hispanis amicitiam iunxerunt. Cum Romanis propè ab initio conditæ urbis fœdus summa fide custodierunt, auxilijsque in oibus bellis industriæ socios iunxerunt. quæ res illis & uirium fiduciam auxit, & pacem ab hostibus præstitit. Dū igitur Massilia fama rerū gestarum, & abundantia opū, & uirū gloria uirente floreret, repēte finitimū populi ad nomen Massiliensium delendum, ueluti ad commune extinguendum incendium, concurrunt. Dux consensu oīum Carmandus regulus eligitur, qui cum magno exercitu lectissimorum uirorum urbem hostium obsideret, per quietē specie toruæ mulieris, quæ se deam dicebat, exterritus ultro pacem cum Massiliensibus fecit, petitoque ut intrare urbem, & deos eorū adorare liceret, cum in arcem Minervæ uenisset, conspecto in porticibus simulacro deæ, quam per quietem uiderat, repente exclamat illā esse, quæ se nocte exterruisset, illūque recedere ab obsidione iussisse. gratulatusque Massiliensibus, quod animaduerneret eos ad curam deorum immortalium pertinere, torque aureo donata dea, in perpetuum amicitiam cum Massiliensibus iunxit. Parta pace & securitate fundata, reuertentes à Delphis Massiliensium legati, quo missi munera Apollini tulerant, audiuerunt urbem Romam à Gallis captam incensamque. quam rem nunciatam domi publicae finire

funere Massilienses profecti sunt. aurumq; et argentum publicum & priuatum contulerunt ad explendū pondus Gallis, à quibus redemptam pacem cognouerant. ob quod meritū & immunitas illis decreta, et locus spectaculorū in senatu datus, & fœdus æquo iure percussum. In postremo libro Trogus maiores suos à uocantijs originē ducere, auū suum Trogum Pompeiū sertoriano bello ciuitatem à Cn. Pompeio percepisse dicit. Patruum Mithridatico bello turmas equitum sub eodem Pompeio duxisse. Patrem quoque sub Caio Cæsare militasse, epistolarumque ac diuitiarum, legationum simul, & annuli curam habuisse.

LIBER XLIII.

HISPANIA Sicuti Europæ terminos claudit, ita et huius operis finis futura est. Hanc ueteres ab iberō amne primum Iberiam, postea ab Hispali Hispaniam cognominauerunt. Hæc inter Africam & Galliam posita oceani freto & Pyrenæis montibus clauditur. sicut minor utraq; terra, ita utraq; fertilior. Nam neq; ut Africa uiolento sole torretur, neq; ut Gallia assidujs uentis fatigatur, sed media inter utranq; hinc temperato calore, inde felicibus & tempestiuis imbribus in omnia frugum genera fecunda est, adeo ut non ipsis tantum incolis, uerum etiam Italiæ urbiq; Romanæ cunctarum rerum abundantiam sufficiat. Hinc enim nō frumenti tantū copia magna est, uerū etiā uini, mellis, oleiq; nec ferri solū mate-

t

ria præcipua est, sed & equorum pernices greges. nec
 summa tantum terræ laudanda bona, uerum & ab-
 strusorum metallorum felices diuitiæ. Iam lini spartiq;
 uis ingens, minij certe nulla feracior terra. In hac cur-
 sus amnium non torrentes rapidiq; ut noceant, sed le-
 nes, & uineis campisq; irrigui, æstuarijsq; oceani affa-
 tum piscosi. pleriq; etiam diuites auro, quod in paludi-
 bus uehunt. uno tantum Pyrenæi montis dorso adhæ-
 ret Gallie, reliquis partibus undiq; in orbem mari
 cingitur. Forma terræ propè quadrata, nisi quod arctā
 tibus freti litoribus in Pyrenæum cōit. Porro Pyrenæi
 montis spatium sexcenta milia passuum efficit. salubri-
 tas cæli per omnem Hispaniam æqualis, quia aëris spi-
 ritus nulla paludum graui nebula inficitur. Huc acce-
 dunt & marinæ auræ undiq; uersus assidui flatus, quibus
 omnem provinciam penetrantibus euentilato ter-
 restri spiritu præcipua hoibus sanitas redditur. Cor-
 pora hominum ad inediā laboremq; animi ad mortē
 parati. Dura oībus et stricta parsimonia, bellum, quā
 ociū malunt. si extraneus deest, domi hostem quærunt.
 Sæpe tormentis pro silentio rerum creditarū immortalis,
 adeo illis fortior taciturnitatis cura, quā uitæ. Celebra-
 tur eadē et bello punico serui illius patientia, qui ul-
 tus dominum inter tormēta risu exultauit, serenaq; le-
 titia crudelitātē torquentium uicit. Velocitas genti per-
 nix, inquiet animus plurimis. Militares equi & ar-
 ma sanguine ipsorum cariora. Nullus nisi festis diebus
 epularum apparatus. A qua callida lauari post secun-
 dum bellum punicum à Romanis didicere. In tanta se-
 culorum serie nullus illis dux magnus præter Viriatiū
 fuit.

fuit. qui annos decem Romanos uaria uictoria fatiga-
uit, adeo feris propiora q̄ hominibus ingenua sunt. quē
ipsum non iudicio populi electū, sed ut cauendi scientē,
declinādorūq; periculorū pitū secuti sunt. Cuius ea uir-
tus cōtinentiaq; fuit, ut cū consulares exercitus frequē-
ter uicerit, tantis rebus gestis, nō armorum, nō uestis cul-
tū, nō deniq; uictū mutauerit, sed in eo habitu, quo pri-
mum bellare cōpit, p̄seuerauerit, ut quiuis gregarius
miles ipso imperatore etiam opulentior uideretur. In
Lusitanis iuxta fluium Tagum, equas uento concipere
multi auctores prodiderunt. quæ fabula ex equarum
fecunditate, & gregum multitudine nata est, qui tanti
in Gallecia ac Lusitania & tam pernices uisuntur, ut
non immerito ipso uento concepti uideantur. Galleci au-
tem Græcam sibi originem asserunt. si quidem post fi-
nem Troiani belli Teucrum morte Aiæis fratris inui-
sum patri Telamoni, cum non reciperetur in regnum,
Cyprum concessisse, atq; ibi urbem nomine antiquæ pa-
triæ Salamina condidisse. inde accepta opinione pater-
næ mortis patriam repetisse. sed cum ab Eurysace Aiæ-
is filio accessu prohiberetur, Hispaniæ litoribus appul-
sum loca, ubi nunc ē Carthago noua occupasse, idē Gal-
leciā transisse, positisq; sedibus genti nomē dedisse. Gal-
leciæ autem portio Amphiloçi dicuntur. Regio cū æris
& plumbi uberrima, tum munio, qđ ēt uicino fluminē
nomen dedit. auro quoq; ditissima adeo, ut etiā aratro
frequenter glebas aureas exantent. In huius gentis fini-
bus Sacer mons est, quem ferro uiolari nefas habetur.
sed si quando fulgure terra profossa est, quæ in his lo-
cis assidua res est, detectum aurum, uelut dei munus,

I V S T I.

colligi permittitur. Foeminae res domesticas, agrorumq;
culturas administrat, ipsi armis & rapinis seruiunt.
Præcipua his quidem ferri materia, sed aqua ipso fer-
ro uiolentior. quippe temperamento eius ferrum acrius
redditur, nec ullum apud eos telum probatur, quod nõ
aut Bilbili fluuij, aut Chalybe tingatur. unde et Cha-
lybes fluuij huius finitimæ appellati, ferroq; cæteris
præstare dicuntur. Saltus uero Tartessiorum, in qbus
Titanas bellum aduersus deos gessisse proditur, inco-
luere Curetes. quorum rex uetustissimus Gargoris mel-
lis colligendi usum primus inuenit. huic cum ex filiæ
stupro nepos prouenisset, pudore flagitij uarijs generi-
bus mortis extinguere paruulum uoluit, sed per omnes
casus fortuna quadam seruatus, ad postremum ad re-
gnum tot periculorum admiratione puenit. Primum
cū eum exponi iussisset, & post dies ad corpus
expositi requirendum misisset, inuentus est uario fera-
rū lacte nutritus. Deinde relatum domum tramite an-
gusto, p quem armenta commeari consueuerant, proijci
iubet, crudelis prorsus, qui proculcari nepotem, q̃ sim-
plici morte interfici maluit. Ibi quoq; cum inuiolatus
esset, nec alimentis egeret, canibus primo ieiunis et mul-
torū dierum abstinentia cruciatis, mox etiam suis
obijci iubet. Itaque cum non solum non necaretur, ue-
rum etiam quarūdam uberibus aleretur, ad ultimum
in oceanum abijci iussit. tum plane manifesto quodam
numine, inter firentes æstus ac reciprocantes undas,
uelut naue, non fluctu, ueheretur, leni salo in litore ex-
ponitur. nec multo post cerna affuit, quæ ubera paruulo
offerret. Inde denique conuersatione nutricis eximia
puero

puero pernicitas fuit, interq; ceruorum greges diu mō-
tes saltusq; haud inferior uelocitate peragrauit. Ad
postremum laqueo captus regi datus dono est. Tunc
ad lineamētorum similitudinem ex notis corporis, quæ
inustæ parvulo fuerant, nepos est agnitus. Admiratio-
ne deinde tot casuum periculorumq; ab eodem succeſ-
sor regni destinatur. nomen illi impositum Habidis.
qui ut regnum accepit, tantæ magnitudinis fuit, ut non
frustra deorum maiestate periculis creptus uideretur.
quippe barbarum populum legibus iunxit, & boues
primo aratro domari, frumenta q; sulco serere docuit,
& ex agresti abo mitiore uesci, odio eorum, quæ ipse
passus fuerat, homines cōegit. Huius casus fabulosi ui-
derentur, nisi & Romanorum conditores lupa nutri-
ti, & Cyrus rex Persarum cane alitus proderetur.
Ab hoc & ministeria seruilia populo interdicta, &
plebs in septem urbes diuisa. mortuo Habide regnum
per multa secula à successoribus eius retentum est. In
alia parte Hispaniæ, quæ ex insulis constat, regnum
penēs Geryonem fuit. In hac pabuli tanta letitia est,
ut nisi abstinentia interpellata sagina fuerit, pecora ru-
pantur. Inde deniq; armenta Geryonis, quæ illis tem-
poribus solæ opes habebantur, tantæ famæ fuisse, ut
Herculem ex Asia prædæ magnitudine illexerint. Por-
rò Geryonem ipsum non triplicis naturæ (ut fabulis
proditur) fuisse ferunt, sed tres fratres tantæ concor-
diæ extitisse, ut uno animo omnes regi uiderentur, nec
bellū Herculi sua sponte intulisse, sed cum armēta sua
rapi uidissent, amissa bello repensse. Post regna deinde
Hispaniæ primi Carthaginenses imperium prouinciæ

I V S T I .

occupare. nam cum Gaditani à Tyro, unde & Carthaginensium origo est, sacra Herculis per quietem iussu in Hispaniam transtulissent, urbemq; ibi condidissent, inuidentibus incrementis nouæ urbis finitimis Hispaniæ populis, ac propterea Gaditanos bello laceffentibus, auxilium consanguineis Carthaginenses miserunt. Ibi felici expeditione & Gaditanos ab iniuria uindicauerunt, & maiorem partem prouinciæ imperio suo adiecerunt. Postea quoq; hortantibus primæ expeditionis auspicijs, Hamilcharem imperatorem cum magna manu ad occupandam prouinciā miserunt. qui magnis rebus gestis, dum fortunam inconsultus sequitur, in insidias deductus occiditur. In huius locum gener ipsius Hasdrubal mittitur, & ipse à seruo Hispani cuiusdam ulascentis domini iniustam necem interfectus est. Maior utroq; Annibal imperator Hamilcharis filius succedit. Siquidem res gestas utriusq; supergressus uniuersam Hispaniam domuit. Inde Romanis illato bello Italiam per annos sexdecim uarijs cladibus fatigauit. Cum interea Romani missis in Hispaniam Scipionibus primo Pœnos prouincia expulerunt. Postea cum ipsis Hispanis grauiā bella gesserunt, nec prius perdomitæ prouinciæ iugum Hispani accipere poterunt, quàm Cæsar Augustus pdomito orbe uictoria ad eos arma transtulit, populumque barbarum, ac ferum, legibus ad cultiorem uitæ usum, tractatum in formam prouinciæ redegit.

A E M Y L I I

AEMYLII PROBI DE VITA
EXCELLENTIVM IMPE
RATORVM LIBER.

ON DVBITO FORE
plerosque Atticæ, qui hoc genus
scripturæ leue, & non satis di-
gnum summorum uirorum per-
sonis iudicent, cum relatum le-
gent, quis musicam docuerit Epa-
minondam, aut in eius uirtuti-
bus commemorari, saltasse eum
commode, scienterq; tibijs cantasse. Sed hi erunt fere,
qui expertes literarum græcarum nihil rectum, nisi
quod ipsorum moribus conueniat, putabunt. Hi, si di-
dicerint non eadem omnibus esse honesta atque tur-
pia, sed omnia maiorum institutis iudicari, non admi-
rabuntur nos in Maiorum uirtutibus exponendis mo-
res eorum secutos. Neque enim Cimoni fuit turpe Athe-
niensium summo uiro, sororem germanam habere in
matrimonio, quippe cum aues eius eodem uterentur insti-
tuto. at id quidem nostris moribus nefas habetur. Laudi
in Græcia ducitur adolescentulis quamplurimos habe-
re amatores. Nulla Lacedæmonij tam è nobilis uidua,
quæ non ad scenam eat mercede conducta. Magnis
in laudibus tota fuit Græcia uictorem olympicæ citari.
In scenam uero prodire, & populo esse spectaculo. ne-
mini in eisdem gentibus fuit turpitudini, quæ omnia
apud nos partim infamia, partim humilia, atque ab

t iiii

AEMYLI PROBI

honestate remota, ponuntur. Contra ea pleraque nostris moribus sunt decora, quæ apud illos turpia putantur. quem enim Romanorum pudet uxorem ducere in conuiuium? aut cuius mater familias non primum locum tenet ædium, atq; in celebritate uersatur? quod multo fit aliter in Græcia. nam neque in conuiuium adhibetur, nisi propinquorum, neque sedet, nisi in interiore parte ædium, quæ Gynæconitis appellatur. quo nemo accedit, nisi propinqua cognatione coniunctus. Sed plura persequi tum magnitudo uoluminis prohibet, tum festinatio, ut ea explicem, quæ exorsus sum. Quare ad propositum uenimus, & in hoc exponemus libro de uita excellentium imperatorum.

MILTIADIS VITA.

m Iltiades Cimonis filius Atheniensis, cum & antiquitate generis, & gloria maiorum, et sua modestia, unus omnium maxime floreret, eoque esset ætate, ut non iam solum de eo bene sperare, sed etiam confidere, ciues possent sui talem futurum, qualem cognitum iudicarunt, accidit, ut Athenienses Chersonnesum colonos uellent mittere. cuius generis cum magnus numerus esset, & multi eius demigrationis peterent societatem, ex his delecti Delphos deliberatum missi sunt, qui consulerent Apollinem, quo potissimum duce uterentur. nam tum Thraces eas regiones tenebant, cum quibus armis erat dimicandum. His consulentibus nominatim Pythia præcepit,

præcepit, ut Miltiadem sibi imperatorem sumerent. id si fecissent, incepta prospera futura. Hoc oraculi responso Miltiades cum delecta manu classe Chersonnesum profectus, cum accessisset Lemnum, et incolas eius insulae sub potestatem redigere uellet Atheniensium, idq; Lemni sua sponte facerent, postulasset, illi irridentes responderunt. tum id se facturos, cum ille domo nauibus proficiscens uento aquilone uenisset Lemnum. hic enim uentus a septentrionibus oriens aduersum tenet Athenis proficiscentibus. Miltiades morandi tempus non habens cursum direxit, quo tendebat, peruenitq; Chersonnesum. Ibi breui tempore barbarorum copiis disiectus, tota regione, quam petierat, potitus, loca castellis idonea communiuit. multitudinem, quam secum duxerat in agris collocauit. crebrisq; excursionibus locupletauit. Neque minus ea re prudentia, quam felicitate, adiutus est. nam cum uirtute militum deuicisset hostium exercitus, summa æquitate res constituit, atque ipse ibidem manere decreuit. erat enim inter eos dignitate regia, quamuis carebat nomine. neque id magis imperio, quam iustitia, consecutus. neque eo secius Atheniensibus, quibus cum erat profectus, officia præstabat. Quibus rebus fiebat, ut non minus eorum luouitate perpetuo imperium obtineret, qui miserant, quam illorum, cum quibus erat profectus. Chersonneso tali modo constituta Lemnum reuertitur, et ex pacto postulat, ut sibi urbem tradant. illi enim dixerant cum uento borea domo profectus eo peruenisset, sese dedituros. se autem domum Chersonnesi habere. Cares, qui tum Lemnum incolebat, et si præter opinionem res ceciderat, ta-

AEMYLI PROBI

men non dicto, sed secunda fortuna aduersariorum ac-
 pti, resistere ausi non sunt, atq; ex insula demigrarunt.
 Pari felicitate ceteras insulas, quæ Cyclades nominan-
 tur, sub Atheniensium redegit potestatem. Eisdem tem-
 poribus Persarum rex Darius, ex Asia in Europam
 exercitu traiecto, Scythis bellum inferre decreuit. pon-
 tem fecit in Istro flumine, qua copias traduceret. eius
 pontis (dum ipse abesset) custodes reliquit principes,
 quos secum ex Ionia & Aeolide duxerat. quibus sin-
 gulis ipsarum urbium perpetua dederat imperia. sic
 enim putauit facillime se græci lingua loquentes, qui
 Asiam incolerent sub sua retenturum potestate, si am-
 cis suis oppida tuenda tradidisset. quibus se oppresso
 nulla spes salutis relinqueretur. In hoc fuit tum nu-
 mero Miltiades, cui illa custodia crederetur. Hic, cum
 crebri afferrent nuntij male rem gerere Darium, pre-
 miq; ab Scythis, Miltiades hortatus est pontis custodes,
 ne fortuna datam occasionem liberandæ Græciæ di-
 mitterent. nam si cum his copijs, quas secum transpor-
 tauerat, interisset Darius, non solum Europam fore
 tutam, sed etiam eos, qui Asiam incolerent Græci gene-
 re, liberos à Persarum futuros dominatione & pericu-
 lo. id & facile effici posse. ponte enim reiso regem uel
 hostium ferro, uel inopia, paucis diebus interiturum. Ad
 hoc consilium cū pleriq; accederent, Histæus Milesius,
 ne res conficeretur, obstitit, dicens non idē ipsis, q̄ sum-
 mas imperij tenerent, expedire, & multitudini, q̄ Da-
 rij regno ipsorum niteretur dominatio, quo extincto
 ipsos potestate expulsos cuius suis poenas daturus. itaq;
 adeo se abhorrere à cæterorum consilio, ut nihil putet

ipsis utilius, quam confirmari regnum Persarum. Huius cum sententiam plurimi essent secuti, Miltiades non dubitans tam multis consensu ad regis aures consilia sua peruenitura, Chersonnesum reliquit, ac rursus Athenas demigravit. cuius ratio etsi non valuit, tamen magno pere est laudanda, cum amicior omnium libertati, quam suae fuerit dominationi. Darius autem, cum ex Europa in Asiam redisset, hortantibus amicis, ut Graeciam redigeret in suam potestatem, classem quingentarum navium comparavit, eique Daton praefecit & Artaphernem, hisque ducenta peditum milia, & decem equitum dedit, causam interserens se hostem esse Atheniensibus, quod eorum auxilio Iones Sardis expugnassent, suaque praesidia interfecissent. Illi praefecti regis classe ad Euboeam appulsa celeriter Eretriam ceperunt, omnesque eius gentis ciues abreptos in Asiam ad regem miserunt. Inde ad Atticam accesserunt. ac suas copias in campum Marathona deduxerunt. Is abest ab oppido circiter milia passuum decem. Hoc tumultu Athenienses tam propinquo, tamque magno permoti, auxilium nusquam, nisi a Lacedaemoniis, petiverunt. Philippumque cursorem eius generis, qui Hemerodromi vocantur, Lacedaemonem miserunt, ut nuntiaret, quam celeri opus esset auxilio. Domi autem creati decem praetores, qui exercitui praessent. in eis Miltiades, inter quos magna fuit contentio, utrum moribus defenderent, an obviam irent hostibus, acieque contenderent. unus Miltiades maxime nitabatur, ut primo quoque tempore castra fierent. id si factum esset, & quibus animum accessurum, cum uiderent de eorum virtute non

AEMYLI PROBI

desperari. & hostes eadem re fore tardiores, si animaduverterent audiri aduersus se tam exiguis copijs dimicare. hoc in tempore nulla ciuitas Atheniensibus auxilio fuit præter Platæenses. ea mille misit militum. itaque horum aduentu decem milia armatorum completa sunt. quæ manus mirabili flagrabat pugnandi cupiditate. quo factum est, ut plus, quàm collegæ, Miltiades ualuerit. eius enim authoritate impulsæ Athenienses copias ex urbe eduxerunt, locoque idoneo castra fecerunt. deinde postero die, sub montis radicibus acie è regione instructa, noua arte, ut summa prælium commiserunt. namque arbores multis locis erant raræ. hoc consilio, ut & montium tegerentur altitudine, & arborum tractu equitatus hostium impediretur, ne multitudine clauderentur. Datis, etsi non locum æquum uidebat suis, tamen fretus numero copiarum suarum confligere cupiebat. eoque magis, quod prius, quàm Lacedæmonij subsidio uenirent, dimicare utile arbitrabatur. Itaque in acie peditum centum, equitum decem milia produxit, præliumque commisit. In quo tanto plus uirtute ualuerunt Athenienses, ut decuplicem numerum hostium profligarent. adeo perterruerunt, ut Persæ non castra, sed naues peterent. Quæ pugna nihil adhuc est nobilius. nulla enim unquam tam exigua manus tantas opes prostrauit. Cuius uictoriæ non alienum uidetur, quale præmium Miltiadi sit tributum, docere. quo facilius intelligi possit, eandem omnium ciuitatum esse naturam. Vt populi nostri honores quondam fuerunt rari & tenues, ob eamque causam gloriosi, nunc autem effusi atque aboleti, sic olim apud Athenienses fuisse.

reperimus. namq; huic Miltiadi, qui Athenas totamque
 Græciam liberauit, talis honos tributus est in porticu,
 quæ poeile uocatur, cum pugna depingeretur Mara-
 thonia, ut in decem prætorum numero prima eius ima-
 go poneretur, isque hortaretur milites, præliumque
 committeret. Idem ille populus, postquam maius im-
 perium est nactus, et largitione magistratum corru-
 ptus est, trecentas statuas Demetrio Phalereo decreuit.
 Post hoc prælium classem septuaginta nauium Athe-
 nienfes eidem Miltiadi dederunt, ut insulas, quæ bar-
 baros adiungerant, bello persequeretur. quo imperio
 plerasque ad officium redire cõegit, nonnullas ui ex-
 pugnauit. Ex his Parum insulam opibus elatam cum
 oratione reconciliare non posset, copias e nauibus edu-
 xit, urbem operibus clausit, omniq; commeatu pri-
 uauit. deinde uineis ac testudinibus constitutis propius
 muros accessit. Cum iam in eo esset, ut oppido potire-
 tur, procul in continenti lucus, qui ex insula conspicie-
 batur, nescio quo casu, nocturno tempore incensus est.
 cuius flamma ut ab oppidanis et oppugnatoribus est
 uisa, utriusque uenit in opinionem signum à classia-
 rijs regijs datum. quo factum est, ut Parij à deditio-
 ne deterrentur, et Miltiades timens ne classis regia
 aduentaret, incensis operibus, quæ statuerat, cum to-
 tidem nauibus, atque erat profectus, Athenas magna
 cum offensione ciuium suorum rediret. Accusatus ergo
 proditoris, quod cum Parum expugnare posset, à re-
 ge corruptus infectis rebus à pugna discessisset. Eo tem-
 pore æger erat uulneribus, quæ in oppugnando oppi-
 do ceperat. itaque, quoniam ipse pro se dicere non pos-

AEMYLI PROBI

set, uerba fecit frater eius Dagoras. Causa cognita capi-
tis absolutus, pecunia multatus est, eaque lis quinquaginta talentis aestimata est, quantus in classem sumptus factus erat. Hanc pecuniam, quod soluere non poterat, in uincula publica coniectus est, ibique diem obiit supremum. Hic et si crimine Pario est accusatus, tamen alia fuit causa damnationis. namque Athenienses propter Pisistrati tyrannidem, quae paucis annis ante fuerat, omnium suorum ciuium potentiam extimescebant. Miltiades multum in imperijs magistratibusque uersatus non uidebatur posse esse priuatus. praesertim cum consuetudine ad imperij cupiditatem trahi uideretur. nam Chersonesi omnes illos, quos habitabat annos, perpetuam obtinuerat dominationem, tyrannusque fuerat appellatus, sed iustus. non erat enim ui consecutus, sed suorum uoluntate. eaqueque potestatem bonitate retinebat. Omnes autem et habentur et dicuntur tyranni, qui potestate sunt perpetua in ea ciuitate, quae libertate usa est. Sed in Miltiade erat tum summa humanitas, tum mira comitas, ut nemo tam humilis esset, cui non ad eum aditus pateret. magna auctoritas apud omnes ciuitates, nobile nomen, laus rei militaris maxima. Haec populus respiciens, maluit eum innoxium plecti, quam se diutius esse in timore.

THEMISTOCLIS VITA.

Themistocles Neocles filius Atheniensis.
 Huius uitia ineuntis adolescentiæ ma-
 gnis sunt emendata uirtutibus. adeo ut
 antefatur huic nemo, pauci pares pu-
 tentur. Sed ab initio est ordiendum. Pa-
 ter eius Neocles generosus fuit, is uxorem Halicarnassæ
 am ciuem duxit, ex qua natus est Themistocles. q̄ cum
 minus esset probatus parentibus, q̄ & liberius iusto ui-
 uebat, & rem familiarem negligebat, a patre exhæ-
 redatus est. quæ contumelia non fregit eum, sed erexit.
 Nam cum iudicasset sine summa industria non posse
 eam extingui, totum se dedit reipublicæ, diligētius am-
 cis famæq̄ seruiens. Multum in iudijs priuatis uersa-
 batur, sæpe in concionem populi prodibat, nulla res
 maior sine eo gerebatur, celeriterq̄, quæ opus erant, re-
 periebat. Neque minus in rebus gerendis promptus, q̄
 excogitandis erat, q̄ & de instantibus (ut ait Thucy-
 dides) uerissime iudicabat, & de futuris callidissime
 conijciebat. Quo factum est, ut breui tempore illustra-
 retur. Primus autem gradus fuit capeßendæ reipubli-
 cæ bello Corcyreæ. ad quod gerendum prætor a popu-
 lo factus, non solum præsentis bello, sed etiam reliquo
 tempore ferocitatem reddidit ciuitatem. nam cum pecu-
 nia publica, quæ ex metallis redibat, largitione magi-
 stratum quotannis interiret, ille persuasit populo, ut
 ea pecunia classis centum nauium ædificaretur. Quæ
 celeriter effecta, primum Corcyreos fregit, deinde ma-
 ritimos prædones confectando mare tutum reddidit. In

AEMYLII PROBI

quo cum diuitijs ornavit, tum etiam peritissimos belli
 navalis fecit Athenienses. Id quantæ saluti fuerit uni=
 versæ Græciæ, bello cognitum est Persico. nam cum Xer=
 xes & mari & terra bellū univēse ferret Europæ,
 cum tantis eam copijs invasit, quantas neq; ante, neque
 postea habuit quisq;. huius enim classis mille & du=
 centarum navium longarum fuit, quā duo milia onera=
 riarum sequebantur. terrestres autem exercitus septin=
 gentorum milium peditum, equitum quadringentorum
 milium fuerunt. Cuius de adventu cum fama in Græ=
 ciam esset perlata, & maxime Athenienses peti diæ=
 rentur, propter pugnam Marathoniam, miserunt Del=
 phos consultum, quidnam facerent de rebus suis. Deli=
 berantibus pythia respondit, ut mœnibus ligneis se mu=
 nirent. Id responsum, quo valeret cum intelligeret ne=
 mo, Themistocles persuasit consilium esse Apollinis, ut
 in naues se suaq; conferrent. eum enim significari mu=
 rum ligneum. Tali consilio probato, addunt ad superio=
 res totidem naues triremes. suaq; omnia, quæ moveri
 poterant, partim Salaminem, partim Træzenem aspor=
 tant. arcem sacerdotibus paucisq; maioribus natu, ac sa=
 cra procuranda tradunt, reliquum oppidum relin=
 quunt. Huius consilium plerisq; civitatibus displicebat,
 & in terra dimicari magis placebat. Itaq; missi sunt
 delecti cum Leonida Lacædæmoniorum rege, q; Ther=
 mopylas occuparent, longiusq; barbaros progredi nō
 paterentur. Hi vim hostium non sustinuerunt, eoq; lo=
 co omnes interierunt. At classis communis Græciæ tre=
 centarum navium, in qua ducentæ erāt Atheniensium,
 primum apud Artemisiū inter Eubœam continētēq;
 terram

terrā cum classiarijs regis cōfluxit. angustias enim Themistocles querebat, ne multitudine circuiretur. hic etsi pari praelio discesserant, tamen eodem loco nō sunt ausi manere, q̄ erat periculum, ne si pars navium aduersariorum Euboeam superasset, ancipiti premerentur piculo. Quo factum est, ut ab Artemasio discederent, et aduersum Athenas apud Salamina classem suam constituerent. At Xerxes, Thermopylis expugnatis, protinus accessit Asty, idq; nullis defendentibus, interfectis sacerdotibus, quos in arce inuenerat, incendio deleuit. cuius fama perterriti classiarij cum manere non auderent, & plurimi hortarentur, ut domos suas discederent, mœnibusq; se defenderent, Themistocles unus restitit, & uniuersos esse pares aiebat, dispersos testabatur perituros. idq; Eurybiadi regi Lacedæmoniorū, qui tum summæ imperij præerat, fore affirmabat. quem cum minus, quàm uellet, moueret, noctu de seruis suis, quem habuit fidelissimum, ad regem misit, ut ei nuntiaret suis uerbis aduersarios eius in fuga esse. qui si discessissent, maiore cum labore, & longinquiore tempore, bellum confecturum, cum singulos consecrari cogeretur. quos si statim aggredereetur, breui uniuersos oppressurum. Hoc eo ualebat, ut ingrati ad depugnandum omnes cogerentur. Hac re audite barbarus nihil doli subesse credens postridie alienissimo sibi loco, contra opportunissimo hostibus, adeo angusto mari confluit, ut eius multitudo navium explicari non potuerit. Victus ergo est magis consilio Themistoclis, quàm armis Græciæ. Hic etsi male rem gesserat, tamen tantas habebat reliquias copiarum, ut etiam cum his oppri-

AEMYLI PROBI

mere posset hostes. Interim ab eodem gradu depulsus est. Nam Themistocles uerens, ne bellare perseveraret, certiores eum fecit id agi, ut pons, quem ille in Hellesponto fecerat, dissolueretur, ac reditu in Asiam excluderetur. Idque ei persuasit. Itaque, qua sex mensibus iter fecerat, eadem minus diebus triginta in Asiam reuersus est. sequi autem Themistocle non superatum, sed conseruatum indicauit. Sic unius uiri prudentia Graecia liberata est, Europaeque succubuit Asia. Haec altera uictoria, quae cum Marathonio possit comparari trophaeo. nam pari modo apud Salamina paruo numero nauium maxima post hominum memoriam clafsis est deuicta. Magnus hoc bello Themistocles fuit, nec minor in pace. Cum enim Phalereo portu neque magno neque bono Athenienses uterentur, huius consilio triplex Pyraei portus constitutus est. isque moenibus circumdatus, ut ipsam urbem dignitate equipararet, utilitate superaret. Idemque muros Atheniensium restituit praecipuo periculo suo. namque Lacedaemonij causam idoneam nacti propter barbarorum excursions, qua negarent oportere extra Peloponnesum ullam urbem haberi, ne essent loca munita, quae hostes possiderent, Athenienses aedificantes prohibere sunt conati. Hoc longe alio spectabat, atque uideri uolebant. Athenienses enim duabus uictorijs Marathonica et Salaminia tantam gloriam apud omnes gentes erant consecuti, ut intelligerent Lacedaemonij de principatu sibi cum his certamen fore. quare eos quam infirmos esse uolebant. Postquam autem audierunt muros instrui, legatos Athenas miserunt, qui id fieri uetarent. His praesentibus desierunt,

desierunt, ac se de ea re legatos ad eos missuros dixerunt. hanc legationem suscepit Themistocles, & solus primo profectus est. reliqui legati, ut tum exirent, cum satis altitudo muri extracta uideretur, praecepit. Interim omnes serui atque liberi opus facerent, neque ulli loco parcerent siue sacer, siue prophanus, siue priuatus, siue publicus, & undique, quod idoneum ad munendum putarent, cogerent. Quo factum est, ut Atheniensium muri ex sacellis sepulchrisque constarent. Themistocles autem, ut Lacedaemonem uenit, adire ad magistratus noluit, & dedit operam, ut quamlongissime tempus duceretur, causam interponens se collegas expectare. Cum Lacedaemonij quererentur opus nihilominus fieri, eumque ea re conati fallere. interim reliqui legati sunt consecuti, a quibus cum audisset non multum superesse munitionis ad Ephoros Lacedaemoniorum accessit, penes quos summum imperium erat, atque apud eos contendit falsa his esse delata. Quare aequum esse illos bonos uiros nobilesque mittere, quibus fides adhiberetur, qui rem explorarent. interea se obsidem retinerent. gestus est ei mos, tresque legati functi summis honoribus Athenas missi sunt. Cum his collegas suos Themistocles iussit proficisci. hisque praedixit, ut ne prius Lacedaemoniorum legatos dimitterent, quam ipse esset remissus. Hos postquam Athenas peruenisse est ratus, ad magistratum senatumque Lacedaemoniorum adiit, & apud eos liberrime professus est Athenienses suo consilio, quod communi iure gentium facere possent, deosque publicos suosque patrios ac penates, quo facilius ab hoste possent defendere, muris se posuisse, neque eo, quod in-

AEMYLI PROBI

utile esset Græciæ fecisse. nam illorum urbem & propugnaculum oppositum esse barbaris, apud quam iam bis classem regiam fecisse naufragium. Lacedæmonios autem male & iniuste facere, qui id potius intuerentur, quod ipsorum dominationi, quàm quod uniuersæ Græciæ utile esset. Quare si suos legatos accipere uellent, quos Athenas miserant, se remitterent, aliter illos nunquam in patriam essent recepturi. Tamen non effugit cuius suorum inuidiam. namq; ob eundem timorem, quo damnatus erat Miltiades, testarum suffragijs è ciuitate eiectus Argos habitatum concessit. Hic cū propter multas eius uirtutes magna cum dignitate uiueret, Lacedæmonij legatos Athenas miserunt, qui eum absentem accusarent, quod societatem cum rege Persiæ ad Græciam opprimendam fecisset. hoc crimine absens proditoris est damnatus. Id ut audiuit, quod non satis tutum se Argis uidebat, Corcyram demigravit. Ibi cum eius principes ciuitatis animaduertisset timere, ne propter se bellum his Lacedæmonij & Athenienses inducerent, ad Admetum Molossorum regem, cum quo ei hospitium fuerat, confugit. Huc cum uenisset, & in præsentia rex abesset, quo maiore religione se receptum tueretur, filiam eius paruulam arripuit, & cum ea se in sacrarium, quod summa colebatur cerimonialia, coniecit. inde non prius egressus est, quàm rex eum data dextra in fidem reciperet, quam præstitit. nam cum ab Atheniensibus & Lacedæmonijs exposeretur publice, supplicem non prodidit, monuitq; ut consuleret sibi. difficile enim esse, in tam propinquo loco tuto eum uersari. Itaque Pydnam eum deduci iussit, & quod

Et quod satis esset, praesidij dedit. Hic in nauem omni-
 bus ignotus ascendit, quae cum tempestate maxima Na-
 xum ferretur, ubi tum Atheniensium erat exercitus,
 sensit Themistocles, si eo peruenisset, sibi esse pereun-
 dum. hac necessitate coactus domino nauis, quis sit, ape-
 rit, multa pollicens, si se conseruasset. at ille clarissimus
 uiri captus misericordia diem noctemque procul ab in-
 sula in salo nauem tenuit in ancoris, neque quēquam
 ex ea exire passus est. inde Ephesum peruenit, ibique
 Themistoclem exponit, cui ille pro meritis gratiam po-
 stea retulit. Scio plerosque ita scripsisse, Themistoclem
 Xerxe regnante in Asiam transisse. sed ego potissimum
 Thucydidi credo, quod aetate proximus erat, qui illorum
 temporum historiam reliquerunt, et eiusdem ciuitatis
 fuit. Is autem ait ad Artaxerxem eum uenisse, atque
 his uerbis epistolam misisse. Themistocles ueni ad te,
 qui plurima mala omnium Graiorum in domum tu-
 am intuli, cum mihi necesse fuit aduersus patrem tu-
 um bellare, patriamque meam defendere. Idem multo
 plura bona feci, postquam in tuto ipse, et ille in peri-
 culo esse coepit. Nam cum in Asiam reuerti uellet, pra-
 elio apud Salamina facto, literis cum certiore feci, id
 agi, ut pons, quem in Hellesponto fecerat, dissolueretur,
 atque ab hostibus circumiretur. quo nuncio ille pericu-
 lo est liberatus. Nunc autem confugi exagitatus à cun-
 cta Graecia tua petens amicitiam, quam si ero adeptus,
 non minus me bonum amicum habebis, quam fortem
 inimicum ille expertus est. Ea autem rogo, ut de his re-
 bus, quas tecum colloqui uolo, annum mihi temporis
 des, eoque transacto ad te venire patiaris. Huius rex

animi magnitudinem admirans, cupiensque talem uirum sibi conciliari, ueniam dedit. Ille omne illud tempus literis sermonique Persarum dedit, quibus adeo eruditus est, ut multo commodius dicatur apud regem uerba fecisse, quam hi poterant, qui in Perside erant nati. Hic cum multa regi esset pollicitus, gratissimumque illud, si suis uti consilijs uellet, illum Græciam bello oppressurum, magnis muneribus ab Artaxerxe donatus in Asiam redijt, domiciliumque Magnesiae sibi constituit. nanque hanc urbem ei rex donarat, his usus uerbis, quæ ei panem præberet. ex qua regione quinquaginta talenta quotannis redibant, Lampfacum, unde uinum sumeret, Myntem, ex qua opsonium haberet. Huius ad nostram memoriam monumenta manserunt duo, sepulcrum prope oppidum, in quo est sepultus. statuæ in foro Magnesiae. De cuius morte multis modis apud plerosque scriptum est, sed nos eundem potissimum Thucydidem authorem probamus. qui illum ait Magnesiae morbo mortuum, neque negat fuisse famam uenenum sua sponte sumpsisse, cum se quæ regi de Græcia opprimenda pollicatus esset, præstare posse desperaret. Idem ossa eius clam in Attica ab amicis sepulta, quoniam legibus non concederetur, quod prodicionis esset damnatus, memorie prodidit.

Aristidis

ARISTIDIS VITA.

Aristides Lysimachi filius Atheniensis, aequalis ferè fuit Themistocli. itaque cum eo de principatu contendit. namque obrectarunt inter se. In his autem cognitum est, quanto antestaret eloquentia innocentiae. quāquam enim adeo excelebat Aristides abstinentia, ut unus post hominum memoriā, quod quidem nos audierimus, cognomine iustus sit appellatus, tamen a Themistocle collabefactus testula illa exilio decem annorum multatus est. Qui quidem cum intelligeret reprimi conatam multitudinem non posse, sedensque animadverteret quendam scribentem, ut patria pelleretur, quasisset ab eo dicitur, quare id faceret, aut quid Aristides commississet, cur tanta poena dignus duceretur. Cui ille respondit, se ignorare Aristidem, sed sibi non placere, quod cupide elaborasset, ut praeter ceteros iustus appellaretur. Hic decem annorum legitimam poenam non pertulit. nam postquam Xerxes in Græciam descendit, sexto ferè anno, quāquam erat expulsus, plebiscito in patriam restitutus est. Interfuit autem pugnae navali apud Salamina, quae facta est prius, quā poena liberaretur. Idem praetor fuit Atheniensium apud Plateas in praelio, quo Mardonius fusus, barbarorumque exercitus interfectus. Neque aliud est ullum huius in re militari illustre factum, quod huius imperij memoria. Iustitiae vero et aequitatis et innocentiae multa. In primis, quod eius aequitate factum est, cum in communi classe esset Graeciae simul cum Pers

u iiii

AEMYLI PROBI

saniam, quo duce Mardonius erat fugatus, ut summa imperij maritimi a Lacedaemonijs transferretur ad Athenenses. namq; ante id tempus & mari & terra duces erant Lacedaemonij. tum autem & intemperantia Pausaniae, & iustitia factum est Aristidis, ut omnes ferè civitates Graeciae ad Atheniensium societatem se applicarent, & aduersus barbaros hos duces deligerent sibi, quo facilius repellerent, si forte bellum renouare cernerentur. Ad classes aedificandas exercitusq; comparandos quantum pecuniae quaeque ciuitas daret, Aristides delectus est, qui constitueret. eius arbitrio quadringenta & sexaginta talenta quotannis Delum sunt collata. id enim commune aerarium esse uoluerunt. Quae omnis pecunia postero tempore Athenas translata est. Hic qua fuerit abstinentia, nullum est certius indicium, quàm cum tantis rebus praesuisset in tanta paupertate decessit, ut qui efferretur, uix reliquerit. Quo factum est, ut filiae eius publice alerentur, & de communi aerario dotibus datis collocarentur. Decessit autem ferè post annum quartum, q̃ Themistocles Athenis erat expulsus.

PAVSANIAE VITA.

Pausanias Lacedaemonius magnus homo, sed uariis in omni genere uitae fuit. nam ut uirtutibus eluxit, sic uitis est obrutus. Huius illustrissimum est praelium apud Plataeas. namq; illo duce Mardonius Satrapes regius, natione Medus, regis gener, in primis omnium Persarum & manu fortis, et consilij

consilij plenus, cum ducentis milibus peditum, quos uirum legerat, et uiginti milibus equitum, haud ita magna manu Graecia fugatus est. eoq; ipse dux cecidit praelio. Qua uictoria elatus plurima miscere coepit, et maiora concupiscere. Sed primum in eo est reprehensus, quod cum ex praeda tripodem aureum Delphis posuisset epigrammate scripto. in quo erat haec sententia, suo ductu barbaros apud Plateas esse deletos, eiusq; uictoriae ergo Apollini donum dedisse, hos uersus Lacedaemonij exculperunt, neq; aliud scripserunt, q̄ nomina earum ciuitatum, quarum auxilio Persae erant uicti. Post id praelium eundem Pausaniam cum classe communis Cyprum atq; Hellepontum miserunt, ut ex his regionibus barbarorum praesidia depelleret. Pari felicitate in ea re usus elatus se gerere coepit, maioresq; appetere res. Nam cum Byzantio expugnato cepisset complures Persarum nobiles, atq; in his nonnullos regis propinquos, hos clam Xerxi remisit, simulans ex uinculis publicis effugisse, et cum his Congylum Crentensem, qui literas regi redderet. in quibus haec fuisse scripta Thucydides memoriae prodidit. Pausanias dux Spartae, quos Byzantij ceperat, postq̄ propinquos tuos cognouit, tibi muneri misit, seq; tecum affinitate coniungi cupit. quare, si tibi uidetur, des ei filiam tuam nuptum. Id si feceris et Spartam et caeteram Graeciam sub tuam potestatem se adiuvante redacturum pollicetur. His rebus si quid geri uolueris, certum hominem ad eum mittas fac, cum quo colloquatur. Rex tot hominum salute tam sibi necessariorum magnopere gaudens, confestim cum epistola Artabazum ad Pausaniam mittit. In qua eum

AEMYLI. PROBI.

collaudat. petit, ne cui rei parcat ad ea perficienda,
 quæ pollicetur. si fecerit, nullius rei à se repulsam la-
 turum. Huius Pausanias voluntate cognita alacrior ad
 rem gerendam factus, in suspicionem cecidit Lacedæ-
 moniorum. In quo facto domum reuocatus, accusatus ca-
 pitis, absoluitur mulctatur tamen pecunia. quam ob ca-
 sam ad classem remissus non est. At ille post non multo
 sua sponte ad exercitum rediit, & ibi non callida, sed
 dementi ratione cognita patefecit. Non enim mores pa-
 trios solum, sed etiam cultum uestitumq; mutauit. Appa-
 ratu regio utebatur, ueste medica. Satellites Medi &
 Aegyptij sequebantur. Epulabatur more Persarum lu-
 xuriosius, q̃, qui aderant, perpeti possent. Aditum peten-
 tibus conueniendi non dabat. superbe respondebat. &
 crudeliter imperabat. Spartam redire nolebat. Colo-
 nas, qui locus in agro Troade est, se contulerat, ibi con-
 silia cum patriæ, tū sibi, inimici capiebat. Id post q̃ La-
 cedæmonij rescuerunt, legatos ad eum cum scytala mī-
 serunt, in qua more illorum erat scriptum, nisi domum
 reuerteretur, se capitis eū damnaturos. Hoc nuntio mo-
 tus, sperans se etiam cū pecunia & potentia insulens pe-
 riculum posse depellere, domum rediit. huc ut uenit,
 ab ephoris in uincula publicæ coniectus est. licet enim
 legibus eorum cuius ephoro hæc facere regi. hinc ta-
 men se expediuit, neq; eo magis carebat suspitione, nā
 opinio manebat eum cum rege habere societatem. Est
 genus quoddam hominum, quod Helotæ uocatur, quo-
 rum magna multitudo agros Lacedæmoniorum colit,
 seruorumq; munere fungitur. hos quoq; sollicitare spe
 libertatis existimabatur. sed quot harum rerum nullū

erat apertum crimen, quo argui posset, non putabant de tali tamq; claro viro suspicionibus oportere iudicari. Et expectandum, dum se ipsa res aperiret. Interim Argilius quidam adolescentulus, quem puerum Pausanias amore uenero dilexerat, cum epistolā ab eo ad Artabazum accepisset, eiq; in suspicionem uenisset, aliquid in ea de se esset scriptum, q̄ nemo eorum redisset, qui super tali causa eodem missi erant, uincula epistolae laxauit, signoq; detracto cognouit, si pertulisset sibi esse pereundum. Erant in eadem epistola, quae ad ea pertinebant, quae inter regem Pausaniamq; conuenerant. Has ille literas ephoris tradidit. Nō est praetereunda grauitas Lacedaemoniorum hoc loco. nam ne huius quidem indicio impulsī sunt, ut Pausaniam comprehenderent. neq; prius uim adhibendam putauerunt, q̄ se ipse indicasset. Itaq; huic indici, quid fieri uellent, praeceperunt. Fanum Neptuni est Tænari, qd̄ uiolari nefas putant Graeci. Eo ille index confugit, in ara consedit. hanc iuxta locum fecerunt sub terra, ex quo posset audiri, si quis quid loqueretur cum Argilio. huc ex ephoris quidam descenderunt. Pausanias, ut audiuit Argilium cōfugisse in aram, perturbatus uenit eo, quē cum supplicem dei uideret in ara sedentem, quaerit causae quid sit tam repentini consilij. huic ille, quid ex literis comperisset, aperit. modo magis Pausanias perturbatus orare coepit, ne nuntiaret, nec se meritum de illo optime proderet. quod si eam ueniam sibi dedisset, tantisq; implicatum rebus subleuasset, magno se ei praemio futurum. His rebus ephori cognitis satius putauerunt in urbe eum comprehendi, quo cum essent

A EMYLII PROBI

profecti, & Pausanias placato Argilio (ut putabat) Lacedaemonem reuerteretur, in itinere, cum iā in eo esset, ut cōprehenderetur, ē uultu cuiusdam ephori, qui eum admonere cupiebat, & insidias sibi fieri itellexit. Itaq; paucis ante gradibus, q̄ qui sequebantur, in aedem Minervae, quae Chalciaecus uocatur, confugit. Hinc ne exire posset, statim ephori ualuas eius aedis obstruxerunt, tectumq; sunt demoliti, quo facilius sub dio interiret. Dicitur eo tempore matrem Pausaniae uixisse, eamq; iā magno natu, postq̄ de scelere filij comperit, in primis ad filium claudendū lapidem ad introitum aedis attulisse. Sic Pausanias magnam belli gloriam turpi morte maculauit. Hic cum semianimus de templo elatus esset, confestim animam efflauit. Cuius mortui corpus cū eodem nonnulli dicerent inferri oportere, quo hi, qui ad supplicium essent dati, displicuit pluribus, & procul ab eo loco infoderunt, quo erat mortuus. Inde posterius delphici responso exutus, atque loco sepultus, ubi uitam finierat.

CIMONIS VITA.

Imon Miltiadis filius Atheniensis, du-
ro admodum initio usus est adolescen-
tiae. nam cum pater eius litem aestima-
tam populo soluere non potuisset, ob
eamq; causam in uinculis publicis de-
cessisset, Cimon eadem custodia tenebatur, neq; legibus
Atheniensibus emitti poterat, nisi pecuniam, qua pater
muletatus esset, soluisset. Habebat autem in matrimo-

nio sororem germanam suam nomine Elpenicem, non magis amore, q̄ patrio more, ductus. nam Atheniensibus licet eodem patre natas uxores ducere. Huius coniugij cupidus Galliae quidam, non tam generosus, quā pecuniosus, qui magnas pecunias ex metallis fecerat, egit cum Cimone, ut eam sibi uxorem daret. id si impetrasset, se pro illo pecuniam soluturum. Is cum talem conditionem aspernaretur, Elpenice negavit se passurā Miltiadis progeniem in uinculis publicis interire, quoniam prohiberet, seq; Galliae nupturam, si ea, quae polliceretur, praestitisset. Tali modo custodia liberatus Cimon, celeriter ad principatum peruenit. Habebat enim satis eloquentiae summam liberalitatem, magnam prudentiam, cum iuris civilis, tum rei militaris, q̄ cum patre à puero in exercitu fuerat uersatus. Itaq; hic & populum urbanum in sua tenuit potestate, & apud exercitum plurimum ualuit auctoritate. Primum imperator apud flumen Strymona magnas copias Thracū fugauit. oppidum Amphipolim constituit, eoq; decē milia Atheniensium in coloniam misit. Idē iterum apud Mycalen Cypriorum & Phoenicum ducentarum nauium classim deuictam cepit. Eodēq; die pari fortuna in terra, usus est. nāq; hostiū nauibus captis, statim ex classe copias suas eduxit, barbarorū uno concursu maximā uim prostrauit. Qua uictoria magna praeda potitus cum domum reuerteretur, q̄ iam nonnullae insulae propter acerbicatem imperij defecerant, alienatas ad officium redire cōegit. Scyrum, quam eo tempore Dolo pes incolebant, q̄ contumacius se gesserat, uacuefecit, se, sorores ueteres urbe insulaq; eiecit, agros quibus diuisit.

Thasios opulentia fretos suo aduentu fregit. His è manubijs Athenarum arx, quæ ad meridiem uergit, est ornata. Quibus rebus cum unus in ciuitate maxime floreret, incidit in eandem inuidiam, quam pater suus, cæteriꝫ Atheniensium principes. nam testarum suffragijs, quod illi ostrakon uocant, decem annorum exilio mulctatus est. Cuius facti celerius Athenienses, q̃ ipsum, poenituit. nam cum ille animo forti inuidiæ ingratorum ciuium cessisset, bellūꝫ Lacedæmonij Atheniensibus indixissent, confestim notæ eius uirtutis desiderium consecutum est. Itaq; post annum quintum, quo expulsus erat, in patriam reuocatus est. Ille q̃ hospitis Lacedæmoniorum utebatur, satius existimans contendere Lacedæmonem, sua sponte est profectus, pacemq; inter duas potentissimas ciuitates conciliauit. post neq; ita multo in Cyprum cum ducentis nauibus imperator nissus, cum eius maiorem partem insulæ deuicisset, in morbum implicatus in oppido Citio est mortuus. Hunc Athenienses non solum in bello, sed in pace diu desiderauerunt. Fuit enim tanta liberalitate, cū compluribus locis prædia hortosq; haberet, ut nunq̃ in eis custodem imposuerit fructus seruandi gratia, ne quis impediretur, quo minus eius rebus, quibus uellet, frueretur. Semper cum pedisse qui cum nummis sunt secuti, ut si quis opis eius indigeret, haberet, quod statim daret, ne differendo uideretur negare. Sæpe, cum aliquem offensum fortuna uideret minus bene uestitum, suum amiculum dedit. cotidie sic cæna ei coquebatur, ut quos conuocatos uidisset in foro, omnes deuocaret, quod facere nullum diem prætermittebat. Nulli fi

des eius, nulli opera, nulli res familiaris defuit. multos locupletauit. complures pauperes mortuos, qui, unde esserentur, non reliquissent, suo sumptu extulit. sic se gerendo minime est mirandum, si & uita eius fuit secura, & mors acerba.

LYSANDRI VITA.

Lysander Lacedaemonius magnam reliquit sui famam magis felicitate, quam uirtute, partam. Athenienses enim in peloponnesios sexto & uigesimo anno bellum gerentes confesse apparet. id qua ratione consecutus sit, latet. non enim uirtute sui exercitus, sed immodestia factum est aduersariorum, qui quod dicto audientes imperatoribus suis non erant, dispersati in agris relictis nauibus in hostium uenerunt potestatem. quo facto Athenienses se Lacedaemonijs dederunt. Hac uictoria Lysander elatus, cum antea semper factiosus audaxque fuisset, sic sibi indulgit, ut eius opera in maximum odium Graecae Lacedaemonij peruenerint. Nam cum hanc causam Lacedaemonij dictitassent sibi esse belli, ut Atheniensium impotentem dominationem refringerent, postquam apud Aegios flumen Lysander classis hostium est potitus, nihil aliud molitus est, quam ut omnes ciuitates in sua teneret potestate, cum id se Lacedaemoniorum causa facere simularet. namque undique qui Atheniensium rebus studuissent eiectionis, decem delegerat in una quaque ciuitate, quibus summum imperium potestatemque omnium rerum committeret. horum in numero nemo admittebatur, nisi qui

AEMYLI PROBI

aut eius hospitio contineretur, aut se illius fore propriū
fide confirmarat. Ita decemvirali potestate in omni-
bus urbibus constituta, ipsius nutu omnia gerebantur. cu-
ius de crudelitate ac perfidia satis est unam rem exem-
pli gratia proferre, ne de eodem plura enumerando, fa-
tigemus lectores. Victor ex Asia cū reuenteretur, Tha-
sumq; diuertisset, q̄ ea ciuitas præcipua fide fuerat er-
ga Athenienses, perinde ac si ydem firmissimi solerēt
esse amici, qui constantes fuissent inimici, eam peruertere
concupiuit. uidit autem, nisi in eo occultasset uoluntate
tem, futurum ut Thasi dilaberentur, consulerentq; re-
bus suis. Itaq; decemviralem suam potestatem sui ab il-
lo constitutam sustulerunt. quo dolore incensus inijt con-
silia, reges Lacedæmoniorum tollere. sed sentiebat id si-
ne ope deorum facere non posse, q̄ Lacedæmonij om-
nia ad oracula referre consueuerant. Primum Del-
phos corrumpere est conatus. cum id non potuisset, Do-
donam adortus est. hinc quoq; repulsus dixit, se uota su-
scipisse, quæ Ioui Ammoni solueret, existimans se
Afros facilius corrupturum. Hac spe cum profectus
esset in Africam, multum eum antistites Iouis fefelle-
runt, nam non solum corrumpi non potuerunt, sed etiā
legatos Lacedæmonia miserunt, qui Lysandrum accusa-
rēt, q̄ sacerdotes fani corrūpere conatus esset. Accusatus
hoc crimine, iudicūq; absolutus sententijs, Orchome-
nijs missus subsidio, occisus ē à Thebanis apud Haliartū.
Quā uere de eo foret iudicatū, oratio iudicio fuit,
quæ post mortē i domo eius reperta est, in qua suadet
Lacedæmonijs, ut regia potestate dissoluta, ex oībus
dux deligatur ad bellū gerendum, sed scripta, ut deorū
uideretur

videretur congruere sententiæ, quam ille se habiturum pecunia fidens non dubitabat. hanc ei scripsisse Cleon Halicarnassus dicitur. Atq; hoc loco non est prætereū dum factum Pharnabazī Satrapis regij. nam cum Lysander præfectus classis in bello multa crudeliter aua req; fecisset, deq; his rebus suspicaretur ad ciues suos esse perlatum, petijt à Pharnabazo, ut ad Ephoros si bi testimonium daret, quanta sanctitate bellum gessisset, socioq; tractasset, de eaq; re accurate scriberet. magna enim eius auctoritatem in ea re futuram. Huic ille liberaliter pollicetur, librum grauem multis uerbis conscripsit, in quibus summus eum effert laudibus. quē cum legisset, probassetq; dum designatur, alterum pari magnitudine, ut discerni non posset, signatum subiecit. in quo accuratissime eius auaritiā perfidiāq; accusarat. Hinc Lysander donum cum redisset, postq̃ de suis rebus gestis apud maximum magistratum, quæ uoluerat, dixerat, testimonij loco librum à Pharnabazo datum tradidit. Hunc, summo Lysandro, cum Ephori cognoscerent, ipsi legendum dederunt. Ita ille imprudens ipse suus accusator.

ALCIBIADIS VITA.

Alcibiades Cliniae filius Atheniensis. In hoc natura, quid efficere possit, uidetur experta. Constat enim inter omnes, q̃ de eo memoriæ prodiderunt, nihil illo fuisse excellentius uel in uitijis uel in uirtutibus. Nam in amplissima ciuitate, summo genere,

AEMYLI PROBI

omnium ætatis suæ multo formosissimus, ad omnes res aptus, consiliq; plenus. Nāq; imperator fuit summus mari & terra, disertus, ut in primis dicendo ualeret, & tanta erat commendatio oris atq; orationis, ut nemo ei dicendo posset resistere. deinde cum tempus posceret, laboriosus, patiens, liberalis, splendidus non minus in uita, q̄ uictu, affabilis, blandus, temporibus callidissime inserviens. Idem simul ac se remiserat, nec causa suberat, quare animi laborem perferret, luxuriosus, dissolutus, libidinosus, intemperans reperiabatur, ut omnes admirarentur in uno homine tantam dissimilitudinem, tāq; diuersam naturam. Educatus est in domo Periclis, priuignus enim suus fuisse dicitur. eruditus à Socrate. socerum habuit Hipponicum omnium græcæ linguae eloquentia disertissimum. ut si ipse fingere uellet, neq; plura bona reminisci, neque maiora posset consequi, q̄ uel fortuna uel natura tribuerat. Ineunte adolescentia amatus est à multis more græcorum, in eis à Socrate, de quo mentionem facit Plato in symposio. namq; eum induxit commemorantem se pernoctasse cum Socrate, neq; aliter ab eo surrexisse ac filius à parente debuerit. Postea, q̄ robustior est factus, non minus multos amauit. in quorum amore, quo adliatum est, odiosa multa delicate iocoseq; fecit, quæ referremus nisi maiora potioraq; haberemus. Bello Peloponnesiaco huius consilio atq; authoritate Athenienses bellum syracusanis indixerunt. ad quod gerendum ipse dux electus est. duo præterea collegæ dati Nicias & Lamachus. Id cum appareretur prius quam classis exiret, accidit, ut una nocte omnes hermæ, qui in oppido erant Athenis,

Athenis, deijcerentur, præter unum, qui ante ianuam eius erat, Androcydesq; uocatus est. hoc cum appare-
ret non sine magna multorum consensione esse factum,
q; non ad priuatam, sed ad publicam rem pertineret,
magnus multitudini timor est iniectus, nequa repenti-
na uis in ciuitate existeret, quæ libertatem opprimeret
populi. Hoc maxime conuenire in Alabiadem uideba-
tur, q; & potentior & maior, quàm priuatus, existima-
batur. multos enim liberalitate deuinxerat, plures etiã
opera forensi suos reduxerat. quare fiebat, ut om-
nium oculos, quotiescunq; in publicum prodisset, ad
se conuerteret, neq; ei par quisquam in ciuitate ponere-
tur. Itaq; non solum sem in eo habebant maximam,
sed etiam timorem. q; & obesse plurimum, et prodes-
se poterat. Aspergebatur etiam infamia, q; in domo sua
facere mysteria dicebatur, quod nefas erat more Athe-
nensium, idq; non ad religionem, sed ad coniurationẽ
pertinere existimabatur. Hoc crimine in contentionem
ab inimicis compellebatur. sed instabat tempus ad bel-
lum proficiscendi. Id ille intuens, neq; ignorans ciuium
suorũ consuetudinem, postulabat si quid de se agi uel-
lent, potius de præsentis quæstio haberetur, q̃ absens in
uidiæ crimine accusaretur. Inimici uero eius quiescen-
dum in præsentis, quia nocere non posse intelligebant,
& illud tempus expectandum, decreuerunt, quo si
exisset, ut absentem aggredieretur. Itaq; fecerunt. nam
postq̃ in Siciliam eum peruenisse crediderunt, absentẽ,
q; sacra uiolasset, reum fecerunt. qua de re cum ei nun-
tius à magistratu in Siciliam missus esset, ut domum ad
causam dicendam rediret, essetq; magna spe prouin-

AEMYLI PROBI

ciæ bene administrandæ, nō parere noluit, et in triremē, quæ ad eum deportandum erat missa, ascendit, ac Thurios in Italiam puectus, multa secum reputans de immoderata ciuium suorum licentia crudelitateq; erga nobiles, utilissimum ratus impendentem euitare tēpestatem, clam se à custodibus subduxit, & inde primum Elidem, deinde Thebas uenit. Postq̃ autem se capitis damnatum bonis publicatis audiuit, & id, quod usu uenerat, Eumolpidas et Cerycas à populo coactos, ut se deuouerent, eiusq; deuotionis, quo testator esset memoria, exemplum in pila lapidea incisum esse positum in publico, Lacedæmonem demigrauit. Ibi, ut ipse prædicare consueuerat, non aduersus patriam, sed inimicos suos bellum gessit, q̃ iūdem hostes essent ciuitatī nam cum intelligerent se plurimum prodesse rei publicæ, ex ea eiecisse, plusq; iræ suæ, q̃ utilitati communi paruisse. itaq; huius consilio Lacedæmonij cum Persia rege amicitiam fecerunt. deinde Deceliam in Atticā munierunt, præsidioq; perpetuo ibi posito in obsidione Athenas tenuerunt. Eiusdem opera Ioniam à societate auerterunt Atheniensium. quo facto, multo superiores bello esse cœperunt. neq; uero his rebus tam amici Alcibiadi sunt facti, q̃ timore ab eo alienati. nam cum acerrimi uiri præstantem prudentiam in omnibus rebus cognoscerent, pertimuerunt ne charitate patriæ ductus aliquando ab ipsis descisceret, & cum suis in gratiam rediret. Itaque tempus eius interficiendi querere instituerunt. Id Alcibiadi diutius cœlari non potuit, erat enim ea sagacitate, ut decipi non posset, præsertim, cum animū attendisset ad cauēdū. Itaq; ad Tisaphernem

Saphernem praefectum regis Darij se contulit, cuius cum
 in intimam amicitiam peruenisset, et Atheniensium
 male gestis in sialia rebus opes senescere, contra La-
 cedæmoniorum crescere uideret. initio cum Pisandro
 praetore, qui apud Samum exercitum habebat, per
 internuntios colloquitur, et de reditu suo facit nuntio-
 nem. Erat enim eodem, quo Alabiades, sensu, populi
 potentiae non amicus, et optimatum fautor. Ab hoc de-
 stitutus primum per Thrasybulum Lya filium ab ex-
 eratu recipitur, praetorq; fit apud Samum. post suffra-
 gante Theramene plebiscito restituitur, pariq; absens
 imperio praeficitur simul cum Thrasybulo et Thera-
 mene. Horum imperio tanta commutatio rerum facta
 est, ut Lacedæmonij, qui paulo ante uictores uiguerant,
 perterriti pacem peterent. uicti enim erant quinque
 praelijs terrestribus, tribus navalibus. in quibus ducen-
 tas naues triremes amiserant, quae captae i hostium ue-
 nerant potestatem. Alabiades simul cum collegis rece-
 perat Ioniam, Hellespontum, multas praeterea urbes
 graecas, quae in ora sitae sunt Asiae. quarum expugna-
 uerant quod plures, in his Byzantium. neq; minus multas
 consilio ad amicitiam adiunxerant. q in captos clemē-
 tia fuerant usi. inde praeda onusti locupletato exercitu
 maximis rebus gestis Athenas uenerunt. His cum ob-
 uia uniuersa ciuitas in Piræum descendisset, tanta fuit
 omnium expectatio uisendi Alabiadis, ut ad eius tri-
 remem uulgus conflueret, perinde ac si solus adue-
 nisset. sic enim populo erat persuasum, et aduersas
 superiores, et praesentes secundas res accidisse eius
 opera. Itaque et Sialiae amissum, et Lacedæmonio-

AEMY LII PROBI

rum uictorias culpæ suæ tribuebant . q̄ talem uirum
ex ciuitate expulissent . Neque id sine causa arbitrari ui
debantur . nam postq̄ exercitui præesse cœperat , neque
terra , neque mari hostes pares esse potuerant . Hic ut
nauis egressus est , quanquam Theramenes & Thrasyl-
bulus eisdem rebus præfuerant , simulq̄ uenerant in
Piræum , tamen illum unum omnes persequabantur ,
& id , quod nunq̄ antea usu uenerat , nisi olympiæ ui-
ctoribus , coronis aureis æneisq̄ uulgo donabatur . Ille
lachrymans talem beneuolentiam ciuium suorum acci-
piebat , reminiscens pristini temporis acerbiter . Postq̄
Asty uenit , concione aduocata sic uerba fecit , ut nemo
tam ferus fuerit , quin eius casum lachrymarit , inimi-
cumq̄ his se ostenderit , quorum opera patria pulsus
fuerat . perinde ac si alius populus , non ille ipse , qui
tum fiebat , eū sacrilegij damnasset . Restituta ergo huic
sunt publice bona . iidem illi Eumolpidæ ac Ceryces
rursus resacrare sunt coacti , qui eum deuouerant . pi-
leq̄ illæ , in quibus deuotio fuerat scripta , in mare
præcipitata . Hæc Alabiadi lætitia minus fuit diutur-
na . nam cum ei essent honores decreti , totaq̄ respublicæ
domi belliq̄ tradita , ut unius arbitrio gereretur , &
ipse postulasset , ut duo sibi collegæ darentur Thrasibu-
lus & Adimantus , neq̄ id negatum esset , classe in Asiā
profectus , q̄ apud Cymen minus ex sententia rem ges-
serat , in inuidiam recidit . nihil enim eum non efficere
posse ducebant . ex quo fiebat , ut omnia minus pro-
spere gesta eius culpæ tribuerent . cum aut eum negli-
genter , aut malitiose fecisse loquerentur , sicut accidit .
nam corruptum a rege capere Cymen noluisse argue-
bant .

bant. Itaque huic maxime imputamus malo causam
fuisse nimiam opinionem ingenij, atque uirtutis. timeba-
tur enim non minus, quàm diligebatur, ne secunda
fortuna magnisq; elatus opibus, tyrannidem concupi-
scret. quibus rebus factum est, ut absenti magistra-
tum abrogarent, & alium in eius locum substitueret.
Id ille ut audiuit, domum reuera noluit, & se Pata-
ram contulit, ibiq; tria castella communivit, Bornos,
Biram, Themeonticos. manuq; collecta primus Graeciae
ciuitates in Thracia introiit, gloriosius existimans bar-
barorum praeda locupletari, quàm Graiorum. Qua
ex re creuerat fama cum opibus, magnamq; amici-
tiam sibi cum quibusdam regibus Thraciae pepererat.
neque tamen à charitate patriae potuit recedere. nam
cum apud Aegos flumen Philodes praetor Atheniësum
classem constituisset suam, neq; longe abesset Lysander
praetor Lacedaemoniorum, qui in eo erat occupatus, ut
bellum q̄ diutissime duceret, q̄ ipsis pecunia à rege sup-
peditabatur. contra Atheniensibus exhaustis, praeter ar-
ma & naues nihil erat super. Alabiades ad Athenië-
sum uenit exercitum, ibiq; praesente uulgo agere coe-
pit. si uellent, se coacturum Lysandrum dimicare,
aut pacem petere. Respondent Lacedaemonios eo nol-
le confligere classe, quot pedestribus copijs plus, q̄ na-
uibus, ualerent. sibi autem esse facile Scotym regē Thra-
ciam deducere, ut eos terra depelleret. quo facto neces-
sario aut classe conflicturos, aut bellum composituros.
Id etsi uere dictum Philodes animaduvertebat, ta-
men postulata facere noluit, quod sentiebat se Alabia-
de recepto nullius momenti apud exercitum futurum.

Et si quid secundi euenisset, nullam in eare suam partem fore. contra ea siquid aduersi accidisset, se unum eius delicti futurum reum. Ab hoc discedens Alcibiades, quoniam inquit uictoriae patriae repugnas, illud moneo, iuxta hostes castra habeas nautica. periculum est enim, ne immodestia militum nostrorum occasio detur Lysandro nostri opprimendi exercitus. Neque ea res illum fefellit. nam Lysander cum per speculatores comperisset, vulgum Atheniensium in terram praedatum exisse, nauesque penè inanes relictas, tempus rei gerendae non dimisit, eoque impetu totum bellum deleuit. At Alcibiades uictis Atheniensibus non satis tuta eadem loca sibi arbitrans, penitus in Thraciam se supra propontidem abdidit, sperans ibi fiscalime suam fortunam oculi posse falso. nam Thraces postquam eum cum magna pecunia uenisse senserunt, insidias fecerunt. quia ea, quae apportauit, abstulerunt, ipsum capere non potuerunt. Ille cernens nullum locum sibi tutum in Graecia propter potentiam Lacedaemoniorum, ad Pharnabazum in Asiam transiit. quem quidem adeo sua cepit humanitate, ut eum nemo in amicitia antecederet. nanque ei Grimum dederat in Phrygia castrum, ex quo quinquaginta talenta uestigalis habebat. Qua fortuna Alcibiades non erat contentus, neque Athenas uictas Lacedaemoniis seruire poterat pati. Itaque ad patriam liberandam omni ferebatur cogitatione. sed uidebat id sine rege Persarum non posse fieri. ideoque eum amicum sibi cupiebat adiungi. neque dubitabat facile se consecuturum, si modo eius conueniendi habuisset potestatem.

testatem. nam Cyrum fratrem ei bellum clam pa-
rare Lacedaemonijs adiuvantibus sciebat. id si ape-
ruisset, magnam se initurum gratiam uidebat. Hæc
cum moliretur, peteretq; à Pharnabazō, ut ad regem
mitteretur, eodem tempore Critias cæterique tyrannī
Atheniensium certos homines ad Lysandrum in Asi-
am miserunt, qui eum certiores facerent. nisi Alabi-
adem sustulisset, nihil earum rerum fore ratum, quas
ipse Athenis constituisset. quare si suas res gestas ma-
nere uellet, illum persequeretur. His Lacon rebus com-
motus statuit accuratius sibi agendum cum Pharnaba-
zō societatem. huic ergo renuntiat, quæ regi cum La-
cedaemonijs essent, irrita futura, nisi Alabiadem uiuum
aut mortuum tradidisset, stare non posse. Non tulit
hoc Satrapes, & uiolare clementiam, quàm regis opes
manui, maluit. Ita que misit Sysamethrem & Bagoam
ad Alabiadem interficiendum. cum ille esset in Phry-
gia, iterque ad regem compararet. Missi clam uianita-
ti, in qua tum Alabiades erat, dant negotium, ut eum
interficiant. Illi cum ferro aggredi non auderent, no-
ctu ligna contulerunt circa samneam, in qua quie-
scbat, eamque succenderunt, ut incendio conficerent,
quem manu superari posse diffidebant. Ille autem in
sonitu flammæ excitatus, etsi gladius ei erat subductus,
familiaris sui subalare telum eripuit. namq; erat cum
eo quidam ex Arcadia hospes, qui nunquam discedere
uoluerat. hunc sequi se iubet, & id, quod in præsen-
tia uestimentorum fuit, arripuit. his in ignem eiectis
flammæ uiam transiit. Quem ut barbari incendium
effugisse eminus uiderunt, telis missis interfecerunt, ca-

A E M Y L I I P R O B I

putq; eius ad Pharnabazum retulerunt. At mulier,
 quæ cum eo uiuere consueuerat, muliebri sua uesçe con-
 tectum ædificij incendio mortuum cremauit, quod
 ad uiuum interimendum erat comparatum. Sic Alci-
 biades annos circiter quadraginta natus, diem obiit
 supremum. Hunc infamatum a plerisque tres graui-
 simi historici summis laudibus extulerunt, Thucydi-
 des, qui eiusdem ætatis fuit. Theopompus, qui fuit post
 aliquanto natus. & Timæus, qui quidem duo maledi-
 centissimi, nescio quo modo, in illo uero laudando con-
 fenserunt. nam ea, quæ supra diximus, de eo prædi-
 carunt, atque hoc amplius. Cum Athenis splendidissi-
 ma ciuitate natus esset, omnes Athenienses splendore ac
 dignitate superasse uitæ. postquam inde expulsus The-
 bas uenerit, adeo studijs eorum inseruisse, ut nemo eum
 labore corporis, quæ uiribus posset æquiparare. omnes
 enim Bæotij magis firmitati corporis, quàm ingenij
 acumini inseruiunt. eundem apud Lacedæmonios, quo-
 rum moribus summa uirtus in patientia ponebatur,
 sic duritiæ se dedisse, ut parsimonia uictus atque cultus
 omnes Lacedæmonios uinceret. fuisse apud Thraces
 homines uiolentos rebusq; uenereis deditos, hos quoq;
 in his rebus antecessisse. uenisse ad Persas, apud quos
 summa laus esset fortiter uenari, luxuriose uiuere,
 horum sic imitatum consuetudinem, ut illi ipsi eum in
 his maxime admirarentur. quibus rebus offecisse, ut
 apud quoscunq; esset, poneretur, princeps habereturq;
 charissimus. Sed satis de hoc, reliquos ordiamur.

THRASYBULI VITA.

Thrasybulus Lyci filius Atheniensis, si
 per se uirtus sine fortuna ponderan-
 da sit, dubito an hunc primum omni-
 um ponam. illi sine dubio nemine præ-
 fero, fide, constantia, magnitudine ani-
 mi, in patriâ amore. nam quod multi uoluerunt, pau-
 ci potuerunt ab uno tyranno patriam liberare. huic
 contigit, ut à triginta oppressam tyrannis ex seruitute
 in libertatem uindicaret. Sed nescio quomodo, cum
 eum nemo antiret his uirtutibus, multi nobilitate præ-
 currerunt. Primum Peloponnesio bello multa hic sine
 Alabiade gessit, ille nullam rem sine hoc, quæ ille uni-
 uersa naturali quodam bono fecit lucri. Sed illa tamen
 omnia communia imperatoribus cum militibus & for-
 tuna, quod in prælii concursu abiit res consilio ad uires
 uimq; pugnantium. Itaq; iure suo nonnulla ab impera-
 tore uales, plurima uero à fortuna uindicat, seq; his
 plus ualuisse, quàm ducis prudentia, uere potest prædi-
 care. Quare illud magnificentissimum factum propri-
 um est Thrasybuli. nam cum triginta tyranni præpo-
 siti à Lacedæmonijs, seruitute oppressis teneret Athe-
 nas, plurimos ciues, quibus in bello pepererat for-
 tuna, partim patria expulissent, partim interfecissent,
 plurimorum bona publicata inter se diuisissent, non
 solum princeps, sed & solus initio bellum his indixit.
 Hic enim cum Phylon confugisset, quod est castellum in
 Atticâ munitissimum, non plus habuit secum, quàm tri-
 ginta, de suis. Hoc initium fuit salutis Atticorum, hoc ro-

AEMYLI PROBI

bur libertatis clarissimæ civitatis. Neque uero hic non contemptus est primo a tyrannis, neque eius sollicitudo, quæ quidem res et illis contemnentibus perniciæ, et huic despecto saluti, fuit. hæc enim illos ad persequendum segnes, hos autem tempore ad comparandum dato fecit robustiores. Quo magis præceptum illud omnium in animis esse debet, nihil in bello oportere contemni, nec sine causa dici matrem timidi flere non solere. Neque tamen pro opinione Thrasybuli auctæ sunt opes, nam iam tum illis temporibus fortius boni pro libertate loquebantur, quam pugnabant. Hinc in Piræum transiit, Munychiamque muniuit. Hanc bis tyranni oppugnare sunt adorti, ab eaque turpiter repulsi protinus in urbem armis impeditis; amissis refugerunt. Vixit Thrasybulus non minus prudenter, quam fortitudine. nam cedentes violari uetuit. ciues enim ciuibus parcere æquum censebat. neque quisquam est uulneratus, nisi qui prior impugnare uoluit. neminem iacentem ueste spoliavit. nil attigit, nisi arma, quorum indigebat, et quæ ad uictum pertinebant. In secundo prælio cecidit Critias dux tyrannorum, cum quidem aduersus Thrasybulum fortissime pugnaret. Hoc deiecto Pausanias uenit atticas auxilio rex Lacedæmoniorum. Is inter Thrasybulum et eos, qui urbem tenebant, fecit pacem his conditionibus, neque, præter triginta tyrannos, et decem, qui postea prætores creati superioris more crudelitatis erant usi, afficerentur exilio. ne uel bona publicarentur. reipublicæ procuratio populo redderetur. Præclarum hoc quoque Thrasybuli, quod reconciliata pace cum plurimum in ciuitate posset, legem

tulit, ne quis ante actarū rerum accusaretur, ne ue mul-
taretur. eamq; illi legem obliuionis appellarunt. neque
uero hanc tantum ferendam curauit, sed etiam, ut ua-
leret, efficit. nam cum quidam ex his, qui simul cum eo
in exilio fuerant, cædem facere eorum uellent, cum
quibus in gratiam reditum erat, publice prohibuit. Et
id, quod pollicitus erat, præstitit. Huic pro tantis me-
ritis honoris corona à populo data est, facta duabus
uirgulis oleaginis, quæ, quod amor ciuium, non uis, ex-
presserat, nullam habuit inuidiam, magna q; fuit glo-
ria. Bene ergo Pittacus ille, qui septem sapientum nume-
ro est habitus, cum ei Mitylenæi multa milia iuge-
rum agri muneri darent, nolite (rogo uos) inquit, mihi
dare, quod multi inuideant, plures etiam concupiscant.
quare ex istis nolo amplius quàm centum iugera, quæ
et meam animi æquitatem, et uestram uoluntatem
inducunt. nam parua munera diutina, locupletia non
propria esse consueuerunt. Illa igitur corona conten-
tus Thrasybulus, neque amplius requisit, neq; quen-
quam honore se antecessisse existimauit. Hic sequenti
tempore cum prætor classē ad Siciā appulisset, neq;
satis diligenter in castris eius agerentur uigiliæ, à bar-
baris ex oppido noctu eruptione facta in tabernacu-
lo interfectus est.

AEMYLI PROBI

CONONIS VITA

Onon Atheniensis Peloponnesio bello
accessit ad rempublicam, in eoq; eius
operæ magnus fuit usus. nam & præ
tor pedestribus exercitibus præfuit, &
præfectus classis res magnas mari ges
sit. Quas ob causas præcipuus ei honos habitus est, nãq;
omnibus unus insulis præfuit. in qua potestate Pheras
cepit coloniam Lacedæmoniorum. Fuit etiam extremo
Peloponnesio bello prætor, cum apud Aegæ flumen co
piæ Atheniensium a Lysandro sunt deuictæ. Sed tum
absuit, eoq; peius res administrata est. nam & prudēs
rei militaris, & diligens erat imperij. itaque nemini
erat his temporibus dubium, si affuisset, illam Atheni
enses calamitatem accepturos non fuisse. Rebus autem
afflictis cum patriam obsideri audisset, non quæsiuit,
ubi ipse tuto uiueret, sed unde præsidio posset esse ciui
bus suis. Itaque contulit se ad Pharnabazum satra
pem Ionie & Lydiæ, eundemq; generum regis &
propinquum, apud quem ut multum gratia ualeret,
multo labore multisq; efficit periculis. Nam cum La
cedæmonij Atheniensibus deuictis in societate non ma
nerent, quàm cum Artaxerxe fecerant, Agésilauq;
bellatum misissent in Asiam, maxime impulsu a Tis
sapherne, qui ex intimis regis ab amicitia eius defe
cerat, & cum Lacedæmoniis coierat societatem. Hunc
aduersus Pharnabazum habitus est imperator, re qui
dem uera exercitui præfuit Conon, eiusq; omnia ar
bitrio gesta sunt. hic militum ducem summum Agesi

laum impedit, sepeq; eius consilijs obstitit. neque ue-
 ro non fuit apertum, si ille non fuisset, Agesilaum Asi-
 am Tauro tenus regi fuisse erepturum. Qui postea
 quam domum à suis ciuibus reuocatus est, quod Bœo-
 tij & Athenienses Lacedæmonijs bellum indixerant;
 Conon nihilo secus apud præfectos regis uersabatur.
 hisq; omnibus magno erat usui. Defecerat à rege Tis-
 saphernes, neq; id tam Artaxerxi, quam cæteris, erat
 apertum. multis enim magnisq; meritis apud regem, et
 cum in officio non maneret, ualebat neq; admiran-
 dum si non facile ad cedendum inducebatur, remuni-
 scens eius se opera Cyrum fratrem superasse. Huius
 accusandi gratia Conon à Pharnabazō ad regem mis-
 sus, postquam uenit primum ex more Persarum ad
 Chilarchum, qui secundum gradum imperij tenebat,
 Titraustem accessit, seq; ostendit cum rege colloqui uel-
 le. nemo enim sine hoc admittitur. huic ille inquit, nul-
 la mora est, sed tu delibera utrum colloqui malis, an
 per literas edere, quæ cogitas. necesse est enim, si in con-
 spectum ueneris, uenerari te regem, quod προορνειν
 illi uocant, hoc si tibi graue est, per me nihilo secus edi-
 tis mandatis conficies, quod σtuδες. Tum Conon, mihi ue-
 ro inquit non est graue quenuis honorem habere re-
 gi, sed uereor, ne ciuitati meæ sit opprobrio, si, cum
 ex ea ciuitate sim profectus, quæ cæteris gentibus im-
 perare consueuerit, potius barbarorum, quam illius,
 more fungar. Itaq; quæ huic uolebat, scripta tradidit.
 Quibus cognitis rex tantum autoritate eius motus ē,
 ut Tissaphernem hostem iudicarit, & Lacedæmonios
 bello persequi iusserit, & ei permiserit, quem uellet

AEMYLI PROBI

eligere ad dispensandam pecuniam. Id arbitrium Conon negavit sui esse consilij, sed ipsius, qui optime suos nosse deberet. sed suadere, Pharnabazo id negotij daret. Hic magnis muneribus donatus ad mare est missus, ut Cyprijs et Phoenicijs ceterisque ciuitatibus maritimus naues longas imperaret, classemque, qua proxima aestate mare tueri posset, dato adiutore Pharnabazo, sicut ipse uoluerat. Id ut Lacedaemonijs est nuntiatum, non sine cura rem administrarunt. quod maius bellum imminere arbitrabantur, quam si cum barbaro solum contenderent. nam ducem fortem, prudentem, regis opibus praesuturum, ac secum dimicaturum uidebant. quem neque consilio neque copiis superare possent. Hac mente magnam contrahunt classem, proficiuntur Lysandro duce. Hos Conon apud Gnidum adortus magno praelio fugat, multas naues capit, complures deprimit. Qua uictoria non solum Athenae, sed etiam cuncta Graecia, quae sub Lacedaemoniorum fuerat imperio, liberata est. Conon cum parte nauium in patriam uenit, muros dirutos a Lysandro utrosque et Piraei et Athenarum reficiendos curat. pecuniaeque. L. talenta, quae a Pharnabazo acceperat, ciuibz suis donat. Accidit huic, quod ceteris mortalibus, ut inconsideratior in secunda, quam in aduersa, esset fortuna. nam classe Peloponnesiorum deuicta, cum ulcisci se iniurias patriae putaret, plura concupiuit, quam efficere potuit. neque tamen ea non pia et probanda fuerunt. quod potius patriae opes augeri, quam regis, maluit. nam cum magnam auctoritatem sibi pugna illa nauali, quam apud Gnidum fecerant, constitisset non solum inter barbaros, sed etiam inter omnes

Graeciae

Græcia ciuitates, clam dare operam cœpit, ut Ioniam
 & Aeoliam restitueret Atheniensibus. Id cum minus
 diligenter esset cœlatum, Teribazus, qui Sardibus præ
 erat, Cononē euocauit, simulans ad regem eum se mit
 tere uelle. Magna festinatione huius nuntio parens cū
 uenisset, in uincula coniectus est. in quibus aliquan
 diu fuit. nonnulli eum ad regem abductum, ibiq; cū
 perisse scriptum reliquerunt. Contra ea Dion histori
 cus, cui nos plurimum de Persicis rebus credimus, effu
 gisse scripsit. illud addubitat, utrum Teribazo scien
 te an imprudente sit factum.

DIONIS VITA.

d

Don Hipparini filius, Syracusanus, no
 bili genere natus, utraq; implicatus ty
 rannide Dionysiorum, nanq; ille supe
 rior Aristomachē sororem Dionis ha
 buit in matrimonio, ex qua duos filios

Hipparinum & Nyseum procreauit, totidemq; filias
 Sophrosynem & Aretem. quarum priorem Dionysio
 filio eidem, cui regnum reliquit, nupium dedit, alterā
 Dioni. Dion autem præter nobilem propinquitatem ge
 nerosamq; maiorum famam, multa alia ab natura ha
 buit bona, in his ingenium docile, come, aptum ad artes
 optimas, magnam corporis dignitatem, quæ non mini
 mum commendatur. magnas præterea diuitias à patre
 relictas, quas ipse tyranni muneribus auxerat. Erat
 intus Dionysio priori neq; minus propter mores, q̄ af
 finitatem. nanq; & si Dionysij crudelitas ei displicebat,

y

AEMYLI PROBI

tamen saluum esse propter necessitudinem, magis etiam
suorum causa studebat. aderat in magnis rebus. eiusq;
consilio multum mouebatur tyrannus, nisi qua in re
maior ipsius cupiditas intercesserat. legationes uero om-
nes, quæ essent illustriores, per Dionem administra-
bantur. quas quidem ille diligenter obeundo, fideli-
ter administrando, crudelissimum nomen tyranni sua
humanitate tenebat. Hunc à Dionysio missum Cartha-
ginenses susceperunt, ut neminem unq; græcæ lingua
loquentem magis sint admirati. Neque uero hæc Dio-
nysium fugiebant. nam quanto esset sibi ornamento sen-
tebat. quo fiebat, ut uni huic maxime indulgeret, neq;
eum secus diligeret, ac filium. qui quidem cum Plato-
nem Tarentum uenisse fama in sicialiam esset perlata,
adolescenti negare non potuit, quin eum arcesseret. cum
Dion eius audiendi cupiditate flagraret. dedit ergo
huic ueniam, magnaq; eum ambitione Syracusas per-
duxit. quem Dion adeo admiratus est atque adama-
uit, ut se totum ei traderet. neque uero minus Plato
delectatus est Dione. Itaque cum à Dionysio tyranno
crudeliter uiolatus esset, quippe quem uenundari ius-
sisset, tamen eodem redijt eiusdem Dionis precebus ad-
ductus. Interim in morbum incidit Dionysius, quo
cum grauius conflictaretur, quæsiuit à medicis Dionem,
quemadmodum se haberet, simulq; de his petijt, si
forte maiori esset periculo, ut sibi faterentur. nam uel-
le se cum eo colloqui de partiendo regno, quot sororis
sue filios ex illo natos partem regni putabat debere
habere. id medici non tacerunt, et ad Dionysium
filium sermonem retulerunt. quo ille commotus ne agē-
di esset

di esset Dionii potestas, patri soporem medicos dare
 coëgit. hoc ergo sumpto somno sopitus, diem obiit su-
 premium. Tale initium fuit Dionis & Dionysii simul-
 tatis, eaq; multis rebus aucta est, sed tamen primis
 temporibus aliquandiu simulata inter eos amicitia mā-
 sit, cum Dion non desineret obsecrare Dionysium, ut
 Platonem Athenis arcesseret, & eius consilijs uteretur,
 ille, qui in aliquare uellet patrem imitari, morem ei
 gessit. eodemq; tēpore Philistum historicū Syracusas
 reduxit, hominem inimicum non magis tyranno, q̃
 tyrannidi. Sed de hoc in eo meo libro plura sunt ex-
 posita, qui de historicis conscriptus est. Plato autem tan-
 tum apud Dionysium auctoritate potuit, ualuitq; elo-
 quentia, ut persuaserit tyrannidis facere finem, liber-
 tatemq; reddere Syracusanis. à qua uoluntate Philisti
 consilio deterritus, aliquanto crudelior esse coëpit. Qui
 quidem cum à Dione se superari uideret ingenio, au-
 thoritate, amore populi, uerens, ne si eum secum ha-
 beret, aliquam occasionem sui daret opprimendi, na-
 uem ei triremem dedit, qua Corinthum deuchere-
 tur, ostendens se id utriusq; facere causa, ne cum in-
 ter se timerent, alteruter alterum praecuparet. Id
 cum factum multi indignarentur, magna q; esset in-
 uidia tyranno, Dionysius omnia, quae moueri poterant,
 Dionis in naues imposuit, ad eumq; misit. sic enim
 existimari uolebat, id se non odio hominis, sed suae
 salutis fecisse causa. Postea uero quā audiuit eum in
 Peloponneso manum comparare, sibi que bellum face-
 re conari, Areten Dionis uxorem alij nuptum dedit.
 filiumq; eius sic educari iussit, ut indulgendo turpis-

simis imbueretur cupiditatibus . nam puero prius ,
 quam pubes esset , scorta adducebantur , uino epulisq;
 obryebatur , neque ullum tempus sobrio relinqueba-
 tur . is usque eo uitæ statum commutatum ferre non
 potuit , ut postquam in patriam redijt pater (nanque
 appositæ erant custodes , qui eum à pristino uictu de-
 ducerent) se superiore parte ædium delecerit , atque
 ita interierit . Sed illuc reuertor . Postquam Corin-
 thum peruenit Dion , & eodem perfugit Heracledes
 ab eodem expulsus Dionysio , qui præfectus fuerat
 equitum , omni ratione bellum comparare cœperunt .
 sed non nullum proficiebant , quot multorum anno-
 rum tyrannus magnarum opum putabatur . quam ob
 causam pauci ad societatem periculi perducebantur .
 Sed Dion fretus non tam suis copijs , quam odio ty-
 ranni , maximo animo duabus onerarijs nauibus , quin
 quaginta annorum imperium munitum quingentis
 longis nauibus , decem equitum , centumq; peditum mi-
 libus , profectus oppugnatum , quod omnibus gentibus
 admirabile est uisum , adeo facile pertulit , ut post diē
 tertium , quam Siciliam attigerat , Syracusas introie-
 rit . Ex quo intelligi potest nullum esse imperium tu-
 tum , nisi beneuolentia munitum . Eo tempore aberat
 Dionysius , & in Italia classem opperiebatur , aduersa-
 riorum ratus neminem sine magnis copijs ad se uentu-
 rum . quæ res eum fefellit . nam Dion his ipsis , qui
 sub aduersarij fuerant potestate , regios spiritus re-
 pressit , totiusq; eius partis Siciliæ potitus est , quæ sub
 Dionysij potestate fuerat , parique modo urbis Syra-
 cusarum , præter arcem & insulam adiunctam op-
 pido .

pido. eoque rem perduxit, ut talibus pactionibus pacem tyrannus facere uellet, Siciliam Dion optineret, Italiam Dionysius, Syracusas Apollocrates, cui maximam fidem uni habebat Dion. Has tam prosperas, tãq; inopinatas res consecuta est subita commutatio, quot fortuna sua mobilitate quem paulo ante extulerat, demergere est adorta. primum in filio, de quo commemoravi supra, suam uim exercuit. nam cum uxorem reduxisset, quæ alij fuerat tradita, filiumq; uellet reuocare ad uirtutem à perditâ luxuria, accepit grauissimum parens uulnus morte filij. deinde orta dissensione inter eum Heraclidemque, qui quidem principatum non concedebat, factionem comparauit. neque is minus ualebat apud optimates, quorum consensu praeerat classi, cum Dion exercitum pedestrem teneret. non tulit animo æquo Dion, et uersum illum Homeri retulit ex secunda rhapsodia, in quo hæc sententia est, non posse bene geri tempus. multorum imperijs. quod dictum magna inuidia consecuta est. namq; aperuisse se omnia uidebatur in sua potestate esse uelle. hanc ille non lenire obsequio, sed acerbitate opprimere studuit, Heraclidemque, cum Syracusas uenisset, interficiendum curauit. Quod factum omnibus maximum timorem iniecit. nemo enim illo interfecto se tutum putabat. ille autem aduersario remoto licentius eorum bona, quos sciebat aduersus se sensisse, militibus dissipauit. quibus diuisis cum cotidiani maxime fierent sumptus, celeriter pecunia deesse cœpit. neque quo manus porrigeret, suppetebat. nisi in amicorum possessiones. id eiusmodi erat, ut cum milites reconcili-

liasset amitteret optimates. quarum rerum cura frangi-
 gebatur, & insuetus male audiendi non aequo animo
 ferebat de se ab his male existimari, quorum paulo
 ante in caelum fuerat elatus laudibus. Vulgus autem of-
 fensa in eum militum uoluntate liberius loquebatur,
 & tyrannum non ferendum deditabat. Haec ille in-
 tuens, cum quemadmodum sedaret, nesciret, & quor-
 sum euaderet, timeret. Callicrates quidam cuius Athe-
 niensis, qui simul cum eo ex Peloponneso in Siciliam
 uenerat, homo & callidus, & ad fraudem acutus si-
 ne ulla religione ac fide, adit ad Dionem, & ait, eum
 in magno periculo esse propter offensionem populi &
 odium militum, quod nullo modo euitare posset, ni-
 si alicui suorum negotium daret. qui se simularet il-
 li inimicum, quem inuenisset idoneum facile omnium
 amicos cogniturum, aduersariosque sublaturum, quod
 inimici eius dissidentis suos sensus aperturi forent. Ta-
 li consilio probato excepit has partes ipse Callicrates,
 & se armat imprudentia Dionis, ad eum interficien-
 dum socios conquirat, aduersarios eius conuenit, coniu-
 ratione confirmat. Res multis consiliis, quae gereretur
 elata refertur ad Aristomachen sororem Dionis, uxore-
 remque Areten. Illae timore perterritae conueniunt, cu-
 ius de periculo timebant, at ille negat a Callicrate fie-
 ri sibi insidias, sed illa, quae agerentur, fieri praece-
 pto suo. Mulieres nihilo secus Callicratem in aedem
 Proserpinae deducunt, ac iurare cogunt nihil ab illo
 periculi fore Dionis. Ille hac religione non modo non
 deterritus, sed ad maturandum conatus est, uerens
 ne prius consilium aperiretur suum, quam conata fe-
 cisset.

isset. hac mente proximo die festo, cum à conuentu se remotum Dion domum teneret, atque in conclauis edito recubisset, consensu loca munitiora oppidi tradidit, domum custodibus sepsit, à foribus qui non discedebant, certos praefecit, nauem triremem armatis ornat, Philocraque fratri suo tradit, eamque in portu agitari iubet, ut si exercere remiges uellet. cogitans, si forte consilijs obstisset fortuna, ut haberet, quo fugeret ad salutem. suorum autem numero Zacynthios adolescentes quosdam elegit cum audacissimos, tum uiribus maximus, hisque dat negotium, ut ad Dionem eant inermes, sicut conueniendi eius gratia uiderentur uenire. hi propter notitiam sunt intromissi. at illi, ut limen eius intrarunt, foribus obseratis in lecto cubantem inuadunt. colligant, fit strepitus, adeo ut exaudiri posset foris. Hic sicut ante saepe dictum est, quam inuisa sit singularis potentia et miseranda uita, qui se metui quam amari malunt, cuius facile intellecta fuit. namque illi ipsi custodes si propiore fuissent uoluntate, foribus effractis seruare eum potuissent, quot illi inermes telum foris flagitantes uiuum tenebant. cui cum suauiteret nemo, Lyco quidam Syracusanus per fenestras gladium dedit, quo Dion interfectus est. Confecta caede eum multitudo uisendi gratia introisset, non nulli ab inscijs pronoxij conciduntur. nam celeri rumore delato Dioni uim allatam, multi concurrerant, quibus tale facinus displicebat. hi falsa suspitione ducti immerentes inermes, ut sceleratos occidunt. Huius de morte ut palam factum est, mirabiliter vulgi mutata est uoluntas. nam qui uinum eum

AEMYLI PROBI

tyrannum uocitarant, eundem liberatorem patriæ, tyranniq; expulso-
rem prædicabant. Sic subito misericor-
dia odio successerat, ut eum suo sanguine, si possent, ab
Acheronte cuperent redimere. Itaque in urbe cele-
berrimo loco elatus, publice sepulcri monumento do-
natus est. diem obiit arctiter annos quinquaginta quin-
que natus, quartum post annum quàm ex Peloponne-
so in Siciliam redierat.

IPHICRATIS VITA.

Phicrates Atheniensis non tam magni-
tudine rerum gestarum, quàm discipli-
i na militari nobilitatus est. fuit enim
talis dux, ut nò solum ætatis suæ cum
primis compararetur, sed ne de maio-
ribus natus quidem quisquam anteponeretur. multum
uero in bello est uersatus, sæpe exercitiis præfuit,
nusquam culpa male rem gessit, semper consilio uic-
tans; eo ualuit, ut multa in re militari partim no-
ua attulerit, partim meliora fecerit. nãq; ille pedestria
arma mutauit, cum ante illum imperatorem maximus
clypeis breuib; hastis, minutis gladijs uterentur. Il-
le e contrario peltam pro parma fecit, à quo postea
peltastæ pedites appellantur, ut ad motus concursusq;
essent leuioribus. hastæ modum duplicauit. gladios longio-
res fecit. idẽ genus loricarum mutauit, et pro ferreis atq;
aeneis lineas dedit. quo facto expeditiores milites red-
didit, nam pondere detracto, quodq; corpus tegeret, et
leue esset, curauit. Bellum cum Thracibus gessit, Scotum
socium

socium Atheniensium in regnum restituit. apud Corin-
 thum tanta seueritate exercitui praesuit, ut nullae un-
 quam in Graecia neque exercitatores copiae, neq; ma-
 gis dicto audientes fuerint duci. in eamq; consuetudi-
 nem adduxit, ut cum praelij signum ab imperatore
 esset datum, sine ducis opera sic ordinatae consisterent,
 ut singuli ab peritissimo imperatore dispositi uideren-
 tur. Hoc exercitu moram Laedemoniorum interce-
 pit, quod maxime tota celebratum est Graecia. Iterum
 eodem bello omnes copias eorum fugauit. quo facto ma-
 gniam adeptus est gloriam: Cum Artaxerxes aegypto
 regi bellum inferre uoluit, Iphicratem ab Atheniensi-
 bus petiuit ducem, quem praeficeret exercitui condu-
 cto, cuius numerus duodecim milium fuit. quem qui-
 dem sic omni disciplina militari erudiuit, ut quemad-
 modum quondam Fabiani milites Romani appellati
 sunt, sic Iphicratenses apud Graecos in summa laude
 fuerint. Idem subsidio Laedemonijs profectus Epa-
 minonda retardauit impetus. nam nisi eius aduentus
 appropinquasset, non prius Thebani sparta abscessis-
 sent, quam captam incendio delessent. Fuit autem et
 animo magno, et corpore, imperatoriaq; forma, ut
 ipso aspectu cuius inijceret admirationem sui. sed in
 labore remissus nimis, parumq; patiens, ut Theopom-
 pus memoriae prodidit. bonus uero ciuis, fideque ma-
 gna. quod cum in alijs rebus declarauit, tum maxi-
 me in Amyntae Maedonis liberis tuendis. nanque Eu-
 rydice mater Perdiccae et Philippi cum his duobus
 pueris, Amynta mortuo, ad Iphicratem confugit. eiusq;
 opibus defensa est. vixit ad senectutem placatis in se

AEMYLI PROBI

suorum civium animus. causam capitis semel dixit bello sociali simul cum Timotheo, eoque iudicio est absolutus. Menesthea filium reliquit ex Tarsa natum Cotti regis filia. Is cum interrogaretur utrum pluri patrem matremve faceret, matrem inquit. id cum omnibus mirum videretur, at ille merito inquit facio. nam pater, quantum in se fuit, Thracem me genuit. contra mater Atheniensem.

CHABRIAE VITA.

Habrias Atheniensis. Hic quoque in summis habitus est duabus, resque multas memoria dignas gessit. Sed ex his elucet maxime inuentum eius in praelio, quod apud Thebas fecit, cum Boeotius subsidio venisset. namque in ea victoria fidentem summum ducem Agesilaum, fugatis iam ab eo conductiis ceteris, reliquam phalangem loco vetuit cedere, obnixoque genu scuto proiectaque hasta impetum exaspere hostium docuit. Id novum Agesilaus intuens progredi non est ausus, suosque iam incurrentes tuba revo-
cavit. Hoc usque eodem Graecia fama celebratum est, ut illo statu Chabrias sibi statuum fieri voluerit. quae publice ei ab Atheniensibus in foro constituta est. Ex quo factum est, ut postea Athletae, ceterique artifices his statibus statuis ponendis uterentur, cum victoriam essent adepti. Chabrias autem multa in Europa bella administravit, cum dux Atheniensium esset. in Aegypto sua sponte gessit. nam Nectanebum adiutum profectus re-

gnum ei constituit. Fecit idē Cypri, sed publice ab Atheniensibus Euagoræ adiutor datus. neque prius inde discessit, quā totam insulam bello deuinceret. qua ex re Athenienses magnam gloriam sunt adepti. Interim bellum inter Aegyptios & Persas constatum est, & Athenienses cum Artaxerxe societatem habebant, Lacedaemonij cum Aegyptijs. a quibus magnas praedas Agesilaus rex eorum faciebat. Id intuens Chabrias cum in re nulla Agesilao cederet, sua sponte eos adiutum profectus Aegyptiae classi praefuit. pedestribus copijs Agesilaus. Tum praefecti regis Persiae legatos miserunt Athenas questum, quod Chabrias aduersum regem bellum gereret cum aegyptijs. Athenienses diem certam Chabriae praestiterunt, quam ante domum nisi redisset, capitis se illum damnatus denuntiarent. Hoc ille nuntio Athenas redijt, neque ibi diutius est moratus quā fuit necesse. Non enim libenter erat ante oculos ciuium suorum, quod & uiuebat laute, & indulgebat sibi liberalius quā ut inuidiam uulgi posset effugere. Est enim hoc commune uitium in magnis liberisq; ciuitatibus, ut inuidia gloriae comes sit. Et libenter de his detrahunt quos emergere uideant altius, neq; animo aequo pauperes alienam opulentiam intuentur fortunam. Itaq; Chabrias quoad educebat, plurimum aberat. Neque uero solus ille aberat Athenis libenter, sed omnes fere principes fecerunt idem, quod tantum se ab inuidia putabant affuturos, quantum a conspectu suorum recessissent. Itaq; Conon plurimum Cypri uixit, Iphicrates in Thracia, Timotheus Lesbi, Chares in Sigaeo. Dissimilis quidem Chares horum &

AEMYLI PROBI

factis & moribus, sed tamen Athenis & honoratus,
& potens. Chabrias autem periit bello sociali tali mo-
do. oppugnabant Athenienses Chium. erat in classe
Chabrias priuatus, sed omnes, qui in magistratu erant,
authoritate antebat, cumq; magis milites, quam qui
praerant, aspiciebant. quae res ei maturauit mortem.
nam dum primus studet portum intrare, gubernato-
rem iubet eò dirigere nauem, ipse sibi perniciem fuit.
cum enim eò penetrasset, ceterae non sunt secutae. quo
facto circumfusus hostium concursu, cum fortissime pu-
gnaret, nauis rostro percussa, coepit sidere. hinc cum
refugere non posset, nisi se in mare deiecisset, quod su-
berat classis Atheniensium, quae exciperet natantem,
perire maluit, quam armis abiectis nauem relinque-
re, in qua fuerat uectus. id ceteri facere noluerunt,
qui nando in tutum peruenerunt. at ille praestare ho-
nestam mortem existimans turpi uitae, communis pu-
gnans telis hostium interfectus est.

TIMOTHEI VITA.

Timotheus Cononis filius Atheniensis,
hic a patre acceptam gloriam multis
auxit uirtutibus. fuit enim disertus,
impiger, laboriosus, rei militaris pe-
ritus, neque minus ciuitatis regendae.
multa huius sunt praeclare facta, sed haec maxime il-
lustria. Olynthios & Byzantios bello subegit. Samum
cepit in qua oppugnanda superiori bello Athenienses
mille & ducenta talenta consumpserant. id ille sine

ulla publica impensa populo restituit. Aduersum Co-
 tym bella gessit, ab eo mille & ducenta talenta prae-
 dae in publicum detulit. Cyzicum obsidione liberauit.
 Ariobarzanum simul cum Agesilao auxilio profectus e-
 st, a quo cum Laco pecuniam numeratam accepisset, il-
 le ciues suos agro atque urbibus augeri maluit, quam
 id sumere, cuius partem domum suam ferre posset.
 Itaque accepit Erichthonem & Sestae. Idem classi prae-
 fectus circumuehens Peloponnesum Laconicam popu-
 latus classem eorum fugauit. Corcyram sub imperium
 Atheniensium redegit. Sociosque idem adiunxit Epiro-
 tas, Atamanas, Chaonas, omnesque eas gentes, quae ma-
 re illud adiacent. quo facto Lacedaemonij de diuturna
 contentione desisterunt, & sua sponte Atheniensibus
 imperij maritimi principatum concesserunt, pacemque
 his legibus constituerunt, ut Athenienses mari duces es-
 sent. Quae uictoria tantae fuit Atticis laetitiae, ut tum
 primum arae paci publice sint factae, eique deae pului-
 nar sit institutum. Cuius laudis ut memoria maneret,
 Timotheo publice statuam in foro posuerunt. qui ho-
 nos huic uni ante tempus contigit, ut cum patri popu-
 lus statuam posuisset, filio quoque daret. Sic iuxta posi-
 ta recens filij ueterem patris renouauit memoria. Hic
 cum esset magno natu, & magistratus gerere desisset,
 bello Athenienses undique preui sunt cepti. defecerat
 Samus, descierat Hellepontus, Philippus iam tunc na-
 lens Macedo multa moliebatur, cui oppositus Chares
 cum esset, non satis in eo praesidium putabatur. Fit Me-
 nestheus praetor filius Iphicratis, gener Timothei, &
 ad bellum proficiscatur, decernitur. Huic in consilium

AEMYLI PROBI

dantur duo usu & sapientia praestantes, quorum consilio uteretur pater & socer. quod in his tanta erat auctoritas, ut magna spes esset per eos amissa posse recuperari. Hi cum Samum profecti essent, & eodem Chares aduentu cognito cum suis copiis proficisceretur, nequid absente se gestum videretur. accidit, cum ad insulam appropinquarent, ut magna tempestas oriretur, quam evitare duo ueteres imperatores utile arbitrati, suam classem suppresserunt. at ille temeraria usus ratione non cessit maiorum natu auctoritati, ut in sua manu esset fortuna, quo contenderat, peruenit. eodemque ut sequerentur, ad Timotheum & Iphicratem nuntium misit. hinc male re gesta, compluribus amissis nauibus, eodem, unde erat profectus, se recepit, literasque Athenas publice misit, sibi proclive fuisse Samum capere, nisi a Timotheo & Iphicrate desertus esset. populus acer, suspicax, ob eamque rem mobilis, aduersarius, inuidus etiam potentiae in crimen uocabatur. domum reuocat, accusatur proditoris. Hoc iudicio damnatur Timotheus, Lixque eius aestimatur centum talentis. Ille odio ingratae ciuitatis coactus Chalcidem se contulit. Huius post mortem, cum populus iudicij sui poeniteret, mulctae nouem partes detraxit, & decem talenta Cononem filium eius ad muri quandam partem reficiendam iussit dare. in quo fortunae uarietas est animaduersa. nam quos auus Conon muros ex hostium praeda patrie restituerat, eosdem nepos cum summa ignominia familiae ex sua re familiari reficere coactus est. Timothei autem moderatae sapientisque uitae, cum pleraque possumus proferre testimonia, uno

erimus contenti, quod ex eo facile conici possit, quam
 charus suis fuerit. Cum Athenis adolescentulus cau-
 sam diceret, non solum amici privatiq; hospites ad eum
 defendendum conuenerunt, sed etiam in eis Lason ty-
 rannus, qui illo tempore fuit omnium potentissimus. Hic
 cum in patria sine satellitibus se tutum non arbitra-
 retur, Athenas sine ullo praesidio uenit, tantiq; hospi-
 tem fecit, ut mallet se capitis piculum adire, quam Ti-
 motheo de fama dimicanti deesse. Hunc aduersus ta-
 men Timotheus postea populi iussu bellum gessit, pa-
 triae sanctiora iura, quam hospitij, esse duxit. Haec ex-
 trema fuit aetas imperatorum Atheniensium Iphi-
 cratis, Chabriae, Timothei. neque post illorum obitum
 quisquam dux in illa urbe fuit dignus memoria. Ve-
 nio nunc ad fortissimum uirum maximiq; consilij o-
 mnium barbarorum, exceptis duobus Carthaginen-
 sibus Hamilcare, & Annibale. de quo hoc plura re-
 feremus, quod & obscuriora sunt eius gesta pleraque,
 & ea, quae prospere ei cesserunt, non magnitudine co-
 piarum, sed consilij, quo tamen omnes superabat, acci-
 derunt. quorum nisi ratio explicata fuerit, res appa-
 rete non poterunt.

DATAMIS VITA.

Datanes patre Camissare natione Ca-
 re, matre Scythissa, natus primum nu-
 litum numero fuit apud Artaxerxem
 eorum, qui regiam tuebantur. pater
 eius Camissares, quot & manu fortis,

AEMYLI PROBI

et bello strenuus, et regi multis locis fidelis erat re-
pertus. habuit provinciam Ciliciæ iuxta Cappadociam,
quam incolunt Leucosyri. Datames militare munus
fungens primum qualis esset apparuit in bello, quod
rex adversus Cadusios gessit. namque hic multis mili-
bus regiorum interfectis magni fuit eius opera. quo
factum est, cum in eo bello cecidisset Camissares, pa-
terna ei traderetur provincia. Pari se uirtute postea
præbuit, cum Autophradates iussu regis bello perse-
queretur eos, qui defecerant. namque eius opera hostes,
cum castra iam intrassent, profligati sunt, exercitusque
reliquus conseruatus est. qua ex re maioribus rebus
præesse coepit. Erat eo tempore Thyus Dynastes Pa-
phlagoniæ antiquo genere natus à Pylamene illo, quæ
Homerus troico bello à Patroclo interfectum ait. Is re-
gis dicto audiens non erat, quam ob causam bello eum
persequi constituit, ei que rei præfecit Datamen propin-
quum Paphlagonis, namque ex fratre et sorore erat
nati. quam ob causam Datames primum experiri uo-
luit, ut sine armis propinquum ad officium reduceret.
Ad quem cum uenisset sine præsidio, quot ab amico
nullas uereretur insidias, penè interiit. nam Thyus eu-
clam interficere uoluit. Erat mater cum Datame ami-
ta Paphlagonis, ea, quid ageretur, rescit, filiumque mo-
nuit. Ille fuga periculum euitauit, bellumque indixit
Thyo. in quo cum ab Ariobarzane præfecto Lydiæ
et Ioniæ totiusque Phrygiæ desertus esset, nihilo segnius
perseuerauit, uinumque Thyum cepit cum uxore et li-
beris. cuius facti ne prius fama ad regem, quam ipse,
perueniret, dedit operam. Itaque omnibus insciis eo,
ubi erat

ubi erat rex, uenit, posteroque die Thyum hominem
 maximè corporis, terribiliq; facie, q̃ & niger, & capil-
 lo longo, barbaq; erat proluxa, optima ueste contextit,
 quam Satrapæ regij gerere consueuerant. ornauit etiā
 torque, atque armillis aureis, cæterocq; regio cultu ipse
 agresti duplici que amiculo circumdatus, hirtaq; tunica,
 gerens in capite galeam uenatoriam, dextra manu cla-
 uam, sinistra copulam, qua uictum ante se Thyum age-
 bat, ut si feram bestiam captam duceret. Quem cum
 omnes prospicerent propter nouitatem ornatus, igno-
 tamq; formam, ob eamq; rem magnus esset concur-
 sus, fuit nemo, qui agnosceret Thyum, qui non regi
 nuntiaret. ac primo non credidit. itaque Pharnaba-
 zum misit exploratum. à quo ut rem gestam comperit,
 statim admitti iussit magnopere delectatus cum factio-
 tum ornatu, in primis, q̃ non uilis rex in potestatem
 inopinanti uenerat. Itaque magnifice Datamen dona-
 tum ad exercitum misit, qui tum contrahebatur duce
 Pharnabazo & Titrauste ad bellum ægyptum, pa-
 riq; eum, atque illos imperio esse iussit. Postea uero q̃
 Pharnabazum rex reuocauit, illi summa imperij tra-
 dita est. hic cum maximo studio compararet exercitū,
 Aegyptumq; proficisci pararet, subito à rege literæ
 sunt ei missæ, ut Aspiū aggredere, qui Cataoniam
 tenebat. quæ gens iacet supra Ciliciam confinis Cap-
 padociae. nanque Aspis saltuosam regionem castellisq;
 munitam incolens, non solum imperio regis non pa-
 rebat, sed etiam finitimas regiones uexabat, & quæ
 regi portarentur, abripiebat. Datames & si longe abe-
 rat ab his regionibus, et à maiore re abstrahebatur,

AEMYLI PROBI

tamen regis uoluntati morem gerendum putauit. Itaq;
cum paucis sed uiris fortibus nauem conscendit, exi-
stimans id, quod accidit, facilius se imprudentem par-
ua manu oppressurum, quàm paratum, quamuis ma-
gno exercitu. hac delatus in Ciliciam egressus inde
dies noctesq; iter faciens, Taurum transiit, eoq; quo stu-
duerat, uenit. quærit quibus locis sit Aspis, cognoscit
haud longe abesse, profectumq; eum uenatum, quem
dum speculatur, aduentus eius causa cognoscitur. Pi-
sidæ cum ijs, quos secum habebat, ad resistendū Aspis
comparat. Id Datames ubi audiuit, arma capit, suos
sequi iubet, ipse equo concitato ad hostem uehitur, quem
procul Aspis conspiciens ad se ferentem pertimuit,
atque à conatu resistendi deterritus sese dedit. hunc
Datames uinctum ad regem ducendum tradit Mithri-
dati. Hæc dum geruntur, Artaxerxes reminiscens
à quanto bello ad quam paruam rem principem du-
cum misisset, se ipse reprehendit, et nuntium ad exer-
citum acrem misit, q̃ nondum Datamen profectum
putabat, qui diceret, ne ab exercitu discederet. hic
priusquam perueniret, quo erat profectus, in itinere
conuenit, qui Aspidem ducebant. Quia celeritate cum
magnam beneuolentiam regis Datames consecutus es-
set, non minorem inuidiam aulicorum excepit, q̃ il-
lum unum pluris, quàm se omnes, fieri uidebant.
quo facto cuncti ad eum opprimendum consenserunt.
hæc Pandates gazæ custos regis, amicus Datami, per-
scripta ei mittit, in quibus docet eum magno fore peri-
culo, si quid illo imperante in Aegypto aduersi acci-
disset. nanque eam esse consuetudinem regum, ut casus
aduersos

aduersos hominibus tribuant, secundos fortunæ suæ.
 quo facile fieri, ut impellantur ad eorum perniciem,
 quorum ductu res male gestæ nuncientur. illum hoc
 maiore fore discrimine, quod quibus rex maxime obediat,
 eos habeat inimicissimos. Talibus ille literis cognitis
 cum iam ad exercitum acrem uenisset, quod non igno-
 rabat ea uere scripta, desciscere à rege constituit. ne-
 que tamen quicquam fecit, quod fide sua esset indi-
 gnium. nam Androdem Magnetem exercitui præfe-
 cit. ipse cum suis in Cappadociam discedit, coniun-
 ctamque huic Paphlagoniā occupat, celans qua uolun-
 tate esset in regem. clā cum Ariobarzane facit amici-
 tiam, manum comparat, urbes munitas suis tuendas
 tradit. Sed hæc propter hyemale tempus minus pro-
 sperè succedebant. Audit Pisidas quasdam copias
 aduersus se parare, filium eo Aridaum cum exer-
 citu mittit. cedit in prælio adolescens, proficiscitur eo
 pater non ita cum magna manu, celans quantum uul-
 nus accepisset, quod prius ad hostem peruenire cupie-
 bat, quā de male re gesta fama ad suos perueni-
 ret. ne cognita filij morte animi debilitarentur mili-
 tum. Quo contenderat peruenit, hisque locis castra
 ponit. ut neque circumiri multitudine aduersariorum
 posset, neque impediri, quo minus ipse ad dimican-
 dum manum haberet expeditam. Erat cum eo Me-
 trobarzanes socer eius, præfectus equitum. is despe-
 ratis generi rebus ad hostes transfugit. Id Data-
 mes ut audiuit, sensit si in turbam exisset, ab homine
 tam necessario se relictum, futurum ut ceteri consi-
 lium sequerentur, in uulgus edit, suo iussu Me-

AEMYLI PROBI

erobar Zanem profectum pro perfuga, quo facilius receptus interficeret hostes. quare relinqui eum non par esse, & omnes confestim sequi, quod si animo strenuo fecissent, futurum, ut aduersarij non possent resistere, cum & intra uallum, & foris caderentur. Hac re probata exercitum eduxit, Metrobar Zanem persequitur tantum, qui tum ad hostes peruenerat. Datames signa inferri iubet. Pisidæ noua re commoti, in opinionem adducuntur, perfugas mala fide compositoq; fecisse, ut recepti essent maiori calamitati. primum eos adoriuntur. illi, cum quid ageretur, aut quare fieret, ignorarent, coacti sunt cum eis pugnare, ad quos transierant, ab hisq; stare, quos reliquerant. quibus cum neutri parcerent, celeriter sunt concisi. Reliquos Pisidas resistentes Datames inuadit. primo impetu pellit, fugientes persequitur, multos interficit, castra hostium capit. Tali consilio uno tempore & proditores perculit, & hostes profligauit. & quod ad suam perniciem fuerat cogitatum, id ad salutem conuertit. quo neque acutius ullius imperatoris cogitatum, neque celerius factum usquam legimus. Ab hoc tamen uiro Scismas maximo natu filius descit, & ad regem transit, & de defectione patris detulit. quo nuntio Artaxerxes commotus, qd intellegebat sibi cum uiro forti ac strenuo negotium esse, qui, cum cogitasset, facere auderet, & prius cogitare, quam conari consuesset, Autophradatem Cappadociam mittit. Hic ne intrare posset saltum, in quo Ciliciæ portæ sunt sitæ, Datames præoccupare studuit. sed tam subito copias contrahere non potuit. à qua re depulsus cum ea manu, quam contraxerat, locum delegit talē,
ut neq;

ut neque circumiretur ab hostibus, neque praeteriret
 aduersarius, quin anapitibus locis premeretur. Et si
 dimicare eo uellet, non multum obesse multitudo ho-
 stium suae paucitati posset. Hæc etsi Autophradates ui-
 debat, tamen statuit congredi, quàm cum tantis co-
 pijs refugere, aut tam diu uno loco sedere. habebat
 barbarorum equitum uiginti, peditum centum milia,
 quos illi Gardates appellant. eiusdemq; generis III.
 funditorum. præterea Cappadocum VIII. Armenio-
 rum decem, Paphlagonum quinque, Phrygum decem,
 Lydorum quinque, Aspendiorum et Pisidarum ar-
 citer tria, Cilicum duo, captianorum totidem, ex Græ-
 cia conductorum tria milia, leuis armaturæ maximū
 numerum. Has aduersus copias spes omnis consistebat
 Datam in se, lociq; natura. nanque huius partem non
 habebat uigesimam militum. Quibus fretus conflixit,
 aduersariorumq; multa milia concidit, cum de ipsius
 exercitu non amplius hominum mille cecidisset. quam
 ob causam postero die trophæum posuit, quo loco pri-
 die pugnatum. Hic cum castra mouisset inferior copijs,
 ita superior omnibus prælijs discedebat, quot nun-
 quam manum consereret, nisi aduersarios locorum
 angustijs clausisset. quod perito regionum, callideque
 cogitanti sæpe accidebat. Autophradates cum bellum
 duci maiore regis calamitate, quàm aduersariorum,
 uideret, ad pacem atque amicitiam hortatus est, ut cū
 rege in gratiam rediret. quam ille etsi non fidam
 fore putabat, tamen conditionem accepit, seq; ad Ar-
 taxerxem legatos missurum dixit. Sic bellum, quod
 rex aduersus Datam suscepit, sedatum Autophra-

dates in Phrygiam se recepit. At rex quod implacabile odium in Datamen susceperat, postquam bello eum opprimere non posse animaduertit, insidijs interficere studuit. quas ille plerasque uitauit. sicut cum nuntiatum esset, quosdam sibi insidiari, qui in amicorum erant numero. de quibus, quod inimici detulerant, neque credendum, neque negligendum putauit, experiri uoluit uerum falsum ne sibi esset relatum. Itaque eo profectus est, in quo itinere futuras insidias euenire dixerat. sed elegit corporis statura simillimum sui, eique uestitum suum dedit, atque eo loco ire, quo ipse consueuerat, iussit. ipse autem ornatus uestitu militari inter corporis custodes iter facere cepit. At insidiatores, postquam in eum locum agmen peruenit, decepti ordine atque uestitu in eum faciunt impetum, qui suppositus erat. praedixerat autem Datames, cum quibus iter faciebat, ut parati essent facere, quod ipsum uidiissent. Ipse, ut concurrentes insidiatores animaduertit, tela in eos coniecit. hoc idem cum uniuersi fecissent, priusquam peruenirent ad eum, quem aggredi uolebant, confixi ceciderunt. Hic tamen tam callidus uir extremo tempore captus est Mithridatis Ariobarzanes filij dolo. namque is pollicitus est regi se eum interfectorum, si ei rex promitteret, ut quodcumque uellet, liceret impune facere. fidemque de ea re, more Persarum, dextra dedit. hanc ut recepit à rege missam, copias parat, et absens amicitiam cum Datame facit, regis provinciam uexat, castella expugnat, magnas praedas capit, quarum partem suis dissipat, partem ad Datamen mittit. pari modo complura castella ei tradit. Haec diu faciendo

faciendo persuasit homini, se infinitum aduersus regem suscepisse bellū, cum nihilo magis, ne quam suspicionem illi praeberet insidiarum, neq; colloquium eius petuit, neq; in conspectum uenire studuit. Sic absens amicitiam gerebat, ut non beneficijs mutuis, sed odio communi, quod erga regem susceperant, contineri uiderentur. Id cum satis se confirmaſſe arbitratus est, certorem facit Datamen tempus eſſe maiores exercitus parari, & bellum cum rege ſuſcipi. de qua re, ſi ei uideretur, quo uellet, in colloquium ueniret. Probata re colloquendi tempus ſumitur, locusq; quo conueniretur. Huc Mithridates cum uno, cui maximam habebat fidem, ante aliquot dies uenit, compluribusq; locis ſeparatim gladios obruit, eaſque loca diligenter notat. ipſo autem colloquendi die, utrique locum, qui explorarent, atque ipſos ſcrutarentur, mittunt. Deinde ipſi ſunt congreſſi. Hic cum aliquandiu in colloquio fuiſſent & diuerſi diſceſſiſſent, iamq; procul Datames abeſſet, Mithridates priuſquam ad ſuos perueniret, nequam ſuſſicionem pareret, in eundem locum reuertitur, atque ibi ubi telum erat impositum, reſedit. ut ſi laſſitudine cuperet acquieſcere, Datamūq; reuocauit, ſimulans ſe quiddam in colloquio eſſe oblitum. interim telum, quod latebat, protulit. nudatumq; uagina ueste textit, ac Datamū uenienti ait digredientem, ſe animaduertiſſe locum quendam, qui erat in conſpectu, ad caſtra ponenda eſſe idoneum. quem cum digito monſtraret, & ille conſpiceret, auerſum ferro tranſfixit, priuſq; quā quisquam poſſet ſuſpicere, interfecit. ita ille uir, qui multos conſilio, nemine

AEMYLI PROBI
nem perfidia ceperat, simulata captus est amicitia.

EPAMINONDAE VITA.

Epaminondas Polymni filius thebanus.
De hoc priusquam scribamus, hæc præ-
cipienda videntur lectoribus, ne alie-
nos mores ad suos referant, neue ea,
quæ ipsis leuiora sunt, pari modo apud
cæteros fuisse arbitrentur. Scimus enim musicen nostris
moribus abesse à principis persona. saltare etiam in
uitiis poni. quæ omnia apud Græcos & grata & lau-
de digna ducuntur. Cum autem exprimere imaginem
consuetudinis, atque uitæ uelimus Epaminondæ, nihil
uidemur debere prætermittere, quod pertineat ad eā
declarandam. Quare dicemus primum de genere eius,
deinde quibus disciplinis, & à quibus sit eruditus,
tum de moribus ingenijque facultatibus, & si qua alia
digna memoria erunt. postremo de rebus gestis, quæ
plurimis omnium anteponuntur uirtutibus. Natus igitur
patre, quo diximus honesto genere, pauperiam à
maioribus relictus. Eruditus autem sic, ut nemo Theba-
nus magis. nam & citharizare & cantare ad corda-
rum sonum doctus est à Dionysio, qui non minore
fuit in musicis gloria, quàm Damon aut Lampus, quo-
rum peruulgata sunt nomina. carmina cantare tibijs
ab Olympiodoro, saltare à Caliphrone. At philoso-
phiæ præceptorem habuit Lysiam Tarentinum Py-
thagoreum, cui quidem sic fuit deditus, ut adolescens
tristem et seuerum senem omnibus æqualibus suis fa-
miliari

miliaritate anteposuerit. neq; prius eum à se dimiserit, quàm doctrinis tanto antecessit condiscipulos, ut facile intelligi posset, pari modo superaturum omnes in cæteris artibus. Atque hæc ad nostram consuetudinē sunt leuia & potius contēnenda, at in Græcia utique olim magnæ laudi erant. Postquam ephēbus factus est, & palestræ dare operam cœpit, non tam magnitudini virium seruiuit, quàm uelocitati. illam enim ad Athletarum usum, hanc ad belli existimabat utilitatem pertinere. Itaque exercebatur plurimum currendo & luctando ad eum finem, quoad stans complecti posset, atque contendere. In armis plurimum studiū consumebat. Ad hanc corporis firmitatem plura etiam animi bona accesserant. erat enim modestus, prudens, grauis, temporibus sapienter utens, peritus belli, fortis manu, animo maximo. adeo ueritatis diligens, ut ne ioco quidem mentiretur. Idem continens, clemens, patiensq; admirandum in modum, non solum populi, sed etiam amicorum ferens iniurias, in primisq; commissa cælans. quod interdum non minus prodest, quàm diserte dicere. studiosus audiendi. ex hoc enim facillime disci arbitrabatur. Itaque cum in circulum uenisset, in quo aut de republica disputaretur, aut de philosophia sermo haberetur, nunquam inde prius discessit, quàm ad finem sermo esset deductus. Paupertatem adeo facile perpeffus est, ut de republica nihil præter gloriam ceperit. Amicorum in se tuendo caruit facultatibus, fide ad alios subleuandos sæpe sic usus est, ut possit iudicari omnia ei cum amicis fuisse cōmunia. nam cum aut ciuium suorum aliquis ab hostibus

AEMYLI PROBI

fuiſſet caſtus , aut uirgo amicumibilis , quam propter
 paupertatem collocare non poſſet , amicorum concilium
 habebat , & quantum quiſque daret , pro ſan-
 cultatibus imperabat , eamq; ſummam cum faceret ,
 prius , quàm acciperet pecuniam , adducebat eum , qui
 quærebat , ad eos , qui conferebant . eiq; ut ipſi numera-
 rēt , faciebat . ut ille , ad quem ea res perueniebat , ſcīret
 quibus , et quantū cuique deberet . Tentata autem eius eſt
 abſtinentia à Diomedonte Cyſiceno . nanque is rogatus
 Artaxerxis Epaminondam pecunia corrupendum
 ſuſceperat . hic magno cum pondere auri Thebas ue-
 nit , & Micythum adoleſcentulum quinque talentis
 ad ſuam perduxit uoluntatem , quem cum Epaminon-
 das plurimum diligebat . Micythus Epaminondā con-
 uenit , & cauſam aduentus Diomedontis oſtendit . at
 ille Diomedonte coràm nihil inquit opus pecunia eſt .
 nam ſi ea rex uult , quæ Thebanis ſint utilia , gratis
 facere ſum paratus . ſin autem contraria , non habet
 auri atque argenti ſatis . nanque orbis terrarum diui-
 tias accipere nolo pro patriæ charitate . Tu qui me in-
 cognitum tentavi , tuq; ſimilem exiſtimavi , non miror ,
 tibi ignoſco . ſed egredere propere , ne alios corrup-
 pas cum me non potueris . tu argentum huic redde , aut
 niſi id confeſſum facis , ego te tradam magiſtratui . Hunc
 Diomedon cum rogaret , ut tuto exire , ſuāque , quæ at-
 tuliffet , liceret efferre , iſtud , inquit , faciam , neque tua
 cauſa , ſed mea . ne ſi tibi ſit pecunia adempta , aliquis
 dicat ad me creptum perueniſſe , quod delatum acci-
 pere noluiſſem . à quo cum quæſiſſet , quo ſe duci uel-
 let , & ille Athenas dixiſſet , præſidium dedit , ut tuto

perueniret. neque uero id satis habuit, sed etiam ut inuiolatus in nauem ascenderet per Chabriam Atheniensem, de quo supra mentionem fecimus. abstinentiae erit hoc satis testimonium. Plurima quidem proferre possemus, sed modus adhibendus est. quoniam uno hoc uolumine uitam excellentium uirorum complurium concludere, quorum separatim multis milibus uersuum complures scriptores ante nos explicarunt. Fuit et disertus, ut nemo Thebanus par esset eloquentia, neque minus concinnus in breuitate respondendi, quam in perpetua oratione ornatus. Habuit obrectatorem Menedidem quendam indidem Thebis aduersarium in administranda republica, satis exercitatum in dicendo, ut Thebanum scilicet. nanque illi genti plus inest uirum, quam ingenij. Is quod in re militari florere Epaminondam uidebat, hortari solebat Thebanos, ut pacem bello anteferrent, ne illius imperatoris opera desideraretur. huic ille fallis inquit, uerbo ciues tuos, quod hos a bello euocas. otij enim nomine seruitutem conalias. nam paritur pax bello. itaque qui ea diutina uolunt frui, bello exercitati esse debent. quare si principes Graeciae esse uultis, castris est uobis utendum, non palaestra. Idem ille Menedides cum huic obijceret, quod liberos non haberet, neque uxorem duxisset, maximeque insolentia quod sibi Agamemnonis bello gloriam uideretur consecutus. at ille desine inquit, Menedide de uxore mihi exprobrare. nam nullius in ista re minus, quam tuo uti consilio uolo. habebat enim Menedides suspitionem adulterij. quod autem me Agamemnonem aemulari putas, falleris. namque ille cum uniuersa Graecia uix de-

AEMYLI PROBI

cem annis unam cepit urbem, ego contra ex una urbe
nostra, dieque uno totam Græciam Lacedæmonijs fu-
gatis liberaui. Idem cum in conuentum uenisset Ar-
cadum, petens ut societatem cum Thebanis & Arguis
facerent, contra Callistratus Atheniensium legatus, qui
eloquentia omnes eo præstabat tempore, postularet, ut
potius amicitias sequerentur Atticorum, & in oratione
sua multa inuectus esset in Thebanos & Arguios, in
eisque hoc posuisset animaduertere debere Arcadas,
quales utraque ciuitas ciues procreasset, ex quibus de
ceteris possent iudicare. Arguios enim fuisse Orestem
& Alcæonem matricidas. Thebis Oedipum natum,
qui cum patrem suum interfecisset, ex matre liberos
procreasset. Hic in respōdendo Epaminondas cum de
ceteris perorasset, postquam ad illa duo opprobria
peruenit, admirari se dixit stultitiam rhetoris attici,
qui non animaduernerit innocentes illos natos, domi
scelere admissō cum patria essent pulsī, receptos esse
ab Atheniensibus. Sed maxime eius eloquentia eluxit
Spartæ, quo cum omnium sociorum conuenissent le-
gati, corā frequentissimo legationum conuentu, sic
Lacedæmoniorum tyrannidem coarguit, ut non mi-
nus illa oratione opes eorum concusserit, quā Leu-
ctricæ pugna. Tum enim perfecit, quod post apparuit,
ut auxilio sociorum Lacedæmonij priuarentur. Fuisse
se autem patientem, suorumq; iniurias ferentem ci-
uium, quod se patriæ irasci nefas esse duceret, hæc
sunt testimonia. cum eum propter inuidiam ciues præ-
ficere noluisent, duxq; esset delectus belli imperi-
tus, cuius errore eo esset deducta res illa militum, ut

omnes de salute pertimescerent, quod locorum angustiis clausi ab hostibus obsidebantur, desiderari coepit est Epaminondae diligentia. erat enim ibi priuatus numero nullis, a quo cum peterent opem, nullam adhibuit memoriam contumeliae, et exercitum obsidione liberatum, domum reduxit incolumem. Neque uero hoc semel fecit, sed saepius, maxime autem fuit illud, cum in Peloponnesum exercitum duxisset aduersus Lacedaemonios, haberetque collegas suos, quorum alter erat Pelopidas uir fortis ac strenuus. hic cum criminibus aduersariorum omnes in inuidiam uenissent, ob eamque rem imperium his esset abrogatum, atque in eorum locum alij praetores successissent, Epaminondas plebiscito non paruit, idemque ut facerent, persuasit collegis, et bellum, quod susceperat, gessit. namque animaduvertebat, ubi id fecisset, totum exercitum propter praetorum imprudentiam inscitiamque belli perituum. Lex erat Thebis, quae morte mulctabat, si quis imperium diutius retinisset, quam lege praefinitum foret. hanc Epaminondas cum reipublicae conservandae causa latam uideret, ad perniciem ciuitatis conferre noluit, et quatuor mensibus diutius, quam populus iusserat, gessit imperium. Postquam domum reditum est, collegae eius hoc crimine accusabantur. quibus ille permisit, ut omnem causam in se transferrent, suaque opera factum contenderent, ut legi non obedirent. quae defensione illis periculo liberatis, nemo Epaminondam responsurum putabat, quod quid diceret, non haberet. at ille in iudicium uenit, nihil eorum negauit, quae aduersarii crimini dabant, omniaque, quae collegae

dixerant, confessus est, neque recusavit, quo minus legis poenam subiret. sed unum ab his petiuit, ut in sepulchro suo inscriberent, Epaminondas à Thebanis morte mulctatus est, quot eos cœgit apud Leuctra superare Lacedæmonios, quos ante se imperatorem nemo Bœotiorum ausus fuit aspicere. in acie quoque uno prælio non solum Thebas ab inæritu retraxit, sed etiam uniuersam Græciam in libertatem uindicauit, eoque res utrorumque perduxit, ut Thebani Spartam oppugnarent, Lacedæmonijs satis haberent, si salui esse possent. neque prius bellare destitit, quàm Messena constituta urbem eorum obsidione clausit. Hæc cum dixisset, risus omnium cum hilaritate coortus est, neque quisquam iudex ausus est ferre suffragium. Sic à iudicio capitis maxima discessit gloria. Hic extremo tempore imperator apud Mantineam, cum acie instructa audacius instaret hostibus, cognitus à Lacedæmonijs, quot in unius perniciæ eius patriæ sitam putabant salutem, uniuersi in unum impetum fecerunt. neque prius abscesserunt, quàm magna cæde, multisque occisis, ipsum Epaminondam pugnantem, sparo eminus percussum, concidere uiderunt. Huius causa aliquantum retardati sunt Bœoti, neque tamen prius pugna excesserunt, quàm repugnantes profligarunt. At Epaminondas, cum animaduerneret mortiferum se uulnus accepisse, simulque, si ferrum, quod ex hastili in corpore remanserat, extraxisset, animam statim amissurum, usque eo retinuit, quoad renuntiatum est uicisse Bœotios. Id postquam audiuit, satis inquit uixi, inuictus enim morior. Tum ferro extracto confestim

exanimatus est. Hic uxorem nunquam duxit. in quo cum reprehenderetur, q̄ liberos non relinqueret, à Pelopida, qui filium habebat infamum, maleq; eum in eo patriæ considerare diceret. uide inquit, ne tu prius cōsulas, qui talem ex te natum relicturus sis. neq; uero stirps mihi potest deesse. nanq; ex me natam relinquo pugnam Leuſtriam, quæ non modo mihi superſtes, ſed etiam immortalis ſit neceſſe eſt. Quo tempore duce Pelopida exules Thebas occuparunt, et præſidiū Lacedæmoniorum ex arce expulerunt, Epaminondas, q̄ diu facta eſt cædes ciuium, domū ſe retinuit q̄ neq; malos defendere uolebat, neq; impugnare, ne manus ſuorum ſanguine cruentaret. nanque omnem ciuilem uictoriam ſineſtam putabat. Idemq; poſtq̄ ad Cadmeam pugnari cum Lacedæmonijs cepit, in primis ſtetit. Huius de uirtutibus uitq; ſatis eruditum, ſi hoc unum adiunxero, quod nemo eat inficias, Thebas & ante Epaminondam natum, & poſt eiſdem interitum, perpetuo alieno paruiffe imperio, cum eo, quàm diu ille præſuerit reipub. caput fuiſſe totius Græciæ. ex quo intelligi poteſt unum hominem pluris, quàm ciuitatem, fuiſſe.

PELOPIDAE VITA.

Elopidas Thebanus magis historijs, quàm uulgo, notus, cuius de uirtutibus dubito quemadmodum exponam. q̄ uereor, ſi res explicare incipiā, nō uitam eiſ enarrare, ſed historiā ui-

AEMYLI PROBI

uidear scribere . si tantummodo summas attigero , ne
 rudibus literarum græcarum minus lucide appareat ,
 quantus fuerit ille uir . Itaque utrique rei occurrere ,
 quantum potero . Et medebor cum satietati , tum igno-
 rantie lectorum . Phœbidas Lacedæmonius , cum ex-
 ercitus Olynthum duceret , iterq; per Thebas faceret ,
 arcem oppidi , quæ Cadmea nominatur , occupauit , im-
 pulsu per paucorum Thebanorum , qui aduersariæ
 factioni quo facilius resisteret , Laconū rebus studebat .
 id'que suo privato , non publico , fecit consilio . quo fa-
 cto eum Lacedæmonij ab exercitu remouerunt , pecu-
 niaque multarunt . neque eo magis arcem Thebanis
 reddiderunt , q̃ susceptis inimicijs satius ducebant eos
 obsideri , quàm liberari . nam post peloponnesium bel-
 lum Athenasq; deuictas , cum Thebanis sibi rem esse
 existimabant . Et eos esse solos , qui aduersus resiste-
 re auderent . Hac mente amicis suis summas potestates
 dederant , alterius factionis principes partim interfe-
 cerant . alios in exilium eiecerant . in quibus Pelopidas
 hic , de quo scribere exorsi sumus , pulsus patria care-
 bat . Hi omnes ferè Athenas se contulerant , non ut se-
 querentur otium , sed ut quenque ex proximo locum
 fors obtulisset , eo patriam recuperare niteretur . Itaque
 cum tempus est uisum rei gerendæ , communiter cum
 his , qui Thebis idem sentiebant , diem delegerunt ad
 inimicos opprimendos , ciuitatemq; liberandam , cum
 quo maximū magistratus simul consueuerant epulari .
 Magnæ sepe res non ita magnis copijs sunt gestæ . sed
 profecto nunquam ab tam tenui initio tantæ opes sunt
 profugatæ . nam duodecim adolescentuli ceciderunt ex his ,
 qui

qui exilio erant mulctati. cum omnino non essent amplius centum, qui tanto se offerrent periculo. qua paucitate percussa est Lacedæmoniorum potentia. Hi enim non magis aduersariorum factioni, q̃ Spartanis eo tempore bellum intulerunt, qui principes erant totius Græciæ. quorum imperio maiestas neque ita multo post Leuctricam pugnam ab hoc initio percussa cecidit. Illi igitur duodecim, quorum erat dux Pelopidas, cum Athenis interdū exissent, ut uesperascente cœlo Thebas possent peruenire, cum canibus uenaticis exierunt, retia ferentes uestitu agresti, quo minore suspitione facerent iter. qui cum tempore ipso, quo studuerant, peruenissent, domum Charonis deuenērunt. à quo et tempus et dies erat datus. Hoc loco libet interponere, et si seiunctum à re posita est, nimia fiducia quæ tam calamitati soleat esse. nam magistratum Thebanorum statim ad aures peruenit, exules in urbem deuenisse. id illi uino epulisq; dediti usq; eò despexerunt, ut ne quærere quidem de tanta re laborarint. accessit etiam, quod magis aperiret eorum dementiam. allata est enim epistola Athenis ab Archia Hierophonte Archiæ, qui tum maximum magistratum Thebis obtinebat, in qua omnia de protectione exulum scripta erant. quæ cum iam accubanti in conuiuio esset data, sicut erat signata, in puluinum subiiciens, in crastinum inquit, differo res seueras. At illi omnes, cum iam nox processisset, uinolenti ab exulibus duce Pelopida sunt interfecti. Quibus rebus confectis, uulgo ad arma libertatemq; uocato, non solum qui in urbe erant, sed etiam undique ex agris concurrunt, præsidium La-

A

A E M Y L I I P R O B I

cedemoniorum ex arce pepulerunt, patriam obsidio-
ne liberarunt, authores Cadmeæ occupandæ partim
occiderunt, partim in exilium eiecerunt. Hoc tam tur-
bido tempore (sicut supra docuimus) Epaminondas,
quoad cum quibus dimicatum est, domi quietus fuit.
Itaque hæc liberandarum Thebarum propria laus
est Pelopidæ, ceteræ fere omnes communes cum Epa-
minonda. namq; leuctrica pugna, imperatore Epami-
nonda, hic fuit delectæ manus, quæ prima Phalægem
prostravit Laconum. omnibus præterea periculis affu-
it. sicut Spartam cum oppugnauit, alterum tenuit cor-
nu. quoq; Messena celerius restitueretur, legatus in Per-
sas est profectus. Denique hæc fuit altera persona The-
bis, sed tamen secunda ita, ut proxima esset Epami-
nondæ. Constrictus autem est cum aduersa fortuna.
nam & initio (sicut ostendimus) exul patria caruit. et
cum Thessaliam in potestatem Thebanorum cuperet
redigere, legationisq; iure satis tectum se arbitraretur,
quod apud omnes gentes sanctum esse consueisset, à Ty-
ranno Alexandro Pheræo simul cum Ismenia compre-
hensus in uincula coniectus est. Hunc Epaminondas
recuperauit bello persequens Alexandrum. Post id fa-
ctum, nunquam is animo placari potuit in eum, à quo
erat uiolatus. Itaque persuasit Thebanis, ut subsidio
Thessaliæ proficiscerentur, tyrannosque eius expelle-
rent. Cuius belli cum ei summa esset data, eoq; cum
exercitu profectus esset, non dubitauit simulac conspe-
xit hostem configere. in quo prælio Alexandrum ut
animaduertit, incensus ira, equum in eum concitauit,
proculq; digressus à suis coniectus telorum confossus,
cecidit.

cedit. Atque hoc secunda victoria accidit, nam iam inclinatae erant tyrannorum copiae. Quo facto omnes Thessaliae ciuitates interfectum Pelopidam coronis aureis, & statuis aeneis, liberosque eius multa auro donarunt.

AGESILAI VITA.

Agasilus Lacedaemonius cum a ceteris scriptoribus, tum eximie a Xenophonte Socratico collaudatus est. eo enim usus est familiarissime. Hic primum de regno cum Leontychide fratris filio habuit contentionem. Mos est enim a maiorebus Lacedaemonijs traditus, ut duos haberent semper reges nomine magis, quam imperio, ex duabus familijs Procli & Eristhenis, qui principes ex progenie Herculis Sparta reges fuerunt. horum ex altera in alterius familiae locum fieri non licebat. itaque uterque suum retinebat ordinem. primus in eo habebatur, qui maximus natus esset ex liberis eius, qui regnas decessisset. si is uirilem sexum non reliquisset, tum deligebatur, qui proximus esset propinquitate. Mortuus erat Agis rex frater Agasilai, filium reliquerat Leontychidem, quem ille uiuus non agnorat, eundem moriens suum esse dixerat. Is de honore regni cum Agsilao suo patre contendit, neque id, quod petuit, consecutus est. nam Lysandro suffragante, homine (ut ostendimus supra) factioso, & his temporibus potente, Agasilus ante latus est. Hic simulac imperij potitus est, per-

A ii

suasit Lacedæmonijs, ut exercitum emitterent in Asiā,
bellumq; regi facerent, docens satius esse in Asia, quā
in Europa dimicare. nanque famam exire, Artaxerxē
comparare classem, pedestresq; exercitus, quos in Græ-
ciam mitteret. Data potestate, tanta celeritate usus est,
ut prius in Asiam cum copijs peruenerit, quā regij
Satrapæ eum scirent profectum. Quo factum est, ut
omnes imperatores imparatos imprudentesq; offende-
ret. Id ut cognouit Tissaphernes, qui summum impe-
rium tum inter præfectos habebat regios, inducias à
Lacone petiuit, simulans se dare operam, ut Lacedæ-
monijs cum rege conueniret, re autem uera ad copias
comparandas, easq; impetrauit trimestres. Iurauit au-
tem uterq; se sine dolo inducias conseruaturum, in qua
pactione summa fide mansit Agésilas, contra ea Tis-
saphernes nihil aliud, quā bellum comparauit. Id
etsi sentiebat Laco, tamen insiurandum seruabat.
multumq; in eo consequi se dicebat, qd Tissaphernes
periurio suo & homines suis rebus abalienaret, &
deos sibi iratos redderet. se autem seruata religione
confirmare exercitum, cum animaduertetet deorum
numen facere secum, hominesq; sibi conciliari amicio-
res, qd his studere consueissent, quos conseruare fidem
uiderent. Postquam induciarum præterijt dies, bar-
barus non dubitans, qd ipsius erant plurima domici-
lia in Caria, & ea regio his temporibus multo puta-
batur locupletissima, eò potissimum hostes impetum fa-
cturos, omnes suas copias eò contraxerat. At Agésilas
in Phrygiam se conuertit, eamq; prius depopulatus
est, qd Tissaphernes usquam se moueret. Magna præda
militibus.

militibus locupletatis Ephesum hyematum exercitum
 reduxit, atque ibi officinis armorum institutis, magna
 industria bellum parauit. & quo studiosius armaren-
 tur, insignis que ornarentur, præmia proposuit, qui-
 bus donarentur, quorum egregia in ea re fuisset in-
 dustria. Fecit idem in exercitationum generibus, ut qui
 cæteris præstissente, eos magnis afficeret muneribus.
 His igitur rebus effecit, ut ornatissimum & exercita-
 tissimum haberet exercitum. Huic cum tempus esset ui-
 sum copias extrahere ex hybernaculis, uidit, si quod es-
 set iter factururus, palam pronunciaisset, hostes non cre-
 dituros, aliasq; regiones occupaturos, nec dubitatu-
 ros aliud esse facturum, ac pronunciaisset. Itaque cum il-
 le Sardis se iturum dixisset, Tissaphernes eandem Ca-
 riam defendendam putauit. In quo cum eum opinio
 fefellerit, uictumq; se uidisset consilio, sero suis præsi-
 dio profectus est. nam cum illo uenisset, iam Agesilaus
 multis locis expugnatis magna erat præda potius. La-
 co autem, cum uideret hostes equitatu superare, nunq̃
 in campo sui fecit potestatem, & his locis manum con-
 seruit, quibus plus pedestres copiae ualerent. Repulit
 ergo, quotiescunque congressus est, multo maiores ad-
 uersariorum copias. & sic in Asia uersatus est, ut
 omnium opinione uictor diceretur. Hic cum animo me-
 ditaretur proficisci in Persas, et ipsum regem adoriri,
 nuntius ei domo uenit Ephorum iussu, bellum Athe-
 nienses & Boeotios indixisse Lacedæmoniis. quare ue-
 nire non dubitaret. In hoc non minus eius pietas suspi-
 cienda est, quàm uirtus bellica, qui cum uictor præse-
 set exercitui, maximamq; haberet fiduciam regni Per-

farum potiundi, tanta modestia dicto audiens fuit in-
 sis absentium magistratum, ut si privatus in comitio
 esset Sparta. cuius exemplum utinam imperatores
 nostri sequi uoluissent. sed illuc redeamus. Agesilaus
 opulētissimo regno prae posuit bonam existimationem,
 multoq; gloriosius duxit, si institutis patriae paruisset,
 quā si bello superasset Asiam. Hac igitur mente
 Hellespontum copias traiecit, tantāque usus est cele-
 ritate, ut quod iter Xerxes anno uertente confecerat,
 hic transferit triginta diebus. cum iam haud longe
 abesset a Peloponneso, obsistere ei conati sunt Athe-
 nienses, & Boeotij, ceterique eorum socij, apud Co-
 roneam, quos omnes graui praelio uicit. Huius ui-
 ctoriae uel maxima fuit laus, quod cum plerique
 ex fuga se in templum Minervae coniecissent, quae-
 rereturque ab eo, quid his fieri uellet. etsi aliquot
 vulnera acceperat eo praelio, & iratus uidebatur
 omnibus, qui aduersus arma tulerant, tamen ante tu-
 lit irae religionem, & eos uetuit uiolari. Neque hoc
 solum in Graecia fecit, ut templa deorum sancta ha-
 beret, sed etiam apud Barbaros summa religione o-
 mnia simulachra arasque conseruauit. Itaque prae-
 cabat mirari se non sacrilegorum numero haberi, qui
 supplicibus eorum nocuissent. aut non grauioribus poe-
 nis affici, qui religionem minuerent, quā qui fana
 spoliarent. Post hoc praelium collatum est omne bel-
 lum circa Corinthum, ideoque Corinthium est ap-
 pellatum. Hic cum una pugna decem milia hostium
 Agesilao duce cecidissent, eoque facto opes aduersa-
 riorum debilitatae uiderentur, tantum absuit ab in-
 solentia

solentia gloriae, ut commiseratus sit fortunam Graeciae, quod tam multi a se uicti uitio aduersariorum concidissent. nanque illa multitudine, si sana mens esset, Graeciae supplicium Persas dare potuisset. Idem cum aduersarios intra moenia compulisset, & ut Corinthum oppugnaret multi hortarentur, negauit id suae uirtuti conuenire. se enim cum esse dixit, qui ad officium peccantes redire cogeret, non qui urbes nobilissimas expugnaret Graeciae. nam si inquit, eos extinguere uoluerimus, qui nobiscum aduersus Barbaros steterunt, nosmetipsi nos expugnauerimus illis quiescentibus. quo facto sine negotio, cum uoluerint, nos oppriment. Interim accidit illa calamitas apud Leuctra Lacedaemonijs, quo ne proficisceretur, cum a plerisque ad exeundum premeretur, ut si de exitu diuinaret, exire noluit. Idem cum Epaminondas spartam oppugnaret, essetque sine muris oppidum, talem se imperatorem praebuit, ut eo tempore omnibus apparuerit, nisi ille fuisset, spartam futuram non fuisse. In quo quidem discrimine celeritas eius consilij saluti fuit uniuersis. nam cum quidam adolescentuli hostium aduentu perterriti ad Thebanos transfugere uellent, & locum extra urbem editum cepissent, Agesilaus, qui perniciosissimum fore uideret, si animaduersum esset quenquam ad hostes transfugere conari, cum suis conuenit, atque, ut si bono animo fecissent, laudauit consilium eorum, quod eum locum occupassent, & se, id quoque fieri debere, animaduertisse. Sic adolescentulos simulata laudatione recuperauit, & adiunctis de suis com-

A iiii

tibus locum tutum reliquit. nanque illi aucto numero
 eorum, qui expertes erant consilij, commouere se non
 sunt ausi, eoq; libentius, qd latere arbitrabantur, quæ
 cogitarent. Sine dubio post Leuctricam pugnam Lace-
 demonij se nunq̃ refecerunt, neque pristinum impe-
 rium recuperarunt. cum interim Agésilus non desti-
 tit quibuscunq; rebus posset patriam iuuare. nam cum
 præcipue Lacedæmonij indigerent pecunia, ille omni-
 bus, qui à rege defecerant, præsidio fuit. à quibus ma-
 gna donatus pecunia, patriam subleuauit. Atq; in hoc
 illud in primis fuit admirabile, cum maxima munera
 ei ab regibus, & Dynastis, ciuitatibusq; conferrentur,
 nihil unquam in domum suam contulit, nihil de ui-
 ctu, nihil de uestitu Læconum mutauit. Domo eadem
 fuit contentus, qua Eristhenes progenitor maiorum suo-
 rum fuerat usus. quam qui intrarat, nullum signum li-
 bidinis, nullum luxuriæ uidere poterat, contra pluri-
 ma patientiæ, atq; abstinentiæ. Sic enim instructa, ut
 nulla in re differret cuiusuis inopis atq; priuati. Atq;
 hic tantus uir ut naturam fautricem habuerat in tri-
 buendis animi uirtutibus, sic maleficam nactus est
 in corpore, exiguus, & claudus altero pede. Quæ res
 etiam nonnullam afferebat deformitatem, atq; ignoti
 faciem eius cum intuerentur, contemnebant. qui autem
 uirtutem nouerant, nō poterant admirari satis. Quod
 ei usu uenit, cum annorum octoginta subsidio Thaco in
 Aegyptum iuisset, & in acta cum suis acubisset, sine
 ullo tecto stratum, que haberet tale, ut terra tecta esset
 stramentis. neq; huc amplius, quàm pellis esset iniecta,
 eodemq; comites omnes acubissent uestitu humili atq;
 obsoleto,

obsoleto, ut eorum ornatus non modo in his regem ne-
minem significaret, sed hominis non beatissimi suspi-
cionem praeberet. Huius de aduentu fama cum ad re-
gios esset perlata, celeriter munera eo cuiusque gene-
ris sunt allata. His quærentibus Agesilaum uix fides
facta est unum esse ex his, qui tum accubabant. Qui
cum regis uerbis, quæ attulerant, dedissent, ille præter
uitulina & huiusmodi genera opsonij, quæ præsens
tempus desiderabat, nihil accepit. unguenta, coronas,
secundamq; mensam seruis dispartijt, cæteraq; referri
iussit. Quo facto eum barbari magis etiam contempse-
runt, q̃ eum ignorantia bonarum rerum illa potissi-
mum sumpsisse arbitrabantur. Hic cum ex Aegypto
reuerteretur, donatus à rege Nathabide ducentis uigin-
ti talentis, quæ ille muneri populo suo daret, uenissetq;
in portum, qui Menelai uocatur, iacens inter Cyrenas
& Aegyptum, in morbum implicatus decessit. Ibi eum
amici, quo Spartam facilius perferre possent, q̃ mel
non habebant, cæra circumfuderunt. atque ita do-
num retulerunt.

EVMENIS VITA.

e Vmenes Cardianus. Huius si uirtuti
par data esset fortuna, non ille qui-
dem maior, sed multo illustrior, atq;
etiam honoratior, q̃ magnos homines
uirtute metiuntur, non fortuna. Nam
cum ætas eius incidisset in ea tempora, quibus Macedo-
nes flourerent, multum ei detraxit uiuenti, q̃ alienæ

AEMYLI PROBI

erat ciuitatis. neque aliud huic defuit, quàm generosa
 stirps. & si ille domestico summo genere erat, tamen Ma-
 cedones eum sibi aliquando anteponi indigne fere-
 bant, neque tamen non patiebantur, uincebat enim
 omnes cura, uigilantia, patientia, calliditate, & celeri-
 tate ingenij. Hic per adolescentulus ad amicitiam acce-
 sit Philippi Amyntæ filij, breuique tempore in inti-
 mam peruenit familiaritatem. Fulgebat enim iam in
 adolescentulo indoles uirtutis. Itaque eum habuit ad
 manum scribæ loco, quod multo apud Graios hono-
 rificentius est, quàm apud Romanos. nam apud nos
 reuera, sicut sunt, mercennarij scribæ existimantur.
 at apud illos contrario, nemo ad id officium adnutti-
 tur, nisi honesto loco, & fide & industria cognita, q̃
 necesse est omnium consiliorum eum esse participem.
 Hunc locum tenuit amicitiae apud Philippum annos
 septem. illo interfecto eodem gradu fuit apud Alexan-
 drum annos tredecim. Nouissimo tempore praesuit
 etiam alteri equitum alæ, quæ et ærice appellabatur.
 Vtrique autem consilio semper affuit, & omnium re-
 rum habitus est particeps. Alexandro Babylone mor-
 tuo cum regna singulis familiaribus dispartirentur, &
 summa rerum tradita esset tuenda eidem, cui Alexan-
 der moriens annulum suum dederat, Perdiccæ, ex
 quo omnes coniecerant eum regnum ei commendasse,
 quoad liberi eius extra tutelam peruenissent. aberant
 enim Craterus, & Antipater, qui antecedere hunc
 uidebantur. mortuus erat Hephæstio, quem uiuum
 Alexander, quod faciale intelligi posset, plurimi fe-

cerat. Hoc tempore data est Eumeni Cappadocia, siue potius dicta. nam tum in hostium erat potestate. Hunc sibi perdicas adiunxerat magno studio, quod in homine fidem et industriam magnam uidebat, non dubitans, si eum pellexisset, magno usui fore sibi in his rebus, quas apparabat. cogitabat enim, quod ferè omnes in magnis imperiis concupiscunt, omnium partes corripere atque complecti. Neque uero hoc solus fecit, sed cæteri quoque omnes, qui Alexandri fuerant amici. Primus Leonnatus Macedoniam præoccupare prædestinauerat. Is multis magnis pollicitationibus persuadere Eumeni studuit, ut Perdicam desereret, ac secum faceret societatem. Cum perducere eum non posset, interficere conatus est, et fecisset, nisi ille clam ex præsidijs eius effugisset. Interim conflata sunt illa bella, quæ ad internecionem post Alexandri mortem gesta sunt, omnesque concurrunt ad Perdicam opprimendum. quem etsi infirmum uidebat, quod unus omnibus resistere cogebatur, tamen amicum non deseruit, neque salutis, quam fidei, fuit cupidior. Præfecerat eum Perdicas ei parti Asiæ, quæ inter Taurum montem iacet atque Hellespontum, et illum unum opposuerat Europæis aduersarijs. Ipse ægyptum oppugnatum aduersus Ptolemæum erat profectus. Eumenes cum neque magnas copias neque firmas haberet, quod inexercitata et non multo ante erant contractæ, aduentare autem dicerentur, Hellespontumque transcurrisse Antipater et Craterus magno cum exercitu Macedonum, uiri claritate, tum usu belli præ-

stantes. Macedones uero milites ea tunc erant fama,
 qua nunc Romani feruntur. etenim semper habiti sunt
 fortissimi, qui summam imperij potirentur. Eumenes
 intelligebat si copiae suae cognoscerent, aduersus quos
 ducerentur, non modo non ituras, sed simul cum nun-
 tio dilapsuras. Itaque hoc eius fuit prudentissimum con-
 silium, ut deuijs itineribus milites duceret, in quibus
 uera audire non possent. Et his persuaderet, se con-
 tra quosdam barbaros proficisci. Itaque tenuit hoc pro-
 positum, et prius in aciem exercitum eduxit, prae-
 liumque commisit, quam milites sui scirent, cum quibus
 arma conferrent. Efficit etiam illud locorum praeco-
 patione, ut equitatu potius dimicaret, quo plus ualebat,
 quam peditatu, quo erat deterior. Quorum acerrimo
 concursu cum magnam partem diei esset oppugnatum,
 cecidit Craterus dux, et Neoptolemus, qui secundum lo-
 cum imperij tenebat. cum hoc concurrat ipse Eume-
 nes. qui cum inter se complexi in terram ex equis de-
 cidissent, ut facile intelligi posset inimice mente conten-
 disse, animoque magis etiam pugnassee, quam corpore,
 non prius distracti sunt, quam alterum anima reli-
 querit. Ab hoc aliquot plagis Eumenes uulneratur,
 neque eo magis ex praelio excessit, sed acius hostibus
 insitit. Hic equitibus profligatis, interfecto duce Cra-
 tero, multis praeterea et maxime nobilibus captis, pe-
 destres exercitus, qui in ea loca erat deductus, ut inui-
 to Eumene elabi non posset, pacem ab eo petit. quam
 cum impetrasset, in fide non mansit, et se simulac
 potuit, ad Antipatrum recepit. Eumenes Craterum
 ex acie semiuinum elatum recreare studuit. cum id

non posset, pro hominis dignitate proq; pristina amicitia (namq; illo usus erat Alexandro uiuo familiariter) amplo funere extulit, ossa'que in Macedoniam uxori eius, ac liberis remisit. Hæc dum apud Hellepontum geruntur, Perdiccas apud flumen Nilum interficitur à Seleuco & Antigono, rerumq; summa ad Antipatrum deferuntur. hi, qui deseruerunt, exercitu suffragum ferente, capitis absentes damnantur. in his Eumenes. Hæc ille percussus plaga non succubuit, neque eo secius bellum administrauit. sed exiles res animi magnitudinem, & si non frangebant, tamen immunebāt. Hunc persequens Antigonus, cum omni genere copiarum abundaret, sæpe in itineribus uexabatur. neq; unquam ad manum accedere licebat, nisi his locis, quibus multis possent pauci resistere. Sed extremo tempore cum consilio capi non posset, multitudine circumuentus est. hinc tamen multis suis amissis se expediuit, & in castellum Phrygiæ, quod Nora appellatur, confugit. In quo cum circumsederetur, & uereretur, ne uno loco manens equos militares perderet. q; spatium non esset agitando, callidum fuit eius inuentum. quemadmodum stans iumentum cale fieri exerceriq; posset. quo libētus & cibo uteretur, & à corporis motu non remoueretur. substringebat caput loro altius, quàm ut prioribus pedibus plane' terrā posset attingere, deinde post uerberibus cogebat exultare, & calces remittere. qui motus non minus sudorem excutiebat, quàm si in spatio decurreret. Quo factum est, quod omnibus mirabile est uisum, ut æque iumenta nitida ex castello educeret, cum complures menses in obsidione fuisset. Quo-

tiescunque uoluit & apparatus & munitiones An-
 tigonem alias incendit, alias disiecit. Tenuit autem se uno
 loco, quam diu fuit hyems, quod castrum subsidia
 habere non poterat. uer appropinquabat, simulata
 deditone dum de conditionibus tractat, praefectis An-
 tigonem imposuit, seque ac suos omnes extraxit inco-
 lumes. Ad hunc Olympias, mater quae fuerat Ale-
 xandri, cum literas & nuntios misisset in Asiam con-
 sultum, utrum repetitam in Macedoniam ueniret (natum
 in Epiro habitabat) & eas res occuparet. huic
 ille primum suasit, ne se moueret, & expectaret,
 quoad Alexandri filius regnum adipisceretur. sin
 aliqua cupiditate raperetur in Macedoniam, omnium
 iniuriarum obliuisceretur, & in neminem acerbior
 uteretur imperio. Horum nihil ea fecit. nam & in
 Macedoniam profecta est, & ibi crudelissime se ge-
 sit. Petit autem ab Eumene absente, ne pateretur Phi-
 lippi domus & familiae inimicissimos interimere, fer-
 retque opem liberis Alexandri. quam ueniam si da-
 ret, quam primum exercitus pararet, quos sibi subsidio
 adduceret. id quo facilius faceret, se omnibus praefe-
 ctis, qui in officio manebant, misisse literas, ut ei pa-
 rerent, eiusque consilijs uterentur. His uerbis Eume-
 nes permotus satius duxit, si ita tulisset fortuna, pe-
 rire benemeritis referentem gratiam, quam ingra-
 tum uiuere. Itaque copias contraxit, bellum aduersus
 Antigonom comparauit. Quod una erant Macedones
 complures nobiles, in his Peucestes, qui corporis cu-
 stos fuerat Alexandri, tum autem obtinebat Persidem.
 & Theutamus, cuius sub imperio phalanx erat Ma-

cedonum, inuidiam uerens (quam tamen effugere non potuit) si potius ipse alienigena summi imperij potiretur, quam alij Macedonum, quorum ibi erat multitudo, in principijs nomine Alexandri statuit tabernaculum, in eoq; sellam aream cum sceptro & diademate iussit poni, atque omnes cotidie conuenire, ut ibi de summis rebus consilia caperentur. credens minore se inuidia fore, si specie imperij nominis'que simulatione Alexandri bellum uideretur administrare. quod & fecit. nam cum non ad Eumenis principia, sed ad regia conueniretur, atque ibi de rebus deliberaretur, quodammodo latebat, cum tamen per eum unum gererentur omnia. Hic impar aetatis cum Antigono conflixit non acie instructa, sed in itinere, eumque male acceptum in Mediam hyematum coëgere. ipse in finitima regione Persidis hyematum copias diuisit, non ut uoluit, sed militum cogebat uoluntas. nanque illa phalanx Alexandri magni, quae Asiam peragrarat, deuicera't'que Persas, inueterata cum gloria, tum etiam licentia, non parere se ducebatur, sed imperare postulabat. ut nunc ueterani faciunt. itaq; periculum est, ne faciant, quod illi fecerunt, sua intemperantia nimiaque licentia, ut omnia perdant, neq; minus eos, cum quibus steterint, q̄ aduersus quos fecerint. quod si quis illorum uetaranorum legat facta, paria horum cognoscat, neq; rem ullam, nisi tempus interesse iudicet. Sed ad illos reuertar. Hi berna sumpserant non ad usum belli, sed ad ipsorum luxuriam. longe q; inter se dissenserant. Hoc Antigonus cum comperisset, intelligeret'que se parem

AEMYLI PROBI

non esse paratis aduersarijs, statuit aliquid sibi consilij
 esse capiendum. Duæ erant uiae, qua ex Medis, ubi
 ille hyemabat, ad aduersariorum hibernacula posset
 perueniri. quarum breuior per loca deserta, quæ ne-
 mo incolebat propter aquæ inopiam, cæterum die-
 rum erat ferè decem. illa autem, qua omnes comnea-
 bant, altero tanto longiorem habebat anfractum, sed
 erat copiosa, omniumq; rerum abundans. hac si pro-
 ficiſceretur, intelligebat prius aduersarios refcituros de
 suo aduentu, quam ille tertiam partem confecisset iti-
 neris. sin per loca sola contenderet, sperabat se im-
 prudentem hostem oppressurum. Ad hanc rem con-
 ficiendam imperauit quam plurimos utres atq; etiam
 culeos comparari. post hæc pabulum, præterea aba-
 ria cocta decem dierum, utque quamminime fieret
 ignis in castris. iterque, quod habebat, omnes celat.
 Sic paratus, qua constituerat, proficiſcitur. Dimidium
 ferè spatium confecerat, cum ex fumo castrorum eius
 suspicio allata est ad Eumenem, hostem appropinqua-
 re. conueniunt duces, queritur quid opus sit facto.
 intelligebant omnes tam celeriter copias ipsorum con-
 trahi non posse, quàm Antigonus affuturus uidebatur.
 Hic omnibus titubantibus, & de rebus summis despe-
 rantibus, Eumenes ait si celeritatem uelint adhibere,
 & imperata facere, quod ante non fecerint, se rem
 expediturum. nam quod diebus quinque hostis tran-
 sisse posset, se efficiturum, ut non minus totidem die-
 rum spatio retardaretur. quare circumirent, suasq;
 quisque copias contraheret. Ad Antigoni autem re-
 frenandum impetum tale cepit consilium. Certos mittit
 homines

homines ad infimos montes, qui obuij eant itineri aduersariorum, hisq; præcepit, ut prima nocte q̄ latissime possint ignes faciant q̄maximos, atq; hos secunda uigilia minuant, tertia perexiguos reddant, & assimulata castrorum consuetudine suspicionem iniiciant hominibus his locis esse castra, ac de eorum aduentu esse prænuntiatum. idemq; postera nocte faciunt. quibus imperatum, diligenter præceptum curant. Antigonus tenebris obortis ignes conspiciatur, credit de suo aduentu esse auditum, & aduersarios illuc suas contraxisse copias. mutat consilium, & quoniam imprudentes adoriri non posset, flectit iter suum, & illum anfractum longiorem copiosæ uiae capit, ibiq; diem unum opperitur ad lassitudinem sedandam militum, ac reficienda iumenta, quo integriore exercitu decerneret. Hic Eumenes callidum imperatorem uicit consilio, celeritatemq; impediuit eius, neq; tamen multum profecit. nam inuidia ducum, cum quibus erat, perfidiaque militum Macedonum ueteranorum, cum superior prælio discessisset, Antigono est deditus. cum exeratus ei ter ante separatis temporibus iurasset, se eum defensurum, nec unquam deserturum. Sed tanta fuit nonnullorum uirtutis obrectatio, ut fidem amittere malent, quàm eum non prodere. Atque hunc Antigonus, cum ei fuisset infestissimus, conseruasset, si per suos esset licitum, q̄ ab nullo se plus adiuari posse intelligebat in his rebus, quas impendere iam apparebat omnibus. Imminebat enim Seleucus, Lysimachus, Ptolemæus, opibus iam ualentes, cum quibus ei de summis rebus erat dimicandum. sed non passi

AEMYLII PROBI

sunt hi, qui circa erant. q̄ uidebant Eumene recepto
omnes præ illo parui futuros. ipse autem Antigonus
adeo erat incensus, ut nisi magna spe maximarum
rerum leniri non posset. Itaque cum eum in custodiam
dedisset, & præfectus custodum quæssisset, quemad-
modum seruari uellet, ut acerrimum inquit leonem,
aut ferocissimum elephantum. nondum enim statue-
rat conseruare eum, nec ne. Veniebat autem ad Eu-
menem utrunque genus hominum, & qui propter
odium fructum oculis ex eius casu capere uellent, &
qui propter ueterem amicitiam colloqui consolarique
cuperent. multi etiam, qui eius formam cognoscere
studebant, qualis esset, quem tam diu tamque ual-
de timuissent, cuius in perniciem positam spem habuis-
sent uictoriæ. At Eumenes, cum diutius in uinculis
esset, ait Onomarcho, penes quem summa imperij
erat custodiæ, se mirari, quare iam tertium diem sic
teneretur. non enim hoc conuenire Antigoni pruden-
tiæ, ut sic deuteretur uicto, quin aut interfici aut mis-
sum fieri iuberet. Hic cum ferocius Onomarcho lo-
qui uideretur, quid tu inquit, animo si isto eras, cur
non prælio cecidisti potius, quàm in potestatem inimi-
ci uenires? Huic Eumenes, utinam quidem istud eue-
nisset, sed eo non accidit, quod nunquam cum fortiore
sum congressus. non enim cum quoquam arma con-
tuli, quin is mihi succubuerit. non enim uirtute
hostium, sed amicorum perfidia, decidi. Neque id
falsum. nam & dignitate fuit honesta, & uiribus
ad laborem ferendum firmis. neque tam magno cor-
pore, quàm figura uenusta. De hoc Antigonus cum
solus

solus constituere non auderet, ad consilium retulit. Hic
 cum omnes uel primo perturbati admirarentur, non
 iam de eo sumptum esse supplicium, à quo tot annos
 adeo essent male habiti, ut saepe ad desperationem fo-
 rent adducti. quique maximos duces interfecisset. denique
 in quo uno esset tantum, ut quoad ille uiueret, ipsi se ca-
 ri esse non possent. interfecto nihil habituri negotij es-
 sent. Posremo, si illi redderet salutem, querebant, qui-
 bus amicis esset usus. sese enim cum Eumene apud
 eum non futuros. Hic cognita consilij uoluntate, tamen
 usque ad septimum diem deliberandi sibi spatium religit.
 tum autem cum ueretur, nequa seditio exeratus ori-
 retur, uenit ad eum quenquam admitti, et cotidianum
 uictum amoueri iussit. nam negabat se ei uim allaturum,
 qui aliquando fuisset amicus. Hic tamen non amplius,
 quam triduum, fame fatigatus, cum castra moueretur, in-
 sciente Antigono iugulatus est à custodibus. Sic Eume-
 nes annorum quinque et quadraginta, cum ab anno ui-
 gesimo (ut supra) septem annos Philippo apparuisset,
 et tredecim apud Alexandrum eundem locum obti-
 nuisset, in his uni equitum alae praefuisset, post autem
 Alexandri magni mortem imperator exeratus duxis-
 set, summosque duces partim repulisset, partim interfe-
 cisset, captus non Antigoni uirtute, sed Macedonum per-
 iurio, talem habuit exitum uitae. In quo quantae fuerit
 omnium opinio eorum, qui post Alexandrum ma-
 gnum reges sunt appellati, ex hoc facillime potest
 iudicari. quod nemo Eumene uiuo rex appellatus est,
 sed praefectus. idem post huius occisum statim re-
 gum ornatum nomenque sumpserunt, neque, quod ini-

AEMYLII PROBI

no prædicarunt se Alexandri liberis regnum seruare,
præstare uoluerunt, & uno propugnatore sublato,
quid sentirent, aperuerunt. Huius sceleris principes
fuerunt Antigonus, Ptolemaeus, Seleucus, Lysimachus,
Cassander. Antigonus autem Eumenem mortuum pro
pinquis eius sepeliendum tradidit, qui eum militari
honestoq; funere, comitante toto exercitu humauerunt.
ossaq; eius in Cappadociam ad matrem atque uxorem
liberosque eius deportanda curarunt.

PHOCIONIS VITA.

P

Hocion Atheniensis & si saepe exerci-
tibus præfuit, summosq; magistratus
cepit, tamen multo eius notior integri-
tas est uitæ, quàm rei militaris labor.

Itaq; huius memoria è nulla, illius aut
magna fama, ex quo cognomine bonus est appellatus.
Fuit enim perpetuo pauper cum ditissimus esse posset
propter frequentes delatos honores potestatesque sum-
mas, quæ ei à populo dabantur. Hic cum à rege Phi-
lippo munera magnæ pecuniæ repudiaret, legati que
hortarentur accipere, simul admonerent, si ipse his fa-
cile careret, liberis tamen suis prospiceret, quibus dif-
ficile esset in summa paupertate tantam paternam tue-
ri gloriam. hic ille, si mei similes erunt, idem hic in-
quit agellus illos alet, qui me ad hanc dignitatem per-
duxit. si dissimiles sunt futuri, nolo meis impensis
illorum ali augeriq; luxuriam. eidem cum prope ad
annum octogesimum prospera peruenisset fortuna,
extremis

extremis temporibus magnum in odium peruenit suorum ciuium . Primo cum Demáde de urbe tradenda Antipatro consenserat . eiusque consilio Demosthenes cum ceteris , qui bene de republica mereri existimabantur , plebiscito in exilium erant expulsi . Neque in eo solum offenderat , q̃ patriæ male consuluerat , sed etiam , q̃ amicitiae fidem non præsiterat . nanque auctus adiutusq; à Demosthene eum , quem tenebat , ascenderat gradum . cum aduersus Charetem eum subornaret , ab eodem in iudicijs , cum capitis causam diceret , defensus aliquoties , liberatus discesserat . hunc nō solum in periculis non defendit , sed etiam prodidit . Concidit autem maxime uno crimine . quia cum apud eum summum esset imperium populi , & Nicanorem Cassandri praefectum insidiari piræo Atheniensium à Derallo moneretur . eidemq; postularet , ut prouideret , ne cōmeatibus ciuitas priuaretur . hinc audiente populo Phocion negauit esse periculum , seque eius rei obsidem fore pollicatus est . neque ita multo post Nicanor piræo est potius . ad quem recuperandum cum populus armatus concurrisset , ille non modo neminem ad arma uocauit , sed ne armatis quidem praesse uoluit . sine quo Athenæ omnino esse non possunt . Erant eo tempore Athenis duæ factiones , quarum una populi causam agebat , altera optimatum . in hac erat Phocion , & Demetrius Phalereus . harum utraque Macedonum patrocinij nitebatur . nam populares Polyperconti fauebant , optimates cum Cassandro sentiebant . Interim à Polyperconte Cassander Macedonia pulsus est , quo facto populus superior factus statim

duces aduersariae factionis capitis damnatos patria pepulit, in his Phocionem et Demetrium Phalereum. de quibus ea re legatos ad Polypercontem misit, qui ab eo peterent, ut sua decreta confirmaret. Hoc eodem profectus est et Phocion. quo ut uenit causam apud Philippum regem uerbo, re ipsa quidem apud Polypercontem, iussus est dicere. nanque is tum regis rebus praerat. Hic cum ab Agnonide accusatus esset, quod piraeum Nicanori prodidisset. ex consimili sententia in custodiam coniectus, Athenas deductus est ut ibi de eo legibus fieret iudicium. Huc ubi peruentum est, cum propter aetatem pedibus iam non ualeret, uehiculoque portaretur, magni concursus sunt facti. cum alij remniscetes ueteris famae aetatis misererentur, plurima uero ira exaceretur propter proditoris suspicionem Piraei. maximeque, quod aduersus populi commoda in senectute steterat. Qua de re ne perorandi quidem ei data est facultas, et dicendi causam. Inde iudicio legitimis quibusdam confectis damnatus traditus est undecim uiris, quibus ad supplicium more Atheniensium publice damnati tradi solent. Hic cum ad mortem duceretur, obuius ei fuit Emphiletus, quo familiariter fuerat usus. Is cum lachrymans dixisset, o quam indigna perpeteris Phocion. huic ille, at non inopinata, inquit, hunc enim exitum plerique clari uiri habuerunt Athenienses. In hoc tantum fuit odium multitudinis, ut nemo ausus sit eum liber sepelire. Itaque a seruis sepultus est.

Timoleonis

TIMOLEONIS VITA.

Imoleon Corinthius, sine dubio magnus omnium iudicio hic uir extitit. nanque huic uni contigit, quod nescio an ulli, ut patriam, in qua erat natus, oppressam à tyranno liberaret, et à Syracusis, quibus auxilio erat missus, inueteratam seruitutem depelleret. totamq; Sicilia multos annos bello uexatam, à barbarisq; oppressam suo aduētū in pristinum restituerit. Sed in his rebus non simplici fortuna conflictatus est. Et id, quod difficilior putatur, multo sapientius tulit secundam, quàm aduersam, fortunam. Nam cum frater eius Timophanes dux à Corinthiis delectus tyrannidem per milites mercenarios occupasset, particepsq; regni posset esse, tantum absuit à societate sceleris, ut ante tulerit suorum ciuium libertatem fratris saluti, et patriæ legibus obtemperare sanctius duxerit, quàm imperare patriæ. Hac mente per aruspice, communemq; affinem, cui soror ex eisdem parentibus nata nupta erat, fratrem tyrannum interficiendum curauit. Ipse non modo manum non attulit, sed ne aspicere quid est fraternum sanguinem uoluit. nam, dum res conficeretur, procul in præsidio fuit, nequis satellites posset succurrere. Hoc præclarissimum eius facinus non pari modo probatum est ab omnibus. nonnulli enim lesam ab eo pietatem putabant, et inuidia laudem uirtutis obtinebant. mater uero post id factum neque domum ad se filium admisit, neque aspexit, quin eum fratricidam impiumq; detestans cōpellaret. Quibus uerbis adeo ille est commotus, ut non

AEMYLI PROBI

nunquam uitæ finem facere uoluerit, atq; ex ingratorum hominum conspectu morte decedere. Interim Dione Syracusis interfecto, Dionysius rursus Syracusanorum potitus est, cuius aduersarij opem à Corinthijs petuerunt. duce[m]que, quo in bello uterentur, postularunt. Huc Timoleon missus incredibili felicitate Dionysium tota Sicilia depulit. cum interficere posset noluit, tutoq; ut Corinthum pueniret, effecit. quod utrorumq; Dionysioru[m] opibus Corinthij saepe adiuti fuerant, cuius benignitatis memoriã uolebat extare, eamq; præclaram uictoriam ducebat, ex qua plus esset clementiæ, quàm crudelitatis. Postremo ut nō solum auribus acciperetur, sed etiã oculis cerneretur. quem & ex quanto regno ad quam fortunam detrussisset. Post Dionysij decessum cum Iceta bellauit, qui aduersatus fuerat Dionysio. quē non odio tyrannidis dissensisse, sed cupiditate indicio fuit, q[uod] ipse expulso Dionysio imperium dimittere noluit. Hoc superato Timoleon maximas copias Carthaginensium apud Crimnissum flumen fugauit, ac satis hinc cōegit, si liceret Africam obtinere, q[uod] iam complures annos possessionem Siciliae tenebant. Cepit etiam Mamercum italicum ducem hominem bellicosum et potentem, q[uod] tyrannos adiutum in Siciliam uenerat. Quibus rebus confectis cum propter diuturnitatem belli nō solum regiones, sed etiam urbes desertas uideret, conquisiuit, quos potuit, primum Siculos, deinde Corintho acersiu[m] colonos. q[uod] ab his initio Syracusæ erant conditæ. Ciuib[us] ueteribus sua restituit, nouis bello uacuefactis possessiones diu[isi]t, urbiu[m] mœnia disiecta, fanaq; desertæ refecit. ciuitatibus leges libertatemq; reddidit. et maximo

ximo bello tñ otium toti insulae conciliauit, ut hic conditor urbium earum, non illi, qui initio deduxerant, uideretur. Arcē Syracusis, quā munierat Dionysius ad urbem obsidendā, à fundamentis disiecit, cætera tyrannidis propugnacula demolitus est. deditq; operam, ut q̄minime multa uestigia seruitutis manerent. Cum tantis esset opibus, ut etiam inuitis imperare posset, tñ autem haberet amorem omnium Siculorū, ut nullo recesante regnum obtineret, maluit se diligī, q̄ metui. Itaq; cum primum potuit, imperiū deposuit, & priuatus Syracusis, qd̄ reliquum uitæ fuit, uixit. neq; uero id imperite fecit. nā quod cæteri reges imperio potuerūt, hic beneuolentia tenuit. nullus honos huic defuit. neq; postea Syracusis res ulla gesta est publica, de qua prius sit decretū, q̄ Timoleontis sententia cognita. nullius unquam consiliū non modo antelatum, sed ne comparatum qdem est. neq; id magis beneuolentia factum est, q̄ prudentia. Hic cum ætate iam prouectus esset, sine ullo morbo lumina oculorū amisit. quā calamitatem ita moderate tulit, ut neq; eum querentem quisq; audierit, neq; eo minus priuatis publicisq; rebus interfuerit. ueniebat autem in theatrum, cum ibi conciliū populi haberetur, propter ualeitudinem uectus iumentis iunctis, atq; ita de uehiculo, quæ uidebantur dicebat, neq; hoc illi quisquam tribuebat superbiæ. nihil enim unq; neq; insolens neq; gloriosum ex ore eius exiit. q̄ qdem cum suas laudes audiret prædicari, nunq; aliud dixit, q̄ se in eare maximas dīs gratias agere atq; habere, q̄ cum Sicaliam recreare constituisset, tum se potissimū ducem esse uoluissent. nihil enim rerum humanarū sine

AEMYLI PROBI

deorum numine agi putabat. Itaq; suæ domi sacellum
 ΑΥΤΟΜΑΤΙΑΣ constituerat, idq; sanctissime colebat. Ad
 hanc hominis excellentem bonitatem mirabiles accessse
 runt casus. Nam praelia maxima natali die suo fecit
 omnia, quo factum est, ut eiusdem natalem festum habe
 ret uniuersa Sicilia. Huic quidam Lamestius homo pe
 tulans & ingratus nadimonium cum uellet imponere,
 quod cum illo se lege agere diceret, & cum plures con
 currissent, qui prociuitatem hominis manibus coërcere
 conarentur, Timoleon orauit omnes, ne id facerent. namq;
 id ut Lamestio, cæterisq; liceret, se maximos labores
 summaq; adisse pericula. hanc enim speciem liberta
 tis esse, si omnibus, quod quisque uellet, legibus expe
 riri liceret. Idem, cum quidam Lamestij similis no
 mine Demenetus in cōcione populi rebus gestis eius de
 trahere cœpisset, ac nonnulla inueheretur in Timoleo
 nē, dixit nunc demum se uoti esse compotem. namq; hæc
 à dijs immortalibus semper precatum, ut talem liber
 tatem restitueret Syracusanis, in qua cuius liceret, de
 quo uellet, impune dicere. Hic cum diem supremum
 obisset, publice à Syracusanis in gymnasio, quod Timo
 leontiu appellatur, tota celebrante Sicilia, sepultus est.
 Hi fere fuerunt Græciæ gentis duces, qui memoria di
 gni uideantur, præter reges. namq; eos attingere nolumus,
 quod omnium res gestæ separatim sunt relatæ.
 neque tamen hi admodum sunt multi. Lacedæmonius
 autem Agésilæus nomine non potestate fuit rex, sicut
 cæteri Spartani. Ex his uero, q; orbem domitum impe
 rio tenuerunt, excellētissimi fuerunt (ut nos iudicamus)
 Persarū Cyrus et Darius Histaspis filius, quorū uterq;

priuatus uirtute regnum est adeptus. Prior horū apud
 Massagetis in praelio cecidit. Darius senectute diem o-
 biit supremum. Tres sunt praeterea eiusdem generis,
 Xerxes, & duo Artaxerxes, Macrochir quoq; & Me-
 mnon. Xerxi maxime est illustre, q̄ maximus post ho-
 minum memoriā exercitibus, terra mariq; bellū intū-
 lit Graeciae. at Macrochir praecipuam habet laudē am-
 plissimae pulcherrimaeq; corporis formae. quam incre-
 dibili ornauit uirtute belli. nāq; illo Persarum nemo fu-
 it manu fortior. Memnon autem iustitiae fama floruit.
 nam cum matris suae scelere amisisset uxorem, tantum
 indulsit dolori, ut cum pietas uinceret. Ex his duo eo-
 dem noīe morbo naturae debitum reddiderunt, tertius
 ab Artabano praefecto ferro interfectus est. Ex Mace-
 donum autem gñe duo multo ceteros antecesserūt rerū
 gestarū gloria, Philippus Amyntae filius & Alexan-
 der Magnus. horū alter Babylone morbo cōsumptus ē.
 Philippus Aegis à Pausania, cū spectatum ludos iret,
 iuxta theatrū occisus est. Vnus Epirotes Pyrrhus, q̄ cū
 P. R. bellauit. is cū Argos oppidū oppugnaret in Pelo-
 ponneso, lapide ictus interijt. Vnus Siculus Dionysius
 prior. nā & manu fortis & belli pitus fuit, & id, qđ
 in tyranno non facile reperitur, minime libidinosus,
 non luxuriosus, nō auarus, nullius rei deniq; cupidus,
 nisi singularis perpetuiq; imperij, ob eamq; rē crude-
 lis. nam dum id studuit munire, nullius peperit uitae,
 quem eius insidiatorem putaret. Hic cū uirtute tyrāni-
 dem sibi peperisset, magna retinuit felicitate, maiorq;
 annos sexaginta natus decessit florente regno. neq; in
 tam multis annis cuiusquam ex sua stirpe funus uidit,

AEMYLI PROBI

cum ex tribus uxoribus liberos procreasset, multiq; ei
nati eēnt nepotes. Fuerunt præterea multi reges ex ami-
cis Alexandri Magni, q post obitum eius imperia cepe-
runt. In his Antigenus, & huius filius Demetrius, Lysi-
machus, Seleucus, Ptolemæus. Ex his Antigonus, cū ad-
uersus Seleucum Lysimachumq; dimicaret, in prælio
occisus est. Pari leto affictus est Lysimachus à Seleuco,
nam societate dissoluta bellū inter se gesserūt. At Demo-
trius cum filiam suam Seleuco in matrimoniū dedisset,
neq; eo magis fida inter eos amicitia manere potuisset,
captus bello in custodia socer generi periit morbo. neq;
ita multo post Seleucus à Ptolemæo Cerauno dolo inter-
fectus est, quē ille à patre expulsus Alexandria, alie-
narum opum indigentem, receperat. Ipse autem Ptole-
mæus, cum uiuus filio regnum tradidisset, ab illo eodē
uita priuatus dicitur. De quibus quoniam satis dictum
putamus, nō incommodum uidetur non præterire Ha-
milcarē & Annibalē, quos & animi magnitudine,
& calliditate omnes in Africa natos præstitisse constat.

HAMILCARIS VITA.

Amilcar Annibalis filius cognomine
Barchas Carthagenensis primo punico
bello, sed temporibus extremis admo-
dum adolescentulus in Sicilia præesse
cœpit exercitui. Cum ante eius aduen-
tum & mari & terra male res gererentur Carthagi-
nensiu, ipse, ubi affuit, nunq hosti cessit, neq; locum no-
cendi dedit. sepeq; e contrario occasione data laçessit,

semperq; superior discessit. quo facto cum penè omnia
 in Sicalia Poeni amisissent, ille Erycè sic defendit, ut bel-
 lum eo loco gestum nò uideretur. Interim Carthaginē
 ses claſſe apud insulas Aegates à C. Lutatio consule
 Romanorū superati, statuerunt belli finē facere, eaq;
 rem arbitrio pmiſerunt Hamilcaris. Ille etsi flagrabat
 bellandi cupiditate, in paci ſeruiedum putauit, q; pa-
 triam exhaustam ſumptibus diutius calamitatem belli
 ferre nò poſſe intelligebat. ſed ita, ut ſtatim mente agi-
 taret, ſi paulum modores eſſent reſectæ, bellum reno-
 uare, Romanosq; armis pſeq, donec aut certe uiaſſent,
 aut uicti manum dediſſent. Hoc conſilio pacem conalia-
 uit, in qua tanta fuit ferocia, ut cum Catulus negaret
 bellum compoſiturum, niſi ille cum ſuis, q; Erycè tene-
 runt, armis relictis Sicalia decederent, ſuccumbēte pa-
 tria ipſe pſiturum ſe potius dixerit, q; cum tanto ſlagni-
 tio domum rediret. nō. n. ſuæ eſſet uirtutis arma à pa-
 tria accepta aduerſus hoſtes aduerſarijs tradere. Hu-
 ius pſtinaciæ ceſſit Catulus. At ille, ut Carthaginē uenit,
 multo aliter rēp. ſe habētē cognouit. nāq; diuturnita-
 te extrema mali tm̄ exarſit in teſtrum bellū, ut nunq;
 pari piculo fuerit Carthago, niſi cum deſerta eſt. Pri-
 mo mercenarij milites, q; aduerſus Ro. fuerant, deſcine-
 runt. quorū numerus erat uiginti milium. hi totam ab-
 alienarunt Africam, ipſam Carthaginem oppugnarūt.
 Quibus malis adeo ſunt Poeni pſterruti, ut auxilia etiā
 à Ro. petuerint, eaq; impetrarint. Sed extremo, cum
 propè iam ad deſperationē pueniſſent, Hamilcarē im-
 peratorem fecerunt. Is non ſolū hoſtes à muris Cartha-
 ginis remouit, cum amplius centū milia facta eēnt ar-

AEMYLI PROBI

matorum, sed etiam eo compulit, ut locorum angustius clausi plures fame, q̄ ferro, interirent. omnia oppida alienata in his Vtica atq; Hipponem ualentissima totius Africae, restituit patriae. neq; eo fuit contentus, sed et fines imperij prorogauit. tota Africa tñ otium reddidit, ut nullū in ea bellum uideretur multis annis fuisse. Rebus his ex sententia pactis fidē animo atq; infesto Romanus quo facilius causam bellandi reperiret, effecit, ut imperator cum exercitu in Hispaniā mitteretur, eoq; secum duxit filiū Annibalē annorū nouem. Erat praeterea cū eo adolescens illustris et formosus Hasdrubal, quē nōnulli diligē turpius, q̄ par erat, ab Hamilcare loquebantur. nō. n. maledici tanto uiro deesse poterant, quo factum est, ut à praefecto morum Hasdrubal cum eo uetaretur esse. huic ille filiam suā in matrimonium dedit, q̄ moribus eorū nō poterat interdici socero gener. De hoc ideo mentionē fecimus, q̄ Hamilcare occiso ille exercitui praefuit, resq; magnas gessit, et princeps largitione uetustos peruertit mores Carthaginensium. eiusdēq; post mortem Annibal ab exercitu accepit imperiū. At Hamilcar posteaq; mare transiit, in Hispaniāq; uenit, magnas res secunda gessit fortuna. maximas bellicosissimasq; gentes subegit. eqs, armis, uiris, pecunia totam locupletauit Africā. Hic cum in Italiā bellum inferre meditaretur, nono anno post, q̄ in Hispaniā uenerat, in praelio pugnans aduersus Vectones occisus est. Huius perpetuū odiū erga Romanos maxime concitasse uidetur secundū bellum punicum. nāq; Annibal filius eius assiduīs patris obtestationibus eo est perductus, ut interire, q̄ non Romanos experiri, mallet.

ANNIBALIS VITA.

Annibal Hamilcaris filius Carthaginen-
 sis. Si uerū est, qđ nemo dubitat, ut populus
 Ro. oēs gentes uirtute superarit, nō est infi-
 ciandū Annib. alē praeſtisse ceteros impe-
 ratores prudētia, qđto populus Ro. antecedit fortitudine
 cunctas nationes. nā quotiescūq; cū eo congressus est in
 Italia, semp discessit supior. quod nisi domi ciuiū suorū
 inuidia debilitatus esset, Romanos uidetur supare potu-
 isse. sed multorū obrectatio deuicit unius uirtutem. Hic
 aut uelut hæreditate relictū odiū paternū erga Roma-
 nos sic cōfirmavit, ut prius aiām, qđ id, deposuerit. Quī
 qđ cū patria pulsus esset, et alienarū opum indigeret,
 nunq̄ destitit aio bellare cum Romanis. nā ut omittā
 Philippū, quē absens hostem reddidit Romanis, oīum
 his tēpibus potentissimus rex Antiochus fuit, hūc tanta
 cupiditate incendit bellādi, ut usq; ā rubro mari arma
 conatus sit inferre Italiae. ad quē cum legati uenissent
 Romani, q de eius uolūtate explorarēt, darentq; ope-
 ram consilijs clādestinis, ut Annib. alē in suspiciōē regi
 adducerent, tanq̄ ab ipsis corruptū alia, atq; antea, sen-
 tire, neq; id frustra fecissent, idq; Annib. alē cōperisset, seq;
 ab interioribus cōsilijs segregari uidisset, tēpe dato adiūt
 regem, eiq; cū multa de fide sua et odio in Romanos
 cōmemorasset, hoc adiūxit. pater inq̄ meus Hamilcar
 puerulo, ut pote nō amplius nouē annos nato, in Hispa-
 niam imperator proficiens Carthagine, Ioui optimo
 maximo hostias immolauit, quæ diuina res dum con-
 faciebatur, quasiuit ā me, uellē ne secum in castra pro-
 fasci. id cum libenter accepiſsem, atque ab eo pe-

AEMYLI PROBI

tere coepissem, ne dubitaret ducere, tum ille faciam inquit, si fidem mihi quam postulo dederis, simulq; ad aram adduxit, apud quam sacrificare instituerat. eamq; ceteris remotis tenentem iurare iussit, nunq; me in amicitia cum Romanis fore. Id ego iusiurandum patri datum usque ad hanc diem ita conseruavi, ut nemini dubium esse debeat, quin reliquo tempore eadem mente sim futurus. quare si quid amice de Romanis cogitabis, non imprudenter feceris, si me calazaris. cum quidem bellum parabis triptum frustraberis, si non me in eo principem posueris. Hac igitur aetate cum patre in Hispaniam profectus est, cuius post obitum Hasdrubale imperatore suffecto, egtatui omni praesuit. hoc quoq; interfecto exercitus summam imperij ad eum detulit. id Carthagine delatum publice comprobatum est. Sic Annibal nator quinq; et uiginti annis natus, imperator factus proximo triennio oes gentes Hispaniae bello subegit. Saguntum foederatam ciuitatem ui expugnauit. tres exercitus maximos comparauit. Ex his unum in Africam misit, alterum cum Hasdrubale fratre in Hispania reliquit, tertiu in Italiam secum duxit. saltum Pyrenaeum transiit. quacumq; iter fecit, cum omnibus incolis conflixit. neminem, nisi uictum, dimisit. Ad alpes posteaq; uenit, quae Italiam ab Gallia seungunt, quas nemo unq; cum exercitu ante eum praeter Herculem Graium transierat, quo factus est hodie saltus Graius appellatur, alpicos conantes prohibere transitum concidit, loca patefecit, itinera munijt, effecitq; ut ea elephantus oneratus ire posset, qua antea unus homo inermis uix poterat repere. hac
copias

copias traduxit, in Italiam' que peruenit. conflixerat
 apud Rhodanum cū. P. Cornelio Scipione consule, eūq;
 pepulerat. cum hoc eodem clastidio apud Padum de-
 cernit, saucū inde ac fugatum dimittit. tertio idem Sci-
 pio cum collega. Tito longo apud Trebiam aduersus eū
 uenit, cum his manum conseruit, utrosq; profregit. In
 de Ligures, Apenninum transit petens Etruriā, hoc itē
 nere adeo graui morbo afficitur oculorū, ut postea nūq;
 dextro aequē bene usus sit. qua ualitudine cum etiam
 premeretur, lecticaq; ferretur, C. Flaminius consulem
 apud Thrasimenum cum exercitu insidijs circumuētum
 occidit. neq; multo post. C. Cētenium prætorem cum de-
 lecta manu saltus occupantem. Hinc in Apuliam pue-
 nit, ibi obuiam ei uenerunt duo consules. C. Terētius et
 L. Aemilius, utriusq; exercitus uno prælio fugauit. Pau-
 lum cōsulem occidit, et aliquot præterea consulares. In
 his P. Seruiliū Geminium, q̄ anno superiore fuerat cō-
 sul. Hac pugna pugnata Romā profectus est nullo resi-
 stente. in propinqs urbis montibus moratus est. cum ali-
 quot ibi dies castra habuisset, & reuertetur Capuā,
 Quintus Fabius maximus dictator Ro. in agro Faler-
 no ei se obiecit. Hic clausis locorū angustijs noctu sine
 ullo detrimento exercitus se expedit. Fabio callidissi-
 mo imperatori uerba dedit. nanq; adducta nocte sar-
 mento in cornibus iumentorum deligata incendit, eiusq;
 generis multitudinem magnā dissipatam immisit. quo
 repentino obiectu viso tantum terrorē iniecit exercitui
 Romanorū, ut egredi extra uallū nemo sit ausus. Hāc
 post rē gestam nō ita multis diebus. M. Minutiū Rufum
 magistrū equum, pari ac dictatorem imperio, dolo pdu-

C

AEMYLI PROBI

etum in praeliū fugauit. T. Sempronius Gracchus iterū
 consulem in Lucanis absens in insidias inductum sustu-
 lit. M. Claudium Marcellū quingens consulē apud Venu-
 siā pari modo interfecit. Lōgum est enumerare praelia,
 quare hoc unū satis erit dictum, ex quo intelligi posset
 quātus ille fuerit. q̄ diu in Italia fuit, nemo ei in acie
 restitit, nemo aduersus eum post Cannensem pugnā in
 campo castra posuit. Hic inuictus patriā defensum re-
 uocatus bellum gessit aduersus P. Scipionis filiū, quem
 ipse primum apud Rhodanū, iterū apud Padum, ter-
 tio apud Trebiam fugauerat. Cū hoc exhaustis iam pa-
 trie facultatibus cupiuit impraesentiarū bellum cōpo-
 nere, quo ualentior postea congredetur. In colloquium
 conuenit, conditiones nō conuenerunt. post id factum
 paucis diebus apud Zamā cum eodem confixit. pulsus
 (incredibile dictū) biduo & duabus noctibus Adru-
 mentum puenit. qđ abest ā Zama circiter milia passuū
 trecenta. In hac fuga Numidæ, q̄ simul cum eo ex acie
 excesserant, insidiati sunt ei. quos nō solum effugit, sed
 etiam ipsos oppressit. Adrumenti reliquos ex fuga col-
 legit. nouis delectibus paucis diebus multos contraxit.
 Cum in apparādo acerrime esset occupatus, Carthagi-
 nenses bellum cum Romanis cōposuerunt. Ille nihilo
 secus exercitui postea præsuit, resque in Africa gessit.
 itemq; Mago frater eius, usq; ad P. Sulpitiū, C. Aureliū
 consules. His. n. magistratibus legati Carthaginēses Ro-
 mā uenerunt, q̄ senatui populoq; Ro. gratias agerent, q̄
 cū his pacem fecissent, ob eāq; rem corona aurea eos do-
 narēt, simulq; peterēt ut obsides eorū Fregellis eēnt, ca-
 ptiuiq; redderētur. His ex senatuscōsulto rñsum ē, mu-
 nus eorum

nus eorū gratum acceptumq; esse, obsides quo loco roga-
 rent futuros, captiuos nō remissuros, q̄ Annibalē, cuius
 opa susceptum bellū foret, inimicissimū noi Romano, et
 nunc cū imperio, apud exercitum haberent, itemq; fra-
 trem eius Magonem. Hoc responso Carthaginenses co-
 gnito, Annibalē domum Magonemq; reuocarunt. Hic,
 ut rediit, praetor factus est, postq̄ rex fuerat anno se-
 cundo et uigesimo. ut enim Romae consules, sic Cartha-
 gine quotannis annui bini reges creabantur. In eo ma-
 gistratu pari diligentia se Annibal praeuit ac fuerat
 in bello. nanq; effecit ex nouis uectigalibus, non solum
 ut esset pecunia, quae Romanis ex fœdere pederetur,
 sed etiam superesset, quae in aerario poneretur. Deinde
 anno post praeturā M. Claudio, L. Furio Coss. Romani
 legati Carthaginem uenerunt. Hos Annibal sui expo-
 scendi gratia missos ratus, priusq̄ his senatus daretur,
 nauem cōscendit clam, atq; in Syriam ad Antiochum
 profugit. Hac re palam facta Pœni naues duas, quae
 eum cōprehenderent, si possent cōseq. miserunt. bona
 eius publicarunt, domum à fundatis disiecerunt, ipsum
 exulē iudicarunt. At Annibal anno tertio, postq̄ domo
 profugerat L. Cornelio, Q. Minutio Coss. cum qnq; na-
 uibus Africam accessit in finibus Cyrenæorū, si forte
 Carthaginenses ad bellū Antiochi spe fiduciaq; indu-
 cere posset, cui iam psuaserat, ut cū exercitibus in Ita-
 liam proficisceretur. huc Magonem fratrem exiuit. Id
 ubi Pœni rescuerūt, Magonem eadem, qua fratrem pœ-
 na, affecerunt. Illi desperatis rebus cū soluissent naues,
 ac uela uentis dedissent, Annibal ad Antiochum pue-
 nit. de Magonis interitu duplex memoria prodita est.

nāq; alij naufragio, alij à seruis ipsius interfectum eū
 scriptum reliquerunt. Antiochus autem si tam in agen-
 do bello parere uoluisset cōsilijs eius, quā in suscipien-
 do instituerat, propius Tyberi, quā Thermopylis, de
 summa imperij dimicasset. quē etsi multa stulte conari
 uidebat, tñ nulla deseruit in re. Præfuit paucis nau-
 bus, quas ex Syria iussus erat in Asiā ducere, hisq; ad-
 uersus Rhodiorū classē in Pāphylia mari conflixit.
 quo cū multitudine aduersariorū sui superarentur, ipse
 quo rem gessit, fuit superior. Antiocho fugato, uercens ne
 dederetur, qđ sine dubio accidisset, si sui fecisset potesta-
 tem, Cretam ad Gortynios uenit. ut ibi, quo se cōferret,
 consideraret. Vidit aut uir omniū clarissimus magno
 se fore piculo, nisi qđ præuidisset, propter auaritiā Cre-
 tensium. magnā. n. secum pecuniā portabat, de qua scie-
 bat exisse famā. Itaq; capit tale consiliū, amphoras cō-
 plures complet plūbo, summas operit auro et argento.
 has Gortynijs pñtib; deponit in templo Dianæ, simu-
 lans se suas fortunas illorū fidei credere. His in erro-
 rem ductis statuas æneas, quas secum portabat, oēs sua
 pecunia complet, easq; in propatulo domi abiicit. Gor-
 tynij templum magna cura custodiunt, non tam à cæ-
 teris, qđ ab Annibale. ne qđ ille insciētibus illis tolleret,
 secumq; portaret. Sic cōseruatis suis rebus, pœnus, illu-
 sis Cretensibus omnibus, ad Prusiā in Pontum puenit.
 apud quē eodem animo fuit erga Italiam, neq; aliud
 quicq; egit, qđ regē armarit et excitarit aduersus Roma-
 nos. Quem cū uideret domesticis rebus minus esse ro-
 bustū, conciliabat cæteros reges, adiungebatq; bellico-
 sas nationes. Dissidebat ab eo Pergamenus rex Eume-
 nes Romanis

nes Romanis amicissimus, bellūq; inter eos gerebatur et mari & terra, quo magis cupiebat eū Annibal opprimere. sed utrobique Eumenes plus ualebat p̄ Romanorū societatem. quem si remouisset, faciliora sibi cætera fore arbitrabatur. ad hunc interficiendum talem inijt rationem. Classe paucis diebus erant decertaturi, superabatur nauium multitudine, dolo erat pugnandum, cū par non esset armis. imperauit q̄ plurimas uenenatas serpentes uinas colligi, easq; in uasa fictilia conijci. Harū cū confecisset magnā multitudinem die ipso, quo facturus erat nauale præliū, classiarios cōuocat, hisque præcepit, oēs ut in unā Eumenis regis concurrant nauē, a cæteris tm̄ satis habeant se defendere. id facile illos serpentū multitudine consecuturos. Rex autē quanaue ueheretur, ut scirent se facturū, quē si aut cepissent, aut interfecissent, magno his pollicetur præmio fore. Tali cohortatiōe militū facta, classis ab utrisq; in præliū deducitur. quarū acie constituta, priusq̄ signum pugnae daretur, Annibal, ut palam faceret suis, quo loco Eumenes esset tabellariū in scapha cū caduceo mittit, q̄ ubi ad naues aduersariorū puenit, epistolam ostendens se regem professus est quærere. statim ad Eumenē deductus est, q̄ nemo dubitabat aliqd de pace esse scriptum. Tabellarius ducis naue declarata suis, eodem, unde ierat, se recepit. At Eumenes soluta epistola nihil in ea reperit, nisi qđ ad irridendū eum ptineret. cuius & si cām mirabatur, neq; reperiēbatur, tamen præliū statim committere non dubitauit. Horū in concursu Bithynij Annibalis præcepto uniuersi nauem Eumenis adoriuntur. quorū uim cū rex sustinere non posset,

fuga salutem petijt, quam cōsecutus non eſſet, niſi intra ſua praſidia ſe recepisset, quæ in proximo litore erāt collocata. Reliquæ Pergamenæ naues cum aduerſarios premerent acrius, repente in eas uafa fictilia, de quibus ſupra mentionē fecimus, conijci cœpta ſunt. quæ iacta initio riſum pugnantibus excitauit, neq; quare id fieret, poterat intelligi. poſtq̃ autem naues cōpletas conſpexerunt ſerpētibus, noua re pterriti, cum qd poſſimū uitarent, nō uiderent, puppes auerterūt, ſeq; ad ſua caſtra nautica retulerunt. Sic Annibal conſilio arma Pergamenorum ſuperauit, neq; tum ſolum, ſed ſæpe alijs pedestribus copijs pari prudentia pepulit aduerſarios. Quæ dum in Aſia geruntur, accidit caſu, ut legati Prusiæ Romæ apud L. Quintiū Flaminiū conſulem cœnarent, atq; ibi de Annibale mētiōne facta, ex his unus diceret, eum in Prusiæ regno eſſe. Id poſtero die Flaminius ſenatui detulit. Patres conſcripti, q̃ Annibale uiuonunq̃ ſe ſine inſidijs futuros exiſtimabant, legatos in Bithyniā miſerunt, in his Flaminiū, q̃ à rege peterent, ne inimiciſſimū ſuū ſecū haberet, ſibiq; dederet. His Prusiæ negare auſus non eſt, illud reſauit, ne id à ſe fieri poſtularent, qd̃ aduerſus ius hoſpitij eēt. ipſi, ſi poſſent, cōprehenderent. locum, ubi eſſet, facile inuēturos. Annibal. n. uno loco ſe tenebat in caſtello, qd̃ ab rege datum erat muneri. idq; ſic ædificarat, ut in oībus partibus ædificij exitus haberet, ſemp̃ uerēs, ne ſu eueniret, qd̃ accidit. Huc cum legati Romanorū ueniſſent, ac multitudine domū eius circūdediſſent, puer ab ianna proſpiciens Annibali dixit, plures præter conſuetudinē armatos apparere. q̃ imperauit ei, ut oēs fores ædificij

arcumiret, ac propere sibi renuntiaret, num eodē modo undiq; obsideretur. puer cū celeriter, qd cēt, renun-
 ciasset, omnesq; exitus occupatos ostendisset, sensit id nō
 fortuito factū, sed se peti, neq; sibi diutius uitā esse re-
 tinendā quā ne alieno arbitrio dimitteret, memor pri-
 stinarum uirtutū, uenenum, qd semper secum habere
 consueuerat, sumpsit. Sic uir fortissimus multis uarijsq;
 pfunctus laboribus, anno acgeuit septuagesimo. Qui-
 bus cōsulibus interierit, nō cōuenit. nanq; Atticus M.
 Claudio Marcello, et Q. Fabio Labeōe Coss. mortuū in
 annali suo scriptum reliqt. at Polybius Acmylio Paulo
 et C. Bebilo Pamphilo. Sulpitius aut P. Cornelio Cethe-
 go et Bebilo Pamphio. Atq; tantus uir tantisq; bellis di-
 strictus, nō nihil tēporis tribuit literis. nāq; aliquot eius
 libri sunt Græco sermone cōfecti. in his ad Rhodios de
 C. Manlij Valonis in Asia rebus gestis. Huius bella ge-
 sta multi memoriæ prodiderunt. sed ex his duo, qui cū
 eo in castris fuerunt, simulq; uixerunt, q diu fortuna
 passa ē, Philenius et Sosilus Laedæmonius, atq; hoc So-
 silo Annibal literarum græcarum usus est doctore. Sed
 nos tempus est huius libri facere finem, et Romanorū
 explicare imperatores, quo facilius collatis utrorumq;
 factis, q uiri præferendi sint, possit iudicari. Finis.

a b c d e f g h i k l m n o p q r s t u x
 y z A B C. Oēs quaterniones præter C ternionē.

VENETIIS IN AEDIBVS ALDI ET
 ANDREAE ASVLANI SOCERI,
 MENSE IAN. M. D. XXII.

5818021



